

31(60) 2/VIII.-8/VIII.2001. ფასი 60 თ.

1168
2001

ნოდარ ახალკასი —
ქართული ფეხბურთის
ტრიუმფის ავტორი

ჩვენი
ჟურნალისტი
სოსუმიდან
დაბრუნდა

ინტერვიუ ბიორგი სანაიას მოქალაქებთან

მამა ზენონი:

გიორგი
სიკვდილამდე
მცირე ხნით
ადრე ეზიარა

ბედისწერა — რომანის დასასრული





**ყოფილი ბანკი უსუბი
მშრალ ხიდთან საქმიანობს:**

**— ამ ადგილის გაკონტროლებას ბევრი ცდილობს...
დახლზე რას აწყობია. — „მასკიროვკა“.
სინამდვილეში კი სულ სხვა ვაჭრობა მიდის...**

მინიატურები

მიღით თქვენს პაპის-პაპებთან! 3

მოქალაქი

მამა გენონი:
ბიორბი სიკვდილამდე
მცირე ხნით ალრა ეზიარა... 4

აფსაჯეთი

მე საზღვარზე არ გადავსულვარ -
მე სამშობლოს ერთი ნაპირიდან
მეორეზე გადავედი მხოლოდ... 6

სტუმრები

ჩემი გოგონები საქართველოში
ჩავახეთიდან შემოვიდნენ 9

ტრაგედია

ერემოს ცნობილი ღუქანი
ბაბუაჩემს ეკუთვნოდა 11

კვლევა

ვეკებ სონსორს,
რომელიც მიკატრონებს 14

ტანტი

ერთგული მკითხველი 16

დაბიანი

საქართველოს წარსულით
მოვაჭრა ყოფილი პანკი 17

შეაოწმეთ თქვენი ცოლი

ტესტი ერუდინიაზე 19

კრიმინალი

- საღისტური მკვლელობა
თემქაზე 20
- სასამართლო გამოძიება
ღასრულდა, ბანაჩენი კი
არა ღა არ ჩანს 22

ნაფიქვი ავბაზი

გორბა ბაჩა და
ქონდრისკანები 24

მეაქიფარობა

ქალი კართაგენის
ქალღმერთის სახელით 26

შეჩაბული წაი

... შევყურებდნენ, როგორ
ელუნებოდა ღვინიებს
და წიქარებს 29

ფსიქოლოგიური თაბაზი

მხოლოდ ქალბისათვის:
გამაპანები, რომელთაც ვირჩევთ... 30

სამყარო

გაზლი - ვიტამინების კონა 32

წინადადები

„ვახტანგ მეფე ღმერთს
უყვარდა“ 34

**მე საზღვარზე არ გადავსულვარ - მე სამშობლოს
ერთი ნაპირიდან მეორეზე გადავედი მხოლოდ...**



ის, რასაც ახლა ვწერ, ის, რასაც
განვიცდი და ამ წერილის საშუ-
ალებით ვფიქრობ, თქვენც გან-
გაცდევინებთ - ცარიელი ემოციაა.
ღიბს, მე მოგიყვებით აფხაზეთზე,
სოხუმზე - ოლონდ, არა ისეთზე,
როგორც თქვენ ვახსოვთ, არამედ
ისეთზე, როგორც მე ვნახე.

6

**ვეკებ სონსორს,
რომელიც მიკატრონებს**

რომ ვკლები და მოკლე კაბა
მაცვია, ვცდილობ, საკუთარი ქცე-
ვა ვაკონტროლო, ფეხი ფეხზე არ
გადავიდო... თუ ბიჭს კალთაში არ
ჩავუჯლები, ეს იმას არ ნიშნავს,
რომ მეგობრობა არ ვიცი...



14

**„დაკბილი ოთახიდან მოგაგვდავო
ქმრის სრული მესმოდ“**



თბილისში, კიდეც ერთი საღის-
ტური მკვლელობა მოხდა. თემქის
დასახლების სამართალდამცავებ-
მა ბინის კარი შეამგერიეს. ჯიბო
სადღობელაშვილი მათ მთვრალი
დახვდათ, ხოლო ოთახში, მისი მე-
გობლის - ვანო არჩვაძის დანით
აჩეხილი უსულო გვაში ვგლო...

20

**ერემოს ცნობილი ღუქანი
ბაბუაჩემს ეკუთვნოდა**

გამოცხადდა კონკურსი - „სა-
ველე სამზარეულოების დათვა-
ლიერება“. მამაჩემს მივწერე -
არიქა, მიშველეთ-მეთქი. მამამ კი,
არც აცია, არც აცხელა - კონ-
ვერტებში ჩვენებური სხვადასხვა
სუნელი ჩამიყარა და გამომიგზა-
ვნა. უფროსებს სუნელები „ქლანი“
ეგონათ...



11

სასარგავლო აზრები

აუორიგოების ენციკლოპედია 35

ახალკაცი

ქართული ფესბურთის ტრიუმფის ავტორი 36

გიჟენი

გობიერთი სიკვდილის შექმნას მდიდრდება 39

პარსკლავი

ჰოლივუდის კიდევ ერთი - საკაგელი გოგონა - ქებით ჰალსონი 42

რომანი

ნიკო აშკარელი. ბედისწერა (დასასრული) 44

ვიპროკინა

დაისვენეთ, ბაერთეთ, იმარჯიშეთ! 48

ესკიზები

„ღღეს ბაბრათიმონს აღარ მარტყია მეფე ერეკლეს პირბასრი ხეალი“ 49

ანტიფარსანტი

ინფორმაციულ-შეგვისნებითი კოლაჟი გონა ღვალის უბის წიგნაკიდან 50

ავტო

ჯანვრეთლოვა 52

სალ ღავისვენოთ?

● სალ ღავისვენოთ? 54

● ჩვენი პატარა 54

● სამკურნალო მცენარეები - კაბაბალახა 55

● ცოფი 56

● კითხვა-პასუხი 57

მაგნატი

უნივერსალური მუსია მუსია 58

სანოვარი

კვირის (6-12 აბვისტო) 61

კოროსკოვი

ასტროლოგიური პროგნოზი 62


ტანტი

როგორი მეგობარი ხართ? 63

კალენდოსკოვი

ჩრქულ-ჩრქული ამბები 64

ღღეს ბაბრათიმონს აღარ მარტყია მეფე ერეკლეს პირბასრი ხეალი



ბევრმა არ იცის, რომ ყველა დროის ქართველი კრიმინალების საყვარელი სიმღერის - „აბა, ყვავებს ვინ დაიჭერს, კარგო, გალიაში ბულბულები მიან“, - ტექსტის ავტორი პეტრე გრუშინსკია.

49


ქართული ფესბურთის ტრიუმფის ავტორი

ნოდარ ახალკაცი დიდი გუნდის შესაქმნელად, ფაქტობრივად, მის ხელმძღვანელად დანიშვნამდე კარგა ხნით ადრე ემზადებოდა. ერთი ჩვეულება ჰქონდა ყოველ საღამოს, ვარჯიშის შემდეგ, ჩანაწერებს აკეთებდა სპეციალურ რვეულში.



36

ჰოლივუდის კიდევ ერთი - საკაგელი გოგონა




სამინებლის კარზე წარწერაა: „აქ ეწვევიან!“ იგულისხმება - „ეწვევიან მარბუანას“. ქეთი და კრისი იშვიათად ათევენ ღამეს სახლში - დროს ისინი, როგორც წესი, ახალგაზრდულ კლუბებში ატარებენ.

42

ბედისწერა

ნინომ ახლად შენიშნა, რომ ქარს ღრუბელი გაეფანტა და ციდან დაშვებული მზის სხივები გიგანს საფლავსა და ორი ბავშვით ხელდამშვენებულ ცისიას ეცემოდა.



44

გარეკანზე: ბიორგი შორაშულიანის კოლაჟი
სასოფლომეურნეობა-კოლტიკური შურნალი „გზა“ ბაჟოლის კვირაში ერთხელ, სუთუაბათობით გაზეთ „კვირის კალიტრის“ დამატება შურნალი ხელმძღვანელობს თავისუფალი პრესის პრინციპებით. რედაქციის აზრი შესაძლოა არ ეთხვეოდეს მასალის ავტორის აზრს.
მთავარი რედაქტორი: ზურაბ აბაშიძე
რედაქტორი: გონა ტყეშელაშვილი
მენეჯერი: კიაზო ბიჩინაშვილი
მისამართი: თბილისი, აკურის ქ. №8 ტელ: 33-50-32
შურნალი იბეჭდება გამომცემლობა „კოლორში“

მიდი თქვენს ჰაპის-ჰაპენთან!



კიდევ ერთი ქართველი სპორტსმენი აპირებს „გამამლუქებას“ – ძიუდოისტმა გიორგი ვაზა-გაშვილმა სპორტის დეპარტამენტს უცადა, უცადა და როდესაც დაპირებული სტიპენდია რამდენიმე თვის მანძილზე აღარ აღირსეს... თქვენი დედაც, თქვენი მამაც და თქვენი პატრონი ქვეყანაცო – გამოაცხადა და ჩემოდნების ჩალაგებას შეუდგა...

ქართული სპორტის ჩინოსნებმა, ცხადია, მაშინვე „ერის, საქმისა და კოლეგების მოლაღატედ“ გამოაცხადეს, თუმცა ამ „კოლეგათაგან“ ერთ-ერთმა – გიორგი რევაზიშვილმა პირიქით, მხარი აუბა და თვითონაც ისრაელში გადაბარგებაზე ალაპარაკდა, თან ვაზაგაშვილის არგუმენტაციაც მოაყოლა: დედა ბერძენი ჰყავსო...

ახლა, ბევრმა შეიძლება იფიქროს, რა დროს სპორტია, ქვეყანა თავზე გვენგრევსო. მაგრამ სწორედ ამიტომ მოვიყვანე სპორტსმენების მაგალითი – გინდ პროვოკაციად ჩამითვალონ, გინდ „აჯანყებისკენ მოწოდებად“... არ გაძლევენ პენსიას? – მიდი და დაწევი რუსთაველზე! დაგიგვიანეს ხელფასი 16 თვით? – ადექი და გადაკეტე კრწანისის რეზიდენციისკენ მისასვლელი გზა! ასაღები გაქვს დავრდომილობისთვის კუთვნილი დახმარება? – მაინც ათორიე წელი და ხიკეტი თავში, ვისაც საჭიროა, ისე, რომ შენი ფულიც მოგცეს და თავისიც გადმოაყოლოს!

არ გამოდის, ძმაო, სხვანაირად „ამათთან“ ურთიერთობა და რა გინდა, რომ იღონო?

თუ იმის თავი არ გაქვთ, რაც მოგახსენეთ, მაშინ თქვენც ქართველ სპორტსმენთა მიერ გაკვალულ გზას უნდა დაადგეთ: საზღვარგარეთ უნდა გადაიხვეწოთ და იქ მოგცემენ აქ ასაღებ პენსიადახმარებებს. თანაც, ეს „გზა“ მართლა სპორტსმენების აღმოჩენილი ხომ არ არის – „მამლუქობა“ და „ემიგრაციის სხვადასხვა ფორმა“ საუკუნეების მანძილზე არსებობდა ჩვენში და ზოგმა

„შაპის ცოლობასაც გამოჰკრა ხელი“!

საქართველო პატარა ქვეყანაა, ხალხი კი იმაზე მეტი ცხოვრობს, ვიდრე საჭიროა. განსაკუთრებით ჭარბად არიან მასწავლებლები, პენსიონერები, უმუშევრები და ხელისუფლების მოწინააღმდეგეები. ამიტომ საჭიროა, სასწრაფოდ შემუშავდეს სახელმწიფო პროგრამა ზემოთ ჩამოთვლილი კატეგორიის ადამიანების გასაინტერალებლად – მაღალკვალიფიციური ქირურგების დეფიციტს ნაღდად არ განიცდის ჩვენი ქვეყანა, რამენაირად მათი ხელფასების თანხა მაინც უნდა გამოიძებნოს და დანარჩენებს სასწრაფოდ უნდა გაუკეთონ ტვინებისა და კუჭების ამპუტაცია. აღარც მოშივდებათ, აღარც არაფერს მოითხოვენ და იქნებიან სულ „გადიმებულები“!

ცხადია, ხარჯი მეტი იქნება, მაგრამ ისევ ეს სჯობს, თორემ ყველა ენატლიკინა რომ პირდაპირ მოკლა, ამან რა შეიძლება გამოიწვიოს, გასულმა კვირამაც დაადასტურა...

P.S. ემიგრაციასა და მის მიზეზებზე ვლაპარაკობდით დასაწყისში – ვიდაცამ თავისი ბერძნობა მოიყვანა ქვეყნიდან გაქცევის არგუმენტადო. ესეც გამოსავალია და ამაზეც შეიძლება ფიქრი: ამდენი ხალხის წვალებას, ტვინებისა და კუჭების ჭრას თუ კომპლექსების ტრიალს, იქნებ სჯობდეს, იქ – „ზემოთ“ რომ სხედან, ვისაც სადაური დედა, ბებია თუ მეზობლის კაცი ჰყავს – იმ ქვეყანაში წავიდეს?! მაშინ ხელფას-პენსიების მჭამელებიც აღარ იქნებიან და ქვეყანაც ქვეყანას დაემსგავსება.

ნუთუ არ უხმობენ „წინაპართა ძვლები“? წადით რა, ძმაო, „სად მამა-პაპა გეგულვით, იმათი კუბოს ფიცარი“.

პროვოკატორი



ღარი ბრძოლები

გიორგი სანაიას მკვლელობამ საერთო-სახალხო კლოვა გამოიწვია. ის ხალხმა ისე დაიტირა, როგორც გამოჩენილ საზოგადო მოღვაწეს დაიტირებდა. პანაშვიდებზე ჯერ არნახული ამბები ხდებოდა – სამძიმარზე ყველა ეროვნების, სოციალური ფენისა თუ ასაკის ადამიანს ნახავდით.

ასეთ დროს ჭორების გავრცელება უკვე მრავალგზის ნაცადი ხერხია. ყველას გვანახოვს, 9 აპრილის დღეებში, ფარული პოლიტაგიტატორები ათას სისულელეს რომ ჰყვებოდნენ მოშიშნილებსა და ეროვნული მოძრაობის ლიდერებზე... ჭორები აგორდა მაშინაც, როცა მერაბ კოსტავა და ზურაბ ჭავჭავაძე საეჭვო ავტოკატასტროფაში დაიღუპნენ. მაშინ ბევრი, თუთიყუშით იმეორებდა გაგონილს, რადგან ენას ძვალი არ აქვს, თანაც – რაც უფრო უაზრო და ულოგიკოა ტყუილი, ხალხში მით უფრო იოლად ვრცელდება...

ახლა, ჯერ კიდევ მკვლელობის დამეს, კორპუსის წინ შეკრებილ ხალხში რამდენიმე „არამკითხე მოამბე“ დაძვრებოდა და ვითომ სასხვათაშორისოდ, ათას ვერსიას ჰყვებოდა ნარკოტიკებისა და ნარკომანიობის შესახებ. ექსპერტიზის შემდეგ ამ ჭორმა აზრი დაკარგა და ამის შემდეგ „არამკითხებმა“ უკვე პანაშვიდის რიგში გადაინაცვლეს – აქაც, ვითომ სასხვათაშორისოდ ჰყვებოდნენ ათასგვარ სისულელეს...

ყველას ღმერთმა შეუნდოს...

ამ მძიმე დღეებში გიორგი სანაიას მოძღვარს ვთხოვეთ, შეგვხვედროდა...

მამა ზენონს საპატრიარქოს კარიბჭესთან ველოდი. მანქანით მოიყვანეს. ძალიან დაღლილი ჩანდა. მისი თანმხლები ყმაწვილი სთხოვდა – მამაო, დაღლილი ხარ, მერამდენე დღეა ფეხზე დგახარ, დასვენება გჭირდება, შინ წავიყვანთო... ვერაფერი შეასმინა. ალბათ იმიტომ, რომ მოცემული სიტყვის გატეხა არ უნდოდა. ბიჭი და მანქანაში მსხდომნი დალოცა, დაემშვიდობა და საპატრიარქოს ეზოში შემიძღვა. საპატრიარქოში, ერთ-ერთ ოთახში ვსხედვართ. ძნელია, რაიმე ჰკითხო მშობელს რამდენიმე საათის წინ დაკრძალული შვილის შესახებ. კიდევ უფრო ძნელი ყოფილა, მოძღვარს გარდაცვლილი სულიერი შვილის შესახებ ელაპარაკო...



მამა ზენონი:

გიორგი სიკვდილად მსირა ხნით აღრა ეზიარა...

ჩემი დიქტოფონი კარგა ხანს იწერდა ოთახში დასადგურებულ სიჩუმეს. მოძღვრის თვალებმა გამამხნევა – ზომ დაღლილი იყო, მაგრამ იმდენად მშვიდი, რომ ამ სიმშვიდეს გარშემომყოფთაც გადასცემდა.

ალბათ, ყველაზე მარტივი, ამავე დროს კი რთული, შეკითხვა იყო...

— რა არის სულიერება?

— სიკვდილის მოახლოება რომ უგრძნებია, ალექსანდრე მაკედონელს ახლობლებისთვის დაუბარებია – როდესაც ჩემი სასახლიდან გამასვენებთ, მარჯვენა ხელი კუბოდან გადმომიყავით, რათა ყოველმა ნახოს, რომ ამ ქვეყნიდან ცარიელი ხელით მივდივარ და არა რა მიმაქვსო...

პავლე მოციქული ამბობს: ამქვეყნად არაფერი მოგვიტანია და, ცხადია, ვერაფერს წავიღებთო. მთელი არსი და მოწოდება ამქვეყნად ცხოვრებისა ის არის, რომ შენი გზა ღირსეულად განვლო – ეს არის სულიერება...

სულ ჩნდება ხოლმე კითხვა – როგორ უნდა იცხოვროს ადამიანი, როგორ უნდა გაიაროს ეს გზა? მაკარი დიდთან ერთი ახალგაზრდა მივიდა და ჰკითხა – როგორ ვიცხოვრო? სანამ გეტყვოდე, ჯერ წადი და მკვდრები შეურაცხეავიო. დამორჩილდა... გი პასუხეს რამეო? – ჰკითხა დაბრუნებულს ბერმა. არაფერიო. მაშ ახლა წადი, აქე და ადიდეო. ახალგაზრდა დაბრუნდა და უთხრა, არც ახლა გაუციათ ჩემთვის პასუხიო. მაშინ უთხრა მაკარი დიდმა – როდესაც შენი ცხოვრების გზაზე გინებას და ქებას მოგიძღვნიან, ეს მკვდრები გაინსენე და მაგათ ემსგავსეო... ამაში ძალიან დიდი ცხოვრებისეული სიბრძნეა. რა თქმა უნდა, ერთადერთი სიმდიდრე, რაც ამქვეყნიურ ცხოვრებაში შეიძლება ადამიანმა მოიხვეჭოს, სახელია. მაგრამ სახელის მოპოვება პატივმოყვარეობითი არ უნდა იყოს – სახელის მოხვეჭაზე კი არ უნდა ვიფიქროთ, არამედ სიკეთის ქმნაზე. კიდევ, ეს არის სულიერება... მაგრამ არც ისე იქნება, რომ იარო და სხვებს უსმინო, იმაზე იფიქრო, თუ როგორ მოაწონო ყველას თავი... არც არის აუცილებელი, რომ ქვეყნად ყველას უყვარდეთ. მთავარი ის არის, რომ შენი სავალი გზა სწორად განვლო, სიკეთე აკეთო. ზნეობრივად სუფთა და უნაკლო ადამიანები არ იბადებიან – ასეთები ხდებიან. წმინდა მამები ამბობენ: ვინც ცდილობს, გახდეს ზნეობრივი, მას უკვე შეიძლება ეწოდოს ზნეობრივი.

მთავარია, შენი საკუთარი თავის დანახვა შეძლო – შენი დადებითი და უარყოფითი მხარეებისა. მაგრამ ეს ჯერ კიდევ არ არის ყველაფერი – მთავარი განსაცდელი ამის მერე იწყება და ზომიერებაც მაშინ გჭირდება ადამიანს – როდესაც შენს თავს დაძლეე და საკუთარ ნაკლოვანებებში გამოუტყდები, ამან არ უნდა შეგაშინოს. შენს თავს ის კი არ უნდა უთხრა, როგორ ვარ ასეთიო, არამედ რატომ ვარ ასეთიო...

ამ ორ ცნებას შორის დიდი სხვაობაა. „როგორ“ – ამპარტანებიდან მოდის და სიძულვილი, ცვლილების სურვილს შთანთქავს. „რატომ“ – უფრო, სინანულის კითხვაა, საკუთარ თავში დანახულ ნაკლოვანებასთან შეუგუებლობა.

სულიერებაა, როცა ადამიანი ზოგჯერ „გაუჩინარდება“ ხოლმე, – შეუმჩნეველად უნდა იცხოვრო, შენი თავისთვისაც კი უნდა „გაუჩინარდე“, თვინიერი იყო...


წინააღმდეგ შემთხვევაში, ძლიერ მორწმუნე კი შესაძლოა, ხიბლში ჩავარდეს — რაც არარეალური მდგომარეობაა. იცით, შეიძლება ითქვას, რომ ჩვენ ყველანი მეტ-ნაკლებად ხიბლში ვართ...

ეკლესიის მოწოდება და არსი იმაში მდგომარეობს, რომ ადამიანებმა ერთმანეთში დადებითი თვისებები, მისი რეალიზების საშუალება აღმოაჩინონ.

სულიერებასთან დიდ წინააღმდეგობაში მოდის სასოწარკვეთაც. ვინ არის სასოწარკვეთილი? — ვინც არასწორად იცხოვრებს. სასოება, ეს არის მოლოდინი რისიმე სასიკეთოდ შეცვლისა. სასოწარკვეთა კი შეგუებაა, ყოველდღიური ყოფის სიღუბნისთან შეგუება.

ჩვენი საზოგადოების პრობლემა იმაში მდგომარეობს, რომ საკუთარი თავის დანახვა გვაშინებს. — ჩვენ ხომ არა ვართ ერთმანეთზე უკეთესები. ჩვენ ყველანი ერთნაირები ვართ. განსხვავება მხოლოდ იმაშია, რომ ვიღაცაზე ღმერთმა ის განსაცდელი არ დაუშვა, ვიღაცაზე კი დაუშვა. განა იმიტომ, რომ უკეთესი გამოარჩია, უბრალოდ, სუსტი, განსაცდელს ვერ გაუძლებდა და დაიღუპებოდა. ჩემი აზრით, საკუთარ თავს თამამად, გულახდილად უნდა ელაპარაკო.

ძალიან დიდი სიფრთხილე მართებს მოძღვარსაც — განსაცდელი ხომ მასაც ევლინება... ზოგჯერ ხდება ხოლმე, რომ თავისდა უნებურად მღვდელი ცდილობს ქრისტეს ადგილი დაიკავოს, მისი ადგილი დაჩრდილოს თავისი მრევლის თვალში. სწორედ ეს იწვევს ხოლმე შემდეგ ეკლესიაში დავას და განხეთქილებებს.



ხალხი კი გულუბრყვილოა, როგორც დევნილს, თავის მოძღვარს ისე გაჰყვება ხოლმე. ერთი წმინდა მამა წერს: მაცხოვარი ვირზე იჯდა, იერუსალიმში რომ შედიოდა. აღტაცებული ხალხი პალმის რტოებს და სამოსს უფენდა. მათზე ვირი დადიოდა და არა მაცხოვარი, რომელიც ვირზე იჯდაო. როგორ გგონიათ, ვირს რომ ეფიქრა, პალმები და სამოსი ჩემს პატივსაცემად გაფინესო, მართალი იქნებოდა? — მოძღვარმა ქრისტე ვერ საკუთარ მხრებზე უნდა მოიპოვოს, შემდეგ კი, როდესაც პალმებსა და დიდებას მოიპოვებს (თუ მოიპოვებს), სწორედ ის ვირი გაიხსენოს, რომელზეც მაცხოვარი იჯდა, რათა ხიბლში არ ჩავარდეს.

— როგორც მოძღვარს, გიორგი სანაიასთან ახლო ურთიერთობა გქონდათ...

— მე ძალიან მიყვარდა ეს ადამიანი... თავისი ღირსებებით... იცით, ყველაზე კარგი ღირსება რა ჰქონდა? ურთიერთობის დროს ყოველთვის მოკრძალებული იყო. ჩვენ ბევრი საერთო მეგობარიც გვყავდა. თბილისში ხომ ყველანი ისედაც ვიცნობთ ერთმანეთს. ხშირად ყოფილა შემთხვევა, რომ მათი პირით ჩემთვის სიყვარული და მადლობა შემოუთვლია.

ვერ დავივიწყებ ერთ შემთხვევას: გიორგიმ თავის ერთ-ერთ გადაცემაში მიმიწვია, კომენტარისთვის. გადაცემა თითქოს ჩვეულებრივად მიმდინარეობდა. მისი დასრულების შემდეგ კი გიორგის თავისი ახლობლებისთვის უთქვამს — მეც არ ვიცი, რა დამემართა, მასთან ერთად ეთერში, არა როგორც რესპონდენტთან, არამედ როგორც მოძღვართან, თავს ისე ვგრძნობდი: მონუსხული ვიჯექი, ხმაც ვერ ამოვიღეო...

ხშირად გვისაუბრია სხვადასხვა თემაზე — სხვაანაირად გულისხმიერი და თავმდაბალი იყო, გრძნობდი, როგორ გისმენდა, ცდილობდა, რაღაც ახალი შეეთვისებინა და ესწავლა...

გიორგი სიკვდილამდე მცირე ხნით ადრე ეზიარა. დამშვიდებული ვარ, რომ იმქვეყნად მომზადებული წავიდა. ერთ რამეშიც ღრმად ვარ დარწმუნებული: გიორგი უფლის სამსჯავროზე პირნათელი წარდგებოდა და ზეციურ სამყაროში ლოცულობს საქართველოს გადარჩენისთვის.

— გიორგი სანაია ხალხმა ღვიძლი შელივით დაიტრია. ამას თავისი ლოგიკური მიზეზებიც ჰქონდა — გიორგი არასოდეს

ყოფილა „ინტრიგანი“ ჟურნალისტი. პირიქით, ყოველთვის ახერხებდა, ეთერში ერთმანეთთან დაპირისპირებულ ადამიანებს თავიანთი აზრი ისე გამოეთქვათ, რომ ამით არავინ დამცირებულყო. მიუხედავად დიდი პოპულარობისა, ქედმაღლობა არასოდეს მოსძალებია. ხალხმა ალბათ იმიტომაც შეიყვარა, რომ ის უბრალო ოჯახის შვილი იყო და ყველაფერს საკუთარი ნიჭითა და უნარით მიაღწია... მომხდარი მკვლელობის გააზრებისას ერთი აზრი ამეკვიატება ხოლმე — ეს ყველაფერი მსვერპლის, ზვარაკის შერჩევას მაგონებს, როდესაც ხალხს სათაყვანებელ პიროვნებას უკლავენ, შემდეგ კი ათასნაირი ბინძური ჭორის გაფრცვლებით მის სახელს შეურაცხყოფენ. თუ ამ მცდელობას ხალხის თვალში მართლაც გაუფასურება მოჰყვა, შედეგი ყველაზე საშიში იქნება — ურწმუნობა, ნიჰილიზმი და ერთმანეთისადმი უნდობლობა, დაბეჩაყება და ყველაფერთან შეგუება...

— როდესაც სათაყვანებელ ადამიანს ამ შემთხვევაში კლავენ, სხვა შემთხვევაში შეურაცხყოფენ, ეს უპირველესად ხალხის საწინააღმდეგოდ არის მიმართული.

ვშიშობ, რომ მართალი ხართ — ეს არის უნდობლობის, ნიჰილიზმის, ყოველგვარი უზნეობისადმი შეგუების მცდელობა. ეს ადამიანებში სულის მოკვლის განზრახვაა. სულის ცხონებაც და წარწყმედაც უფლის განგებულებაა, ამდენად ეს განზრახვა ღვთის კომპეტენციაში შეჭრა არის. ასეთ დროს ჩვენ აუცილებლად უნდა გავერთიანდეთ და პატივი მივაგოთ გიორგი სანაიას — ჩვენთვის გარდაცვლილ ადამიანს. უნდა თანაუგრძნოთ ერთმანეთს და ვცადოთ, ისეთები ვიყოთ, როგორც ის იყო — ზომიერი, არასდროს შენს სულს ტყვიებს არ მიაყენებდა, არ შეურაცხყოფდა და ცდილობდა, რომ შენში სიხარული ყოფილიყო... ეს იქნება მისი პატივისცემა. თუმცა, ამავე დროს, უკიდურესობაში არ უნდა გადავვარდეთ. დავამთავრებ იმით, რითიც დავიწყეთ — სულიერება მკითხეთ, რა არისო: სულიერების საზომი არის ზომიერება. სულიერება, ზომიერებაა...

ის, რასაც ახლა ვწერ, ის, რასაც განვიცდი და ამ წერილის საშუალებით ვფიქრობ, თქვენც გან-გაცდევინებთ — ცარიელი ემოციაა, გამონვეული იმ მხარის მონახულებით, რომელსაც ცხრა წელიწადია შორიდან შევყურებთ და მისი დაბრუნების იმედით ვსულდგ-მულობთ, იქიდან მიღებულ ყოველ ინფორმაციას კი, გულისტიკივლით ვხვდებით.

დიახ, მე მოგიყვებით აფხ-აზეთზე, სოხუმზე — ოღონდ, არა ისეთზე, როგორც თქვენ გახსოვთ, არამედ ისეთზე, როგორც მე ვნახე.



თქვენ გახსოვთ სოხუმი: ეგზოტიკა, ზღვა, პალმები, აყვავებული ოლეანდრები

მე საზღვარზე არ გადავსულვარ – მე სამუდამო პრტი ნაპირიდან მეორეზე გადავდი მხოლოდ...

ლია მამულია

თქვენ გახსოვთ სოხუმი: ეგზოტიკა, ზღვა, პალმები, აყვავებული ოლეანდრები, ხალხმრავალი ქუჩები, გემოვნებით ნაგები სახლები, მოვლილი ეზოები, მოლიმარი სახეები, დამსვენებლებით გადატვირთული პლაჟები. თქვენ გახსოვთ ქალაქი, რომელსაც უწოდებდნენ სამოთხეს, მე კი ეს სამოთხე ჯოჯოხეთად ქცეული ვნახე.

რა თქმა უნდა, კვლავინდებურად ეთამაშებიან ზღვის ტალღები შიშველ ნაპირებს. მზეც ისევ დანათის ქალაქს ცისკიდურიდან, მაგრამ ქართველებს ვეღარ ვგათობს მისი სხივები. თვით სოხუმსაც დასტყობია უქართველობა, ქვაზე დაგდებული კალმახივით სულს დაფავს და შევლას ითხოვს გავერანებული ქალაქი. თუმცა, მოდი, ამ ყველაფერზე დაწვრილებით მერე მოგიყვებით...

მამ ასე, 13 ივლისი, პარასკევი. ვღვა-ვარ ენგურის მეორე ნაპირზე, იქ, სადაც ჩვენი სამშობლო საზღვრით არის გამიჯნული და აფხაზეთის საბაჟო პუნქტი მოუწყვიათ. დილიდან მეგზურს ველოდები, ის იგვიანებს. რომც მოვიდეს, ვხედავ – გადასვლა გამიჭირდება, რადგან დღეს აქ გუდაუთის სამხედრო ნაწილი დგას. ჯარისკაცები კი, იმდენად აგრესიულები არიან, არათუ მე,

არამედ ოჩამჩირის, გულრიფშის, სოხუმის „მიწერის“ მქონე ხალხსაც არ უშვებენ: წესრიგს იცავენ თავიანთი ჭკუით, არადა, „მაგარი ფულის“ კეთება მიდის: ლოდინით გულს რომ გაუწვრილებენ ამ ადამიანებს, მეტ ფულს წაართმევენ და მერე გაატარებენ...

ძალიან ცხელა. საბაჟო პუნქტთან ახლოს ჩრდილია და მომლოდინენი იქ ვიყრით თავს. ფორმიანებს 17-18 წლის დაბალი, წითური ბიჭი გამოეყო, თითი რუსების სათვალთვალ პუნქტისკენ გაიშვირა და გვითხრა: წადით, იქით დადექით, აქ თქვენი ადგილი არ არის, მოსცილდით აქაურობასო... ხმას არ ვიღებთ, მითითებული ადგილისკენ მივემართებით მდუმარედ. მე შუა გზაზე ვჩერდები და უკან ვინებები „რა გითხარი? ჩქარა გადადი იქით მხარეს!“ – დამიტატანა ცხვირმოუხოცავმა აფხაზმა. გალახული ძაღლივით მივლასლასებ. გული გასკდომაზე მაქვს, ლამისაა დამახრჩოს ბოლმამ. ცრემლებს ძლივს ვიკავებ, არ მინდა დავანახო, რომ ვტირი. რუსების პოსტთან ქვაზე ვვდები და თავს ვაიძულებ, არაფერზე ვიფიქრო, მაგრამ არ გამომდის...

მოგვიანებით ვგებულობ: მიკროავტობუსი, რომლითაც ჩემი მეგზური მოდიოდა სოხუმიდან, ოჩამჩირესთან ვიღაც ნიღბიანებმა დააყაჩაღეს. ასე რომ, დღეს

გადასვლა ნამდვილად ვერ მოხერხდება. კიდევ ორი დღე უნდა დავიცადო.

15 ივლისი, კვირა. ისევ ენგურის გაღმა ნაპირზე ვდგავარ. საბედნიეროდ, დღეს არ მომიწია დიდხანს ლოდინი: ჩემს დასახვედრად სოხუმიდან ისეთი კაცი გამოუგზავნიათ მასპინძლებს – გზაში დაყაჩაღების ხომ არა და არ ეშინია და ვერც მესაზღვრებები გაუბედავენ რამეს... მას ერთ ხელში ჩემი სამგზავრო ჩანთა უჭირავს, მეორეთი – მე თვითონ ბოჩოლასავით მივყავარ. ვენდობი ჩემთვის აქამდე უცნობ პიროვნებას, მაგრამ გულში მაინც ფაჩუნობს შიში: ვაი, თუ?.. საბაჟოზე არც ინტერესდებიან ჩემი ვინაობით – გულგრილად გამაატარეს. სამარშრუტო ტაქსიში ვვდები, უკვე იქიდან აქეთ ვიყურები და პირჯვარს ვიწერ.

დავიდარით. გალამდე თითქმის ყველაფერი ჩვეულებრივად, ჯერჯერობით მშვიდად ვათვალთვრებ არემარეს... გულში ხალხმრავლობაა – დღეს ბაზრობის დღეა და ეს არ არის გასაკვირი. თვალში მხვდება გაძარცვული, მიტოვებული სახლები, ტროტუარზე ამოზრდილი ბალახი. ქალაქის ცენტრალურ პარკში ველური ჯიშის ხე-მცენარეები და ადამიანთა არაფრისმოქმელი სახეები – ბედს შეგუებული კაცის გამომეტყველება.

გზას განვადრდობთ ოჩამჩირისკენ, ოღონდ — ქალაქში შეუსვლელად... საშინელებაა — თვალზე ხელს ვიფარებ, რათა არ დავინახო გზისპირას ჩამწკრივებული უპატრონო, ჭერჩამოქცეული, დამწვარი სახლები, გატყუებული ეზოები, სახლის შიგნით ამოსული ლეღვისა და თხმელის ხეები... მძლოლი სარკეს ასწორებს და ჩემს რეაქციას აკვირდება. უკვე ტაშიში გავიართე და კინდლს ვუახლოვდებით. სოფლის შესასვლელთან თუნუქის მამალი ძველებურად ამაყად დგას — ოღონდ, ველური მცენარეები წამოსწევთან სიმაღლეში. კინდლი... რამდენი ლამაზი მოგონება მაკავშირებს ამ ერთ დროს ხალხმრავალ, სტუმართმოყვარე, მთლიანად ქართველებით დასახლებულ და ბარაქიან სოფელთან! შორიდანვე ჩანს — მასაც ემუქრება გატყუარების საფრთხე. სადღაც სიღრმეში, თერმული წყლებისგან მოვარდნილი ორთქლი, კვამლივით მიიწევს მაღლა. ასე მგონია, ჩემი ცხოვრების რაღაც ნაწილს აქ ვტოვებ ახლა...

სოფელ მაჭარაკაში შევედით, გზისპირას დიდი სტენდი დგას, მარჯვნივ აფხაზეთის გერბია დახატული, მარცხნივ — დროშა, შუაში წარწერაა: „მშვიდობას — დიას! ომს — არა!“. მწარედ მეღიმება...

სალონში ეკალიპტის სურნელმა შემოაღწია. მე ღრმად ვისუნთქავ — ის ხომ ბავშვობიდანვე ზღვის სურნელთან ასოცირდება ჩემში. კინდლის სანაპირომ გამომიმუშავა ეს...

სოხუმის შესასვლელში პოლიციელები დგანან. გვაჩერებენ. უკვე არაფრის მეშინია — რაც მოსახდენია, მოხდეს. მზად ვარ ყველაფრისთვის. პოლიციელმა სალონში მსხდომნი გარედან შეგვათვალიერა და მერე მძლოლს ხელი აუქნია...

ჩემი მასპინძლები სიხარულით მხვდ-

თქვენ გახსოვთ ქალაქი, რომელსაც უწოდებდნენ სამოთხეს, მე კი ეს სამოთხე ჯოჯოხეთად ქცეული ვნახე...



თვალზე ხელს ვიფარებ, რათა არ დავინახო გზისპირას ჩამწკრივებული უპატრონო, ჭერჩამოქცეული, დამწვარი სახლები...

ბიან, არ სჯერათ, რომ მე ეს შევძელი (არც მე მჯერა!), მიქებენ გამბედაობას და მეკითხებიან, რამდენი დღით ვარ ჩამოსული, დაბრუნებას ხომ არ ვიჩქარებ? ყოყმანი ვპასუხობ, რომ ერთ კვირას გაგჩერდები, ისინი კატეგორიულად მიხოვენ ერთი თვით დარჩენას. ბოლოს ნახევარზე ვთანხმდებით.

ზღვა სულ რაღაც ას მეტრშია, მაგრამ ოლეანდრების ხეივანი ფარავს ჩვენგან. ვერ ვხედავ. „ზღვაზე გასვლას მოესწრები!.. — მეუბნებიან, — შენ ის მოჰყევი, რა ამბებია თქვენთან, ჩვენზე რას ამბობენ?“ მეც ვუყვები ყველაფერს, რაც მაგონდება, რასაც გონებით ვწვდები — იმ გონებით, რომელიც ენგურის ხიდიდან სოხუმამდე გამოვლილ გზაზე მიღებული შთაბეჭდილებებით არის დატვირთული...

გული გარეთ მიმიწევს, სახლში ვეღარ ვჩერდები.

აი, ზღვა — ლურჯად მოკაქამე, თბილი, მოალერსე. ნაირფერი კენჭებით აელვარებული ნაპირი. ვერაფერს ვამბობ, და მუნჯეულივით ვუყურებ უკიდვანო წყლიან სივრცეს. სანაპიროდან სადღაც 150 მეტრში, დიდ სატვირთო გემს ჩაუშვია ლუზა.

— აქაურია? — კკითხულობ.

— არა, ეგ თურქულია, აქეთ ფქვილი

მოაქვს, იქით — ხე-ტყე და ჯართი! — მპასუხობენ. რა მეთქმის — იქაც „დიდ-თურქობაა“.

— რა ცოტა ხალხია... — ირგვლივ ვიხედები.

— ეს ცოტა არ არის. პირიქით — ბევრია!

მხრებს ვიჩეჩავ: მე მახსოვს სანაპირო, რომელზეც ფეხის დასადგმელი ადგილი აღარ იყო, ამათ კი — ისეთიც ახსოვთ, როცა კაცის ჭაჭანებაც არ ყოფილა. ასე რომ, შეკამათებას აზრი არა აქვს — ისედაც ნათელია ყველაფერი...

ღამის 11 საათია. მშვიდობის გამზირზე მივაბიჯებთ. აქა-იქ ლამპიონები ანთია. მოვაჭრეებსაც უდგათ დახლები, ხალხიც კანტიკუნტად, მაგრამ მაინც გვხვდება.

ლაკობას ქუჩის გადაკვეთასთან, ტროტუარზე ვიღაც ქალი ჩამომჯდარა და თავისთვის ლაპარაკობს რუსულად: „ყოფილიყო ის გამსახურდია, რას ერჩოდნენ?! ცუდი არავისთვის არაფერი გაუკეთებია“.

მე გაკვირვებული ვჩერდები შორი-ახლოს.

— თავი დაანებე, გიჟია! ამისთანებს აქ ბლომად შეხვდები, — სიცილით მეუბნებიან თანამგზავრები. — თანაც, ეგ ერთადერთი არ არის, ვინც ამას ამბობს. შენ ხომ იცნობ მარადონას, სოხუმის კოლორიტს? ადრე აფხაზურმა გაზეთმა გადმობეჭდა რომელიღაც თქვენი გაზეთიდან მასზე სტატია: იხსენებდნენ მარადონას და წერდნენ — ნეტავი სად არის ახლა, ცოცხალი თუ არისო? თუ ვნახეთ სადმე, სურათი გადავუღოთ და შეგიძლია დაწერო, რომ ის ცოცხალი და ჯანმრთელია. ოღონდ, როგორც სხვა დანარჩენი, ისიც არ არის კმაყოფილი დღევანდელი ყოფით. დათვრება ხოლმე

საღმე, გამოვა მერე ბაზართან და შევარდნაძის გინებას იწყებ.

ჩემი იქ ყოფნის დროს მართლაც ვცდილობდი მარადონას მოხელეობას, მაგრამ ვერსად ვიპოვეთ. ერთხელ მეზობელი მოვარდა სირბილით – ბაზრის წინ დგას და წადით, იქნებ მიუსწროთო. ვერ მივუსწარი. ასე რომ, მართალია, სურათი ვერ გადავუღე, მაგრამ ამბავი ჩამოვუტანე მის ქართველ გულშემატკივრებს...

17 ივლისი. უკვე ტაშიში ვარ. ერთ დროს სახე სოფელი, დაცარიელებულია. მოსახლეობა კანტიკუნტად არის შემორჩენილი. ღამით ტურების კვილიმა არ დამაძინა, თითქმის ფანჯარასთან იყვნენ მოსულები.

ზღვისკენ მიმავალ საკმაოდ გრძელ შარავნაზე მჭიდროდ ჩადგმული, მიტოვებული და გადამწვარი სახლები დგას.

– გაიხედე, იმ სახლის კედელს რა აწერია, – ერთ-ერთი დამწვარი სახლისკენ მახელებენ.

– „ა-ვა-ზა“, – დამარცვლით ვკითხულობ და სახე მინათდება. ამ სახლში ყოფილან დაბანაკებულები, ვინ იცის, რამდენი შიში და გაჭირვება გამოუვლიათ ჩვენს ბიჭებს... – ვფიქრობ და სახლის წინ ვჩერდები. ნაბიჯის გადადგმა მიჭირს. ჩემი მხლებლები თითქოს ხვდებიან ამ გარინდების მიზეზს – თვალს მარიდებენ.

– ეს სახლები – ზოგი ქართველების გადამწვარია, ზოგი აფხაზების, –

მიხსნიან მერე. მე სინანულით ვიქნევა თავს.

19 ივლისი. ელექტრომატარებლით ვბრუნდებით სოხუმში. რომელიღაც სადგურთან სამი ხანდაზმული მამაკაცი შემოგვიერთდა. ჩემი გოგოები კროსვორდს ავსებენ. მე გაზეთს – *Республика Абхазия* ვკითხულობ.

– გოგოებო, თქვენ აფხაზები ხართ? – კითხულობს ერთ-ერთი მოხუცი.

– დიხს! – პასუხობენ ისინი.

– მერე რუსულად რატომ ლაპარაკობთ? აფხაზურად ილაპარაკეთ, შვილებო, თქვენი ენა არ დაკარგოთ. აი, მე ოსი ვარ და იმიტომ ვწუხვარ, რომ არავინ მყავს ისეთი, ჩემს ენაზე რომ დაველაპარაკო.

მე კვლავ გაზეთს ვკითხულობ, ყურადღებას არ ვაქცევ.

– ბიჭო, შენი სადგურია, უნდა ჩახვიდე! – ქართულად, დამახასიათებელი აქცენტით ეუბნება ერთი აფხაზი იმ ოს მოხუცს.

მე გაზეთს ვიცილებ და გული ამოვარდნაზე მაქვს.

– უკვე მოვედი? – გამართული ქართულით კითხულობს ოსი და ფანჯარაში იყურება.

– შენ ხომ ოსი ხარ – სხვა ენაზე რატომ ლაპარაკობ? – იქედნურად ვკითხვება მეორე აფხაზი და თვალს ჩემკენ აპარებს – ხომ კარგად ვინჟმერო...

მე კი, ლამისაა ავტირდე: ამ ოთხ დღეში თურმე როგორ მომნატრებია ჩემი ენა, ჩემი ქართული – იქ ხომ მხოლოდ რუსულად და აფხაზურად ლაპარაკობენ. თავს ძლივს ვიკავებ – მინდა იმ ოსს ვაკვსაუბრო, მაგრამ სარისკოა და ხმას არ ვიდებ. გოგოები დიმილით შემომყურებენ: მათ არ გამოჰპარვიათ ჩემი რეაქცია. გაზეთს ვიფარებ სახეზე, რომ ცრემლი არ შემამჩნიონ, გონებით კი უკვე თბილისში ვარ – იქ, სადაც ყველაფერი ქართულია და სადაც ამის დაფარვა საჭირო არ არის.

23 ივლისი. ჩემებს ვთხოვე, ეკლესიაში წავეყვანე. ახლა ღვთის სახლის კარ-

თან ვდგავარ და ლოცვით შევდივარ შიგნით. ხელში ის სანთელი მიჭირავს, რომელიც იერუსალიმიდან არის ჩამოტანილი და „კვირის პალიტრამ“ და „გზამ“ ხატთან და ლოცვებთან ერთად, საჩუქრად უძღვნა ქართველ მკითხველს. სანთელი სპეციალურად ამ დღისთვის მქონდა შენახული – ახლა ვანთებ და მაცხოვარს ვვედრები – ხელი მოუმართოს ჩემს ერს, გაამთლიანოს, გააძლიეროს და სულიერად აამაღლოს. მერე ლოცვების წიგნს ვშლი და თავიდან ბოლომდე ყველა ლოცვას ვკითხულობ, და ჩემდა გასაკვირად, არც იმ ფურცელს ვტოვებ, სადაც წერია: „აცხოვნე უფალო და შეიწყალენ ღვთივ-დაცული ერი ჩვენი, მთავრობა და მხედრობა მისი“. ვბუტბუტებ და თვითკამყოფილება მიჰყრობს. ალბათ, ეს ერთადერთი ადგილია, სადაც მე ჩემს მთავრობას ლოცვას აღვუვლენ. ეს ერთადერთი ადგილია, სადაც შემიძლია ვთქვა: „დაუმორჩილენ ქვეშე ფერხთა მათთა ყოველნი მტერნი და მბრძოლნი მათნი და შთაუთხრენ გულთა შინა მათთა კეთილი“... ასევე – „აცხოვნე, უფალო და შეიწყალენ მოძულენი ჩემნი და მაჭირვებელნი ჩემნი და მოქმედი ჩემზედა უსჯულოებისანი...“ ალაღად ვლოცულობ ჩემი მტრებისთვის და მე თვითონ მიკვირს. მერე კი, თითქოს ვალმოხდილი, მოწიწებისა და კლემის ნიშნად თავს ვხრი ხატების წინ და ტაძარს ვემშვიდობები.

25 ივლისს, გამთენიისას კვლავ ენგურის ხილთან ვდგავარ. ამაყად მხრებგაშლილი ვმორდები საბაჟო პუნქტებს, თითქოს იქ მდგომნი მინდა მივახვედრო, რომ მე საზღვარზე არ გადავსულვარ – მე ჩემი სამშობლოს ერთი ნაპირიდან მეორეზე გადავედი მხოლოდ...

P.S. 26 ივლისს, როცა შთაბეჭდილებებითა და ინფორმაციით დატვირთულმა ტელეფონი ავიღე ხელში, რათა რედაქციისთვის აფხაზეთიდან ჩამოტანილი ახალი ამბები მიმეწოდებინა, გიორგი სანაიას მკვლელობის თავზარდამცემი ამბავი შევიტყვე. ეს იმხელა შოკი იყო ჩემთვის, რომ მეგონა, კარგა ხანს ვერ შევძლებდი, კალმის ხელში აღებას... მაგრამ ახლა, ამ დიდი ტკივილით შეკავშირებული ხალხის შემხედვარეს, საპირისპირო განწყობა მეუფლება. ვწერ და მომავალშიც დავწერ.

გიორგი სანაიას ხსოვნის წინაშე კი მოწიწებით ვხრი თავს...



მე მახსოვს სანაპირო, რომელზეც ფეხის დასადგმელი ადგილი აღარ იყო...

ორმა ჩეხმა სტუდენტმა გოგონამ, იანა კეპრტოვამ და ჰელენა ზაიცევაიმ, ერთი კვირის წინ, ფეხით მოიარეს პატარა ლიხვის ხეობა და მშვიდობით დაბრუნდნენ თბილისში. 24 წლის იანა ქალაქ ბრნოს უნივერსიტეტში სწავლობს, 22 წლის ჰელენა კი, პრატის უნივერსიტეტში. ისინი მომავალი სოციოლოგები არიან და ჩეხეთის ადამიანის უფლებათა დაცვის ორგანიზაციაში მუშაობენ.



Gexi gogonebi
საქართველოში
ჯავახეთიდან შემოვიდნენ

— **კიდევ რა ნახეთ საქართველოში?**
იანა:

— მესამე კვირაა აქ ვართ. პირველ კვირას თბილისი და გორი დავათვალიერეთ. ვიყავით სტალინის სახლ-მუზეუმში. სტალინისაგან ჩეხეთმა ბევრი უბედურება იწვნია, ამიტომ საინტერესო იყო მისი დაბადებისა და ბავშვობის დროინდელი ადგილის ნახვა. შემდეგ გამოვიარეთ და ვნახეთ ულამაზესი ატენის სიონი. ძალიან კარგი მოგზაურობა გვქონდა: ვნახეთ უფლისციხე, მცხეთა და ავედით ჯვრის მონასტერში.

— **გამცილებელი ან გიდი არ გყოლიათ?**

— არა, მხოლოდ რუკა გვქონდა. ბევრი ხალხი გავიცანით. ჩვენ მიმართ ყველა მზრუნველობასა და ყურადღებას იჩენდა. გვეკითხებოდნენ ჩეხეთის ამბავს და თავის ამბებსაც გვიყვებოდნენ. ძალიან საყვარელი და გულგახსნილი ხალხი ხართ.

— **ბიჭები არ გეარშიყვებოდნენ?**

— კი, ზოგჯერ ცდილობდნენ.

— **მიინც, რატომ გაბედეთ მარტო სიარული? ბანდიტები რომ დაგხვედროდნენ?**

— არა, ჩვენთვის არც რაიმე მოუპარავს ვინმეს და არც შეგუშინებთ. უბრალოდ, ყველა გაოცებული იყო, მარტონი რომ ვიყავით და ზრუნავდა ჩვენზე. ბევრი გვიჩვენებდა, მთაში მარტო არ წავსულიყავით, როდესაც უფლისციხეში მივდიოდით, გზაში ერთი პოლიციელი გამოგველაპარაკა. ჩვენ ვუთხარით, რომ მთაში გვინდოდა ასვლა. მან გვითხრა, — იქ ღათვები და მგლებია, ამიტომ საჭიროა პოლიციამ ზუსტად აღრიცხოს თქვენი ბარგიო. გაგვეცინა — „თუ აღრიცხავთ, რა, დათვი აღარ გაეკარება კარავს?“ — ვკითხეთ. ისიც გამხიარულდა. ბევრი ვიცინეთ. ბოლოს მაინც გაგვაფრთხილა, — ყურადღებით იყავითო... ჩეხეთში ყველა ასე დადის, ჩვენც, ბავშვობიდან შეჩვეულები ვართ მთებში სიარულს.

ჰელენა:

— ჩვენ შარვალი და შორტი არ ჩავიცვით. ღია მაისურსაც მოვერიდეთ. დავდიოდით გრძელი ქვედაკაბებით, რაც ყველას ძალიან მოსწონდა — განსაკუთრებით შუახნის ქალებსა და მოხუცებს. ალბათ ამიტომაც არ გვთვლიდნენ მთლად უცხოებად და სიამოვნებით გვესაუბრებოდნენ... რუსულად ვლაპარაკობდით და უმეტესობას ესმოდა.

მანანა იაშვილი

— **რატომ გადაწყვიტეთ საქართველოში ჩამოსვლა?**

იანა კეპრტოვა:
— წინათ ჩვენს ქვეყანაში უფრო მეტი ინფორმაცია შემოდიოდა ყოფილი საბჭოთა რესპუბლიკების შესახებ. ახლა ინფორმაცია ძალიან მწირია, ჩვენ კი გვინტერესებს, როგორ ცხოვრობთ. ჩეხეთში ფეხით მოგზაურობა დასვენების ჩვეულებრივი ფორმაა. ჩვენი მეგობრები დასავლეთ ევროპაში გაემგზავრნენ, ჩვენ კი — აღმოსავლეთი ვაშლობინეთ. მათ ნაკლები დაბრკოლება შეხვდებოდათ: იქ ვიზა არაა საჭირო, აქ კი უამრავი დოკუმენტის შევსება დაგვკვირდა. საქართველოს შემდეგ, სომხეთსა და ირანს მოვივლით. შინ თურქეთის გავლით დავბრუნდებით.

ჰელენა ზაიცევა:

— მაინტერესებს კავკასიელი ხალხების კულტურა, ენა და ტრადიციები. მინდა შევისწავლო მათი ყოფა და განვსაზღვრო, რა არის ჩვენ შორის საერთო და რა — განსხვავებული. სამწუხაროდ, რუსები ჩრდილო კავკასიიდან საქართველოში უცხოელებს არ უშვებენ — ვიზას არ აძლევენ, თორემ ჩვენი მარშრუტი უფრო საინტერესო იქნებოდა. თუმცა, რაც ვნახეთ, ესეც ფანტასტიკური იყო.

— **როგორ იმგზავრეთ?**

იანა:
— პრადიდან წამოვედით და გამოვ-

იარეთ უნგრეთი, რუმინეთი, ბულგარეთი, თურქეთი. საქართველოში ჯავახეთიდან შემოვედით. ძირითადად, მატარებლით ვმგზავრობდით, მაგრამ ზოგჯერ „ავტოსტოპითაც“ მოგვიხდა გადაადგილება.

— **ექსცესების გარეშე იმგზავრეთ?**
ჰელენა:

— ბედნიერ ფეხზე წამოვედით — პრობლემები თითქმის არ გვქონია. თურქეთში, ყარსამდე მატარებლით ვიმგზავრეთ, შემდეგ სამარშრუტო ტაქსითი და მერე საზღვრამდე ფეხით. ერთი ქართველი ქალი დაგვემგზავრა, რომელიც თურქეთში მუშაობს. თურქეთის საზღვარზე საბუთები შეგვიმოწმეს და გამოგვიშვეს. მოვედით საქართველოს საზღვრამდე და ოთხჯერ გაგვანერეს: პირველ პუნქტში 15-15 დოლარი მოგვთხოვეს. ცოტა გავიარეთ და მეორე პუნქტი გამოჩნდა, იქ 10-10 დოლარი გამოგვართვეს — დიდი ბარგი გაქვთო. მესამე პუნქტში ისევ 10 დოლარი დაგვატოვებინეს. კიდევ კარგი, ერთი ქართველი ბიჭი წამოგვეწია, რომელთანაც ინგლისურად ვსაუბრობდით და მეოთხე პუნქტში ფული აღარ გადაგვანდევინეს: არ ვიცი, რა უთხრა მეზაჟეს... თურქეთში მომუშავე ქალს კი ოთხივეგან გადაახდევინეს დოლარები. გვითხრეს — ასეთი წესიაო... ბოლოს, მიკროავტობუსი დავიქირავეთ, რომელმაც ახალციხემდე ჩავვიყვანა და იქიდან მატარებლით ჩამოვედით თბილისში.



პელენა ზაიცივა: რაც აქ ვნახეთ, საოცრებაა. ამის შემდეგ ჩეხეთში ვინმემ რომ ცხოვრებაზე დაიწუწუნოს ან უკმაყოფილება გამოთქვას, ნამდვილად ვერხუბები.

— ლიახვის ხეობაში როგორ მოხვდით? იანა:

— ავტობუსით წავედიტ გუდაურში. გვექონდა რუკა, რომელზეც მხოლოდ საავტომობილო გზებია აღნიშნული. ცუდი იყო, მაგრამ მაინც გამოგვადგა. რუკაზე რაღაც ტბები იყო აღნიშნული და გადავწყვიტეთ გვენახა. გუდაურიდან პატარა ბილიკი ეშვებოდა და მას ჩავყვით. სამი დღე დავდიოდით ტბებს შორის. ეს ულამაზესი ადგილია — 18 ტბა დავითვალებთ, თუმცა რუკაზე მხოლოდ სამია აღნიშნული. ყველაზე დიდი მგონი, ყელის ტბაა — ნამდვილი საოცრება იყო! საკმაოდ ციოდა, თბილი ქურთუკები და შალის წინდები გვეცვა, მაგრამ მაინც ვცადეთ წყალში შესვლა. ეს არის ალპური ზონა, 4000 მეტრის სიმაღლეზეა, მაგრამ თოვლი არ დევს.

— არ შეგეშინდათ?

— პირველი დღეები, სანამ ალპურ ზონაში ვიყავით, ხედვის არეალი შეუზღუდავი იყო. გვექონდა კარავი და ყველა საჭირო ნივთი, რაც ასეთი მოგზაურობის დროს არის აუცილებელი. შემდეგ, მეოთხე დღეს ჩავედით ტყეში. ეს არის ლიახვის ნაკრძალი. სამჯერ მოგვიხდა მდინარის გადალახვა. ზოგჯერ გვხვდებოდა დათვის ნაკელი, მაგრამ თვითონ არ შეგვხვდებოდა. ბოლო დღეს წვიმდა. სამხრეთის მიმართულებით გავემურეთ. შემოგვადამდა. ნაწვიმარზე ცეცხლი ვერ დავანთეთ, თან ძალიან ციოდა. ისმოდა დათვის ღრიალი და ტურების კვილი.

იანა კეპრტოვა: ეს ულამაზესი ადგილია — 18 ტბა დავითვალებთ, თუმცა რუკაზე მხოლოდ სამია აღნიშნული. ყველაზე დიდი მგონი, ყელის ტბაა — ნამდვილი საოცრება იყო!

კიდევ კარგი, ელექტროფარანი გვექონდა და ის გვენთო დილაძდე. იმ დამეს მართლა შეგვეშინდა და არ გვიძინია. ერთი დღე კიდევ ვიარეთ და ნაშუადღევს, სოფელს მივაღექით. ასტრისხევი ჰქვია. მანამდე, მთელი კვირა ადამიანი არსად გვინახავს. მხოლოდ ერთ ხელ, მთაზე მწყემსი დავინახეთ, მაგრამ ფარა ძალიან

შორს იყო.

— სოფელში როგორ შეგხვდნენ?

— სოფელელები სახტად დარჩნენ — ვერ გავეოთ, იქ საიდან გავჩნდით, რადგან გარშემო უღრანი ტყეები და მდინარეა. სოფლამდე ზოგჯერ ავტობუსი ამოდის გორიდან. ცხინვალში გვინდოდა გადასვლა, მაგრამ არ გავვიშვეს... ეს ქართული სოფელია, სულ 12 სახლია. კონფლიქტის ამბავი ვიცოდით და აღარ დავიჟინეთ ცხინვალში წასვლა. იმ დღეს ასტრისხევიში დავრჩით.

— კარავი გაშალეთ?

— აღარ დავგვჭირდა — ასკილაშვილების ოჯახმა შინ მიგვიწვია. ესეც საოცრებაა: ჩეხეთში იშვიათად ხდება, რომ უცნობი ადამიანი შინ დაპატიჟონ... დიდი პატივი გვეცეს. ოჯახში 83 წლის ბებია და ბაბუა იყვნენ, მათი შვილიშვილი ირმა კი, დასასვენებლად იყო იქ ჩამოსული გორიდან. ათი წლის

წინ, ბებია და ბაბუაც გორში გადასულან საცხოვრებლად, მაგრამ მერე ისევე სოფელში დაბრუნებულან. ბაბუამ მითხრა, — ასკილაშვილების გვარი ამ სოფლიდანაა წარმოშობითო. მან ასევე გვიამბო, რომ ახალგაზრდობაში ცხენით აქვს მოვლილი ის ადგილები, რომელიც ჩვენ გამოვიარეთ. მათთან ისე ვგრძნობდი თავს, როგორც ჩემს ბებიასთან ჩეხეთში. ირმა ასკილაშვილმა სოფლის მახლობლად მდებარე ციხესიმაგრეში წაგვიყვანა: მხოლოდ ნანგრევებია დარჩენილი, მაგრამ ძალიან ლამაზია. საღამოს გვიანობამდე ვისაუბრეთ. როგორც ვვითხრეს, ჩვენთვის ომის დროს საბრძოლო მოქმედებების ხმა მათ სოფელშიც ისმოდა. სამი დღის წინ კი, შეიარაღებული ოსი დასხმია თავს სოფელს გასაძარცვავად. მამაკაცები სათბობში ყოფილან და ბედად, მოხუცი ბაბუა იყო სახლში დარჩენილი და იმ კაცის გაგდება მოუხერხებია... მეორე დღეს გამოვეყვით ავტობუსს გორამდე და შემდეგ მატარებლით ჩამოვედით თბილისში. ახლა ცოტა დრო დავგრჩა, მაგრამ მომავალ წელს ისევე ჩამოვალთ და ახალ ადგილებს მოვინახულებთ. ჩვენ უკვე ვიცით, როგორ ცხოვრობთ, როგორ გაჭირვებას განიცდით, მაგრამ ადამიანების მიმართ სიყვარულს მაინც არ კარგავთ. ამაშია ნამდვილი ქრისტიანობა.

პელენა:

რაც აქ ვნახეთ, საოცრებაა. ამის შემდეგ ჩეხეთში ვინმემ რომ ცხოვრებაზე დაიწუწუნოს ან უკმაყოფილება გამოთქვას, ნამდვილად ვერხუბები...





„ერემოს დუქანში ორ დღე-ღამეს ერთი ორომტრიალი და ჟივილ-სივილი იდგა. ღვინო წყალივით მოდიოდა, ახლო-მანლო ქათამი და ინდოური გამოილია, რევოლვერების ჭექა-ქუხილმა ზეცა დააყრუა, მოსამსახურეები ოფლში იწურებოდნენ, მეზურნეებმა ყბები დაიხეთქეს, დანიელა ურიაშ ხმა ჩაიხლიჩა, მეთარემ თითები დაიმტვრია, მეთარენემ არღანი დაღალა...“
(მიხვილ ჯავახიშვილი, „კვაჭი კვაჭანტირაძე“).

ერემოს ცნობილი დუქანი ბაბუარემს ეკუთვნოდა

მარინა ბაბუნაშვილი

მე-19 საუკუნის ბოლოს „ერემოს დუქანი“ ცნობილი ყოფილა ქუთაისში. მალე მთელ საქართველოშიც გაითქვა სახელი: ცნობისმოყვარე და გურმანი ქართველები სხვადასხვა კუთხიდან ჩამოდიოდნენ საქეიფოდ ამ სახელგანთქმულ დუქანში და უკლებლივ ყველა კმაყოფილი მიდიოდა იქიდან. ვინ იყო ერემო? რას წარმოადგენდა და რა „ხიბლი“ ჰქონდა ისეთი, რომ დიდსა თუ პატარას მისი სახელი ეკერა პირზე?

ერემო ანუ იერემია, როგორც მას ქუთაისში ეძახდნენ, ვვარად სვანაძე ყოფილა. გემრიელი კერძების გაკეთება სცოდნია და არც სტუმრის მიღება-გასტუმრება ემღებოდა, იმერული თავაზიანობით ყველას ხიბლავდა თურმე. იერემია მღელქნედ დაუქირავებია დიდი ფულის პატრონს – ვინმე ნესტორ თურქაძეს. მას ერთი კი არა, რამდენიმე დუქანი ჰქონია ქუთაისსა და წყალტუბოში, ამიტომაც თავის ვარშემო ერემო-იერემიასთან მკვირცხლი ბიჭები შემოუკრებია. თურქაძეს გუმანი არ ღალატობდა: სულ მალე ერემომ და სხვებმაც საქმე კარგად ააწყვეს. დუქნებს მათი სახელები დაერქვა, მაგრამ „მთლად მთავარი“, ნესტორ თურქაძე განხლდათ, რომელსაც ყველაფერში გადაწყვეტი სიტყვა ეკუთვნოდა.

კვიცი ვვარზე ხტისო – ნათქვამია: თუ ნესტორის შვილებმა და შვილიშვილებმა არ გააგრძელებს მამისა და ბა-

ბუის გზა, სისხლმა ბოლოს შვილთაშვილში იყვილა.

კახა ჩიხლაძე ქალიშვილის მხრიდან არის ნესტორის შთამომავალი. „დედის მშობლებთან ვიზრდებოდი და ბავშვობიდან მესმოდა ნესტორ ბაბუის სახელი. პატარაობაში, ანტიკვარად ქცეული ბაბუის დროინდელი ჭურჭლის დამტვრევის გამო ბევრჯერ მომხვედრია. გამიგია, რომ ქუთაისამდე მას ნოვოროსიისკშიც ჰქონდა რესტორანი „პალერმო“ გახსნილი. იქ, ქართულ სამზარეულოსთან ერთად, ევროპულიც იყო და არც კლიენტთა სიმცირეს უჩიოდნენ. ნესტორი მიტროფანე ლალიძესთან მეგობრობდა თურმე. დიდი ბაბუა მენშევიკი იყო და, ბუნებრივია, ბოლშევიკებს არ სწყალობდა. როცა საქართველო „გაწითლდა“, არ ვიცი, მან რატომ ვერ მოახერხა სხვებთან ერთად საზღვარგარეთ წასვლა. მერე გაურკვეველ ვითარებაში გარდაიცვალა (სრულიად საღ-საღამათი), ბათუმში, სამწუნაროდ, მის საფლავს დღემდე ვერ მივაკვლიეთ“, – მიაძობს კახა ჩიხლაძე, რომელიც ცდილობს, აღორძინოს დიდი ბაბუის საქმე და დუქნების თუ არა, ერთი ძველებური დუქნის (რომელსაც „მე-19 საუკუნე“ ჰქვია), ღირსეული მეპატრონე იყოს.

— ... და მაინც, რისი იმედი გაქვს, როცა ამდენი კაფერესტორნის გარემოცვაში, ბაბუის საქმის აღორძინებას ეჭიდები? რით უნდა მოხიბლო სტუმარი?



ნესკორ თურქაძე მეუღლითურთ

— ჯერ ერთი, ისეთივე ენთუზიაზმი და ინტერესი მაქვს, როგორც ჩემს დიდ ბაბუას თავისი საქმიანობის დასაწყისში ჰქონდა (დედის მამისგან ვიცი ეს). მეორეც – მე მხოლოდ ტრადიციულ ქართულ საჭმელებს კი არ „დავეყრდნობი“, არამედ მიზნად მაქვს დასახული, ძველებური და მივიწყებული წამოვწიო წინ. ამისათვის, თითქმის ყველა კუთხე-კუნჭული მოვიარე და ცნობილ კულინარებს რეცეპტები გამოვართვი. მა-

გალითად, „მენიუში“ უკვე გვაქვს „ჯორჯალი“, „ომარული“ და „გებჟალია“. ახლო მომავალში უფრო მეტი ძველქართული კერძი მექნება. ბებიაჩემის ძმა 90 წელს გადაცილებული ბერეკაცია, წყალტუბოში ცხოვრობს, დღემდე „პოვარია“. რესტორანში აღარ მუშაობს, მაგრამ მის გარეშე არც ქორწილის და არც ქელების სუფრა არ გაიშლება. ახლა რომ გაიგო, ამ საქმეს მოვკიდებ ხელი, შემომითვალა: მოდი ჩემთან და იმფერ რამე-რუმეებს ჩაგაწერინებ, რაც სხვისთვის ჯერ არ მითქვამსო.

— თუკი ასეთი დიდი ინტერესი გქონდა კულინარიული საქმისადმი, ტექნიკური განათლება რატომ მიიღე?

— არა, ბატონო! ტექნიკურ განათლებასთან ერთად, უმაღლესი კლასის მზარეულის დიპლომიც მაქვს. ქუთაისის პოლიტექნიკურ ინსტიტუტამდე ორწლიანი სამხედრო-სავალდებულო სამსახური გერმანიის ქალაქ ჰალეში მოვიხადე. იქ სამხედრო მზარეულთა სკოლის ექვსთვიან კურსებზე ჩემი სურვილით ჩავეწერე. ცოტა ხნის მერე გამოცხადდა კონკურსი — „საკვლე სამზარეულოების დათვალიერება“, რომელზეც უნდა წარმედგინა „რუსული სალიანკა“ და „უზბეკური პლოვი“ (ფლავი). მამაჩემს მივეწერე — არიქა, მიშველეთ, რამე ისეთი

ნესგორ თურქაძე ცოლ-შვილთან ერთად



გამომიგზავნეთ, რომ ჟიურის თითები ჩავაკენტიხო-მეთქი. მამამ კი, არც აცია, არც აცხელა — კონკერტებში ჩვენებური სხვადასხვა სუნელი ჩამიყარა და გამომიგზავნა. ამასთან დაკავშირებით ისეთი უსიამოვნება შემხვდა, კინაღამ მომხსნეს კონკურსიდან...

— მაინც რა მოხდა?

— რა და უფროსებს სუნელები „პლანი“ ეგონათ... შენაერთის უფროსობაში ქართველიც ერია და იმან მიშველა: ქართული სამზარეულო ამ საკაზმის გარეშე წარმოუდგენელიაო — აუხსნა ყველას. „სალიანკაც“ და „უზბეკური“ ჩვენებური სუნელით უხვად შევკაზმე და მართლაც, ფანტასტიკური გამოვიდა. პირველ ადგილზე გავვიდი, ექვსთვიანი კურსების მერე კი, წითელი დიპლომიც გადმომიცეს.

— გურმანები და მზარეულები სიმჩატეს არ უჩივიან. როგორ ასერხებ სიგამხდრის (უფრო სწორად, ზომიერი ნონის) შენარჩუნებას?

— ჯერ ერთი, სიგამხდრე მეძველდრულად მერგო (ნესტორ თურქაძეც არ იყო მსუქანი), მეორეც, როცა ჩემ თვალწინ მზადდება საჭმელი (მე ახლა აღარ ვამზადებ), თითქოს კრიჭა მეკვრება და ჭამის სურვილიც მეკარება.

— რაიმე უჩვეულო ხომ არ შეგემთხვა ჯარში ყოფნისას...

— უჰ... იმისთანა რამე გადამხდა, რომ კიდევ კარგი, სამსახურს ვამთავრებდი, თორემ სამხედრო ტრიბუნალი არ ამცდებოდა... როგორც წარჩინებულ კურსანტს და „პირველადგილოსანს“, უფროსობამ 20 ტონა კიტრის დამფავება დამავალა. საჭმელების კეთება ვიცოდი, მაგრამ არასოდეს დამიშფავებია 1 კილოგრამი ბოსტნეულიც კი. საგონებელში ჩავვარდი, ჩემი გასაჭირი ისევ და ისევ თანამემამულეს გავუზიარე (გვარს არ ვასახელებ, ის დღეს დიდჩინოსანია და რა ვიცი, კაცნი ვართ, არ დამემდუროს...), მზარზე ხელი დამკრა და მანუგეშა — ამაზე შენ ნუ სწუხხარ, მაგის მეტი რა მიკეთებიაო... მოკლედ, მიგვიყვანეს ერთ დიდ აუზთან, დაგვიყარეს 20 ტონა (ეხუმრებით ამდენს?!) კიტრი, მოგვცეს საჭირო რაოდენობით მარილი, ძმარი და — აწი, თქვენ იცითო... მეგობარმა ეს უზარმაზარი გორა გარეცხა და აუზში

გადაუშვა, თან ფენა-ფენა მარილს მაცრევინებდა... ერთ კვირაში, სანამ კარგად შემჟავდებოდა, მართლაც გემრიელი იყო, უფროსობა რომ მოდიოდა და სინჯავდა, მოსწონდა და ცოტ-ცოტა მიჰქონდა კიდევ შინ. მერე და მერე, რატომღაც ისეთი სუნი აუშვა, ახლოს ვედარ მიეკარებოდი. რა უნდა გვექნა?! გამოსავალი ვიპოვეთ და მიხონებლებს ასე ავუხსენით: დასაწყისში შეიძლებოდა კიტრის ჭამა, ახლა კი ისეთ პროცესშია — დუღილში, რომ ამ დროს გასინჯვა აღარ შეიძლება, მხოლოდ 1 თვის მერე იქნება საჭმელად ვარგისი... დაგვიჯერეს, იმ ერთ თვეში კი ჩვენც წამოვედით. ხომ წარმოგიდგენიათ, რა ამბავი ატყდებოდა, როცა მთელი აუზი აქოთებული დახვდებოდათ!..

— ქუთაისში არ გიცდია რესტორნის ან დუქნის გახსნა?

— პოლიციაში ვმუშაობდი, მაგრამ კულინარიულ ბიზნესზე ფიქრი არა და არ მასვენებდა. ქუთაისში, სოლომონ მეფის სასახლის „ოქროს ჩარდახის“ სარდაფში მინდოდა სამიკიტნოს გახსნა (იმერული საჭმელებითა და მიმტან კოსტაიათი), მაგრამ მითხრეს, რომ სასახლე და სამიკიტნო ერთმანეთს ვერ „შეეწყობოდა“, ამიტომაც თავი დავანებე ამაზე ფიქრს. სამაგიეროდ, 1994 წლის უშუქობისა და შიმშილობის პერიოდში გადავწყვიტე, იაფიანი და ნოყიერი საჭმელით გამომეკვება ქუთაისელები. ჯერ ვიფიქრე, ქალებს კრემიან „პონჩიკებს“ დავაცხოზინებ-მეთქი, მაგრამ მალევე მივხვდი, რომ ქუთაისელს „პონჩიკი“ კი არა, რაღაც სხვა, უცხო და ეგზოტიკური რამე მიზიდავდა. ჰოდა, მოვიფიქრე: საფურვიან გაბრტყელებულ ცომში საქონლის „ფარში“ ჩავდე, ზედ გემრიელ აჯიკაში ამოვლებული სოსისი დავადე, გადავახვიე და გამოვაცხვე. მართლაც, კარგი გამოვიდა. თან იაფად ვყიდდი (50 თეთრად), თითქმის პურისხელა იყო. ხალხმა „კახას ჰამბურგერი“ დაარქვა და 1 თვეში შეეკეთებს ვედარ ავუდილით... ქუთაისში ახლაც ცხვება ჩემეული რეცეპტით დამზადებული ჰამბურგერი.

— ძველებური საჭმელები რომ „ააღორძინე“ — ეს მისასაღმებელია, მაგრამ სხვას რას აპირებ ეგზოტიკურს?

— ჩამოვიტან დიდი ბაბუის დროინდელ ჭურჭელს (რაც მე გადამიჩნა) ეს არის მე-19 საუკუნის თიხის ჭინჭილები, ფაიფურის თეფშები, ყანწები და სხვადასხვა ზომის სასმისები. უკვე დავამზა-



ჩამოვიგან დიდი ბაბუის დროინდელ ჭურჭელს. უკვე დავამზადებინე ძველებური ფარნები და ბრები, მინდა, მოვიყვანო მიკიტანი და კინტო, რომელიც არღანზე დაუკრავს...

დებინე ძველებური ფარნები და ბრები, მინდა, მოვიყვანო მიკიტანი და კინტო, რომელიც არღანზე დაუკრავს... ერთი სიტყვით, დიდი სურვილი მაქვს აქ ჩამოსულ ადამიანს დროებით დაავიწყო პრეზიდენტიც, დაპირისპირებული პარტიებიც და კლანებიც. ქართველი კაცი თავისი ბუნებით ხომ, შრომასთან ერთად, ლხინისთვისაა დაბადებული. ქართველების სუფრა ხომ მთელი აკადემია იყო — ბრძნული სადღეგრძელოებით, უზადო სიმღერებითა და ცეცხლოვანი ცეკვებით?!..

— ვიცი, რომ სტუდენტობისას ე.წ. არაფორმალური (ანუ დისიდენტი) იყავი. იმ წლებიდან რას მოიგონებ?

— როცა თამრიკო ჩხეიძემ და ზურა ჭავჭავაძემ ილია ჭავჭავაძის საზოგადოება ჩამოაყალიბეს, მისი ერთ-ერთი პირველი წევრი (ქუთაისის რეგიონში) მე ვიყავი. მერე, ქუთაისის პოლიტექნიკურ სასწავლებელში პრესკლუბი შეეჭმინით. იმ დროს დაგვიახლოვდა ბატონი ვასტანგ გოგუაძე, რომელიც თავგადაკლული ეწეოდა ანტირუსულ პროპაგანდას (ასლა რა მოუვიდა, ვერ გამოვიდა და ძალიან მიკვირს...) საფიჩხიაზე ხშირად გვიქეიფია და ერთად გვიმღერია „შემოვიდნენ წითლები, ატყდა დავიდარაბა“. ჩვენი პრესკლუბი სისტემატურად უშვებდა გაზეთ „ქუთაისის“ ჩანართს, რომელსაც „სტუდენტური ფურცელი“ ერქვა, სწორედ ამ ჩანართში ბევრჯერ გამომიქვეყნებია წერილები

საქართველოს დამოუკიდებლობისა და იმჟამინდელი სამარცხვინო კომუნისტური დიქტატურის შესახებ. მახსოვს, როცა 1989 წლის ნოემბერში მოსკოვის საკავშირო ფორუმზე გავემგზავრე (საქართველოდან სულ 19 სტუდენტი ვიყავით), კარგად „აღვიჭურვეთ“ 9 აპრილის ტრაგედიის ამსახველი ვიდეოკასეტებით და სხვადასხვა ლიტერატურით. ეს ფორუმი უშუალოდ გორბაჩოვის ხელმძღვანელობით ტარდებოდა და ყველა სხდომას თავად მიხაილ სერგევიჩი ესწრებოდა. პირველ სხდომაზე ერთი რუსი „დავკოქეთ“ და სანამ გორბაჩოვი თავის სიტყვას დაიწყო, სცენაზე აიჭრა და ქვეყნის თავს მიმართა — ფორუმის საზეიმო გახსნამდე, ჯერ ბაქოში და თბილისში დახსოვილ მშვიდობიან მოქალაქეებს მივავით პატივიო... ასეთი რამ საბჭოთა კავშირის ისტორიაში არ მომხდარა. გორბაჩოვი უძალ დაეთანხმა და მიუღმა დარბაზმა, მასთან ერთად, ფეხზე ადგომით პატივი მიაგო დაღუპულებს.

მეორე დღეს, დარბაზში შესვლამდე, ფოიეში დაგვხვდა სტენდები, რომელზეც რუსული სამხედრო სასწავლებლის სტუდენტებს 9 აპრილის „ამსახველი“ სურათები გამოეკრათ. ფოტომასალა ყველა მნახველს აცნობდა, თუ როგორ „სცემდა“ ქართველი მოსახლეობა „საწყალ“ ჯარისკაცებს. სანამ მოსკოვში წავიდლოდით, ყველანაირად მზად ვიყავით ნებისმიერი შოვინისტური გამოხდომისთვის, მაგრამ ამისთანა უმსგავსობას არ ველოდით... ჩამოვგლიჯეთ სურათები, მივედით სტენდის მომწყობ სამხედროებთან და თავზე დავახიეთ. ატყდა ჩხუბი. ბალტიისპირელები, უკრაინელები, აზერბაიჯანელები, სომხები და ბელორუსები — ყველა ჩვენ მხარეზე დადგა და კვლავ უპრეცედენტო ამბავი მოხდა: არავის (ფორუმის ხელმძღვანელობიდან) საყვედურის მაგვარი კრინტიც არ დასცდენია ჩვენი მისამართით, — თუმცა, ამ ფაქტმა თვით გორბაჩოვის ყურადღებაც მიადწია... შემდეგ ლიუბიმოვმა „ვზგლიადის-

თვის“ ჩაიწერა ჩვენთან (ქართველებთან) ინტერვიუ და ეთერშიც გაუშვა. ამ გადაცემის მერე — ისე, რომ არც მითხოვია, — მამაჩემმა დამატებით გამომიგზავნა ფული, რაც იმას ნიშნავდა, რომ ჩემი გამოსვლა მოეწონა... მოსკოვიდან წამოსვლამდე ორი დღით ადრე, ქართველები ახალდამეგობრებულ ბიჭებთან ერთად ვქეიფობდით (გამარჯვებულები!). ამ დროს ერთი ლამაზი რუსი გოგო დაგვადგა — ერთ კარგ ადგილას უნდა წავიყვანოთო... აბა, ქართველი რის ქართველია, მაცდურ წინადადებაზე უარი თქვას?! წამოვიშალეთ ხმაურით, თუნდ ჯოჯოხეთში გამოგყვებითო — ვეზუმრებოდით. სასტუმროდან უკვე გამოსულები ვიყავით, ისე, ყოველი შემთხვევისთვის კითხე: ტანია, გენაცვალე, სად მიგყავართ-მეთქი? მაგზოლეუმი — დიდი ბელადის სანახავადო... თითქოს ცივი წყალი გადაგვასხეს, ადგილზევე გაუმედილი. მერე ავყაყანდით, ნეტავ, ეგ არ გეთხოვა და სხვას, რასაც გინდა, გავაკეთებდით-თქო...

— შვილებზე რას მეტყვი? ნესტორ თურქაძის კულინარიულ გზას გააგრძელებენ შენი ბიჭები?

— უფროსი — დათო ამ საქმის მიმართ არავითარ ინტერესს არ იჩენს, 6 წლის საბა კი მჯერა, ახლო მომავალში აუცილებლად დამიდგება გვერდით. ■



თითქმის ყველა კუთხე-კუნჭული მოვიარე და ცნობილ კულინარებს რეცეპტები გამოვართვი



ლელა ჭანკობაძე

ნინოს მამა გია ლეჟავა რუსთაველის თეატრის მსახიობია, დედა მთელი ცხოვრება ქართულ ხალხურ ცეკვებს ცეკვავდა, ძმა – ბაჩი ლეჟავაც რუსთაველის თეატრის მსახიობი გახლავთ. დიდი ბაბუა ქუთაისის თეატრის პირველი პლუადის მსახიობი იყო, მისი მეუღლე ელენე აბაკელია კი, ცნობილი მოდელიერი და მკერავი გახლდათ. მისი კოსტიუმებით არის გადაღებული „დავით გურამიშვილი“, „გიორგი სააკაძე“, „ქეთო და კოტე“. მან შეკერა კოსტიუმები მარჯანიშვილის თეატრის სახელგანთქმული სპექტაკლისთვის „ურიელ აკოსტა“.

— ნინო, შენი მრავალმხრივი ნიჭის შესახებ უამრავი რამ გამიგია, მაგრამ ის, რომ მშვენიერი სიმღერებიც გაქვს დანერგილი, სრულიად მოულოდნელი იყო.

— დიას, ვწერ სიმღერებს: მაქვს ორმოცდაათამდე სიმღერა, რომელსაც, უსახსრობის გამო, მსმენელი ვერ გაეცნო: „ნაფტალინი“ მიღვეს, რადგან ჩვენში როგორც იდეებს იპარავენ, ასევე — სიმღერებსაც. იმას არ ვაძობ, ზაქარია ფალიაშვილი ან რევაზ ლალიძე ვარ-მეთქი, მაგრამ საკუთარ მუსიკას მაინც ძალიან ვუფროთხილდები. არ მინდა, თუნდაც ერთი აკორდი წამართვას ვინმემ. რომანსი — „ЛЮДИ

რეჟისორ ლაშა მესხის მონოსპექტაკლმა დიდი რეზონანსი გამოიწვია. შტეფან ცვაიგის მოთხრობის — „უცნობი ქალის წერილების“ პრემიერა გრიბოედოვის თეატრის მცირე დარბაზში შედგა. მსახიობმა ნინო ლეჟავამ ძალზე ორიგინალური და შთამბეჭდავი სახე შექმნა.

უცნობი ქალის წერილები, რიმილიც მიკაბრონიუს



სენა სპექტაკლიდან „უცნობი ქალის წერილები“

МЕНЯ“ ტექსტიც და მუსიკაც მე მეკუთვნის. მას მღერის დათო ოთიაშვილი, რომელსაც რუსული რომანსების შესრულებისთვის, მოსკოვში გამართული ფესტივალის გრან-პრი მიენიჭა. ეს ფაქტი ჩვენმა მასმედია არ გააშუქა. დათომ იმღერა ჩემი მეორე სიმღერაც — „ოცნების ფრთები“. ეს ერთადერთი სიმღერაა, რომელიც სხვის ტექსტზე დაწერილი ტექსტის ავტორია მსახიობი და პოეტი გია ფერაძე. მისმა ძმამ, ბატონმა ილიკო ფერაძემ ეს ორი სიმღერა დამიფინანსა. უღრმესი მადლობა მას.

— ნინო, ვაღიანობ, ფილარმონიაში გამართულ კონცერტზე საკუთარი რომანსი შეასრულე, დათო ოთიაშვილთან ერთად. როგორ დაიწყო თქვენი თანამშრომლობა?

— დათო ოთიაშვილი სერგო ნაცვალაძის მოსწავლეა. მოგესხენებათ, ბატონი სერგო რიხტერის დონის კონცერტმეისტერია. მეც დავიწყე მასთან რომანსების შესწავლა და ალბათ ოდესმე დადგება დრო, როცა ის ნებას დამრთავს, სალონურ სიტუაციაში გამოვიდე და ვიმღერო. მხოლოდ ამ შემთხვევაში გავბედავ ხმის ამოღებას. საერთოდ, სუსტი ხმა მაქვს, თუმცა ბევრ ახლანდელ მომღერალზე უკეთ მაინც ვმღერი... ბატონი

სერგოს გაკვეთილების შემდეგ ძალიან „წუნია“ გემოვნება გამიხდა. დათოც ბატონი სერგოს ხელში გაიზარდა. მან არ შეიძლება, ცუდი სიმღერა იმღეროს, ამიტომ, ჩემი სიმღერები რომ მოიწონა და შეასრულა, ეს უკვე წარმატება ჩემთვის... ორივე სიმღერა — „ოცნების ფრთები“ და „ЛЮДИ МЕНЯ“ მიტანილი გვაქვს „რადიო ორში“, მაგრამ შეიძლება ზრდილობისთვის, დაატრიალონ თვეში ერთხელ, თანაც ისეთ დროს, როცა ნაკლებად უსმენს ის ხალხი, რომელმაც კარგი სიმღერა უნდა აიტაცოს. ასე რომ, მე ვერ გამოვიჩნდები მანამ, სანამ ძლიერი სპონსორი არ მეყოლება, ისეთი, რომლის სიტყვასაც ძალია ექნება, დამფინანსებს კიდევ და სხვადასხვა არხზე ჩემს სიმღერებს დაატრიალებს... ფაქტობრივად, მხოლოდ სპონსორი კი არ იქნება, არამედ პატრონიც. მჯერა, რომ ღმერთი არსებობს და ეს პატრონი შეიძლება ღმერთმა გამომიგზავნოს.

— როგორ შეიქმნა პირველი სიმღერა?

— ძალზე უცნაურად. ერთ მშვენიერ დღეს ნამდვილი სასწაული მოხდა: პირველ აკორდს მეორე მოჰყვა, მეორეს — მესამე და მუსიკა შეიქმნა. ეს ალბათ დაგროვილი ტკივილების გამოხატვა უფრო იყო... მუსიკალური განათლება

არა მაქვს, მხოლოდ შვიდწლელი დავამთავრე. ისე ბებია და მამიდა მყავდნენ მუსიკის მასწავლებლები... ჩემს სიმღერებში მთავარი ხაზი ყოველთვის ქართულია. რატომ უნდა მივბადო ევროპელებს და მათი სტილი გადმოვიღო?! სჯობს, მათ თავად მომბადონ. არ შეიძლება ყველანაირი ქართული სიმღერა უცხოურ ყაიდაზე ააწყო, გაარემიქსო, გაარეპო ან გააჯაზო. ალბათ ჰამლეტ გონაშვილი ტრიალებს საფლავში თავისი სიმღერების გარემიქსების გამო...

— ნინო, უამრავი სიმღერაა შენს ლექსებზე შექმნილი. კრებულიც გამოცემას არ აპირებ?

— ლექსებს თორმეტი წლიდან ვწერ, მაგრამ არასოდეს მქონია პრეტენზია ან წიგნი გამოქვეყნება, ან საღამოები გამემართა... დღეს ლექსებს ნაკლებად კითხულობენ. სამწუხაროდ, თინეიჯერები დიდი პოეტების შემოქმედებას აღარ აფასებენ ჯეროვნად. ყველაფერი კომპიუტერმა დაიპყრო.

— ცეკვის სიყვარული ალბათ დედისგან გამოგვყავს? ვიცო, რომ „ჩიჩოტკა“ საბაბაზანოს მეტლახზე გაქვს შესწავლილი, სუნიშვილების „დუბლებშიც“ ცეკვავდი, არა?

— დიას. ძალიან კარგი პედაგოგები მყავდა და შემეძლო, დიდ ანსამბლშიც გადაესულიყავი, მაგრამ ჩემი ნებით ვთქვი უარი, რადგან ცეკვას ვერაფრით შევუთავსებდი მსახიობობას. ცეკვა ხომ ჯოჯოხეთურ შრომას მოითხოვს, მე კი მთელი არსებით მსახიობი ვარ. რაც შეეხება თანამედროვე ცეკვებს, შემიძლია ვთქვა, რომ თვითნასწავლი ვარ. თუმცა, სამი თვე ვიარე კორდებალეტში, ვიცეკვე და ცხადია, გარკვეული ცოდნაც შევიძინე. აუცილებლად მჭირდებოდა ეს — თუნდაც როგორც მსახიობს. ბალეტზე არასოდეს მივლია, თუმცა ამას ძალიან ზშირად მაბრალებენ... იმასაც მაბრალებენ, გირებით ვარჯიშობდაო. სიმართლე ის გახლავთ, რომ ჩემი შვილი (ნინოს ექვსი წლის ბიჭი — ნიკუშა ჰყავს. — ავტ.) მძიმე ბავშვი იყო, სულ ხელით დავატარებდი და კუნთებიც ამის გამო მაქვს.

— ცნობილია, რომ ძალზე ენერგიული ადამიანი ხარ. იყო დრო, როცა მიმტანადაც მუშაობდი, ამჟამად რა საქმიანობას ეწევი?

— რუსთავის მუსიკალურ სასწავლებელში ოთხ საგანს ვასწავლი. ჩემთვის

დიდად მნიშვნელოვანია მეტყველების შესწავლა. დღეს კომპარული გამოთქმებით მღერიან, ამიტომაც, უპირატესობას ვოკალისტების ჯგუფთან მუშაობას ვანიჭებ. ცუდი მასწავლებელი არა ვარ. სულ ვცდილობ, ჩემი მოსწავლეებისგან რაღაც შევიძინო, ვისწავლო: ოცდაშვიდი წლის გავხდი, ისინი ჩემზე სულ ათიოდე წლით არიან უმცროსები. დისტანციას ყოველთვის ვიცავ, მაგრამ ვცდილობ, რაც შეიძლება ახლოს ვიდგე მათთან.

— შენზე ამბობენ, დაკომპლექსებულიაო...

— საერთოდ, მსახიობს კომპლექსი არ უნდა ჰქონდეს, მაგრამ მაქვს: რომ ვჯღღები და მოკლე კაბა მაცვია, ვცდილობ, საკუთარი ქცევა ვაკონტროლო, ფეხი ფეხზე არ გადავიდო... თუ ბიჭს კალთაში არ ჩაუფუჯდები, ეს იმას არ ნიშნავს, რომ მეგობრობა არ ვიცი... უბრალოდ, ასეთი ვარ... ის ურთიერთობა მომწონს, ქალი რომ ქალია და მამაკაცი — მამაკაცი. ვერ ვიტან, ქართველ კაცს საყურე რომ უკეთია. ამის ატანა არ შემიძლია. თუმცა, საერთოდ, ყველაფერში შეიძლება არსებობდეს განსხვავებული აზრი.

— მეტეხის თეატრიდან შენი წამოსვლის შემდეგ, ავი ხმები დადიოდა, თითქოს სცენაზე აღარც გამოჩნდებოდი, მაგრამ პირიქით მოხდა: შენმა ნამუშევარმა „უცნობი ქალის წერილებში“ საზოგადოების მოწონება დაიმსახურა. როგორ მიიღე ეს როლი?

— მე და გიორგი დევაძე თეატრალური ინსტიტუტიდან ვმეგობრობდით, მეტეხის თეატრშიც ერთად ვმუშაობდით. სწორედ

მან მითხრა, რომ ლაშა მესხი სამი წელი ფიქრობდა ერთ სპექტაკლზე და ამოდ ცდილობდა, მთავარი როლის შემსრულებელი შეერჩია. ლაშას მე არ ვყავდი ნანახი. შევხვდით ერთმანეთს, ვისაუბრეთ და შევთანხმდით. ჩემი პირობა ასეთი იყო: ჩემთვის გარკვეული თავისუფლება უნდა მოეცა, რადგან არ შემიძლია, ვიყო მარიონეტი და რეჟისორმა მითხრას: „აქ იტირე, აქ იცინე...“

— ამ ნდობის შედეგი ხომ არ არის ლაშა მესხს რომ უსაყვედურეს — მეტისმეტად მოკრძალებული ხარ და მსახიობს ზედმეტი თავისუფლება მიეციო?.. თუმცა, სპექტაკლი ნამდვილად კარგი გამოვიდა...

— დიდი ძალღობა ლაშას იმისთვის, რომ მენდო. სპექტაკლი მართლაც გამოვივიდა. ჩემი პირველი გამარჯვება პრემიერის დროს ის იყო, რომ ხალხი მისმენდა. ძალიან ძნელია, მსახიობს საათი და ათი წუთი უყურო და თან მისი მოსმენის სურვილი შეინარჩუნო. პრემიერა გრიბოელოვის თეატრში შედგა, შემდეგ რუსთავის დრამატულ თეატრში ვაჩვენეთ ეს სპექტაკლი და მერეც ორჯერ — „თეატრალურ სარდაფში“, რომლის ხელმძღვანელობაც სექტემბრიდან ამ სპექტაკლის თავის რეპერტუარში შეტანას შეგვპირდა. ჩვენი პროფესია დაუფასებელია — ეს მე თავიდანვე ვიცოდი... მაგრამ სცენის გარეშე ცხოვრება, მაინც ვერ წარმომიდგენია. არც ის მიფიქრია ოდესმე, რომ მსახიობობით გავმდიდრდებოდი, მილიონერ საქმროს ვიშოვიდი. ყოველთვის ისეთ ადამიანს ვეძებდი, ვინც ჩემნაირი იქნებოდა. ბედნიერი

ბოლო წუთები პრემიერის წინ...



ერთგული ეკითხველი


თქვენ, ერთგულ მკითხველს, უთუოდ გემახსოვრებათ ჩვენი ჟურნალის სხვადასხვა ნომერში დაბეჭდილი წერილების შინაარსი და არც ამ ტესტის კითხვებზე გაგიჭირდებათ პასუხის გაცემა...

1. სად მდებარეობს ჰუმბოლდტის ზღვა?



- ა) ნივერიაში;
- ბ) შვეიცარიაში;
- გ) მთვარეზე.

2. რა ენოდეგა ცხოველთა ფიტულაჰის დამზადებას?



- ა) ტაკსიდერმია;
- ბ) ფიტულაჰია;
- გ) მუგუმანია.

3. დაახლოებით რა რაოდენობის კბილებს იცვლის ზვიგანი მთელი სიცოცხლის განმავლობაში?



- ა) ორასიდან სამასამდე;
- ბ) ორიდან სამი ათასამდე;
- გ) ოციდან ოცდაათი ათასამდე.

პასუხები იხილეთ 61-ე გვერდზე



კადრი ფილმიდან – „თბილისი ჩემი სახლია“

ვარ, ასეთი ადამიანი რომ ვიპოვე... ოდესმე ალბათ ცნობილი გახდება – ვინ არის, რას საქმიანობს და ჩვენი ურთიერთობაც დაგვირგვინდება. ამის იმედი ნამდვილად მაქვს. შესაძლებელია, მრავალშვილიანი დედაც გავხდე და საზოგადოებას ისევ ახალ ამბლუაში მოვევლინო...

— **შენი პირველი კინოროლი „ოქროს არწივის“ კინოფესტივალის პრიზით აღინიშნა, წარმატება შემდგომშიც გქონდა, მაგრამ, სამწუხაროდ, ახლა ხშირად, მხოლოდ სარკის წინ გიწევს სოლმე თამაში. რატომ მოხდა ასე?**

— ქართული კინო დღეს მძიმე მდგომარეობაშია. დავდივარ და ვიხვეწები: „ძალიან გთხოვთ გამომიყენეთ, რა!“ გადამიღეს ფილმი – „თბილისი ჩემი სახლია“, შემდეგ ტელენოველაში – „მაგრამ რა, მერე?“ ვმონაწილეობ ფილმშიც „აქ თენდება“, რომელიც „ოსკარის“ ნომინაციაზე გადიოდა... დიდი წარმატების მერე დადგა უძრაობის წლები. შვიდი თუ რვა წელია, რაც გაჩერებული ვარ... მერაბ კოკოჩაშვილის სტუდენტმა ირაკლი მამალაძემ გადაიღო თხუთმეტწუთიანი ფილმი „სიბრძნე სიცრუისა“. ამ ფილმისთვის მუსიკა მე დავწერე. ამასთან, ორი როლი შევასრულე – რა თქმა უნდა, უანგაროდ. ჩემთვის მთავარი იყო, ისევ დავმდგარიყავი კამერის წინ.

— **გამიგია, სცენარებსაც წერ.**

— კი, მაქვს უამრავი სცენარი – როგორც ხმოვანი, ასევე არახმოვანი, მოკლემეტრაჟიანი ფილმებისთვის. ერთი სცენარი თვრამეტი წლისამ დავწერე.

გადაწყვეტილი მაქვს, ის ტელესერიალად გადავაკეთო და თუ სპონსორი გამოჩნდება, ალბათ ამ გეგმას განვახორციელებ.

— **შენ თქვი: მხოლოდ სერიოზულ სერიალში გადაღებას დავთანხმდებიო. ეროტიკულ ფილმებში თუ მიიღებდი მონაწილეობას?**

— პრინციპულად არ ვითამაშებ არასდროს ეროტიკულ სცენებში, თუმცა ვიცი, ამის გამო ბევრს დაგვარგავ. ჩემთვის სიშიშველ სცენასა და ეკრანზე სრულიად უინტერესოა. მირჩვენია, მსახიობი თვალებით და პლასტიკით თამაშობდეს, თვალებით უნდა ამყარებდეს სექსუალურ კავშირს... ჯერ ძალიან დიდი გზა მაქვს გასავლელი იმისთვის, რომ მერილ სტრიპი გავხდე, უფრო სწორად, ასეთი დიდი ღონის მსახიობი გავხდე. სხვათა შორის, ამ ქალბატონს სიშიშველ არ დასჭირვებია წარმატების მისაღწევად... საქართველოში პოპულარული რომ გახდე, აუცილებლად სპონსორი და პატრონი გჭირდება. მე, მაგალითად, ელიოზივით ვზივარ და ფერადი მინებით, ცის გახსნას ველოდები: იქნებ ვიღაც გამოჩნდეს და დამინახოს... საზღვარგარეთ ნამდვილად ვერ წავალ სამუშაოდ. იქ ვერავის აუხსნი, რატომ არ შეგიძლია თუნდაც ეროტიკულ სცენაში გადაღება. ამას ვერ გაიგებენ. უბრალოდ, დაგცინებენ. არადა, ჩვენში, დღეს სამწუხაროდ ისეთი ტენდენციაა, რომ ოლონდაც სადმე წადი და რაღაც გააკეთე და ამის მერე, უეჭველად პროფესიონალად ჩათვლიან. ჩაქვშიც რომ გაითქვა სახელი, თბილისში ფიანდაზებს დაგიფენენ...



სასოხეოს წასვლით მოხსენი ყოფილი პანკი

დიდი ხანია, რაც მშრალი ხიდი აღებ-მიცემობის ცენტრად იქცა. ვის აღარ ნახავთ აქ, რას აღარ ნახავთ, რა აღარ იყიდება. უსუბ კეკუტია მაგალითად, სიძველეებით ვაჭრობს. მის პატარა მაგიდაზე უძველესი სატანკოს ნიმუშები, იარაღი, თრიაქის მოსახვევ ნარგილეთა ნიმუშები, 20-იანი წლების ფოტომოდელთა სურათები, ლენინ-სტალინის ბიუსტები და ცნობილ ადამიანთა რელიევიური თუ ანტიკვარული ნივთებია გაშლილი. თქვენ წარმოიდგინეთ, აქ აკაკი ხორავას „ორიანებით“

გატენილი დღიურიც კია გასაყიდად გამოტანილი. როგორც უსუბი ამბობს, ძველი ნივთები მისი პოზია და ის ვერაფერს იტანს ახალს — ქალის გარდა! იელოველთა სექტაში განფრების შემდეგ, ზოგმა სახლიდან ისეთი უძველესი ხატები გამოიტანა, რომელთა ისტორიული და რელიგიური ღირებულებაც შეუფასებელია. უარყოფილი ხატები და სხვა სასულიერო ნივთები, უკეთეს შემთხვევაში, სავაჭრო სივრცეში ხვდება, უარესში კი, — მათ წვავენ და ანადგურებენ.



ნანა კიბიშაშვილი

ყოფილ პანკს, უსუბ კეკუტიას, თავისი ცხოვრების მანძილზე იმდენი უცნაურობა აქვს ჩაღწეული, რომ ძველი ნივთებით ვაჭარება დღეს უცნაურად აღარავის ეჩვენება. უსუბს ორი ცოლი და ორი შვილი ჰყავს. ბელს არც ერთი მათგანი არ ემდურის და, როგორც თვითონ ამბობს, ორ წვეულ ცოლშიც შორის დროს შესანიშნავად ანაწილებს. ამასთანავე, არც თავისუფლებას ელვება და განმარტობის უკმს, ანარქისტული ლიტერატურით ირთობს თავს. დროის უმეტეს ნაწილს კი, მშრალ ხიდზე ატარებს. ჩვენც იქ შევხვდით და ვესაუბრეთ. ვაუპარსავი, ვერცხლის სამკაულებით, ნაჭრის ჩუსტებსა და შორტებში გამოწყობილი უსა ძველ სკივრზე ბელურასავით შემოჯდა, ფეხები მოხერხებულად აიკეცა, ხელში მძიმე ჯაჭვზე ჩამოკიდებული სასტვენი შეათამაშა და დაიწყო:

— მე ვარ უსუბი. რა თქმა უნდა, დაგებადებით შეკითხვა, რატომ დამარქვეს ეს სახელი? რატომ და იმიტომ, რომ ჩემს ბიძაშვილს ერქვა ბადრი. მე რომ დავიბადე, უფროსებმა ჩემი სახელის გამო იმსჯელეს და გადაწყვიტეს, რომ კეკუტიების გვარში თუ ბადრი იყო, მას უსუბი და ამირანიც უნდა ამოსდგომოდნენ მხარში და... აგერ გახლავართ უსუბი! თუმცა, ამ სახელს არავინ მეძახის. გარშემო სულ ჩემსავით ზარმაცი ხალხი მახვევია: ეზარებათ სახელის ბოლომდე წარმოთქმა და

შინ თუ გარეთ, ყველა უსას მეძახის. თქვენც თუ ზარმაცი ხართ ან გეჩქარებთ, შეგიძლიათ უსა დამიძახოთ.

— სიზარმაცეზე ნუ მიდგება საქმე, თორემ შეიძლება მარტო „უ“ დაგიძახოთ.

— რაც გინდათ, ის დამიძახეთ. თუ ზარმაცი ხართ, ე.ი. შინაური ყოფილხართ და მშვენივრად გავუგებთ ერთმანეთს.

— სიზარმაცის გამო ბევრი პრობლემა გქონდათ?

— სიმართლე გითხრათ, სწავლა არ მეზარებოდა. მაგრამ ამის მიუხედავად, მაინც ოთხი სკოლა გამომაცვლევინეს. საერთოდ კი, სიზარმაცე მე პირადად, არანაირ პრობლემას არ მიქმნის. ის ჩემთვის კომფორტია: როგორც მინდა, ისე ვცხოვრობ „ჩემს კასრში“!

— სკოლებს რატომ იცვლიდით, ძნელად აღსაზრდელი იყავით?

— ამ კითხვაზე ჩემი ერთ-ერთი ღირეჭტორის სიტყვებს მოვიშველიებ: „ჩემს ცხოვრებაში მინახავს იოლად აღსაზრდელი, შემხვედრია ძნელად აღსაზრდელიც, მაგრამ ის არის აბსოლუტურად „აღუზრდელი“. ამ ნაცვალსახელში მე მგულისხმობდა. არადა, წესით ასეთი არ უნდა გამოვსულიყავი: საკმაოდ ინტელიგენტურ ოჯახში დავიბადე. ჩემი მშობლები ვეტექნიკები იყვნენ, განათლებული და წესიერი ხალხი. სკოლიდან პირველად ნოვატორობისათვის გამრიცხეს. სახლში ექსპერი-

ამ სურათის გადასაღებად უსა სპეციალურად მოემზადა: წვერი გაიპარსა, „გრძელი“ შარვალი ჩაიცვა და ნაჭრის ფეხსაცმელებიც გამოიცვალა

მენტი ჩავატარე: ვარდის ფურცლებისგან ლიქორი დავამზადე და სკოლაში წავიღე. მთელი კლასი დავთვერით. ერთი მასწავლებელი გვყავდა — ომის მონაწილე. მარცხენა ხელი ტყვიით ჰქონდა გახვეტილი და ამის გამო, ყველანი სიმულანტს ვეძახოდით, რადგან გაგონილი გვქონდა, რომ ზოგიერთი მეტრძოლი ომის დროს, ჰოსპიტალში მოსახვედრად, ხელს თვითონვე იხვერტდა. აი, ამ მასწავლებლის გაკეთილი გვქონდა, საკმაოდ მკაცრი კაცი იყო, არადა, ისეთ დღეში ვიყავით, ჩვენი მერხები ძლივს ვიპოვეთ. შემოვიდა სიმულანტი, ერთი გადმოგვხვდა და გახვეტილი ხელი, რომელშიც გრძობა არ ჰქონდა, ისე დაჰკრა მაგიდას, რომ იმწამსვე დაშალა. თვალებს არ დაუუჯერე. „ვა, სიმულანტ?!“ წამომცდა გაკვირვებულს და... მთელი კლასი ახარხარდა. მთელი 45 წუთის განმავლობაში ვიცინეთ. აი, ამისთვის გამრიცხეს.

— მეორედ?

— მეორედ — სიყვარულის გამო. გოგოს ვეფერებოდი და დამლაგებელი დავადგა ცოცხით და „პოლის“ ჯონით თავზე. ის გოგო ისეთი ვინმეს შვილი იყო, რომ შემიწებულმა მასწავლებლებმა ქვეყანა შემიფარეს. გოგოს მამამ კი, როცა ეს ამბავი გაიგო, ტყვია მესროლა... ბოლოს

სკოლიდან კომკავშირში არშესვლის გამო გამოძრინეს. ასლაც მეჩვენება, რომ ყოველთვის უფრო მკაცრად მსჯიდნენ, ვიდრე ვიძახებოდა. ყველას ეჩვენება, რომ დასურულ სივრცეში უფრო საშიში ვარ და ჩემს თავიდან მოცილებას ცდილობს. ასე იყო სკოლაშიც. ასეა ციხეშიც. მი-აჩნიათ, რომ ზონაში უფრო საშიში ვარ, ვიდრე თავისუფლებაზე და ამიტომაც ვარ დღეს თავისუფალი.

— ე.ა. კრიმინალური წარ-სულიც გაქვთ?

— კი, ასეთიც მოიძებნება ჩემს არქივში, მაგრამ რაც მაქვს, ყველაფერს გასაყიდად ზომ არ დავდებ. ზოგიერთი რამ დასლს მიღმა მაქვს გადამალული.

— იქნებ, ეს ანტიკვარებიც მოპარულია?

— არა, ესენი არ არის მოპარული.

— აბა, როგორ ხვდება ისინი თქვენთან?

— შეხედეთ, რა ახლოს არის მტკვარი. გული ძწყდება, ბარათაშვილივით ლექსებს რომ არ ვწერ. მტკვრის პირას მარადიულად არის ნიაგი, რომელსაც ზოგიერთისთვის ლექსები მოაქვს, ზოგისთვის საინტერესო ამბები, ზოგისთვის კი — ანტიკვარიატი.

— ქარის მოტანილს ქარივე წაიღებსო, ნათქვამია...

— ზუსტად ასეა ჩემი საქმე, მაგრამ მაინც სიამოვნებით ვაგროვებ სიძველეებს. რა ვქნა, ჩონხა-ახალუხიანი ქართველები „მეკასება“. მე სიმონა დოლიძის ფოტოსურათიც მაქვს სადღაც. ჩემნაირი ხალხი

რომ არ იყოს, შეიძლება ასეთი ფოტოსურათები ისე გადაყარონ, რომ ვერც მიხვდნენ, ვინ არის ეს კაცი. შეიძლება ითქვას, თქვენ ასლა წინაპრების გამყიდველს ესაუბრებით. ბევრ ისტორიულ ნივთს ვერ ვიმეტებ გასაყიდად და ჩემთვის ვიტოვებ. ბევრიც ხელნაწერთა ინსტიტუტისთვის, თეატრებისა და მუზეუმებისთვის მაქვს ჩაბარებული.

— რა ვქნა, რაღაც არა მგონია ყოველი ნივთი ქარის მოტანილი. ვფიქრობ, მშრალ ხიდზე ვაჭრობას პოლიცია, უშიშროება და „შაგები“ ერთად აკონტროლებენ.

— გეთანხმებით. პოლიცია და უშიშროება ნამდვილად ცდილობს, მშრალი ხიდი თავისებურად გააკონტროლოს. არც ვამტყუნებ. ასეთ ადგილებში, ხშირ შემთხვევაში, დასლზე რაც აწყვია, — „მასკიროვკა“. სინამდვილეში კი, სულ სხვა ვაჭრობა მიდის. აგერ, ის ორი ტიპი რომ გვიახლოვდება, „შესტოი ატდელიდან“ არიან. მე მგონია, ისინიც თქვენნაირად ეჭვობენ, რომ აქ ყველაფერი ქარს მოაქვს.

ოპერატიული ჩანართი: მართლაც, ორი მაღალ-მაღალი და მელოტ-მელოტი ტიპი მოგვიახლოვდა. უსა სკივრიდან ჩამოხტა. ტიპებმა მაგიდა მოათვალიერეს და შელისფენისტარიანი დაწებით დაინტერესდნენ. უსას რაღაც კითხვები დაუსვეს. იმანაც უპასუხა. სიმართლე ვითხრათ, მე მათი ლექსიკონის ბევრი ვერაფერი გავიგე. უცებ მაგიდასა და კედელს შორის დრიჭოდ დარჩენილ ადგილს მოგკარი თვალი. იქ უწესრიგოდ ჩაყრილი რაღაც ნივთებიც დავაფიქსირე და ტანში გამცრა. როდესაც წავიდნენ, უსამ თავის ვერცხლის სასტვენს ჩაჰბერა და ისევ სკივრზე შემოსკუპდა. მე კი, თანამზრახველის სილალით, ჩემი ვერსია გავუმხილე: იქნებ, ეს ტიპები მაგიდის უკან ჩაყრილ ნივთებს ეძებდნენ-მეთქი. უსამ უკვე შინაურულად დამამშვიდა: თქვენ, პოლიციელები და ჟურნალისტები, რაც მაგიდაზეა, იმას რატომღაც მაგიდის უკან ეძებთ. რა ვიცი, იქნებ მათ ეს ნივთი აინტერესებდათ: — თქვა და მაგიდიდან შავ, ჭუჭყიან ცელოფანში გახვეული რაღაც საგანი აიღო, ცელოფანი შემოაცალა და... ბუდას უმშვენიერესი პატარა ზომის ქნდაკება მიჩვენა. ბუდას თვალებში ალმასები ბრწყინავდა. უკვე დამდებოდა. ამ მშვენიერებით დიდხანს დატკობის დრო ნამდ-



ვილად არ მქონდა და ისევ ინტერვიუს დაუპირუნდი. საუბარი უსამ განაგრძო:

— აქ, ჩემთვის არაფერია უძველეს კოლხურ მონეტებზე უფრო ღირებული. ნივთების უმეტეს ნაწილს გალატაკებული ქართველი არისტოკრატები და მათი შთამომავლები მხარებენ. იცით, ეს რა გულის ამაჩუყებელია? მათთან ერთად მეც განვიციდი. გულგრილი ადამიანი, ვინც ამ სცენას უგრძობლად უყურებს, ვერც იმ ნივთებს შეიყვარებს, რომელსაც უტოვებენ. არადა, ნივთებს თავისი ბიოგრაფია აქვს, ვინ იცის, თითოეულმა მათგანმა რამდენი პატრონი გამოიცვალა, რამდენჯერ გაიტაცეს, ან სად უფრო კარგად იყვნენ — მოკლედ, მათ ისეთივე თავგადასავალი აქვთ, როგორც ლამაზ ქალებს. მე მათ ისე ვუყურებ, როგორც ცოცხალ არსებებს. ზოგჯერ მემალეებიან და რომელიმე მათგანს ვერ ვპოულობ. ოთახიდან ოთახში დავდივარ, მის დობილ-ძობილზე ვიჭექები და თან ვემუქვები: აი, გიპოვი და ნახავ, მერე რაც მოგივა! ხან კი ვეფერები: რა მშვენიერი ხარ, რა ნატანჯი. აი, ის საქსოფონი ერთმა გალითებულმა მუსიკოსმა მომიტანა, დიდი ხანია ჩემთან არის. ძალიან მიყვარს. მეცოდება, რომ არავის აინტერესებს. არადა, ვგრძნობ, როგორ უნდა, ვინმემ იყიდოს და ბაგე შეახოს. ნივთები ხშირად „ძველ ქართველებს“ მოაქვთ და „ახალი ქართველები“ ყიდულობენ. ჩემი სიმპათიები „ძველების“ მხარეს არის. „ახალი ქართველები“ ძალიან ბიჭები არიან, უხეშები, ტლანქები და „წამლით“ გაბერილები. მათში ქალები უკეთესები არიან, ვიდრე კაცები. ჩემთან ხშირად მოდის ერთი ქალბატონი, ცირა ჰქვია. ნამდვილი არისტოკრატია. ძალიან მოხუცი და ძალიან ლამაზი! ყელზე თეთრ მძივს იკეთებს. მოვა, მომიტანს რაიმე ნივთს, მომიყვება მის ისტორიას. მერე პარიზის ამბებზე წამეჭორავება. მე სიგარეტს შევთავაზებ, ერთ-ორს გააბოლებს და... დამტოვებს. მე შეყვარებული ვარ ამ ქალზეც და მის ნივთებზეც, როცა მის ვკვრდით ვარ, ვგრძნობ, რომ მაწანწალა ვარ. ალბათ ცირაც გრძნობს,



რომ მიყვარს და ყოველთვის ჩემთან მოდის. აი, ამაშია მთელი ჩემი საქმიანობის სიბლი, თორემ თუ კაცმა რომელიმე ნივთის ხელში ჩაგდება მოინდომა, — არ არსებობს დაკეტილი კარი! ყოველგვარი საკეტი იხსნება, რადგან ის ჩემნაირივე ადამიანის შექმნილია და არა ღმერთის!..

— ყველაფერი მესმის, მაგრამ ამ ლენინ-სტალინის სურათებს ვინღა ყიდულობს?

— სხვათა შორის, კარგად იყიდება. ამას წინათ ვხედავ, მოდიან ქუჩაში ბავშვები და ლენინის დიდი სურათი სანაგვეზე მიაქვთ. 1 „კოკა-კოლაში“ და 2 ნაყინში გავუცვალე. წამოვიღე და იმ დღესვე იყიდა ვიღაც უცხოელმა.

— ამ ბოლო დროს თუ ჩაგივარდათ ხელში რაიმე საინტერესო?

— ეს არის რამდენიმე საუკუნის წინანდელი ჭოგრიტი. ვფიქრობ, ამით თვით ნაპოლენი იხედებოდა, მაგრამ აქ საიდან გაჩნდა, არა ვიცი. კიდევ 1937 წელს ალავერდიან წამოღებულ საეკლესიო წიგნებში ერთ-ერთი მამოსი დღიური აღმოვაჩინე. ეს მართლაც ძალიან საინტერესოა.

— თუ არსებობს ნივთი, რომლის დანახვაც არ გინდათ?

— კი. ეს არის საათი: ამ მექანიზმზე უარესი ჯერ კაცობრიობას არაფერი მოუგონია...

— პარლამენტარებისგან ან ვინმე ცნობილი ჩინოსნისაგან ხომ არ გაქვთ დაკვეთები? თავისი კოლექციის შესაფასებად ხომ არ უთხოვია ვინმეს დახმარება?

— პარლამენტარები ხშირად ყიდულობენ ჩემგან ანტიკვარებს, მაგრამ მათი კოლექციის შესახებ არაფერი ვიცი. მხოლოდ ორ ადამიანს დავუხმარე კოლექციის შევსებაში, ესენი არიან გიორგი გაჩეჩილაძე და რომა

რცხილაძე, რომლებიც ხელჯოხებს აგროვებენ. ჩვენთან ევროპიდან შემოსული ხელჯოხების უმრავლესობაში რაღაც იმაღლება. მე ეს ვიცი. ამიტომ ყოველ უცხო „ტროსტს“ იდუმალების შარმით მოსილს ვხედავ და ერთი სული მაქვს, ის ხელში დავიჭირო. ამჟამად, მხოლოდ ერთი ხელჯოხი-დაშნა მაქვს, სიმართლე გითხრათ, ისე მომწონს, რომ გასაყიდად ვერ ვიმეტებ.

— ანტიკვარებისა და „შავი სამყაროს“ ურთიერთობაზე რას გვეტყვოდით?

— სად არის „შავი სამყარო“? ის არ არსებობს! უფრო სწორად, არსებობს, მაგრამ ეს ის არ არის, ხალხს რაც ჰგონია. „შავი სამყარო“ ხელისუფლების მიერაა შექმნილი. მისი დღევანდელი დანიშნულებაა შავი ბიზნესის კონტროლი — აი, ამ საქმეში იყენებს ხელისუფლება დღეს „ავტორიტეტებს“. მოკლედ, ქურდად ყოფნა დღეს გოიმების საკენკად იქცა.

— პოლიტიკასთან გაქვთ რაიმე შეხება?

— პოლიტიკასთან არა, პოლიტიკოსებთან — კი. მერაბ კოსტავასთან ერთად უამრავი ღამე გამოთენებია. გია ჭანტურიასთან ვემეგობრობდი. მე და ქალაქის ასლანდელი მერი, ვანო ზოდელავა და-ძმის შვილიშვილები ვართ. ალბათ სააკაშვილსაც ვახსოვარ გველის ნაკბენივით. დღეს ცუდი პოლიტიკაა საქართველოში. ამიტომ გახდა ასე ძნელი აქ ყოფნა.

— თქვენც ხომ არ ფიქრობთ აქედან წასვლაზე?

— არა, სად უნდა წავიდე?!
— **მაგალითად, ამერიკაში!**
— არა, ამერიკა ვერ ეღირსება იმას, რომ ამერიკელი გავხდე...

ეს არის ქართველი „მაწანწალის“ ბოლო სიტყვა. იმ კაცის, რომელიც თავისი ქვეყნის წარსულით ვაჭრობს.



ბესტიკრიფიზია

1) **ლუი არმსტრონგის მეთსახელი იყო:**



- ა) საჩმო;
- ბ) სლაი;
- გ) ტოტო.

2) **ჩამოთვლილთაგან რომელი სიტყვა არ არსებობს აფხაზურ ენაში?**



- ა) კოსმოსი;
- ბ) ზღვა;
- გ) მაცივარი.

3) **რას უწოდებდნენ უზალ-თუნს?**



- ა) 10 კაპიკს;
- ბ) ერთ მანეთს;
- გ) ერთ თუმანს.

4) **რა ფერის თვალები აქვთ სიამის კატებს?**



- ა) ცისფერი;
- ბ) მწვანე;
- გ) წითელი.

პასუხები იხილეთ 61-ე გვერდზე

2001 წლის 14 ივლისს თბილისში, კიდევ ერთი სა- დისტური მკვლელობა მოხდა. თემქის დასახლებაში მე-4 მ/რაიონის მე-10 კორპუსის მცხოვრებლებმა და მათ მიერ გამოძახებულმა მეხან- ძრეებმა მე-7 სართულზე მდებარე ბინის ფანჯარაში, იქ მცხოვრები 41 წლის ჯიბო სადღობელაშვილი დაინახეს. მას ხელში სისხლიანი დანა ეჭირა და აქეთ-იქით დადიო- და. ფანჯარასთან მიახლოებუ- ლი ერთ-ერთი მეხანძრე, რომელიც სრულიად უარალო იყო, მაშინვე უკან დაბრუნდა და მეზობლებს პოლიციის გამოძახება ურჩია...



მოკლული ვანო არჩვაძე, ცოლ-შვილთან ერთად

„დაკეტილი კარიდან მოგაკვდავი ქმრის ხრიალი მესმოდა...“

სადისტური მკვლელობა თემაზე

მეზი სანაპა

სამართალდამცავებმა ბინის კარი შემტვირთეს. ჯიბო სადღობელაშვილი მათ მთვრალი დახვდათ, ხოლო ოთახ- ში, იქვე იატაკზე, მისი მეზობლის – ვანო არჩვაძის დანით აჩეხილი უსუ- ლო გვაში ეგდო...

ჯიბო სადღობელაშვილს პოლიცი- ისთვის მაინცდამაინც დიდი წინააღმ- დეგობა არ გაუწევია, განყოფილებაში კი დანაშაულიც აღიარა. „ვანო მოგკა- ლი, მაგრამ რისთვის, არ მახსოვს“, – განუცხადა მან სამართალდამცავებს.

ვანო არჩვაძე 43 წლის იყო. იგი მე-2 ჯგუფის ინვალიდი გახლდათ, სიარული უჭირდა, რის გამოც, არ- ქიტექტორი და მხატვარი, არსად მუშაობდა. შინ ხატავდა და ქარავ- და. ვანო არჩვაძეს ცოლი და ორი მცირეწლოვანი შვილი ღარჩა...

გარდაცვლილის სხეულზე ექსპე- რტებმა გვამის თავდაპირველი დათვა- ლიერებისას სანადირო დანით მიყ- ენებული 20 ჭრილობა დააფიქსირეს. ჭრილობები ძირითადად ყელის, მკლავ- ისა და გულმკერდის მიდამოში აღე- ნიშნებოდა. ჯიბო სადღობელაშვილის თქმით, ვანო არჩვაძე მასავით ნასვამი იყო. „თავიდან არ სვამდა, მერე კი ერთი ჭიქა დალია“, – ამბობს იგი.

ქმრის სიმთვრალეს კატეგორიულად უარყოფს დაღუპულის მეუღლე. მკვ- ლელს შემთხვევის ადგილიდან წასვ- ლის საშუალება სწორედ მან არ მის- ცა...

ინგა დრაილინგი, მოკლულის მეუღლე:

„დილით, დაახლოებით 8 საათი იქნებოდა, როცა ტელეფონმა დარე- კა. ავდექი, მაგრამ ზარს ვეღარ მივეუსწარი. ცხრის ხუთ წუთზე ზარი ისევ გამეორდა, ამჯერად ყურმილი ავიღე და ვუპასუხე. ჩვენი მეზობელი ჯიბო სადღო- ბელაშვილი აღმოჩნდა. იგი ჩვენ ქვემოთ, მე-7 სართულზე ცხოვრობ- და, სულ ორი წლის გადმოსული იყო ამ კორპუსში, მაგრამ მას- თან საკმაოდ კარგი, ნორმალური მეზობლური ურთიერთობა გვქონ- და. ბინაში რემონტს აკეთებდა და ჩემი ქმარიც ხშირად ეხმარე- ბოდა, ფიზიკურად არა, მაგრამ თუკი რომელიმე ხელსაწყო დასჭირდებოდა, ჩვენგან მიჰქონ- და. ჯიბო საჩხერელი გახლდათ, თბილისში შედარებით ახალი ჩამოსული იყო და ჩემი ქმარი ამის გამოც აქცევდა ყურადღებას. ხშირად სახლის გასადგებაც ერთმანეთს ვუტოვებდით. იმ დილ-

ითაც, რომ დარეკა, არ გამკვირვე- ბია, მითხრა – ერთი წუთით ვანოს დაუძახე, ჩემთან ჩამოვიდეს, საქმე მაქვსო. ვუთხარი – ვანოს სძი- ნავს, გავადვიებ და ჩამოვა-მეთ- ქი. კარგიო და ყურმილი დაკი- და. დაახლოებით 9 საათისთვის ტელეფონმა ისევ დარეკა. ჩემმა უმცროსმა შვილმა უპასუხა. როცა დაკიდა ბავშვმა ყურმილი, შევეკითხე – ვინ იყო-მეთქი? ჯიბო იყო, ასე თქვა – მამიკოს უთხარი, ახლავე ჩამოვიდესო. მაშინ მე თვითონ დავურეკე ჯი- ბოს – რა იყო, რამე ხომ არ მოხდა-მეთქი? საქმე მაქვს და ჩამ- ივიდესო – მოკლედ მითხრა. ამის შემდეგ ჩემი ქმარი ლოგინიდან ავაყენე, ჯიბო გირეკავს, ამბობს – რაღაც საქმე მაქვსო. ვანოც ადგა. შორტები ჩაიცვა, თავი მოი- წესრიგა, არც წყალი დაუღევია, არც ყავა – პირდაპირ ჯიბოსთან ჩავიდა. წავალ, ვნახავ, რა უნდა, ნეტავ, რა უჭირს ამ საცოდავ- სო... საერთოდ, საწყალი ადამი- ანის შთაბეჭდილებას ტოვებდა ეს ჯიბო. მატერიალურად არ უჭირ- და, მაგრამ სოფლური იერი ჰქონ- და და ყველაფერში მოუხერხე- ბელი, მოუქნელი ჩანდა. ჩემი

ქმარი კი ბუნებით ძალიან კეთილი და ყურადღებიანი იყო...

ვანოს ჩასვლიდან დაახლოებით ნახევარ საათში ჯიბოსთან დავერეკე. წასასვლელი ვიყავი. ყურმილი მან აიღო, შევეკითხე – რას შვრება ჩემი ქმარი, აღარ ამოდის-მეთქი? შენც ჩამოდი ერთი წუთით, ძალიან ვთხოვო – მითხრა. მართალია, ერთ ბავშვს ჯერ კიდევ ეძინა, მაგრამ მაინც ჩავიდი. მეც მაინტერესებდა, რა ხდებოდა. ბინაში შევედი, მაგიდაზე ორი ცარიელი ჭიქა იდო, იქვე კიტრის ნაფცქვენიები ეყარა, მერე კიტრის პატარა ნაჭერიც შევნიშნე. პური ან სხვა რამე არ იყო, არც სასმელი ჩანდა სადმე. იქვე იჯდა ჩემი მეუღლეც, არაფერს ამბობდა. ჯიბომ შემომთავაზა – მოდი, ერთი ჭიქა დალიეო. მე უარი ვუთხარი, ეკლესიაში მივიღივარ, თან ამ დილაადრიან რა უნდა დავლიო-მეთქი? მერე ვანოს მივუბრუნდი და ვთხოვე, ჩემი ეკლესიაში სიარული და ლოცვა წყალში არ ჩაეყარა (ღმერთს მის გამოჯანმრთელებას ვევედრებოდი) და არ დაეღია. ვანოს ხმა არ ამოუღია. აშკარად ჩანდა, რომ ნასვამი არ იყო. ჯერ ერთი, სუფრაზე სასმელი არ იყო, რას მთავაზობდა ჯიბო, დღემდე ვერ გამიგია. მიუხედავად ამისა, ახლა მახსენდება – ვანოს უცნაური გამოხედვა ჰქონდა, გაბრუებულივით იყო. ნასვამი არც ჯიბო იყო, ამაში დარწმუნებული ვარ.

წამოსვლისას ვანოს კიდევ ერთხელ ვუთხარი – სახლში ამოდი-მეთქი. თუმცა, მაშინვე ადგომა და ბინიდან ჩემთან ერთად წამოსვლა არ დამიძალბებია. მამაკაცებს ასეთ დროს, ხომ იცით, თავმოყვარეობა ელახებათ ზოლმე. როცა შინ ამოვედი, საუზმის მომზადება დავიწყე. ეკლესიაში წასვლას უფროს ბიჭთან ერთად ვაპირებდი, უმცროსი შვილი – გოგონა კი, ჩემს ქმართან უნდა დამეტოვებინა. 11 საათზე სახლიდან უნდა გავსულიყავით, რადგან ლოცვები 12 საათზე იწყებოდა. ვანო ამოსვლას რომ აგვიანებდა, კვლავ ჯიბოსთან დარეკვა გადა-

ვწყვიტე. სამი ზარის შემდეგ, ჯიბომ ყურმილი აიღო. ისევ ვთხოვე, ვანოსთვის გადაეცა, შინ ამოსულიყო. „ნუ იცი შენ ასე, ვსაუბრობთ და ნახევარ საათში ამოვა“, – მიპასუხა ჯიბომ. კარგი, აბა, მე მივიღივარ-მეთქი, ვუთხარი. ამასობაში ნახევარი საათიც გავიდა. უკვე აშკარად ჩვენი წასვლის დრო იყო. ტანსაცმელი გამოვიცვალე და ზუსტად 11 საათზე ბავშვები ჯიბოსთან ჩავუშვი, რათა მამა ამოეყვანათ. ორ წუთში ორივე ამობრუნდა, მითხრეს: დედა, ჯიბო და მამა კარს არ აღებენ, რაღაც შრიალი ისმის შიგნიდან, მგონი, ტელევიზორი შიშინებსო. გამიკვირდა, მაგრამ ნამდვილად არ შემშინებია: იმწუთს ცუდი არაფერი მიფიქრია. მოვიკიდე ჩემს ბავშვებს ხელი, ჩანთაც ავიღე, ბინის კარი დავეკეტე და ქვემოთ ჩავიდი. უმცროსი შვილი და გასაღები ვანოსთვის უნდა დამეტოვებინა. კარზე ვაკაკუნე, მაგრამ არავინ გამიღო. რაღაცის შრიალის ხმა მართლაც ისმოდა. მაშინ ხმამაღლა დავიწყე ძახილი – ჯიბო, ვანო, გააღეთ კარი-მეთქი. არავინ ხმას არ მცემდა, ვიფიქრე – ან უზომოდ მთვრალეები და გათიშულები არიან, ან რომელიმე მეზობელთან გავიდნენ-მეთქი. დავიარე მეზობლები, მაგრამ ვერსად ვიპოვე, ყველა მხრებს იჩეჩდა – არც ერთი გვინახავს, არც მეორეო. ჩემს ქმარს შორტები ეცვა და ვიცოდი, ქუჩაში ისე არ გავიდოდა, ეუხერხულეობდა. ამიტომ თანდათან ვრწმუნდებოდი, რომ ორივეს რაღაც დაემართა და განგაში ავტეხე. მეზობლებს ვთხოვე – იქნებ რომელიმე, აივნიდან გადახვიდეთ, ნახოთ, რა ხდება-მეთქი. ვერ გაბედე – ბოლოს და ბოლოს, მე-7 სართულია. მაშინ სახანძროს გამოვუძახეთ. ის შრიალი გაზის ხმას მივაწერე, ვიფიქრე – ალბათ დათვრნენ და გაზი მოუშვეს, დარჩათ და მოიგუდნენ-მეთქი. თუმცა, ისიც მიკვირდა, ერთ საათში ასე უაზროდ როგორ უნდა დამთვრალიყვნენ.

მეხანძრეები მოვიდნენ, ერთ-

ერთი მათგანი ზემოთ ავიდა, დაუნახავს, რომ ვიღაც კაცი სისხლიანი დანით ხელში, აქეთ-იქით დადიოდა. მაშინვე უკან მობრუნდა, მეზობლებისთვის უთქვამს, რაც ნახა. მე არ მიმხელდნენ, სახლში ჩამკეტეს, ბოლო წუთამდე არ ვიცოდი, ჩემი ქმარი დაჩეხილი თუ იყო...

ახლა ვხვდები, ის შიშინი, ბავშვებმა და მე რომ გავიგონეთ, არც ტელევიზორის, არც გაზის ხმა არ იყო, – ჩემი ქმრის ხრიალის ხმა მესმოდა...“

მეზობლების თქმით, იმ დროს, როცა სამართალდამცავები ბინის კარს ამტკრევედნენ, ჯიბო სადღობელაშვილის ხმა გაისმა: „ჯიბო კარგი ბიჭია, ჯიბო ვაჟკაცია!“ – ამბობდა თურმე. ხოლო რომ დააკავეს, ტანსაცმელსა და ხელეზე ერთი წვეთი სისხლიც კი არ ეტყობოდა, – მაშინ, როცა მთელ ბინაში სისხლის გუბები იდგა... ჯიბოს მხოლოდ ფეხსაცმელები ჰქონდა გასისხლიანებულიო – ამბობენ მეზობლები.

ინგა დრაილინგი:

„ერთ-ერთმა პოლიციელმა მითხრა – თანხა შემოგვთავაზა, აქედან გამაპარეთ და რამდენიც გინდათ, იმდენ ფულს მოგცემით... როგორც ჩანს, მკვლელობის შემდეგ სახლიდან ჩუმად წასვლა უნდოდა, ტანსაცმელიც ამიტომ გამოიცვალა, მაგრამ ხელი მე შეკუშალე. იცოდა, შინიდან მივდიოდი, თუმცა, გასაღებისა და ბავშვის ქმართან დატოვებას რომ ვაპირებდი, არ გაახსენდა...“

დღემდე გონს ვერ მოვსულვარ, ვერ ვხვდები, რა მიზეზით მომიკლა ასე სადისტურად ქმარი. ჩვენ შორის არანაირი უთანხმოება არ ყოფილა, არც მასა და ვანოს უკამათიან ოდესმე. რამე რომ ყოფილიყო, ჩემი ქმარი მე მაინც მეტყვოდა.

ფული არ გვქონდა, რომ მოეთხოვა და ამის გამო მოეკლა. არც ჩვენ გამოგვირთმევია მისთვის თანხა. სულ ცოტა ხანში გერმანიაში ვაპირებდით მთელი ოჯახი საცხოვრებლად გადასვლას, რადგან მე ეროვნებით გერმანელი ვარ. ავეჯი გავყიდეთ, ბინასაც ვყიდით. ამის შესახებ

ჯიბომაც იცოდა, თუმცა ვერც აქ ვპოულობ მკვლელობის მიზეზს.

ვერჯერობით ვერსად წავალ, ვიდრე ჩემი უდანაშაულო ქმრის საშინელი წამებით მოკვლისთვის ჯიბო სადღობელაშვილი სათანადოდ არ აგებს პასუხს. ხოლო თუკი ოდნავ მაინც შევატყვე, რომ გამოძიება არაობიექტურად, ზერელედ ან ზანტად წარიმართა, მაშინვე გერმანიის საელჩოს მიემართავ და სიმართლეს მათი დახმარებით მაინც მივალწვევ...”

როგორც აღმოჩნდა, ჯიბო სადღობელაშვილს მატერიალურად არ უჭირდა. იგი თბილისში ერთ-ერთი სასადილოს მეპატრონე გახლდათ, ბინაში კი ე.წ. ვერორემონტი მკვლელობამდე ცოტა ხნით ადრე დაასრულა. ჯიბო სადღობელაშვილი მარტო ცხოვრობდა, ცოლ-შვილი არ ჰყავს, თუმცა, როგორც მეზობლები ამბობენ, არც ნათესავები აკითხავდნენ სახლში.

ერთ-ერთი ვერსიით, იგი ფსიქიკურად დაავადებულია და სავარაუდოდ, სადისტური მკვლელობაც ამის ნიადაგზე ჩაიღინა.

ინდა ღრაილინგი:

„არადა, გიჟის ან ზედმეტად ნერვიული ადამიანის შთაბეჭდილებას ნამდვილად არ ტოვებდა. პირიქით, მშვიდი, ჩვეულებრივი კაცი იყო. თუმცა, მკვლელობა ისე საშინლად აქვს ჩადენილი, ამას მარტო სადისტო თუ გააკეთებს. დარწმუნებული ვარ, ის ჩემს ქმარს უკნაღან მიეპარა და დანა ისე ჩაარტყა, თანაც ჯერ კისერში, რათა მას წინააღმდეგობის გაწევისა და, მით უმეტეს, ყვირილის ძალა აღარ ჰქონოდა. ვანომ, როგორც ჩანს, მაშინვე ყელზე მიიფარა ხელი, რადგან ის მკლავი სულ დაჩეხილი ჰქონდა... ასე რომ არ ყოფილიყო, მართალია, ჩემი ქმარი ინვალიდი გახლდათ, მაგრამ საკმაოდ ღონიერი იყო და მას ადვილად მოერეოდა, დანას წაართმევდა...”

ჯიბო სადღობელაშვილის ფსიქიკური ჯანმრთელობის შესამოწმებლად გლდანი-ნაძალადევის რაიონულმა პროკურატურამ ფსიქიატრიული ექსპერტიზა დანიშნა. პასუხი, როგორც ამბობენ, უახლოეს დღეებში უნდა გახდეს ცნობილი.

სასამართლო გამოძიება დასრულდა, განაჩენი კი არა და არ ჩანს



ჟურნალისტიკის ფაკულტეტის სტუდენტების მკვლელობის საქმე სასამართლოში ჭიანურდება

მეზო სანავა

ჟურნალისტიკის ფაკულტეტის ორი სტუდენტის – 19 წლის ზაზა როინიშვილისა და 19 წლის დათო ჯორბენაძის მკვლელობის დასჯას დალუპულთა ოჯახის წევრები და მეგობრები უკვე 11 წელია ელიან (ამ საქმეზე ვრცლად, №№10, 14, 15-ში ვწერდით). მართლმსაჯულების აღსრულების იმედი მათ 1999 წელს ჩაესახათ, როცა ამ მკვლელობებში ეჭვმიტანილი ზურაბ ლომაძე, 9 წლის მანძილზე საზღვარგარეთ მიმალვაში ყოფნის შემდეგ, პროკურატურაში გამოცხადდა. გამოცხადდა არა დანაშაულის აღიარებით, არამედ, როგორც თავად დასძენს, სიტუაციის გასარკვევად: მისივე თქმით, მან საქართველოში ჩამოსვლამდე ცოტა ხნით ადრე შეიტყო, რომ პროკურატურა ორი ადამიანის მკვლელობაში სდებდა ბრალს. სამართალდამცავებმა ლომაძე დააპატიმრეს და მას როინიშვილისა და ჯორბენაძის განზრახ მკვლელობის შესაბამისი მუხლი მიუყენეს.

ბრალდებული თავს უდანაშაულოდ აცხადებდა. იგი დღესაც კატეგორიულად უარყოფს ორი ადამიანის სიცოცხლის ხელყოფას. ადვოკატები კი განსასჯელის გულწრფელობის ერთ-ერთ დამადასტურებელ საბუთად პროკურატურაში საკუთარი ნებით მის გამოცხადებას ასახელებენ. თუმცა, ლომაძის ამ მოუ-

ლოდნელ გამოცხადებას ბევრი სულ სხვა თვალთ უყურებს. 1991 წელს მოქმედი სისხლის სამართლის კოდექსის თანახმად, დამამძიმებელ გარემოებებში ჩადენილი ორი ან მეტი პიროვნების განზრახ მკვლელობისთვის დამნაშავეს დახვერტა ემუქრებოდა. კოდექსის შეცვლის შემდეგ, პრეზიდენტის განკარგულებით, დახვერტა გაუქმდა და სასჯელის უმაღლეს ზომად, სამუდამო პატიმრობა განისაზღვრა. თუ დანაშაული ჩადენილია ძველი კოდექსის მოქმედების პერიოდში, დამნაშავეს მუხლებიც ძველი კანონის მიხედვით უნდა წარუდგინონ. ძველი კოდექსით კი, ზურაბ ლომაძის მიმართ განსაზღვრული მუხლი სასჯელის მაქსიმუმად, 15 წლით თავისუფლების აღკვეთას ითვალისწინებს.

ზურაბ ლომაძე პროკურატურაში სწორედ ამ ცვლილების შემდეგ მიდის. „იცოდა, რომ ორი ახალგაზრდა ბიჭის მკვლელობისთვის 15 წელზე მეტი არ მოელოდა და ჩამოვიდა“, – აცხადებენ დაზარალებულები. თუმცა, ისმის კითხვა – ხომ შეეძლო ლომაძეს ბოლომდე დამალულიყო, საზღვარგარეთ გაეგრძელებინა ცხოვრება და სასჯელიც თავიდან აეცილებინა? დაზარალებულის პასუხი ასეთია: „როგორც ჩანს, შეიტყო, რომ პროკურატურას მის ადგილსამყოფელზე ინფორმაცია ჰქონდა, დღეს თუ ხვალ მაინც მისწვდებოდა და საკუთარი ნებით გამოცხ-

ადება არჩია. თანაც ეს შემამსუბუქებელ გარემოებაშიც ჩათვლებოდა“.

ყოველივე ამაზე საბოლოო სიტყვა სასამართლომ უნდა თქვას. საქმის ცხრათვიანი სასამართლო გამოძიება, როგორც იქნა, დასრულდა, თუმცა პროცესმა ბოლო სტადიამდე – განაჩენამდე ვერა და ვერ მიაღწია. მიზეზი – განსასჯელის ადვოკატების სასამართლოში გამოუცხადებლობა გახლავთ. ერთ-ერთი – კუკური ჭუმბურიძე, საავადმყოფო ფურცლის თანახმად, 13 ივლისიდან ავადმყოფობს. სწორედ ამ მოტივით, მეორემ – ავთანდილ ჭაჭუამ 17 ივლისს დანიშნულ სხდომაზე, სადაც ადვოკატებს დაცვითი სიტყვა უნდა ეთქვათ, რასაც პროცესუალურად განაჩენიც მოჰყვებოდა, სასამართლოს კოლეგიას 26 ივლისამდე სთხოვა ვადის გაგრძელება. 26 ივლისს არც ერთი მათგანი არ გამოცხადდა. კუკური ჭუმბურიძემ სატელეფონო საუბრისას გამოსაჯანმრთლებლად კიდევ 10 დღე მოითხოვა, ჭაჭუამ გამოუცხადებლობის მიზეზის დასახელება საჭიროდ არ ცნო.

სასამართლო კოლეგიამ განსასჯელს ამ საკითხის მოსაგვარებლად, კანონით გათვალისწინებული ბოლო ერთი კვირის ვადა მისცა, ხოლო თუ პრობლემა მაინც არ მოგვარდა, კოლეგიამ, დაპირებისამებრ, ადვოკატი მას სახაზინო წესით უნდა

დაუნიშნოს. დაზარალებულის ადვოკატი ყოველივე ამას განსასჯელის მხარის მაქინაციებს მიაწერს, თუმცა აცხადებს, რომ ვერ ხვდება საბოლოოდ, რა შედეგი შეიძლება მოუტანოს მათ ასეთმა მოქმედებამ.

ლევან ალაფიშვილი, დამზარალებული ჯორბენადიძეების ადვოკატი:

„წინა სასამართლო პროცესი სწორედ ადვოკატ ჭუმბურიძის ავადმყოფობის მიზეზით გადაიდო, თუმცა საგულისხმოა, რომ ჭაჭუა იმ სხდომას ესწრებოდა. მიუხედავად ამისა, მოითხოვა პროცესის გადადება, 26 ივლისიც მან დაასახელა. 26-ში არც ერთი არ მოვიდა. ცხადია, რომ სპეციალურად – დროის გაწევის მიზნით, თუმცა რაში სჭირდება ეს დრო განსასჯელის მხარეს, ჩემთვის გაუგებარია. თუ გავითვალისწინებთ იმას, რომ ადვოკატებს მხოლოდ ლომადის დაცვითი სიტყვის წარმოთქმა დარჩათ, ხოლო განსასჯელმა საბოლოო სიტყვა უნდა თქვას, ამდენად, ამ დროს ისინი პროცესუალურად ვერაფერში გამოიყენებენ. მაგრამ სასარგებლო შედეგის მისაღწევად სხვა, არაკანონიერი ნაბიჯების (ნაც-



დათო ჯორბენადე



მაია როინიშვილი

ნობობა, ქრთამის შეთავაზება და ა.შ.) გადასადგმელად დრო, რა თქმა უნდა, ძალიან დასჭირდებათ...

რაც შეეხება სასამართლოს პოზიციას, ამ შემთხვევაში, მისი გადაწყვეტილება ჩემთვის საეჭივით მისაღები და გასაგებია. მოსამართლეს უფლება არა აქვს, კანონს გვერდი აუაროს და განსასჯელი, თუკი ის ადვოკატს მოითხოვს, დაუცველი დატოვოს.“

აღსანიშნავია, რომ სახელმწიფო ბრალმდებელმა თავისი პოზიცია სასამართლოს უკვე მოახსენა და ზურაბ ლომადისთვის სასჯელის მაქსიმუმი – 15 წლით თავისუფლების აღკვეთა მოითხოვა. ჩაღნილ დანაშაულზე ვრცლად ჟურნალ „გზის“ №10,14 და 15-ში მოგახსენებდით.

საქსამსახურის თანამშრომელმა სოლი დაჭრა

27 ივლისს სამართალდამცავებმა სამთავრობო დაცვის სპეცსამსახურის თანამშრომელი, 32 წლის გურამ ყანჩაშვილი დააკავეს. ყანჩაშვილმა, რომელიც თბილისში, ვარკეთილი-3-ის მე-2 მიკრორაიონის მე-8 კორპუსში ცხოვრობდა, მისთვის სამსახურებრივი მოვალეობის შესასრულებლად გადაცემული ტაბელური პისტოლეტიდან საკუთარ სახლში მთვრალმა გაისროლა. ტყვია მის მეუღლეს, 27 წლის ირინა ყანჩაშვილს მოხვდა. ის სახეში დაიჭრა. სამართალდამცავები ირწმუნებიან, რომ გასროლა შემთხვევითი იყო. „მაკაროვის“ სისტემის პისტოლეტი თავისი 14 ვაზნითურთ ამოღებულია. აღნიშნულ ფაქტს სამხედრო პროკურატურა იძიებს.

26 წლის ახალგაზრდამ საქუთარი ბიძა სანაღირო თოფით მოკლა

ოჯახის წევრებს შორის ბოლო დროს საგრძნობლად გახშირებულ მკვლევლობებს ამ დღეებში კიდევ ერთი დაემატა. ტრაგედია ამჯერად ქობულეთში დატრიალდა. 24 ივლისს დავით აღმაშენებლის ქუჩაზე, 26 წლის ბესარიონ გოგიტიძემ სანაღირო თოფიდან გასროლით საკუთარი ბიძა, 46 წლის ვახტანგ გოგიტიძე მოკლა. დამნაშავე, ისევე, როგორც გარდაცვლილი, სოფელ ალაშბარის მცხოვრებია. პოლიციამ სანაღირო თოფი ამოიღო.

საპატალაქიანთა კახი ნიჟის გეგმისთვის დააკავეს

კორუფციასა და ეკონომიკურ დანაშაულთან ბრძოლის სამართველო ამ დღეებში შპს „მარგალიტის“ დირექტორის საქმიანობით დაინტერესდა. სამართალდამცავთა ინფორმაციით, 26 ივლისს „მარგალიტის“ დირექტორი, მურმან კობერიძე იმაში ამხილეს, რომ იგი თავის საწარმოს სტამბაში წიგნებს ბეჭდავდა: მათი მტკიცებით, კობერიძე ამას ყოველგვარი ნებართვის გარეშე, კანონსაწინააღმდეგოდ და საავტორო უფლებების დარღვევით აკეთებდა. მის საქმიანობას კი ძირითადად მათემატიკის სასკოლო ლიტერატურის ბეჭდვა წარმოადგენდა. პოლიციის თანამშრომლებმა სტამბიდან ასაკინძად გამოზადებული სასკოლო ლიტერატურის 4000 ეგზემპლარი და სპეციალური საბეჭდი ფორმები ამოიღეს.

ოჯახური კონფლიქტი და სამი დაჭრილი

24 ივლისს თბილისშიც მომხდარ, ამ შემთხვევას, საბედნიეროდ, მსხვერპლი არ მოჰყოლია. გელოვანის ქუჩაზე მცხოვრებმა 1965 წ. დ. ემზარ ბიჭარიშვილმა, საღამოს 11 საათზე თავის ბინაში ურთიერთშელაპარაკებისას დანით მკლავსა და ყელში სამი ადამიანი დაჭრა: ყოფილი მეუღლე – იქვე მცხოვრები, 1967 წ. დ. მაია ფარჩუკაშვილი და წალენჯიხის რაიონის სოფ. მედანში მცხოვრებნი: 1971 წ. დ. გია მიქავა და 1966 წ. დ. მაია ჭიჭინაძე.

მოკვლეული მასალები პროკურატურამ უკვე ვაკე-საბურთალოს რაიონულ სასამართლოს გადასცა.

ბ

აჯა სვანია. აღნაგობა იმისთანა აქვს, მტერს შეშურდება, მოყვარეს კი სიამეს მოჰგვრის. ვინ თქვა ქართველების გადაჯიშება?! ა, ძმაო, კაცი! მაგაზეა ნათქვამი: „აქეთ გორასა წიხლსა ვკრავ, იქით გორასა ძვრას ვუზამ“. ბავშვობიდანვე გოლიათი იყო და თავადაც სჯეროდა საკუთარი ძალის (არცთუ უსაფუძვლოდ), მაგრამ ერთხელ, პატარაობაში ქუთაისელმა დეიდაშვილებმა იმისთანა „შტუკა“ გაუკეთეს, კინაღამ შერცხვა ამაყი სვანი. ჯიბგირმა ქუთაისელებმა რიონთან ჩაიყვანეს და შეაგულიანეს: შენზე ამბობენ, მდინარის დაშრობაც შეუძლიაო! აბა, დაგვანახვე, რისი მაქნისი ხარო?

გულუბრყვილო დევივით თავბომბორა ბაჯამ ჩაყო რიონში თავი და დაიწყო წყლის ყლაპვა... მუცელი რომ გაებერა და მაინც განაგრძობდა მდინარის „დაშრობას“, მაშინ კი შეიცოდეს დეიდაშვილებმა: ე, ბიჭო, ამოაყოფინე თავი, თვარა დააშროს კი არა, ადიდებულმა მდინარემ ლამის წაგვლეკოს, თანაც მაგას რო რამე მოუვიდეს, სვანებს ვინ გადაურჩებაო...

ბაჯას ბავშვობის დროინდელი ამბები სიამოვნებით ახსენდება. სვანისთვის დამახასიათებელი სიფიცხე როგორ არ ახლავს, მაგრამ ქუთაისელი დეიდაშვილები იმ იშვიათი გამონაკლისების რიგს განეკუთვნებიან, რომლებზეც არასოდეს ბრაზდებოდა – პირიქით, მათთან ერთად ბაჯაც გულიანად იცინოდა ხოლმე.

მას მერე წლები გავიდა. ბაჯა უკვე დიდა. ცოლ-შვილიც ჰყავს, საქმეც – თავზე საყრელი. თუმცა, როცა დეიდაშვილები მოენატრება, გული ვერ უჩერდება სოფელში და ქუთაისისკენ მიიჩქარის.

ერთხელაც, როცა ქუთაისის ნოსტალგიამ კვლავ შემოუტია,



მარინა ბაბუნაშვილი

ზორნა ნატა და ქონდრისკაცები

ოჯახს ამბად დაუგდო: ჩაგხედავ ერთი, იმ ბიჭებსო... და წავიდა.

ის პერიოდი, როცა უცხოური ტელესერიალი ჩვენში, ეს-ესაა ფეხს იკიდებს. მთელი საქართველო „იზაურას“ არის მიშტერებული: ფილმი რომ დაიწყება, ქუჩაში ჩქამიც არ ისმის. ქუთაისში ხომ გაათკეცებულად აღიქვამენ და განიცდიან ყველაფერს. ჰოდა, მთელი ქუთაისი მონა იზაურასთან ერთად ცრემლს აღვარდვარებს.

სვანეთიდან ჩამოსულ დეიდაშვილს კი დახვდნენ ჟივილ-ხივილით, მაგრამ 15 წუთში მოამთავრეს მიკითხვ-მოკითხვა, დანარჩენი მერე იყოსო, – უთხრეს და ტელევიზორს გასუსულები მიაჩერდნენ. ახლობლების ხილვით გულანუყვებული გოლიათი ცოტათი დაიბნა, მაგრამ რაკილა ჩათვალა, რომ იმ წუთებში ის, იქ ზედმეტი იყო, ქუთაისში გასეირნება გადაწყვიტა.

აი, მიაბიჯებს ჩვენი ბაჯა ქალაქში და ახსენდება თავს გაღამხდარი კურობოები. აგერ, ის ჯაჭვის ხიდიც, სადაც ხშირად დაჰყავდათ ხოლმე დეიდაშვილებს... აი, ის ნაპირიც, სადაც

მდინარის დაშრობა დაავალეს ბიჭებმა... ბაჯა გადაეყუდა ხიდიდან და უყურებს წყლის ღინებას. სიამოვნებს მდინარის ხმა...

მაგრამ, ეს რა ხდება? თვალებს არ უჯერებს! წყლიდან პატარა კაცუნები ამოდიან, უღიმიან, თვალს უკრავენ და ხელს უქნევენ. ბაჯამ ლოყაზე ხელი იტკიცა – ხომ არ მეჩვენებაო, მაგრამ არა, სულაც არ ეჩვენებოდა: ქონდრისკაცები მხიარულად იცვამდნენ, თან ხიდისკენ მიიწევდნენ და ბაჯას უახლოვდებოდნენ. სვან გოლიათს გული აუჩქროლდა, იზაურა მთლად დაავიწყდა და გონების თვალთ სულ სხვა, საკმაოდ „შემზარავი“ სურათი დახატა: „ვინ იცის, საიდან მოშავდნენ ეს ჭინკები, ეგება ქალაქიც დაიპყრეს და იმიტომაცაა, ცხვირს რომ არ ყოფენ ქუთაისელები... ყველა-ყველა და ამ ჩემს დეიდაშვილებს რა ჯანდაბა დაემართათ, რო არ გამაფრთხილეს?! მაგრად დადექი, ბაჯავ, არ შეშინდე!“ – თავს შეუძახა და ამასობაში, ყურებამდე პირახეული, კულულებიანი, ქალის მსგავსი ჭინკა მიადგა გოლიათ ბაჯას. ქვემოდან ზემოთ მაცდურად

ახედა და... არც აცია, არც აცხელა, ბარდაყზე უპწკინა (ანუ იქ, სადამდეც სწვდებოდა).

უხ, მე თქვენო! ვეღარ მოითმინა დევეკაცმა, ლაჩრულად გაქცევას, ამჯობინა მარტო შერკინებოდა შემოსეულ უთვალავ კაცუნებს – დაე, თუნდაც ეს სიკვდილის ფასად დასჯდომოდა.

გაშალა დათვის ტორები, მოუქნია და ატყდა ერთი წივილ-კივილი...

ჩაჩუმებული ქუთაისი უცებ შეტორტმანდა, ახმაურდა, ქუჩებში ხალხი გამოიშალა (ბედად, „იზაურაც“ დამთავრებულიყო) და სასტვენიანი პოლიციელიც „დანაშაულის“ ადგილზე გაჩნდა... ორიოდვე წუთში ჩააწყნარეს

გაცეცხლებული ბაჯა და საქმის ვითარებაშიც გაარკვიეს: თურმე, ქუთაისში ლილიპუტების თეატრი ყოფილა საგასტროლოდ ჩამოსული და სწორედ ამ „გასტროლიორ ჭინკებს“ გადაჰყრია ჩვენი სვანი ჯაჭვის ხილზე.



თაიგულმა თბაპი გაეჩინასმულა



„რაც შეეხება შამპუნს, მასში აუცილებლად სასუქი უნდა იყოს!“ – ასეთ კომენტარს უკეთებს ამერიკული ჟურნალი PEOPLE სეზონის სიახლეს – ყვავილს თმაში. პოლივეუდში ბოლო დროს გამართულ წვეულებებზე ამგვარი ვარცხნილობით უკვე გამოჩნდნენ დრო ბერიმორი, ბიორკი, ლეტიცია კასტა. თეთრი და ვარდისფერი ორქიდეები საუცხოოდ ერწყმოდა მათ ხელოვნურ კულულებს და მნახველებს, სინაზისა და ქალურობის მივიწყებული ეტალონის ნიმუშებს მოაგონებდათ. ორქიდეის გარდა, პოპულარობით სარგებლობს აგრეთვე ვარდი ან სულაც, მძივებითა და ბრჭყვიალა ფირფიტებით გაწყობილი ხელოვნური ყვავილები.

ამ სამშვენიის ქალი ძალიან ფრთხილად უნდა მოეპყროს: დიდი დაკვირვება საჭირო ყვავილის შერჩევისას, რადგან მისი ზომა სახის პროპორციებს უნდა მიუსადაგოთ. ბუნებრივია, ძალზედ ფაქიზად უნდა შეირჩეს მაკიაჟიც, რათა არ დაირღვეს მთავარი პრინციპი, რომელიც წლეულს წინა პლანზეა წამოწეული: ქალი ისეთივე მშვენიერია, როგორც თვით ბუნება.


ოხი ბატონის მსახეი

ამ მამაკაცს, რომლის სახელსაც პრესა რატომღაც არ ამჟღავნებს, ორი „ბატონი“ (გატაცება) ჰყავს – ჩარლი ჩაპლინი და ველოსიპედი. მათი გაერთიანების საუცხოო საშუალებაც გამოჩნა: სათაყვანებელი მსახიობის ორეულად გამოეწყო და „ტურ დე სუისის“ ველობოლის მე-20 ეტაპში ჩაერთო.



მან ლივანელ პარკუბინა

კანადელმა „ჰაერის პრინცმა“, როგორც მას უწოდებენ, საკუთარი მსოფლიო რეკორდი გააუმჯობესა: გაიარა ბავიერზე, რომელიც 90 მ სიმაღლეზე იყო გაჭიმული. ჯეი კონრანი პირველია, ვინც ეს მოახერხა. წლების მანძილზე ტრიუკების ოსტატს მსგავსი ნომერი მსოფლიოს ბევრ ქვეყანაში უჩვენებია და ოთხჯერ გაუმჯობესებია თავისივე მსოფლიო რეკორდები. მაგრამ ამ უკანასკნელს, მაინც განსაკუთრებულ მნიშვნელობას ანიჭებს – ალბათ იმიტომ, რომ ეს გავლა ტაივანში, ქალაქ გაოსიუნში, იმ მდინარის თავზე განხორციელდა, რომლის სახელწოდებაც „სიყვარულს“ ნიშნავს.



რა პეჩია პონისა და ზაბკას შვილს?

მთელი ბრიტანეთი იმაზე იმტვრევს თავს, რა დაარქვას ზებრისა და პონის ჰიბრიდს, რომელიც კამბრიის საგრაფოს ზოოპარკ-ფერმაში გაჩნდა. საინტერესოა, რომ ფერმის მეპატრონემ ჯიმ პიტმა ბოლო დრომდე არაფერი უწყოდა იმაზე, რომ მისი პონი ტილი მაკედ იყო. შარშან, მნახველთა მოსაზიდად, პიტმა ყველა ცხოველი ერთ ეზოში შერეკა. სწორედ მაშინ გაიცინეს ერთმანეთი ტილი და მამალმა ზებრამ, რის შედეგადაც უჩვეულო კვიცი გაჩნდა: მას მოკლე კუდი, ზებრის თავი და ორგვარი შეფერილობა აქვს – მამისგან მიღებული ზოლები და დედის ჩვეულებრივი ყავისფერი ფონი. პატარას ჯერჯერობით ბუნების ძღვენს უწოდებენ, მომავალი საკუთარი სახელის პრობლემას კი – გაზეთში ჩატარებული კონკურსის მეშვეობით გადაჭრიან.

თბილისის ერთ ძველ ქუჩაზე, გრიბოედოვის 18 ნომერში, სადაც მრავალი წლის წინ ტიციანი და მისი ოჯახი ცხოვრობდა, დღეს მუზეუმია. იქ განსაკუთრებული ატმოსფეროა. ის სულაც არ ჰგავს იმ მუზეუმებს, სადაც შთაბეჭდილება გექმნებათ, თითქოს ყველაფერი ჩამკვდარია და ადგილზე გაქვავებული, სადაც მხოლოდ დროის ერთი განზომილება — ნარსული სუფევს. არა, იქ სიცოცხლე ისევ ჩქეფს. დღესაც არ გაცივებულია ტიციანის კერა. დღეს იქ მისი შთამომავლები ცხოვრობენ.

ელენე ხირსელი



მამა სულ მანებივრებდა, მას ჩემთვის ერთი ხმამაღალი სიტყვაც კი არ უთქვამს.

ქალი პარტაგენის ქალღმერთის სახელით



ნიტა ტაბიძე

მუზეუმს რომ ვესტუმრე, კეთილი ღიმილით მისი დიასახლისი — ტიციან ტაბიძის ქალიშვილი მომეგება. კართაგენის ქალღმერთის სახელი — ტანიტ — მას ნათლიებმა აჩუქეს. ესოდენ უჩვეულო, ორიგინალური სახელის დარქმევა აზრად მხოლოდ ისეთ რომანტიკულ ადამიანებს თუ მოუვიდოდათ, როგორებიც ახალგაზრდა „ცისფერყანწელები“ იყვნენ.

ტიანიტ — ეს ოფიციალური სახელია, შემოკლებით კი მას ყველა ნიტას ეძახის.

— ქალბატონო ნიტა, ალბათ თქვენი მესსიერებიდან არასდროს

წაიშლება ის ავბედიოთი დღე, როცა უცხო ადამიანებმა სახლიდან სამუდამოდ წაიყვანეს მამათქვენი...

— ძალიან ბედნიერ ოჯახში დავიბადე და სანამ ეს საშინელება დაგვატყდებოდა თავს, ჩემზე ბედნიერი არავინ მეგულებოდა. 1937 წელი იყო. მე მამინ თხუთმეტი წლის ვიყავი. იმ დღეს, როცა მამა მიჰყავდათ, ის აქეთ გვამშვიდებდა — ნუ სტირით, თავი შეიკავეთო. მე კი დამიბარა: „შვილო, არასდროს შეგრცხვეს, ადამიანებს თვალი გაუსწორო: მე უდანაშაულო ვარ. ჩემზე რაც არ უნდა გაიგო, არ დაიჯერო, გული არავისზე მოგივიდეს, ყველას შეუნდე“.

სასწაულია, იმ ერთ ღამეში დედა სრულიად გაჭაღარავდა.

— იმედი თუ ჰქონდა ქალბატონ ნინოს, რომ ოდესღაც მეუღლეს ისევ ნახავდა?

— დედას ამის ყოველთვის სჯეროდა. იმედი მხოლოდ მამინ გაუცრუვდა, როდესაც 1954 წელს ოფიციალური შეტყობინება მოგვივიდა, საიდანაც გავიგეთ, რომ მამა დაპატიმრებიდან სულ რამდენიმე დღის შემდეგ დაუხვრებიათ. დედას ჯერ ტიციანი უყვარდა და შემდეგ სხვები (მათ შორის მეც). ეს გრძნობა რაღაც უცნაურობაშიც კი გადადიოდა. დედა თვალის-ჩინივით უფროთხილდებოდა ყველა იმ ნივთსა თუ ქალაქს, რაც მამის სას-

ვლთან იყო დაკავშირებული. სასლში ერთი ძვირფასი ლარნაკი გვექონდა, რომელიც მამას ძალიან უყვარდა. იმ პერიოდში მე საგრძნობლად გამოუარესდა მხედველობა. მამინ დედას ურჩიეს, გაეყიდე ლარნაკი და ნიტას უმკურნალო. მან უარი განაცხადა: ტიციანის ხსოვნა ნიტას თვალებზე მეტად მიღირსო. მეუღლის დაკარგვის შემდეგ დედა ყველაფერს აკეთებდა იმისთვის, რომ მამის სახელი დაევიწყებას არ მისცემოდა: წერდა მოგონებებს, გამოსცა წიგნი „ტიციანი და მისი მეგობრები“...

— როგორი დარჩა თქვენს მესსიერებაში ტიციანი, როგორც მამა?

— საერთოდ, მამა უსაზღვროდ კეთილი ადამიანი იყო. ის განსაკუთრებით, უბნის ბავშვებს უყვარდათ. მამამ არასდროს იცოდა ადამიანების გარჩევა — ყველას ერთნაირად სცემდა პატივს. ქუჩის დასაწყისიდან — ბოლომდე, უნდოდა თუ არა, რამდენი ფეხსაცმლის მწმენდავიც არ უნდა შეხვედროდა, არავის აწყენინებდა, ყველას მოიმსახურებდა, რომ გასამრჯელო მიეცა. ასე რომ, მისი ფეხსაცმელები სულ სარკესავით პრიალებდა... ყველა მეგავილემ იცოდა, როგორ უყვარდა მამას წითელი მიხაკები. ერთხელ, ერთ მეგავილეს, წითელი მიხაკი რომ ვერსად უშოვია, ეს ყვავილი მოულოდნელად, ვილაცის ფანჯარაში შეუნიშნავს, ამძვარა და მოუპარავს... რაც შეეხება დედასთან ურთიერთობას, ტიციანს წინო ძალიან უყვარდა და სულ ცდილობდა, რაღაცით ესიაძვინებინა, გაეხარებინა. როცა ამას ახერხებდა, ბავშვივით ბედნიერი იყო. ჩვენს ოჯახში არასდროს ყოფილა ჩხუბი ან უსიამოვნება. მამა სულ მანებივრებდა, მას ჩემთვის ერთი ხმამაღალი სიტყვაც კი არ უთქვამს. მასხოვს, მხოლოდ, როცა ვეტყვოდი — ყველაზე მეტად მია ბაოლო მიყვარს-მეთქი (იაშვილი), მიბრაზდებოდა: დაიმასხოვრე, პირველ რიგში, სამშობლო უნდა გიყვარდესო... მე ეს არ მომწონდა და ტირილს ვიწყებდი — არა, ასე არ მინდა-მეთქი...

— პატარა ნიტას მიმართ მამა უფრო მკაცრი იყო თუ დედა?

— რა თქმა უნდა, დედა. მამას რბილი ხასიათი ჰქონდა და როცა დედა მიჯავრდებოდა, ის ძალიან განიცდიდა. ბავშვობაში ბევრი ტყუილი ვიცოდი, რის გამოც დედისგან „მხვდებოდა“ კიდევ. მამა ყოველთვის მამართლებდა — ეს ტყუილები კი არა, ფანტაზიებია და ნუ უხშობ ბავშვს ნიტსო.

— სმა თუ უყვარდა ტიციანს?

— სმა უყვარდა, მაგრამ მთვრალი არასდროს მინახავს. სახლში ღვინო ყოველთვის გვქონდა. თუ სახლში ღვინო არ არის, ის სახლი რა სახლიაო — ამბობდა ხოლმე მამა.

— ტიცინს ბევრი ქალისთვის მიუძღვნა ლექსი. ის, როგორც ხელოვანი, არ შეიძლება ყოფილიყო გულგრილი სილამაზის მიმართ. მუუღლეს არასდროს უეჭვიანია?

— თქვენ წარმოიდგინეთ, არასდროს. ალბათ ესეც იმ უსაზღვრო, თავისებური სიყვარულის შედეგი იყო. ერთი ამბავი მინდა გავიხსენო: დედა ბორჯომში ისვენებდა, როცა მოულოდნელად მამისგან ბარათი მიიღო, სადაც ის სასწრაფოდ ჩამოსვლას სთხოვდა. დედაც მამინვე ჩამოვიდა და როცა მან ამ უცნაური გამოძახების მიზეზი ჰკითხა, მამამ უპასუხა: მინდა ერთი ულამაზესი ქალი გაგაცნო — და წარუდგინა მართლაც საოცრად ლამაზი ქალი — თამუნია წერეთელი (შემდგომ მამამ მას ლექსიც მიუძღვნა). ხომ ლამაზიაო, უკითხავს. ძალიან ლამაზიაო, დასთანხმებია დედაც. დედა გულწრფელად აღფრთოვანებული იყო ამ ქალის სილამაზით და თაიგულიც კი გაუგზავნა. გახალისებულმა მამამ მუუღლეს ლამაზი ჩანთა უყიდა: ეს შენ, იმისთვის, ყველაფერში რომ მიგებო... მეერ დედა ისეც ბორჯომში დაბრუნდა. დიდი ხნის შემდეგ, თამუნია წერეთელს, სრულიად შემთხვევით, საავადმყოფოში შევხვდი და მამინ მითხრა: „არ მინდა ტიცინის პატიოსნებასა და ერთგულებაში ეჭვი შეგ-
თამუნია წერეთელი

ეპაროთ. მინდა იცოდეთ, რომ ჩვენ შორის არაფერი ყოფილა. მას ყოველთვის მხოლოდ თავისი მეუღლე უყვარდა“.

— ტიცინის მეუღლე ნინო მაცაშვილი, თავადის ქალი იყო. მის ოჯახზე რას იტყვით?

— დედაჩემი სოფელ ყვარელში დაიბადა. მშობლებსა და ძმებს ძალიან უყვარდათ ოჯახის ერთადერთი ქალიშვილი. დედა შვილიშვილად ეკუთვნოდა ილია ჭავჭავაძეს. დიდა ილიამ დედის უფროსი ძმა — ილო მონათლა, რის გამოც მას ეს სახელი დაარქვეს. ერთი საინტერესო ამბავი მახსენდება: ილია ჭავჭავაძე მყავილების ხშირი სტუმარი იყო: ერთხელაც ის ყვარელში ვაჟა-ფშაველასთან ერთად ჩავიდა. ვაჟას, თურმე, ძილის დროს ცალი თვალი არ ეხუჭებოდა. მათ საძინებელში შესულ დედას (მამინ ძალიან პატარა იყო), ეს რომ უნახავს, ძალიან გაჰკვირვებია, უცდია გახელილი თვალი დაეხუჭინებინა. ვაჟა შეშინებული წამომხტარა და ხმაზე უტაცია ხელი. ილია ჭავჭავაძეს კი გასცინებია და უთქვამს: ნება მიბოძეთ წარმოგიდგინოთ ჩვენი პატარა დიასახლისიო. მეერ პატარა ნინოს ილიას ლექსი წაუკითხავს. ისე ჩქარ-ჩქარა მიუყრია, ილიას ვერაფერი გაუგია და სიცილით უთქვამს: შენ რა დიაკვანივით კითხულობო...

— ქალბატონო ნიტა, ახლა თქვენ შესახებაც გვიამბეთ.

— როცა მე და ჩემმა მომავალმა მეუღლემ ალექსი ანდრიაძემ ერთმანეთი გავიცანით, მე ცამეტი წლის ვიყავი, ის

თვრამეტის. შვიდი წლის შემდეგ, 1942 წელს, ალექსა მამადავითზე გასეირნება შემომთავაზა. მასზე გათხოვება ჩემი ყველაზე დიდი ოცნება იყო. მას კი ეს სულაც არ უნდოდა (ეს ხუმრობით)... როცა მამადავითზე ავედი, უკუნეთი სიბნელე იყო და უცებ ალექსა მითხრა: თუ ახლა მთვარე ამოვა, ხვალ მოვაწერთ ხელსო. მე თამადა ვუთხარი: ისეთი ბედი მაქვს, უეჭველად ამოვა-მეთქი. ამის თქმა იყო და მთვარემაც გამოანათა... 45 წელიწადი ისე ბედნიერად ვიცხოვრეთ, მე მისგან ერთი წყენა არ მახსოვს. მას უყვარდა ჩემთვის სიურპრიზების მოწყობა. ყოველ 3 ნოემბერს (ჩვენი შეუღლებების დღე), სადაც არ უნდა ვყოფილიყავი, მაინც მნახავდა და ყვავილებს მომართმევდა. ალექი 1987 წელს გარდაიცვალა... ქალ-ვაჟი გვყავს. გივი — მედიცინის მეცნიერებათა დოქტორია, პროფესორი, ნინო — მთარგმნელია. მყავს შვილიშვილები.

— თქვენ, პოეტის შვილს, არ გიცდიათ ლექსის წერა?

— კი. მხოლოდ ბავშვობაში და, უმეტესწილად, რუსულ ენაზე.

— ერთხელ თავად მოგისმინეთ, როგორ უყვებოდით მუზეუმში ექსკურსიაზე მოსულ ბავშვებს, რომ პატარაობაში ზარმაცი იყავით და ძალიან არ გიყვარდათ სწავლა. მართლა ასე იყო?

— ასე იყო. დედა ძალიან ბრაზობდა, მამა კი საერთოდ არ აქცევდა ჩემს ნიშნებს ყურადღებას — ამბობდა, ძალიან

საქართველოს მწერალთა სახლის ეზოში (მარცხნიდან): ლეო ქიაჩელი, პაოლო იაშვილი, გიცინა გაბიძე, ვალერიან რუხაძე და კოტე მარჯანიშვილი





ნინო და გიციანი

ჭკვიანი გოგონა მყავსო... მინდა მოგიყვებო, როგორ მოვხვდი უმაღლესში. უნივერსიტეტში ვაბარებდი, რუსულ ფილოლოგიურზე. მინდოდა, რუსული მესწავლა (მაშინ ჯერ კიდევ გვეკონა, რომ მამა გადასახლებული იყო რუსეთში და ჩვენც მასთან ახლოს ვაპირებდით ცხოვრებას). 14 საგანი მქონდა ჩასაბარებელი. გამოცდაზე რომ გავდიოდი, აშკარად ვგრძობდი გამომცდელების მხარდაჭერას. ჩემი მეგობრები სწავლაში ღამეებს ათენებდნენ და ისე აბარებდნენ, მე კი სულ ისე, „ხუთიანს“ „ხუთიანზე“ ვიღებდი. ჩემს გაცეხებას საზღვარი არ ჰქონდა (მოგვიანებით, ყველაფერს მივხვდი)... ასე სასწაულად ჩავირიცხე უნივერსიტეტში გიციან გაბიძის სახლ-მუზეუმში

და უმაღლესი სტიპენდიაც დამინიშნეს, როგორც ფრიალოსანს. ახლა კი გეყოფა – აწი უნდა ისწავლო, მითხრეს პროფესორ-მასწავლებლებმა... მესამე კურსზე ვიყავი, როცა ომი დაიწყო. პირველი, რაც აზრად მომივიდა, სწავლა აღარ დამჭირდება-მეთქი, და სიხარულით, კონსპექტები დავხეი. ომში მინდოდა წასვლა, ყველაფერზე თანახმა ვიყავი, ოღონდ არ მესწავლა.

— სწავლა აღარ გავიგრძელებიათ?

— როგორ არა! დიდი ხნის შემდეგ. იმავე ფაკულტეტზე, პუშკინის სახელობის პედაგოგიურ ინსტიტუტში ჩავაბარე. იქ ერთი კურონი მოხდა: უნივერსიტეტში ერთი საოცრად მკაცრი ლექტორი მყავდა (მგელაძე). შეიძლება ითქვას, მის გამო მივატოვე სწავლა. წარმოიდგინეთ, რა დღეში ჩავვარდებოდი, როცა ინსტიტუტშიც ისევ მას შევეჩეხე — თურმე მიძღვები კომისიის თავმჯდომარე იყო. მაინც გამიმართლა: დრო ვიხელთე და საპასუხოდ მაშინ გავედი, როცა ის გასული იყო აუდიტორიიდან.

— ახლა რას საქმიანობთ?

— ამჟამად მამის მუზეუმს ვუძღვები. ძირითადად, სულ სახლში ვარ. თავის დროზე კი ისეთი მოუსვენარი ვიყავი, ერთ ადგილზე რა გამაჩერებდა?! სულ გარეთ დავდიოდი. ერთხელ მეუღლე გამეხუმრა კიდევ — შენი პანაშვიდი რომ იქნება და ხალხი შენთან გამოსამშვილობელად მოვა, ალბათ მაშინაც სახლში არ დავხვდები.

— თქვენი შვილებიც თქვენსავით ცელქები იყვნენ?

— თქვენ წარმოიდგინეთ, ამაში ვერც

ერთმა ვერ მაჯობა. მინდა, ერთი კურონი გავისენო: მამას ყოველ ზაფხულს სოფელ ჭყვიშში მივყავდი. მერე მივდიოდით ბათუმში, იქიდან კი, გემით — ფოთში ან სოხუმში. მე გული მაწუხებდა. მაშინ იყო ერთი ცნობილი ექიმი, პროფესორი პლეტნიოვი და მამას ძალიან უნდოდა, რომ მას გავესინჯე. ერთხელ შევიტყვევთ, რომ ჩვენს გემზე, სწორედ ის ექიმი იმყოფებოდა. მამამ მაშინვე მოძებნა და სთხოვა, გავესინჯე. მაგრამ მე არსად ვჩანდი. მთელი გემი გადაატრიალეს და მაინც ვერ მიპოვეს. ბოლოს, ვიღაცამ ანძის წვერზე შემნიშნა. ეს რომ ექიმმა დაინახა, აღარ გამსინჯა: ამას რომ გული აწუხებდეს, მანდ არ იჯდებოდა.

— ბავშვობაში რა პროფესიაზე ოცნებობდით?

— გემის კაპიტნობა მინდოდა ძალიან. აკი ძია პაოლომაც (იაშვილმა) მომიძღვნა ლექსი — „ნიტა-კაპიტანი“.

— კიდევ რით გამოირჩეოდით სიმანველეში?

— სიცილი მიყვარდა უზომოდ — მგონი, ჩემი მოგონილია. ცირკში ჩემ გვერდით ჯდომა არ შეიძლებოდა — ერთი თუ ამიტყდებოდა სიცილი, ვეღარ მაჩერებდნენ. კინოშიც იგივე ხდებოდა. სიცილს რომ დავიწყებდი, ვიღას ახსოვდა კინო — ყველა მე მიყურებდა. ერთხელ ტრამვაიც კი გააჩერეს, იმდენს ვიცინოდი. ძალიან მხიარული ვიყავი.

— ახლა?

— ახლაც! ჩემმა შვილიშვილმა ერთხელ სასკოლო თემაში დაწერა — ერთი ბებია ძალიან ჭკვიანი მყავს, მეორე კი (ე.ი. მე) — სულ იცინის და იცინის, ნეტავ გამაგებინა, რა აცინებსო... მინდა ასეთ მხიარულ ნოტაზე დავამთავრო ჩემი სიტყვა და ვთქვა: ბევრი გაჭირვება და განსაცდელი შეიძლება შეგხვდეთ, მაგრამ იცოდეთ — ცხოვრება მაინც მშვენიერია.

ბოლოს, კიდევ ერთი შტრიხი ქალბატონი ნიტას პორტრეტისათვის. როგორც მისმა ახლობლებმა მითხრეს, თურმე ის, როგორც მაგნიტი, ისე იზიდავს ცხოველებს და როცა ისეთ ოჯახში ხვდება, სადაც ძალიან ან კატა ჰყავთ, რაც არ უნდა ბევრი ადამიანი იყოს იქ, ცხოველი მაინცდამაინც ნიტას მიუცუცქდება და გვერდიდან არ სცილდება. ტყუილად არ უთქვამთ — ცხოველები განსაკუთრებული ალლოთი გრძნობენ კეთილ ადამიანსო...





... შეჰყურებდნენ,

როგორ ეღუფუნებოდა ღვინიებს და წიქარებს

დამღევს შუაღამის ბატში
ურვა, ორიველა ერის,
როცა იმეჭატარა ბავშვი
ჰამღევს გონაშვილი მტერის.

ეს ლექსი ჰამღეტ გონაშვილს მისი სიმღერით შთაგონებულმა ოთარ ჭვლიძემ უძღვნა. ამ ლვითური ხმის პატრონ კაცს, მეგობრები მართლაც დიდ ბავშვად იცნობდნენ. საოცრად პატიოსანი, ალალი და გულმართალი კაცი ყოფილა. ისეთი ალალი და გულმართალი, როგორი სიალალი-თაც ქართული სოფლის კალთაში გაზრდილი ხალხი გამოირჩევა. ჰამღეტ გონაშვილს, სოფლური იდილიის მონატრება სულ თან სდევდა თურმე. ხელით ფშვნიტ-და თავთავს და ცნოსავდა. სხვადასხვა კუთხიდან უბით ჩამოჰქონდა ლევის რტო და კახეთში ახარებდა. თბილისქალაქობაზე გავლა კი, იმიტომ უხაროდა, რომ სოფლიდან ჩამორეკილ ხარ-კამეჩს ნახავდა.

ფოტოსურათი, რომელსაც წარმოგიდგენთ, ბატონი დავით საბაშვილის ვაჟის ქორწილმა გადაღებული, რომელიც სწორედ თბილისობის დღეს გადაუხდათ. ქორწილ-


ში დაპატიუებულ რამდენიმე მეგობარს ჰამღეტ გონაშვილის მანქანაში მოუყრია თავი. კარგი მომღხენ-მოქეიფე ხალხი შეკრებილა და წინასწარვე ტკებოდნენ თურმე მოსალოდნელი დროს ტარებით. იცინოდნენ, ოხუნჯობდნენ, ერთმანეთს ექაღნებოდნენ – ვის რამდენის დაღევა შეეძლო და ვინ სად და როდის დადო თუფშე თავი... ჰამღეტი ჯერ ჩუმად მჯდარა, მოულოდნელად კი, გზიდან გადაუხვევია: მომავალ თანამეინახეებს უფიქრით – ხალხმრავლობაა, ჩვენ კი გვაგვიანდება, ალბათ, ჰამღეტმა მოკლე გზა იცისო. აზრზე მაშინ მოსულან, როდესაც გონაშვილმა მანქანა უღლიდან გამოსხნილ ხარ-კამეჩთან მიაყენა და მეგობრებს შესთავაზა: გადმოდით ერთი, ღვინიები და წიქარები თქვენც ნახეთ, ჩახედეთ ჭკვიან თვალებში, ქელზე ხელი გადაუხვით ისე, როგორც ჩვენი მამა-პაპა უსვამდა და გზა მერე გავაგრძელოთო. მეტი რა გზა ჰქონდათ? გადმოვიდნენ და 15-20 წუთის განმავლობაში შეჰყურებდნენ, როგორ ეღუფუნებოდა კოსტიუმში გამოწყობილი ჰამღეტ გონაშვილი ღვინიებს და წიქარებს.

ქორწილში დააგვიანდათ. ჰამღეტის დანახვით გახარებული ოთარ ტაბალუა (მარჯვნივ) და გიული ჭონხონელიძე მიწულ-

მოწეულან და დაგვიანებული სტუმარი შუაში ჩაუსვამთ. ცოტა ხნის შემდეგ, ქეიფის ეშხში შესულმა სოკრატ სალუქვაძემ დასჭეკა თურმე: „სიმღერის დრო მოვიდა, გეუო!“ – გონაშვილს დაადგა თავზე, მაგრამ ის აი, ამ პოზაში იხილა, როგორშიც ახლა თქვენ ხედავთ, – მეზობლებთან საუბრით გატაცებული! თანაც, ისე გატაცებული, რომ თავზე წამოდგარ სალუქვაძეს, რომელიც ვინ იცის, მერამდენედ „უკაკუნებს“ მხარზე, ყურადღებას არ აქცევს.

რაზე საუბრობდა ამ დროს გონაშვილი? რაზე და ჭადრებზე – ეს ბუნების ტრფიალი და ქომაგი კაცი, თურმე საოცრად ვერ იტანდა ჭადრებს და მათი მტვერის მავნებლობის შესახებ, საათობით შეეძლო ესაუბრა. თავის „ლექციას“ ყოველთვის პრინციპული დასაკნით ამთავრებდა ზოლმე: „თბილისში ჭადრები უნდა მოიჭრას!“ ამ სიტყვების შემდეგ კი, ისევ ლმობიერ, მიმტვებელ და ყურადღებთან ჰამღეტად იქცეოდა, რომელიც ნებისმიერ თხოვნას ღმილით მოისმენდა და სასურველ სიმღერას ღმილითვე გიმღერებდა. ისევე ლამაზად და ტკბილად, როგორც იმ ქორწილში იმღერა თურმე „შენ, ბიჭო, ანაგურელო“.

ნანა კიბიშაური



მხტლელ ძაღვებისათვის

მამაკაცები, როგორც ვირჩავთ... მამაკაცები, როგორც ვირჩავთ... მამაკაცები, როგორც ვირჩავთ...

ალბათ სწორად გაგიგიათ გარშემომყოფებისგან გაცემით დასმული კითხვა: „კი, მაგრამ რა იპოვა ამ წყვილმა ერთმანეთში?!“ მამაკაცი და ქალი სწორად სხვადასხვა, სხვებისთვის აუხსნელი მიზეზით უახლოვდებიან ერთმანეთს. და მაინც, მოცემული თამაშის მეშვეობით სცადეთ, გაერკვეთ საკუთარ ქცევებში, ხასიათში, იმაში, თუ რა გიზიდავთ მამაკაცში და რა

მოსწონს მას თქვენში? რატომ ხართ თქვენ და თქვენი რჩეული ერთად?

სურათზე გამოსახული ექვსი მამაკაცის სილუეტებიდან შეარჩიეთ წყვილი: პირველი — რომელიც ყველაზე მეტად მოგწონთ და მეორე — რომელიც ყველაზე ნაკლებად გიზიდავთ. იპოვეთ პასუხი თქვენ მიერ შერჩეული წყვილის მიხედვით:



მოგწონთ 1-ელი – არ მოგწონთ მე-2.

თქვენი რჩეული წარმოსახვის კარგი უნარით არის დაჯილდოებული. უმეტესად ფანტაზიის სამყაროში ცხოვრობს, დღევანდელი დღით არსებობს და დიდი მიზნისკენ არ ისწრაფვის.

თქვენ პრაქტიკული ადამიანი ხართ, დაეხმარეთ მას ოცნების რეალობად ქცევაში, ის კი რომანტიკის სამყაროს კარს გაგიღებთ.

მოგწონთ 1-ელი – არ მოგწონთ მე-3

ის კეთილია, დიდსულოვანი, მეგობრობის გრძნობას ამტკუნად ყველაზე დიდ ფასს უფლებად აღიქვამს.

თქვენ მიზანსწრაფული, პრაქტიკული ხართ. ის თქვენში თავდაჯერებულ ქალს ხედავს, და თქვენი საშუალებით ცხოვრების სტილის შეცვლას აპირებს.

მოგწონთ 1-ელი – არ მოგწონთ მე-4

ის ნაზია, მდიდარი წარმოსახვის უნარი აქვს, ხანდახან კი პატარა ბავშვით ემოციურია.

თქვენ თავდაჯერებული, ძლიერი და საიმედო ხართ. ასწავლეთ თქვენს რჩეულს ცხოვრების დაგეგმვა, ის კი ყოველდღიურ მოწყვნილობას მხიარულებით გაგიფანტავთ.

მოგწონთ 1-ელი – არ მოგწონთ მე-5

ის სამყაროს ენთუზიანტით უცქერს, მზად არის მხიარულებით სავე სამყაროში გემასპინძლოთ.

თქვენ სერიოზული და სკეპტიკური ადამიანი ხართ. თქვენი რჩეული აღფრთოვანებულია თქვენი დახვეწილობით და სიღარბაილით. თქვენი წყალობით ის თავს ზრდასრულ ადამიანად გრძნობს.

მოგწონთ 1-ელი – არ მოგწონთ მე-6

ის უდარდელია, ოპტიმისტი, ხანდახან ქრავს-შუტავს.

თქვენ მელანქოლიური, დეპრესიისკენ მიდრეკილი ხართ, ის კი მუდამ ცდილობს, მოწყვნილობა გაგიქარვოთ.

მოგწონთ მე-2 – არ მოგწონთ 1-ელი

ის პრაქტიკულია, ილუზიებით არ იკვებება. თქვენ მეოცნებე ხართ, საფვარელი მამაკაცი კი ცხოვრების მიზნის პოვნაში გეხმარებათ.

ის აღფრთოვანებულია თქვენი უნარით – ყოველი დღე დღესასწაულად უქცეოთ.

მოგწონთ მე-2 – არ მოგწონთ მე-3

ის ცხოვრების გზას ადვილად მიიკვლევს, იცის, როგორ მიაღწიოს მიზანს.

თქვენ ძლიერი ხასიათი გაქვთ. „აზიარეთ“ ის გამბედაობას, რომელიც ძლიან ესაჭიროება საინტერესო წამოწყებების რეალიზებისთვის.

მოგწონთ მე-2 – არ მოგწონთ მე-4

ის ოპტიმისტი, მომავალს იმედის თვალით შესცქერის და სჯერა, რომ ყველაფერი იცვლება და ვითარდება.

თქვენ მისი იმედი და სიცოცხლის ხალისი ხართ.

მოგწონთ მე-2 – არ მოგწონთ მე-5

ის საქმიანია, წინსვლის მანის ხელიდან არ უშვებს.

თქვენ ზომიერი ხასიათი გაქვთ, სწორედ ეს თვისება ხიბლავს მას და ამაში თქვენს მიბაძვასაც ხშირად ცდილობს.

**მოგწონთ მე-2 –
არ მოგწონთ მე-2**

ის სწრაფია, გადაწყვეტილებას უცებ იღებს, სირთულეების გადალახვაც ოღონდ შეუძლია. თქვენ კი მისი ცხოვრების აქტიური სტილი გხიბლავთ.

**მოგწონთ მე-3 –
არ მოგწონთ მე-3**

მას ძლიერი ხასიათი აქვს და ამის გამოვლენას ყველაფრით ცდილობს.

თქვენ ზომიერი ხასიათით გამოირჩევიან და ცდილობთ, მისი ზეგავლენის ქვეშ არ მოექცეთ.

**მოგწონთ მე-3 –
არ მოგწონთ მე-2**

მან კარგად იცის, როგორ გამოვიდეს რთული სიტუაციიდან, არ უყვარს ყველაფრის წინასწარ დაგეგმვა.

თქვენ მსუბუქი ხასიათი გაქვთ, ურთიერთობის დამყარება არ ვიჭირთ. ის აღფრთოვანებულია თქვენი დიპლომატიური ნიჭით.

**მოგწონთ მე-3 –
არ მოგწონთ მე-4**

ის ღინამიკური, ინიციატივიანია, ხანდახან ზედმეტად მკაცრი და თავშეუკავებელი.

თქვენ ცხოვრებას „წესებით“ მიჰყვებით, მიცემულ სიტყვას ყოველთვის ასრულებთ. ცუდი არ იქნება, რჩეულს დაეხმაროთ ვეცოცხებული ბუნების დაძლევაში.

**მოგწონთ მე-3 –
არ მოგწონთ მე-5**

ის თვლის, რომ ცხოვრება თავდასაყვალა, სადაც გამტანობა და სიმამაცეა საჭირო.

თქვენ მორცხვი და გაუბედავი ხართ, თქვენი რბილი ხასიათი მას აკვირვებს. თქვენ ნამდვილად გესაჭიროებათ მისი მფარველობა.

**მოგწონთ მე-3 –
არ მოგწონთ მე-6**

ის ენერგიული, თავდაჯერებულია, ოცნებობს წარმატებებზე.

თქვენ მომიზენი, ნაკლებად მომიხოვნი ხართ. ის თქვენგან პრაგმატიულობის სწავლას ცდილობს.

**მოგწონთ მე-4 –
არ მოგწონთ მე-1**

ის ჭკვიანი, საიმელოა, ხანდახან მეტისმეტად მკაცრი, მისი შეცდომებში შეგნან ძალიან რთულია.

თქვენ ნაზი ხართ, ზედმეტად მიმწიფი, გიყვართ მხიარულება. ის ცდილობს წესრიგსა და დისციპლინას მიგაჩვიოთ.

**მოგწონთ მე-4 –
არ მოგწონთ მე-2**

ის გაწონასწორებული, დამოუკიდებელი, სიმართლის მოყვარული და კონსერვატიულია. თქვენ ადვილად ამყარებთ ურთიერთობებს,

ხანდახან უყურადღებოც ხართ. ის ცდილობს წესრიგს მიგაჩვიოთ, თქვენ კი ასწავლით, როგორ არ ჩამორჩეს დროს.

**მოგწონთ მე-4 –
არ მოგწონთ მე-3**

ის სამართლიანია, იშვიათად ბრაზობს, ყურადღებიანია, მაგრამ თავის შეხედულებებს ყოველთვის ვერ იცავს.

თქვენ ტემპერამენტული პიროვნება ხართ. ასწავლეთ მას, როგორ მიაღწიოს თავდაჯერებულობას, მისგან კი სამართლიანობის უნარი გადაიღეთ.

**მოგწონთ მე-4 –
არ მოგწონთ მე-5**

ის ჯიშულია, დროდადრო უხეში და უტაქტოც კი.

თქვენ ადვილად ექცევით სხვისი ზეგავლენის ქვეშ. მაჩვიეთ ის ადამიანებთან ტაქტიან ურთიერთობას, თქვენ კი მეტი თავდაჯერებულობა გესაჭიროებათ.

**მოგწონთ მე-4 –
არ მოგწონთ მე-6**

ის ამაცი, ქედმაღალი და თავშეუკავებელია. თქვენ ზედმეტად თავდაჯერებული ხართ, ღებრესიანი ადვილად ვარდებით. მას შეუძლია ძლიერ პიროვნებად ჩამოყალიბებაში დაგეხმაროთ. თქვენი მოწოდებაა ის გარემოში მოყოფათ თვალში უფრო მოშიშლავ ადამიანად წარმოაჩინოთ.

**მოგწონთ მე-5 –
არ მოგწონთ მე-1**

ის ფრთხილია, მუდამ მკაცრი გამოუმტყველებს აქვს.

თქვენი საქციელის წინასწარ განჭვრეტა შეუძლებელია, რომანტიკული და მიმწიფი ხართ. ის ცდილობს მიგაჩვიოთ – იფიქროთ, სანამ რაიმე საქმეს მოჰკიდებდეთ ხელს, თქვენ კი შეგიძლიათ მისი მოწყვნილი ცხოვრება გაამრავლოთ.

**მოგწონთ მე-5 –
არ მოგწონთ მე-2**

ის გულგრილია, მშვიდი ცხოვრება უყვარს, ზედმეტ ვალდებულებებს ერიდება.

თქვენ მოუსვენარი ხართ, ზედმეტად ქნით პრობლემებს. ისწავლეთ მისგან უფრო მშვიდი ცხოვრება.

**მოგწონთ მე-5 –
არ მოგწონთ მე-3**

ის თავს არიდებს პრობლემურ სიტუაციებს, ურთიერთობაში მსუბუქია.

თქვენ თავდაჯერებული, ზედმეტად მომიხოვნი ხართ. შეგიძლიათ ცხოვრება გაიმართვიოთ, თუ მისგან ტაქტიანობას და მოთმინებას ისწავლით.

**მოგწონთ მე-5 –
არ მოგწონთ მე-4**

მას რბილი ხასიათი აქვს, განათლებული, ელვანტურია, კარგად ვეუბნება ახალ გარემოს.

თქვენ ძლიერი ხასიათი გაქვთ, შეგიძლიათ ის საკუთარი გავლენის ქვეშ მოაქციოთ.

**მოგწონთ მე-5 –
არ მოგწონთ მე-6**

ის უღარდელია, უყვარს „ფილოსოფიობა“, ხანდახან ცინიკურიც არის, მაგრამ ყოველთვის მხიარულია და სუფრასთან ყოფნისას ყურადღების ცენტრში ექცევა.

თქვენ სერიოზული ხართ, გიყვართ ფიქრი. თქვენი წყალობით ის სარკაზმის მოცილებას შეძლებს, თქვენ კი, მასთან ერთად ცხოვრებას გაილამაზებთ და გაიმრავლოთ.

**მოგწონთ მე-6 –
არ მოგწონთ მე-1**

ის ღრმა აზროვნებით გამოირჩევა, არ აინტერესებს გართობის ტრივალური საშუალებები და თქვენგან მოიღვწის, რადგან თქვენში მხიარულ, ნათელ პიროვნებას ხედავს.

ის შეძლებს ღრმა გრძნობებისა და ჭეშმარიტი ფასიულობების სამყაროში შეეცვალოს.

**მოგწონთ მე-6 –
არ მოგწონთ მე-2**

ის სერიოზულია, ამბციები არ გააჩნია, ხანდახან პესიმიზმი იპყრობს, ზედაპირული წარმატება მისი საქმე არ არის.

თქვენ დაუდგრომელი ბუნება გაქვთ. ცხოვრებას ისე აღიქვამთ, როგორც მუდმივ თამაშს. ის აღფრთოვანებულია თქვენი უშუალოდ და სჯერა, რომ თქვენთან ერთად მისი ცხოვრება უფრო ხალისიანი გახდება.

**მოგწონთ მე-6 –
არ მოგწონთ მე-3**

მას თანაგრძობის გაწვევა შეუძლია, ხანდახან ისეთ მორჩილებას იჩენს, რომ მზადაა ყველა მარცხს მშვიდად შეხვდეს.

თქვენ მამაცი, თავდაჯერებული და მომიხოვნი ხართ. მიანიშნებთ მას, როგორ უნდა შეძლოს საკუთარი ღრმის გრძნობის შენარჩუნება, მისგან კი საკმაოდ ფასეული ღრმისებ – მოთმინების უნარი გადაიღეთ.

**მოგწონთ მე-6 –
არ მოგწონთ მე-4**

ის მორიდებული, უნაგრო, ზომიერად თავდაჯერებულია.

თქვენში სიამყე და ენერგიულობა ხიბლავს. ეს თვისებები თავად მას ამკარად აკლია.




**მოგწონთ მე-6 –
არ მოგწონთ მე-5**

ის მზრუნველია, მუდამ მზადაა სხვებისთვის დახმარების გასაწევად.

თქვენ მასწავლი გონება გაქვთ, ხანდახან ცინიკოსიც ბრძანდებით და ცდილობთ, მისი საშუალებით ჭეშმარიტი გრძნობების ფასი გაიგოთ. ის თქვენგან აუცილებლად გადაიღებს ოპტიმიზმს.

სტატისტიკის თანახმად, მსოფლიოში ყოველი მეორე ხილის ხე — ვაშლია. რაში მდგომარეობს ამ ხილის ესოდენ დიდი პოპულარობა მთელ პლანეტაზე?

ვაშლი



ალბათ იმაში, რომ ვაშლი უამრავ ვიტამინს — 15 სახეობის ამინომჟავასა და 40 სახეობის ძალიან სასარგებლო ორგანულ ნაერთს შეიცავს. ვაშლი, სხვა ბოსტნეულსა და ხილთან შედარებით, ქოლესტერინის დონის დამწვევი პექტინითაც მდიდარია. დასავლეთ ევროპის ბევრ ქვეყანაში ჩატარებული ბოლოდროინდელი გამოკვლევების შედეგად დადგინდა, რომ ვაშლი თურმე ახალ ნივთიერებას — ფლავენოიდს შეიცავს. ეს ნივთიერება კი სისხლძარღვებში თრომბების გაჩენას აბრკოლებს. თანამედროვე მეცნიერებმა ჰიპოკრატეს რეკომენდაციებიც დაადასტურეს, რომელიც ორგანიზმიდან ზედმეტი მარილის და წყლის გამოსადევნად, ვაშლის მოხმარებას გვირჩევდა. ექიმები ამ საოცარ ხილს თავის ტკივილსა და მალალი წნევის წინააღმდეგ

ბრძოლასაც კი მიაწერენ.




ვაშლის გემო და მასში შემავალი ძვირფასი ნივთიერებების რაოდენობა, სხვათა შორის, სულაც არ არის დაოკიდებული არც ხის და არც თვით ნაყოფის ზომაზე. წვრილი, ალუბალზე ოდნავ დიდი ზომის, ე.წ. სამოთხის ვაშლი უფრო მეტ ვიტამინს შეიცავს, ვიდრე ძალიან მსხვილი და ლამაზი, საბაღე ვაშლის ხის ნაყოფი. ნატურალური სახით, სამოთხის ვაშლის ჭამა შეუძლებელია, სამაგიეროდ, მისგან საოცრად გემრიელი მურაბა მზადდება. ვაშლის გამოყენებით, მურაბის გარდა, მრავალი სახის კერძს ამზადებენ: ის შეიძლება მოათავსოთ ცომში და მოხარშოთ ტკბილ ბრინჯთან ერთად, ვაშლისგან შეიძლება დამზადდეს გემრიელი დესერტი: კისელი, კომპოტი, სუფლე, ჟელე, მუსი, სამ-

ბუკი... ბოლოს და ბოლოს, გამაგრილებელი კოქტეილი, რომლის რეცეპტიც ისეთივე მარტივია, როგორც თვით ვაშლი: 2/3 წილი ვაშლის წვენი უნდა გაურიოთ 1/3 წილ მინერალურ წყალში, ჭიქა შეიძლება ლიმონის ნაჭრით მოირთოს — და კოქტეილიც მზად არის, რომელიც მთელი დღის სამყოფი ენერგიით დაგმუხტავთ.

სადღეისოდ, მსოფლიოში ვაშლის 7500 ჯიშია ცნობილი. პრაქტიკულად, ყველა კონტინენტზე გამორჩეული და საყვარელი ვაშლის ჯიში არსებობს. ჩვენში ერთ-ერთი ყველაზე პოპულარული ანტონოვკაა, რომლისგანაც საუცხოო ღვეზელი ცხეება. ვაშლის ღვეზელი — ყველასთვის ცნობილი ნუგბარია. ოკეანის გაღმა — ამერიკის შეერთებულ შტატებშიც აცნობენ. საინტერესოა, რომ იქ

საგახგო ქალაქი კახეთში	რუსი ტელეწამყვანი ... პელში	სახელდარი	რძის პროდუქტი	მსხვილი აღმინისგრაფიული ერთეული თურქეთში	სგადიონი რიო-დე-ჟანეიროში	ჭაღი
ხის ჯიში	XVIII საუკუნის იტალიელი კომპოზიტორი	რუსი კომპოზიტორი	ნოტი	აშული ... გურჯი	თუთიყუშის ჯიში	ბოჭკოვანი მცენარე

საქართველოს კონა



ბევრგან ჯერ კიდევ იცავენ პირველ მოსახლეთა მიერ დამკვიდრებულ ტრადიციას: ახალ ადგილას ჯერ კიდევ სახლის აშენებამდე, ვაშლის ხის დარგვა ბედნიერების მომტანად ითვლება. ყოველ შემოდგომაზე, მთელი შტატების მასშტაბით ათობით ვაშლის ფესტივალი ტარდება, რომელსაც უამრავი ტურისტი ესწრება: ეს ფესტივალი ხომ საშუალებას მოგცემთ, საკუთარი თვალით იხილოთ, მაგალითად, სიდრის დასამზადებელი ვაშლის პრესი, 1800 წლის დროინდელი ვაშლის გადასატანი ყუბები, ან თუნდაც ვაშლის ის ჯიშები, რომელიც თავის ბაღში პრეზიდენტ ჯორჯ ვაშინგტონს ჰქონდა. ამ ზეიმის დროს იმასაც შეიტყობთ, თუ ვინ კრეფს ვაშლს ყველაზე სწრაფად, ვის აქვს ვაშლის ხისგან დამზადებული ყველაზე ლამაზი ბუფეტის

კარადა და ვინ გამოიყვანა იმ წელს ყველაზე დიდი ვაშლი. თუმცა, დღემდე ვერავინ შეძლო მიჩიგანელი მეზობლების რეკორდის მოხსნა, რომელთაც ამ რამდენიმე წლის წინ თავიანთი 1,2 კილოგრამიანი ნაყოფი წარმოადგინეს.

საინტერესოა, რომ ვაშლის გამოყენების სფეროები მხოლოდ კულინარიით არ ამოიწურება. თუ, მაგალითად, ვაშლის ნაჭერს კარტოფილიან ტომარაში მოვათავსებთ, ის შესანიშნავად შეინახება გაზაფხულამდე.

შაქრის ფხვნილში ჩადებული ნახევარი ვაშლი მას სინესტისგან დაცავს. ჩიბუხის მწვეკელები კი ვაშლის ნაჭერს ქისაში იმისთვის დებენ, რომ თამბაქო არ გამოშრეს და სასიამოვნო არომატი შეემატოს. საჭიროების შემთხვევაში, ვაშლს კბილის ჯაგრისიც შეუძლია შეცვალოს: თუ ჯაგრისი ხელთ არ გაქვთ, თამამად მიირთვიეთ ვაშლი – საპეციალისტები ირწმუნებიან, რომ მასში შემავალი ნივთიერებები ნებისმიერ პასტაზე უკეთ იცავს კბილებს. ■

ქვედა	მარჩიელი	მმართველი მე. ინდოეთში	ინჟინერი ალ. გოლსტოის ცნობილი რომანიდან	რამდენი კაცია ოქტებში	ბუნებისმეტყველი პირი, რომელიც სწავლობს ბუნებას		
ქ	ა	ბ	კ	ღ	ნ		
ქვედა	ლიახ, კო, ...	წერილ- ფეხა რქოსანი	გვითის აწევა (გერმინი)	ლორის ბალანი	ნეგარება - ბულიზმის მიხედვით	მტაცებელი ცხოველი	უნგრელი კომპოზიტორი

მეფე ვახტანგი 15 წლის ასულა სამეფო ტახტზე. ამ დროს, ქართლი, ერთი მხრივ, სპარსეთის აგრესიას განიცდიდა, მეორე მხრივ – ოსთა შემოსევებისაგან იყო გამწარებული, არც დასავლეთ საქართველო იყო უკეთეს დღეში – ბერძენებმა ეგრისიდან ციხე-გოჯამდე დაიპყრეს აფხაზეთი. მიუხედავად არასახარბიელო პოლიტიკური ვითარებისა, მეფე ვახტანგი არ შეუშინებია გარემოებათა სიმძიმეს. 15 წლის გვირგვინოსანმა, ვითარცა მოხუცმა ბრძენმა, ამგვარად განუმარტა მოსახლეობას, რომ ქვეყანაზე მოწეული განსაცდელი ღვთის წყრომა იყო მეფისა და ერის ცოდვებისათვის, და ვითარცა მძლეთამძლე ჭაბუკმა, ფიცხლად შეკრიბა ქართველთა მხედრობა, რომელსაც წინ პატიოსანი ჯვარი წარუმძღვარა და მრავალთა გასაკვირად დაამარცხა ოსთა ჯარი. ოსების მიერ კავკასიონიდან გატაცებული ათასობით ტყვე გამოიხსნა და სამშობლოში გამოგზავნა. თავისი უმცროსი და – მირანდუხტიც მაშინ დაიხსნა ტყვეობიდან. მეფე ამის შემდეგ აფხაზეთში გადავიდა და ბიზანტიელებს შეება. სამწელიწადს გაგრძელდა ომი. ვახტანგმა დასავლეთ საქართველოდან გარეკა ბიზანტიელები და ბოლოს, მათ დედაქალაქს – კონსტანტინოპოლს მიაღდა. ბიზანტიის არმია დამარცხდა. კეისარმა ზავი ითხოვა. ზავის პირობებით, მიტაცებული ქართული მიწები დედამშობლოს დაუბრუნდა. მეფემ წინდაწინ უწყოდა, რომ მაინც არ მოისვენებდნენ სპარსეთი და ბიზანტია, ამიტომაც ახალი ციხესიმაგრეებით ჩაკეტა დარიალის, თერგისა და არაგვის ჭიშკრები. ამიერიდან – ქართველი მეფეების ნებადაურთველად უცხო ლაშქარი ვეღარ გადმოვიდოდა კავკასიონზე. შემდგომ ვახტანგმა დაზავებულ სპარსელთა და ბერძენთა ჯართან ერთად აზიაში გაილაშქრა. გაერთიანებული ჯარების მთავარსარდალი ვახტანგ მეფე იყო და მისი დახმარებით სპარსეთმა მრავალი ქვეყანა დაიმორჩილა.

საოცარი გარეგნობით გამოირ-



«ვახტანგ მეფე ღმერთს უყვარდა»

ჩეოდა თურმე მეფე: იყო „უმაღლეს-კაცთა მის ჟამისათა“ (2 მეტრი და 40 სმ) და „უმშვენიერეს სახითა“. შეეძლო ბრძოლა ურიცხვ ლაშქართან და შეუსვენებელივ ადიოდა მცხეთიდან არმაზის ციხემდე. დაეწეოდა გაქცეულ ირემს და რქებით დაიჭურდა ხელით. საოცრად ჰყვარებია რაინდული ორთა ბრძოლები. ორი გოლიათი მოუკლავს 16 წლისას, ოსეთში პირველი ლაშქრობის დროს – თარხან ხაზარი და ბაყათარ ოსი, საბერძნეთში ლაშქრობისას მათი სარდალი – პოლიკარპოსი, ინდოეთში ლაშქრობისას კი, 15 გოლიათისთვის უძლევია საოცარი სიმამაცით. თუმცა კი, ბრძოლაში შეუდრეკელი მეფე, მოთმინებით დაითმენდა ხოლმე პირად შეურაცხყოფას და სიღინჯით აწონ-დაწონიდა ქვეყნისათვის საჭირბოროტო პრობლემებს. ვახტანგის საომარ მუზარადზე წინ მგელი იყო გამოსახული, უკან – ლომი. მუზარადზე მგელ-ლომგამოსახული მეფის გამოჩენა შიშის ზარს სცემდა მტერს. მოერიდეთ მგლისთავას – „ღურ აზ გორგასარ“ – ასე გასძახოდნენ

სპარსელები ერთმანეთს და მეფის მოახლოებას ამცნობდნენ. გორგასალი – ამგვარადვე შემორჩა მისი მეტსახელი ისტორიას.

ბრძოლებში მოპოვებული წარმატებების პარალელურად, საეკლესიო საქმეთა კეთილგანმგებლობითაც გამოირჩეოდა. მეფე ვახტანგმა სრულიად განდევნა საქართველოდან ცეცხლთაყვანისმცემელი ქურუმები და კურთხევის მისაღებად კონსტანტინოპოლს გაგზავნა პეტრე, სამოელი და სხვა სასულიერო პირნი. კონსტანტინოპოლის პატრიარქმა და იმპერატორმა, თავის მხრივ, ანტიოქიის პატრიარქს გაუგზავნეს საპატიო სტუმრები. ანტიოქიის პატრიარქმა კი აკურთხა 12 ეპისკოპოსი და საქართველოს კათოლიკოს-პატრიარქად დაადგინა პეტრე. ასე რომ, საქართველოს ეკლესიის ავტოკეფალიის საფუძვლის ჩაყრაც ვახტანგ მეფის სახელთან არის დაკავშირებული.

შემდგომ, მეფემ ადასრულა წმინდა მირიან მეფის სურვილი და იერუსალიმში ააშენა ქართველთა ჯვრის მონასტერი. ვახტანგ მეფემ მცხეთაში წმინდა ნინოს

დროინდელი ხის ეკლესიის ნაცვლად, ქვის ტაძარი ააგო. მის დროს დაარსდა საეპისკოპოსო კათედრები: ახიზა – კლარჯეთში, არტაანი – ერუშეთში, წუნდა – ჯავახეთში, მანგლისი, ბოლნისი, რუსთავი, ნინოწმინდა, ჭერემი, ჩელეთი, ხორნაბუჯი და აგარაკი. მეფემ ნიქოზის ეკლესია ააშენა და იქაც დასვა ეპისკოპოსი. აქ გადმოასვენებინა წმინდა რაფინ პირველმოწამის ნაწილები და ყოველწლიურად ესმარებოდა ახალშექმნილ კათედრას. თავის ახალ სამყოფლად კი ვახტანგმა უჯარმა ააგო.

ვახტანგ მეფემ საფუძველი ჩაუყარა საქართველოს დღევანდელ დედაქალაქს, რომლის მშენებლობის დამთავრება და სატახტო ქალაქად გამოცხადებაც ვახტანგის ძის – დარჩის მეფობის ჟამს მოხდა.

სამოცს მიტანებულ მეფე ვახტანგს 502 წელს უკანასკნელად მოუხდა თავისი ქვეყნის დაცვა. სამგორის ველზე სპარსელთა მრავალრიცხოვან არმიას სამ დღეს ებრძოდა რაოდენობით ხუთჯერ ნაკლები ქართველთა ჯარი. გაცხარებული ომის დროს, გორგასალი სპარსეთის შაჰის კარავში შეიჭრა და მისი შვილი მოკლა. თვით შაჰმა ძლივს მოასწრო ცხენზე შეჯდომა და გაქცევა. ამ დროს, სპარსელთა მიერ მოსყიდულმა ვახტანგის მსახურმა შენიშნა, რომ მეფეს მარცხენა ილიაში ჯაჭვის პერანგი ჩარღვეოდა. მოღალატემ სწორედ იმ ადგილას დაუმიზნა ისარი. ისარმა ფილტვში გაიარა. თუმცა, კიდევ კარგა ხანს

იბრძოდა მიძიდ დაჭრილი მეფე...

უშედეგო აღმოჩნდა მკურნალთა ყოველგვარი მცდელობა, გადაერჩინათ საყვარელი მეფე და მხედართმთავარი. 60 წლის მეფემ თავის ახალ სამყოფელში – უჯარმაში დალია სული. გორგასალი მცხეთაში, სვეტიცხოვლის ტაძარში დაკრძალეს. სამარის ლოდზე კი მისი სიმალლის ხატი ამოკვეთეს. ვახტანგის უდიდესი დეაწლი ერის წინაშე ღირსეულად შეაფასა ქართველობამ და „გორგასლიანი“ უწოდა საქართველოს სამეფო დროშას, ხოლო უბრალო ხალხმა თავისი უზომო სიყვარული მეფის მიმართ მშვენიერ პოეტურ სტრიქონებში გამოხატა:

„ვახტანგ მეფე ღმერთს უყვარდა, ციდან ჩამოესმა რეკა, იალბუზზე ფეხი შედგა, დიღმა მთებმა იწყეს დრეკა.“

საქართველოს კათოლიკოს-პატრიარქის ილია მეორის ლოცვა-კურთხევით, სიონის საპატრიარქო ტაძარს მიაშენეს წმინდა მეფის – ვახტანგ გორგასლის სახელობის ეკლესია, ქალაქ რუსთავში კი მისი სახელობის საკათედრო ტაძარი აშენდა.

ვახტანგ გორგასლის ხსენების დღედ 13 დეკემბერია დაწესებული.

წმინდა ტარყამვილი



რედაქციის აზრები



მიჰყევი შენს გზას და აღამიანებმა, რაც ენებოთ, ის ილაპარაკონ.

დანტე ალიგიერი

სულელთან პატიოსნად დავა შეუძლებელია.

მიშელ მონტენი

ვისაც სწავლა ეზარება, მისგან კაცი არ დადგება.

ხოსე მარტი ი პერესი

უზენაესი სამსჯავრო – სინდისის სამსჯავროა.

ვიქტორ ჰიუგო

ბოროტის წესი არ არის გარჯა – მუდამ ახარებს მოყვასის ტანჯვა. ბოროტი კაცის მსჯავრია მრუდე, მისი გულია სიავის ბუდე, და შურს ყოველი პატივი სხვისი, თვითონ ერთისაც არ არის ღირსი.

ალბრეხტ დიურერი

თითქმის ყოველ საქმეში მთავარი სიძნელეა – დაწყება.

ჟან-ჟაკ რუსო

გველსა სვრელით ამოიყვანს ენა ტკბილად მოუბარი.

შოთა რუსთაველი

მოღალატე მეგობარი ყველაზე უფრო საშიში მტერია.

პენრი ფილდინგი

მლიქვნელ კაცს ენაზე თაფლი აქვს, გულში შხამი.

მიხაილ ლომონოსოვი

1975 წელს თბილისის „დინამოს“, თავისი ისტორიის მანძილზე პირველად, საკავშირო ჩემპიონატის უმაღლეს ლიგაში ადგილის შესანარჩუნებლად ბრძოლა მოუხდა, რასაც წლის ბოლოს უფროსი მწვრთნელის დათხოვნა მოჰყვა. საქართველოს სპორტკომიტეტის მაშინდელმა შეფმა ფილიპე მახარაძემ პარტიის „ცეკას“ კანდიდატთა საკმაოდ მოზრდილი სია წარუდგინა, თავის მხრივ, „დინამოს“ ყოფილმა უფროსმა მწვრთნელმა მისაილ იაკუშინმა თავისი კანდიდატურა დაამატა: ეს იყო გუნდის მაშინდელი უფროსი ნოდარ ახალკაცი.



1979 წელს „დინამოელებმა“ მეორედ მოიპოვეს საბჭოთა კავშირის თასი

ქართული სპორტის ტრიუმფის ავტორი

გიორგი ჯინჯილია

მთელი მისი ცხოვრება სპორტთან იყო დაკავშირებული — მაშინაც და მას შემდეგაც. თუმცა, აღნიშნული მომენტისთვის ის ვერც დიდი პოპულარობით დაიკვეხნიდა და ვერც გამოჩენილი ფეხბურთელის ბიოგრაფიით. ნოდარ ახალკაცი ფეხბურთის თამაში 1955 წელს დაიწყო. გამოდიოდა თბილისის არმიელთა სპორტკლუბის გუნდ „ლოკომოტივში“. ცენტრალურ თავდამსხმელს ჩინებული ტექნიკა ჰქონდა, კარგად თამაშობდა თავით (ამ სიტყვის პირდაპირი და გადატანითი მნიშვნელობით), თუმცა სისწრაფეში მოიკოჭლებდა, მოუქნელი იყო. „მუდამ დაუკმაყოფილებლობის გრძნობა მქონდა, — იხსენებდა შემდგომში ბატონი ნოდარი, — ცოტა ადრე რომ დამეწყო, შეიძლება უფრო კარგად მეთამაშა...“

1967 წლიდან „ლოკომოტივის“ მთავარი მწვრთნელის პოსტზე; მისი ხელმძღვანელობით გუნდმა 1969 წელს საბჭოთა კავშირის ახალშექმნილი პირველი ლიგის საგზური მოიპოვა (სხვათა შორის, ამ კლუბში გაიარა „სტაჟირება“ დავით ყიფიანმა). ახალკაცის ხელმძღვანელობით „ლოკომოტივი“ საკმაოდ საინტერესო გუნდად იქცა, მაგრამ ის დაშალეს — „დინამოს“ ინტერესების „დასაცავად“ (საკავშირო ჩემპიონატში რესპუბლიკას ერთი ძლიერი გუნდის ყოლა ერჩივნა). ამის შემდეგ ნოდარ ახალკაცი 1974 წლამდე ფეხბურთის სამმართველოს უფროსად მუშაობდა, ხოლო მისი ბოლო



სეზონი, უფროს მწვრთნელად დანიშნამდე, — „დინამოს“ უფროსი იყო.

ნოდარ ახალკაცი დიდი გუნდის შესაქმნელად, ფაქტობრივად, მის ხელმძღვანელად დანიშნამდე კარგა ხნით ადრე ემზადებოდა. რამდენიმე თვე კვალიფიკაციის ასამაღლებელ კურსებზე იტალიაში იმყოფებოდა, მანამდე კი, ჯერ კიდევ „ლოკომოტივში“ თამაშისას, ერთი ჩვეულება ჰქონდა: ყოველ საღამოს, ვარჯიშის შემდეგ, ჩანაწერებს აკეთებდა სპეციალურ რეველში.

1976 წელს უფროს მწვრთნელად დანიშნისთანავე გუნდის რეორგანიზაციას

შეუდგა. ჩვეულებრივ, ასეთ სიტუაციაში ნებისმიერი მწვრთნელი მოითხოვს დროს, მაგრამ ახალკაცი ასე არ მოქცეულა: გუნდმა და მისმა ახალმა მწვრთნელმა გადაწყვიტეს, პირველივე სეზონში ეჩვენებინათ ის შედეგი, რომელიც მათ მაყურებლის ნდობას დაუბრუნებდა, ხოლო „დინამოს“ ერთბაშად, ანგარიშგასაწევ ძალად აქცევდა. ასე დაიწყო საუცხოო ხუთწლიანი ციკლი თბილისის „დინამოს“ ისტორიაში. უკვე 1976 წელს „დინამომ“ ორჯერ დაიკავა მესამე ადგილი (მაშინ ყოველწლიურად, ორი — საგაზაფხულო და სამემოდგომო — ჩემპიონატი ტარდებოდა), ხოლო ორივე პირველობის ჯამში — მეორე შედეგი აჩვენა. იმავე წლის, სამ სექტემბერს თაისის ფინალში „დინამოელებმა“ დიდი ანგარიშით — 3:0 დაამარცხეს ერევნის „არარატი“ და თავის ისტორიაში პირველად გახდნენ საკავშირო თასის მფლობელები (მანამდე ხუთჯერ ითამაშეს ფინალში და ხუთჯერვე დამარცხდნენ). 1977 წელს „დინამო“ ვერცხლის პრიზიორია. ოქროც შეეძლო მოეპოვებინა, მაგრამ მათ წინააღმდეგ „ძალიან ძლიერად ითამაშეს“ მსაჯებმა. სეზონის დამთავრების შემდეგ ახალკაცს ეკითხებინან:

— თქვენი საზრუნავი ალბათ ახლა ჩემპიონობა არის?

— ჩვენი მთავარი საზრუნავია, არ გავვარდეთ უმაღლესი ლიგიდან, — იყო პასუხი...

1978 წელს, სეზონის დამთავრებამდე რამდენიმე ტურით ადრე, „დინამო“

თოთხმეტწლიანი შესვენების შემდეგ, ჩემპიონი გახდა. საკაემირო პრესაში „დინამოსა“ და მისი მთავარი მწვრთნელის სრულიად ახლებური შეფასებები გაჩნდა.

„რაც თბილისის „დინამო“ მახსოვს, სულ მის თვითმყოფადობაზე და იმაზე ლაპარაკობდნენ, რომ თამაშის მანერით არც ერთ გუნდს არ ჰგავს, – წერდა ყოველკვირეული „ფუტბოლ-პოკის“ რედაქტორი ლევ ფილატოვი. – დღეს მე „დინამოელებს“ პირველ რიგში ვულოცავ იმას, რომ ისინი სწორედ რომ ჰკვანან ჭეშმარიტ ჩემპიონებს – იმიტომ, რომ ჩემპიონობას თავისი კანონები აქვს და ოქროს მედლებს, რომ იტყვიან, მხოლოდ შიშველი „თავისებურებით“ ვერ მოიპოვებ... ვუსურვებ თბილისელ „დინამოელებს“, ასე განაგრძონ, და არა მარტო საკაემირო ჩემპიონატზე...“

ყოველთვის სიტყვაპუნწმა ნოდარ ახალკაცმა განაცხადა, რომ მორიგ ამოცანად, საერთაშორისო ტურნირებზე წარმატებების მიღწევა ესახებოდა, მომდევნო სეზონებში „დინამო“ ზედიზედ ოთხჯერ, მეოთხე ადგილს დასჯერდა. უფრო წარმატებით ითამაშა თასზე, რომელიც 1979 წელს ხელმეორედ მოიგო, ხოლო მომდევნო წელს ფინალში გავიდა. ამავე დროს, კბილი მოუსინჯა ევროპულ კლუბებს, მათ შორის გრანდებად წოდებული რამდენიმე გუნდი – „ინტერნაციონალე“ (მილანი), „ლივერპული“, „ფეიენოორდი“ (როტერდამი), „ვესტჰემი“ (ლონდონი), „ნაპოლი“ დაამარცხა კიდევ.

1978 წელს, უეფას თასზე „ნაპოლისთან“ შეხვედრის წინ ახალკაცი იტალიაში ჩავიდა. იქაური ჟურნალისტები წამდაუწუმ ეკითხებოდნენ – ყიფიანი როგორ ფორმაშია? 1977 წელს დავითმა თავისი თამაშითაც გააოცა იტალიელები და გოლიც გაიტანა „ინტერნაციონალეს“ კარში. „სწორედ ამან შთამაგონა, – იხსენებდა ახალკაცი, – რომ მეტოქისათვის სიურპრიზი მომეზადებინა. მანამდე მართლაც ვეჭვობდი – დავითი პატარა ტრავმის გამო, შეძლებდა თუ არა თამაშს, მაგრამ ახლა მტკიცედ გადავწყვიტე – მან აუცილებლად უნდა ითამაშოს, ოღონდ არა იმ ამპლუაში, რომელშიც იტალიელებს უნახავთ. მათ იციან, რომ ჩვეულებრივ, ყიფიანი უკან იხევს და კომბინაციებს სიღრმიდან იწყებს. ამჯერად ყიფიანი, მისი ფიზიკური მდგომარეობის გათვალისწინებით, წინ, იტალიელთა თავისუფალი მცველისკენ – ე.წ. ლიბეროსკენ წავსივით. ამ ადგილზე იტალიელებს შედარებით ასაკოვანი სპორტსმენი ჰყავდათ, რომელიც

დიდი სისწრაფით არ გამოირჩეოდა: ლიბერო ვერ ეწეოდა ჩვენს ფორვარდს, ხოლო ახალ სიტუაციაში სულ დაიბნა. სანამ ისინი გონს მოვიდოდნენ, ყიფიანმა ჯერ ერთი გოლი შეაგდო, შემდეგ მეორე გოლისთვის მოამზადა საფუძველი...“

„დინამო“ 1981 წლის 13 მაისის ტრიუმფისკენ მიიწვედა. ევროპის თასების მფლობელთა თასის ამ გათამაშებაში მისი გზა ასე დაიწყო: კენჭისყრამ პირველ მეტოქედ საბერძნეთის თასის მფლობელი „კასტორია“ არგუნა. ეს ბარიერი „დინამომ“ ადვილად გადალახა: 0:0 საბერძნეთში და 2:0 თბილისში. მეორე წრეში ირლანდიურ „უოტერფორდთან“ „დინამომ“ ჯამურად 5:0 (1:0, 4:0) გაიმარჯვა და კლუბის ისტორიაში პირველად, ევროტურნირების მეთხედფინალში გავიდა.

რამდენიმეთვიანი შესვენების შემდეგ, ტურნირი გაზაფხულზე გაგრძელდა. თავის ახალ მეტოქესთან – ინგლისურ „უესტჰემ ოფნაიტედთან“ პირველი შეხვედრა „დინამოს“ სტუმრად ჰქონდა. ეს შეხვედრა თბილისელთა „ავტორობით“ მომხდარ პირველ სენსაციად იქცა – ქართველებმა 4:1 მოიგეს. შინ „დინამოს“ წაგების ფუფუნების საშუალებაც ჰქონდა – 0:1. მომდევნო ეტაპზე, კიდევ უფრო ძლიერი და განსაკუთრებით, უხეში თამაშით გამორჩეული ჰოლანდიური „ფეიენოორდი“ (როტერდამი) შეგვხვდა, მაგრამ „დინამომ“ ნამდვილ აღმაშობლებს განიცდიდა და შინ გამართული პირველი შეხვედრაც დამაჯერებლად – 3:0 მოიგო, შემდეგ კი, როტერდამში მარცხის მიუხედავად (0:2), თასების მფლობელთა თასის ფინალში გავიდა.

დიუსელდორფის „რაინშტადიონზე“ 1981 წლის 13 მაისს გამართული ფინალური მატჩის პერიპეტეიებსა და „კარლ ცაისზე“ ანგარიშით – 2:1 გამარჯვებაზე იმდენი რამ თქმულა და დაწერილა, თვით ეს მატჩი კი იმდენჯერ გვინახავს განვლილი 20 წლის მანძილზე, რომ მასზე ყურადღების შეჩერება ალბათ მიზანშეწონილი აღარც იქნება. მხოლოდ ერთ ეპიზოდს გავიხსენებთ, რომელიც გამოჩენილი მწვრთნელის

ხასიათის რამდენიმე შტრიხს წარმოაჩენს.

დიუსელდორფში რომ ჩასულა, ნოდარ ახალკაცი შეუძლოდ ყოფილა – წნევა ასწევია, სიცხეც მაღალი ჰქონია. საერთოდ, თამაშის დროს ადგილიდან ადგომა არ სჩვეოდა – დამჯდარი, თავშეკავებით აღენებდა თვალს მატჩის მსვლელობას. „მოედნის ნაპირიდან კარნახი სარგებლობას იშვიათად თუ მოგიტანს, – ამბობდა იგი, – თუ შინ „მომზადებისას წააგე“, საეჭვოა, მდგომარეობა მატჩის მსვლელობის დროს გამოასწორო...“ ფინალური შეხვედრის დროს, მეორე ტაიმში, ვეღარ მოთოკა თავი – ადგილიდან წამოდგა და ფეხზე მდგომი უყურებდა თამაშს. მოესწრო კიდევ იმ მომენტს, როცა ვლადიმერ გუცაევმა პირველი საპასუხო გოლი გაუტანა მეტოქეს, შემდეგ კი – დარასულამ, გამარჯვების გოლით დაავიჯვინა „დინამოელთა“ შეტევები.

1976-81 წლებში თბილისის „დინამომ“ მანამდე არნახულ წარმატებებს მიღწეოდა, მაგრამ რა საოცარიც არ უნდა იყოს, არა და არ ცხრებოდა კრიტიკა მისი უფროსი მწვრთნელის მიმართ, რომელსაც ლამის არის ყველა ამქვეყნიურ ცოდვაში სდებდნენ ბრალს: ცუდ „სელექციონერობაში“, „დინამოს“ ტრადიციული სტილის დაქინებებაში, ფეხბურთელებთან დესპოტურ მოპყრობაში, მატჩების „ჩაწყობაში“, კორუფციასა და სამეურნეო მაქინაციებშიც ადანაშაულებდნენ. ამ ბრალდებებში ყველაზე ხშირად, ფიგურირებდა აზრი, თითქოს „დინამოს“ დიდი გამარჯვებები მხოლოდ ფეხბურთელების დამსახურება იყო და უბრალოდ, ახალკაცის მწვრთნელობის პერიოდს გუნდში მრავალი გამორჩეული ფეხბურთელის

ევროპის თასების მფლობელთა თასის მოგებასთან დაკავშირებულ ზეიმზე თბილისის სპორტის სასახლეში





საერთოდ, თამაშის დროს ადგილიდან აღგომა არ სჩვეოდა – დამჯდარი, თავშეკავებით აღევნებდა თვალს მაჭჩის მსვლელობას

თავმოყრა დაემთხვა...

„დინამოს“ შემადგენლობაში მართლაც ბევრი უნიჭიერესი ფეხბურთელი თამაშობდა, მაგრამ გუნდის ისტორიაში ისეთი პერიოდებიც ყოფილა, როცა ერთდროულად უფრო მეტ ვარსკვლავს უთამაშია, მაგრამ ყველაზე მეტ წარმატებებს მაინც ამ თაობამ მიაღწია, ეს კი უდავოდ, მწვრთნელის დამსახურებაა. ყველა საფეხბურთო ქვეყანაში აქსიომად არის მიჩნეული აზრი, რომელსაც ჩვენში ბევრი პარადოქსად მიიჩნევს: ნიჭიერი ფეხბურთელებთან უფრო ძნელია მუშაობა, ვიდრე საშუალებთან – თუნდაც იმიტომ, რომ ნიჭიერი ფეხბურთელი უფრო ამბიციურია. ნოდარ ახალკაცმა ყველა თავის აღსაზრდელს მაქსიმალურად გამოავლენინა ინდივიდუალური შესაძლებლობანი. თავდაპირველად (1976 წელს), მან შექმნა გუნდის ღერძი: ხინჩაგაშვილი-მანაიძე-ყოფიანი-გუცავეი. ახალკაცმა დიდი ასპარეზი მისცა ალექსანდრე ჩივაძის ნიჭს, რომელიც სწორედ მწვრთნელის ხელდასხმით იქცა უძლიერეს სტოპერად, და სარბილზე გამოიყვანა ვიტალი დარასელია. ქუთაისიდან გადმოყვანილი ოთხი ფეხბურთელიც (სულაქველიძე, გაბელია, შენგელია, კოსტავა) ორგანულად შეერწყა გუნდს (მხოლოდ თამაზ კოსტავამ, ამ უნიჭიერესმა მცველმა, მძიმე ტრავმის გამო, ვერ შეძლო სრულად გამოეყვინა თავისი შესაძლებლობები), ამბლუა შეუცვალა გოჩა მანაიძეს და სუსტი ნახევარმცველი კარგ მცველად

აქცია.

აქვე უნდა აღვნიშნოთ, რომ ახალკაცის დროს ხუთიოდე წლის განმავლობაში, „დინამოდან“ საბჭოთა კავშირის ნაკრებში მიიწვიეს ცამეტი ფეხბურთელი და ეს მაშინ, როდესაც ათი თავით მაღლა უნდა მდგარიყავი რუს ფეხბურთელზე, ნაკრებში რომ მოხვედრილიყავი. ამ ფაქტების მერე, ძნელი დასაჯერებელია ნოდარ ახალკაცის ცუდი „სელექციონერობა“.

„არასოდეს გამიგონია მისგან ხმაბლადი სიტყვა, თითქოს არაფერს გამოჰყავდა წონასწორობიდან, – უზიარებდა თავის აზრს დავით ყიფიანი ჟურნალისტებს. – მისი დამოკიდებულება გუნდის წევრებთან მუდამ კომპრომისული და კორექტულია. მისი უკიდურესი გაღიზიანება შეიძლება გამოიხატოს მხოლოდ და მხოლოდ იუმორნარევი ირონიით, რომელიც დამნაშავეს უმაღლესი ადგილს გამოუნახავს“.

1983 წელს „ინტრიგების ქსელმა“ თავისი გაიტანა და ნოდარ ახალკაცი გუნდიდან წავიდა. „დინამოს“ რეგრესმაც არ დააყოვნა. ორი წლის შემდეგ, 1985 წლის სეზონის შუა პერიოდში უფროსი მწვრთნელის პოსტზე დაბრუნდა ნ. ახალკაცი. მაგრამ ჩემპიონატის დამთავრებამდე ოთხი ტურით ადრე, ახალკაცი მოხსნეს – „ფეხბურთელთა კოლექტიური განცხადების საფუძველზე“...

1990 წლის 15 თებერვალს, თბილისში, ჭადრაკის სასახლეში საქართველოს ფეხბურთის ფედერაციის დამფუძნებელი ყრილობა ჩატარდა. ნოდარ ახალკაცის სახელი თითქმის შემთხვევით ამოტივტივდა: ყრილობაზე მოსაწვევი ბარათიც უკანასკნელ წამს მიუტანეს, და არავინ უწყვოდა, თუ ამ თავშეყრაზე მას ახალი მისია დაეკისრებოდა.

პრეზიდენტობის 6 დასახელებული კანდიდატიდან ყრილობამ ნოდარ ახალკაცი აირჩია, რომლის სათავეშიც 1998 წლამდე იყო.

საქართველოს ფეხბურთის ფედერაციის მუშაობა ამ რვა წლის მანძილზე იდეალური როდი იყო და ვერც იქნებოდა. მიუხედავად ამისა, ახალკაცმა და მისმა თანამოაზრებებმა საძირკველი ჩაუყარეს დამოუკიდებელი ქართული ფეხბურთის სამყაროს და ეს ომის, მუდმივი გაჭირვების ელემენტარული პირობების უქონლობის დროს მოახერხეს. ამ საქმეს დიდი ძალისხმევა და ნამდვილი ბრძოლა დასჭირდა – როგორც შინ, ისე გარეთ.

1991 წელს ახალკაცს ძლიერი მოკავშირე დროზე უნდა დაეგულებინა და ციურიხისკენ მიმავალ გზას ეძებს. თავდა-

პირველად, ფიფა შეუვალი იყო: იოზეფ ბლატერის (ფიფას იმჟამინდელი გენერალური მდივანი) პასუხი ახალკაცის თხოვნაზე ასეთი იყო: „თქვენ მიერ მოწოდებული ინფორმაცია შემდგომი განხილვისთვის აღმასრულებელ კომიტეტს გადაეცემა. რაც შეეხება თქვენს თხოვნას 1994 წლის მსოფლიო ჩემპიონატში მონაწილეობის შესახებ, ეს მხოლოდ იმ შემთხვევაში იქნება შესაძლებელი, თუ თქვენი ფედერაცია ფიფას წევრი გახდება, ჩვენი წესდებისა და დამკვიდრებული პრაქტიკის შესაბამისად. ველოდებით თქვენი ქვეყნის სტატუსის განსაზღვრას გაერთიანებული ერების ორგანიზაციის მიერ“.

ამ დროისთვის საქართველოს პოლიტიკური არჩევანი უკვე გაკეთებული აქვს (1991 წლის 9 აპრილს რეფერენდუმის შედეგებზე დაყრდნობით, უზენაესმა საბჭომ აღადგინა საქართველოს სახელმწიფოებრივი დამოუკიდებლობა).

1991 წლის შუა ოქტომბერში საქართველოს დელეგაცია სტუმრობს ლიტვასა და ლატვიას. ხელშეკრულებებს აფორმებს ამ ქვეყნების ფეხბურთის ფედერაციებთან. ფაქტები მხარდაჭერის თხოვნით იგზავნება იტალიაში, საფრანგეთში, საბერძნეთში, ბრაზილიაში...

ორი წლის უშედეგო ცდების შემდეგ, ახალკაცმა და მისმა მომხრეებმა მიაღწიეს იმას, რომ ფიფას აღმასკომმა ცნო საქართველო და ფიფას დროებითი წევრის სტატუსი მიანიჭა. საქართველოსთან ერთად, მსგავსი სტატუსი უკრაინამ, სლოვენამ და ხორვატიამ მიიღო.

ასე დაიწყო საქართველოს დამოუკიდებელი ფეხბურთის საერთაშორისო ცხოვრება.

... 1998 წლის 25 იანვარს ნოდარ ახალკაცი მოსკოვში ჩავიდა. „ვერუკოსს“ აეროპორტში მანქანა ელოდა. თვითმფრინავშივე ცუდად უგრძენია თავი – ტრაპიდან ჩამოსული, ფერწასული და მთლად გაოფლილი ყოფილა, მიუხედავად ამისა, გულს არ შეკუებია. მანქანამ გეზი დედაქალაქისკენ აიღო. „დინამოს“ იმდროინდელი პრეზიდენტისთვის – მერაბ ჟორდანიასთვის დაურეკავს „ცკც“-ის მანქანაში – გუნდი რას შერება, თამაშზე მოვლივარო (დსთ-ის ტურნირი მიმდინარეობდა). აეროპორტის გამოსასვლელთან, ავტოსადგომის გამშვებ პუნქტს გასცილება თუ არა, ერთი ღრმად ამოუსუნთქავს და... ამ გზაზე ქართული ფეხბურთის ერთი დიდი ეპოქა დასრულდა – ნოდარ ახალკაცი გარდაიცვალა.



ურნალ „ფორბსის“ მიერ მსოფლიოს უმდიდრეს პიროვნებათა სიის წლევანდელი პუბლიკაცია თითქმის შეუმჩნეველი დარჩა. შესაძლოა, ამის მიზეზი ის იყო, რომ გამომცემლებმა გადაწყვიტეს, უარი ეთქვათ ყველაზე სკანდალური – ამა თუ იმ ქვეყნის მმართველთა სიის გამოქვეყნებაზე, რომელშიც რეგულარულად ხვდებოდნენ სადამ ჰუსეინი, სლობოდან მილოშევიჩი, ინდონეზიის ექსპრეზიდენტი სუხარტო. ეს გადაწყვეტილება „ფორბსის“ წარმომადგენლებმა უკომენტაროდ დატოვეს, თუმცა ნათელია, რომ ამით მათ თავი აარიდეს სავარაუდო სასამართლო სარჩელებს, რომელშიც საიმი მოხვედრილ პიროვნებებს ცილისწამებაში შეიძლება დაედანაშაულებინა ყურნალი (ამგვარი პრეცედენტი არაერთგზის ყოფილა წინა წლებში).

უმდიდრეს ადამიანთა ნუსხაში ესოდენ საინტერესო ნაწილზე უარის თქმას მისი არსებითად ახალი (თუ ახლებური) კომპენსაცია მოჰყვა: „ფორბსმა“ კულტურის, ხელოვნებისა და შოუბიზნესის იმ სახელმძღვანელო მოღვაწეთა სია გამოაქვეყნა, რომლებიც სიკვდილის შემდეგაც „მდიდრებიან“. მსოფლიოს ყველაზე ძვირად ღირებული 13 მიცვალებულის შარშანდელი შემოსავლები, ბუნებრივია, ვერ შეედრება ყველაზე მდიდარ ცოცხალ შოუბიზნესმენთა შემოსავლებს, სამაგიეროდ მათი, ბევრ მოქმედ მილიონერსაც შეშურდებოდა.

ელვის პრესლი (1937-1977)

„ფორბსის“ მონაცემებით, 2000 წლის 1 იანვრიდან 31 დეკემბრამდე „მარად ცოცხალმა“ მუსიკოსმა თავის მემკვიდრეთა ქონებას 35 მლნ დოლარი შემატა. პრესლის ალბომების რეალიზაციამ და მისი სიმღერების რადიო-ტელევიზიით ტრანსლაციებმა მხოლოდ ამ თანხის ნაწილი შეადგინა. ყველაზე დიდი თანხა კი (15 მლნ დოლარი) ელვისმა შარშან ქალაქ მემფისში მდებარე სახელგანთქმულ მამულში – GRACELAND-ში გაყიდული ბილეთებითა და მრავალგვარი სუვენირისა თუ სათამაშოს რეალიზაციით „გამოიმუშავა“. შემოსავალი სიკვდილის შემდგომ სარეკლამო საქმიანობასაც მოაქვს. შარშან ელვის პრესლიმ „ლიპტონის“ ჩაის, ENERGIZER-ის ელემენტების, DELL-ის კომპიუტერების და (ბედის ირონია) სიცოცხლის დაზღვევის ფირმის სარეკლამო კამპანიებში მიიღო მონაწილეობა.

ელვის პრესლის შემოსავლები მელ


ზოგიერთი სიკვდილის შედეგად მდიდრდება

ბევრი ფულის შოვნა საკმაოდ ძნელი, თუმცა ფრიად სასიამოვნო და საპატიო საქმეა. ამერიკული ყურნალი FORBES-ი ყოველწლიურად აქვეყნებს იმ პიროვნებათა რეიტინგს, ვისაც ეს სხეებზე უკეთ ხელეწიფება. წინათ ამ ნუსხაში მხოლოდ ცოცხლები შეჰყავდათ, წელს კი გარდაცვლილთა „დისკრიმინაციას“ ბოლო მოეღო და უმაღლეს გამოიჩვენა, რომ მიცვალებულებსაც შეძლებიათ ფულის შოვნა.

გიბსონის (31 მლნ), ჯგუფის – „ბექსტრიით ბოიზის“ წევრების (35,5 მლნ ჯამში) და მწერალ დინ კუნცის (34 მლნ) აჭარბებს, მაგრამ ის გაცილებით მეტი იქნებოდა, მის მემკვიდრეებს ელვისის მრავალრიცხოვან ორეულებთან და ამ ორეულთა კონკურსების ორგანიზატორებთან წილში ჩაჯდომა რომ მოეხერხებინათ.



ელვის პრესლის 25 წელიწადია გიგანთა არ აუღია ხელში, მაგრამ მაინც „მოახერხა“ 2000 წელს 35 მილიონის შეკოწიწება. ცოცხალმა მელ გიბსონმა კი „რადაც“ 31 მილიონის გულისთვის მთელი წელი გადასაღებ მოედინებზე გააგარა



ჩარლზ შულცი (1922-2000)

მსოფლიოს ყველაზე სახელგანთქმული კარიკატურისტი, PEANUTS-ის საგაზეთო კომიქსების სერიის შემქმნელი გასული წლის შუა პერიოდში გარდაიცვალა. მისი სიკვდილს შემდგომი შემოსავალი (მხატვრის კარიკატურები აშშ-ის, დიდი ბრიტანეთისა და ბევრი სხვა ქვეყნის 2400-მდე გაზეთს დაუბეჭდავს) 20 მლნ დოლარს აღწევს. ეს თითქმის იმდენივეა, რამდენსაც ცოცხალი და ყოველი ცენტისთვის გამოუღმებით მებრძოლი მოკრივე ჯონ ფორმენი შოულობს (20,1 მლნ). გარდაცვლილი მხატვრის შემოსავლის 90% არა თვით კარიკატურებს, არამედ სხვადასხვა ნივთზე მათი გამოყენების უფლების ლიცენზიებს მოაქვს. ყველაზე მეტ ფულს შულცი იაპონიაში „შოულობს“ – PEANUTS-ის გამოსახულების გამოსაყენებელ ლიცენზიათა 40% სწორედ ამ ქვეყნის კომპანიებმა შეიძინეს.

ჯონ ტენონი (1940-1980)

2000 წელი საკმაოდ შემოსავლიანი იყო „ბითლზის“ დაღუპული ხელმძღვანელისთვის. სხვა „ბითლებთან“ ერთად ის, სულ მცირე, 10 მლნ დოლარით „გამდიდრდა“. ეს თანხა მოუტანა ანსამბლის ახალი ალბომის გამოშვებამ, რომელშიც ძველი სიმღერების ერთი წყება შევიდა. ამას დაემატა წიგნის „ბითლზის“ ანთოლოგია“ გაყიდვით მიღებული შემოსავალი, რომელმაც ლენონი მსოფლიოს ერთ-ერთ ყველაზე მდიდარ მიცვალებულთა სიაში შეიყვანა. საბოლოოდ, 2000 წელს მას 20 მლნ დოლარი შეემატა, რაც 1,1 მლნ-ით მეტია ცოცხალი ჯულია რობერტსის შემოსავალზე, რომელიც შარშან რამდენიმე ფილმში გადაიღეს. აქვე დავსძენთ, რომ ლენონის კიდევ ერთი შემოსავლის წყარო, მისი სიმღერების საავტორო უფლებებია, რომლისთვისაც ჰონორარი რადიოეთერში თითოეული შესრულებისას ერგება. მას ჯგუფის ყველა ალბომის გაყიდვიდანაც ერგება თანხა



მარშან ჯონ ლენონმა 20 მლნ დოლარი „გაანალიზა“ და თვით ყველაზე ძვირად ღირებულ მსახიობ ქალს ჯულია რობერტსს გაუსწრო, რომელიც მხოლოდ წამყვანი როლებით გადის ფონს



– 25%. ეს ყველაფერი, ბუნებრივია, ჯონ ლენონის ქვრივის – იოკო ონოს ანგარიშზე მიდის.

თეოდორ გეიზელი, რომელსაც დოქტორ ზიუსის სახელით უფრო იცნობენ (1904-1991)

ყველაზე ცნობილი ამერიკელი საბავშვო მწერალი, მარშან ერთ-ერთი ყველაზე ძვირად ღირებული მიცვალებულიც გახდა. ეს მისი წიგნის მიხედვით გადაღებული ფილმის – „შობის მომტაცებელი გრინჩი“-ს ეკრანებზე გამოსვლის წყალობით მოხდა: მარტო ამ ფილმში გეიზელს 10 მლნ დოლარი „ერგო“ – თუმცა, ამ საქმეში მისი ქვრივის აქტიური მონაწილეობა გახდა საჭირო: ამბობენ, სწორედ მან მიაღწია იმას, რომ მწერლის მემკვიდრეებს ფილმის გაქირავებიდან მიღებული შემოსავლების 5% და მისი სიმბოლიკით დამშვენებული სუვენირების რეალიზაციის 50% დაუწესეს.

კიდევ 7 მლნ გეიზელის ყულაბაში მისი წიგნების გაყიდვიდან გადავიდა და საბოლოოდ, მეთიხე ადგილზე გასული მცველებული ცნობილ ჩოგბურთელს ანდრე აგასის

(17,5 მლნ) მიუახლოვდა და მსახიობსა და მომღერალ ჯენიფერ ლოპესს (14 მლნ) გაუსწრო. როგორც ვარაუდობენ, წლეულს გეიზელი კიდევ უფრო გამდიდრდება, რადგან კომპანია UNIVERSAL-ი კიდევ ერთი მისი წიგნის ეკრანიზაციას აპირებს.

ჯიმი ჰენდრიქსი (1940-1970)

უმდიდრეს მიცვალებულთა შორის მეხუთე საფეხური ჯიმი ჰენდრიქსმა შემთხვევით როდი დაიკავა: მუსიკოსის 10-ზე მეტი ალბომიდან მის სიცოცხლეშივე მხოლოდ 4 გამოუშვეს, რაც ჟურნალისტებს იმის თქმის საფუძველს აძლევს, რომ მან „ფულის შოვნა“ სიკვდილის შემდეგ უფრო „შეძლო“.

მარშან მისმა შემოსავალმა 10 მლნ შეადგინა და უმნიშვნელოდ ჩამორჩა მსოფლიოს ერთ-ერთ ყველაზე ძვირად ღირებულ ჩოგბურთელ ქალს მარტინა პინგისს. ისევე, როგორც გეიზელის შემთხვევაში, წლეულს ჰენდრიქსი უფრო მეტს „გამოიმუშავებს“: ამაზე კომპანია „მაიკროსოფტის“ ერთ-ერთმა შემქმნელმა და ჰენდრიქსის მხურვალე თავყვანისმცემელმა პოლ ალენმა იზრუნა, რომელსაც პლანეტის უმდიდრეს ცოცხალ ადამიანებს შორის მესამე ადგილი (30,4 მლრდ დოლარი) უკავია.

ბობ მარლი (1945-1985)

რეგის სტილის ვარსკვლავმა ბობ მარლიმ, ჰენდრიქსის დარად, მხოლოდ სიკვდილის შემდეგ „დაიწყო ფულის შოვნა“. მსოფლიო აღიარება, სახელი და მამასადამე, სიმდიდრეც მის სახელს 1988 წელს გამოსულმა ალბომმა LEGEND-მა მოუტანა. ახლა ალბომებიდან და რადიოტრანსლაციებიდან შემოსული ჰონორარები მისი შემოსავლის 85%-ს შეადგენს, დანარჩენი 15% კი, მისი სახელის მქონე საფეხბურთო ბუცების რეალიზაციიდან შემოდის. მარშან მან, საერთო ჯამში, 10 მლნ დოლარი „გამოიმუშავა“ – იმდენივე, რამდენიც ამერიკაში მცხოვრებმა რუსმა ჩოგბურთელმა ანა კურნიკოვამ.

ენდი უორჰოლი (1928-1987)

როცა ამ მხატვარზე ჩამოვარდება სიტყვა, უძალ ახსენდებათ ხოლმე კონსერვირებული წვინანის ქილის ამსახველი მისი სურათი და ის მონარული ფრაზა, რომ ყველა ადამიანს 15 წუთიანი დიდების უფლება მაინც აქვს. უორჰოლის დიდება 15 წუთზე გაცილებით მეტხანს გაგრძელდა, მის ქმნილებებს კი ისევ მოაქვს შემოსავალი, რომელიც საქველმოქმედო საქმეს ხმარდება. უორჰოლის სახელის, მისი ნახატებისა და ფოტოსურათების გამოსახ-

ვლების სალიცენზიო ხელშეკრულებათა რაოდენობა 40-ს აღწევს. გარდა ამისა, მხატვრის შემოსავალზე მარშან დიდი გავლენა მოახდინა კომპანიებმა „ბრიტიშ



30 წლის წინ დაღუპული ნარკომანი მომღერალი ჯიმი ჰენდრიქსი შემოსავლით ოდნავ ჩამორჩება მშვენიერ სპორტულ ფორმაში მყოფ ჩოგბურთელ მარტინა პინგისს



ეირვიზ“ და „დაიმლერ-კრაისლერმა“, რომლებმაც თავიანთ სარეკლამო რგოლებში უორჰოლის ორეულები გამოიყენეს. „ფორბსის“ სიაში მხატვარმა მე-7 ადგილი დაიკავა: მისმა შემოსავალმა მარშან 8 მლნ დოლარს მიაღწია, რაც მხოლოდ 1 მლნ-ით ჩამოუვარდება ცოცხალი კლაუდია შიფერის მონაგარს.

ჯონ რონალდ რუელ ტოლკინი (1892-1973)

ე.წ. ფენტოზის ლიტერატურული ჟანრის კლასიკოსი ყველაზე შეძლებულ მიცვალებულთა ნუსხაში შეიძლება პირველიც ყოფილიყო, 1969 წელს რომ

არ მიეყიდა თავის ნაწარმოებთა ეკრანიზაციის უფლება ამერიკული კინოკომპანია „იუნაიტედ არტისტისთვის“.

ამ სიაში ტოლკინის გამოჩენა კი, სხვა კონტრაქტს უკავშირდება: ავანსისა და სტანდარტული საავტორო 15%-ის ნაცვლად, ტოლკინმა ნაწარმოებებისგან მიღებული ყველა შემოსავლის ნახევარი მოითხოვა. ამრიგად, ათეული წლების წინ დაწერილ წიგნებს, რომელიც გამოცემისთანავე ბესტსელერებად იქცევა ხოლმე, დღესაც მოაქვს შემოსავალი გარდაცვლილი ავტორისთვის. საინტერესოა, რომ, მაგალითად, ბრიტანეთში, სოციოლოგიური გამოკითხვის თანახმად, ტოლკინის წიგნების პოპულარობა ბიბლიას აჭარბებს. ამიტომ, არ არის გასაკვირი, რომ მისი შემოსავალი – 7 მლნ დოლარი, ცნობილი ტოპ-მოდელის – სინდი კროუფორდისას აღემატება (6,3 მლნ).

ფრენკ სინატრა (1915-1998)

ენდი უორპოლისა და ელვის პრესლისგან განსხვავებით, ფრენკ სინატრას გამოსახულება არასოდეს გამოუყენებიათ რეკლამაში. სამაგიეროდ, მის მიერ შესრულებული სიმღერები ხშირად დაჰყვება ფონად სარეკლამო რგოლებს. ამის შედეგად, 2000 წელს მისმა შემოსავალმა 6 მლნ დოლარს მიაღწია – ზუსტად იმდენს, რამდენიც ამერიკელმა ჩოგბურთელმა ქალმა ლინსი დევენპორტმა გამოიმუშავა.



ნარკოტიკებისგან დაღუპული იამაიკელი მუსიკოსი ბობ მარლი შესანიშნავ წყვილს შექმნიდა თანამედროვე ჩოგბურთის სექს-სიმბოლო ანა კურნიკოვასთან ერთად, ორივემ 10-10 მილიონი გაახერხეს



რაკი სინატრას სიკვდილის შემდგომი ალბომი 2001 წლის „გრემის“ პრესტიჟულ პრემიაზე წარდგენილი, სავარაუდოა, რომ ლეგენდარული მუსიკოსის შემოსავალი წელს გაიზრდება.

ჯერი გარსია (1942-1995)

ჯგუფის – GRATEFUL DEAD („მადლიერი მიცვალებულები“) წევრი „ფორბსის“ ნუსხაში ძირითადად, იმ შემოსავლების წყალობით მოხვდა, რომელიც უამრავი სუვენირის გაყიდვის ამონაგებით გროვდება. ფეხბურთის მაისურებისა თუ ბიუსტპალტურების რეალიზაციით შემოსულმა თანხამ შარშან ჯგუფს 30 მლნ დოლარი მოუტანა, აქედან გარსიას წილად 5 მლნ მოდის, რაც, როგორც ჟურნალი აღნიშნავს, ყველაზე ძვირად ღირებული კულინარის – ფრანგი ალენ დიუკასის მონაგარს უტოლდება.


კით ჰარინგი (1958-1990)

თავისი კარიერა ჰარინგმა ნიუ-იორკის მიწისქვეშა გადასასვლელების მოხატვით დაიწყო. უბრალო ფიგურებმა და ჭკვეტელა ფერებმა მალე მოუტანა მას აღიარება. თავდაპირველად ის უარს ამბობდა სალიცენზიო ხელშეკრულებების დადებაზე, ამიტომ მის რეპროდუქციებს სუვენირებზე ვერ შეხვდებოდით. მერე მისმა მასწავლებელმა ენდი უორპოლმა დაარწმუნა, რომ ნაშრომისთვის ფულის აღება სულაც არ არის სამარცხვინო. კითის ქმნილებებმა – მხატვრული ბარათების, ბლოკნოტების ყდების, კონვერტების ორნამენტების, მაისურებისა და უამრავი სხვა სახით, ქვეყანა აავსო. ჰარინგის სიკვდილიდან მოყოლებული, ყველა მისი შემოსავალი საქველმოქმედო მიზნებს ხმარდება, მათ შორის უმთავრესი – შიდსით დაავადებულთა დახმარებისთვის არის გათვალისწინებული (სწორედ ამ დაავადებისგან დაიღუპა მხატვარი).

შარშან ჰარინგმა 4 მლნ-ზე მეტი „გამოიმუშავა“ – ე.ი. იმაზე მეტი, რაც ექსპრეზიდენტმა ჯორჯ ბუშ-უფროსმა და მისმა ცოლმა ბარბარამ, რომელთა შემოსავალი იმავე „ფორბსის“ მონაცემებით, ზუსტად 4 მლნ-ს შეადგენს.

მერილინ მონრო (1926-1962)

მონროს დაღუპვის შემდეგ მის ბინაში 3,5 დოლარი იპოვეს. ახლა ის მილიონებს „მოულობს“ – ხმით, სახელითა და გარეგნობით: ყველაფერ ამას მსოფლიოს წამყვანი კორპორაციები – „დაიმლერ-კრაისლერი“, „გეთიევი კომპიუტერს“, „შანელი“ და „ლევისი“ იყენებენ. მისი პორტრეტები ამშვენებს ლას-ვეგასის 2 ათას სათამაშო ავტომატს, კალიფორნიაში კი, „მერილინ მონროს“ დასახ-



ენდი უორპოლის სიკვდილიდან არც ისე დიდი დროა გასული, მაგრამ ის თითქმის დაეწია სადსალამათ კლაუდია შიფერს რომელიც ავერ უკვე 20 წელიწადია წარმატებით ვაჭრობს საკუთარი სხეულით




ელების ღვინოსაც კი აწარმოებენ.

ორი წლის წინ ვარსკვლავის პირადი ნივთების აუქციონმა 13,4 მლნ დოლარი მოიტანა. თუმცა, მას შემდეგ მონროს შემოსავლები შემცირდა: შარშან გამოიმუშავებული 4 მლნ-ით ის „ფორბსის“ სიაში ბოლოსწინა ადგილზეა. მიუხედავად ამისა, მაინც სჯობნის ცნობილ ამერიკელ კომიკოს მსახიობს ბილ ქოსბის (3 მლნ).

ჯეიმს დინი (1931-1955)

გარდაცვალებიდან ნახევარი საუკუნის შემდეგ ჯეიმს დინი გაცოლებით მეტს „ღებულობს“, ვიდრე სიცოცხლეში. თავის დროის მსახიობთა დარად, დინი ხელფასს სჯერდებოდა და არ იღებდა ჰონორარებს მისი მონაწილეობით გადაღებული ფილმებისთვის. ახლა მის სახელს მოხერხებულად იყენებენ სარეკლამო მიზნით: მის სახეს საათებზე, ჯინსებზე, მისალღ ბარათებზე შეხვდებით. შემოსავლის ასათვისებლად, მისმა მეგვიდრემ – დეიდაშვილმა მარკუს უინსლოუმ სპეციალური კომპანია „ჯეიმს დინ ინკ“-იც კი შექმნა; შარშან მან 3 მლნ დოლარი გამოიმუშავა (ლომის წილი იაპონიასა და დასავლეთ ევროპაზე მოდის, სადაც მსახიობი განსაკუთრებით პოპულარულია) – ეს კი 200.000-ჯერ აღემატება ამერიკის ერთ-ერთი ყველაზე პოპულარული მწერალი ქალის მაია ანგელას შემოსავალს. ■



ჰოლივუდის ხიდევე ერთი

დღესდღეობით ქეთი ჰადსონი ჰოლივუდში ყველაზე „ცხელ“ და პოპულარულ მსახიობად ითვლება. მან წარმატებას მყისიერად მიაღწია, როგორც კი ფილმში „თითქმის სახელგანთქმულნი“ როკ-მუსიკის ფანატის როლი შეასრულა, რომელიც საყვარელ ჯგუფს ქალაქიდან ქალაქში დაჰყვება. ამ სურათში შესრულებული როლისთვის ქეთმა ამერიკის რადიოსა და ტელევიზიის კინოკრიტიკოსთა ასოციაციის პრემია — „ოქროს გლობუსი“ მიიღო და „ოსკარის“ ნომინაციაზეც წარადგინეს.

მომცემ მსახიობთა კატეგორიიდან „დეკადენტ-მსახიობთა“ კატეგორიაში გადინაცვლა. ჰოლივუდელმა ჟურნალისტებმა მისი მსოფლმხედველობა იმით ახსნეს, რომ უმაღლესი გაიზარდა და რთული ბავშვობა ჰქონდა. თვით ქეთი კი მათ არ ეთანხმება: მას მიაჩნია, რომ შესანიშნავი ბავშვობა ჰქონდა, მამა კი, ერთის ნაცვლად, ორი ჰყავდა, უფრო სწორად — მამა და მამინაცვალი. თუმცა, მამინაცვალსაც ვერ დაარქმევ კაცს, რომელსაც დედამისთან ხელი მოწერილი არასდროს ჰქონია.

ქეთის დედა 70-80-იანი წლების ცნობილი კომედიური ვარსკვლავი გოლდი ჰოუნია. ის ორჯერ იყო დაქორწინებული — ჯერ რეჟისორ გეზ ტრიკონისის ცოლი იყო, შემდეგ კი — მუსიკოს ბილ ჰადსონის. სწორედ ამ მეორე ქორწინებიდან შეეძინა ორი შვილი — ვაჟი ოლივერი და ქალიშვილი ქეთი.

ბილ ჰადსონი თავის დროზე ვერაფრით შეურიგდა იმას, რომ ცოლი გაცილებით მეტ ფულს შოულობდა. ისინი დაშორდნენ და მოილაპარაკეს, რომ გოლდი ბილს მთელ უძრავ ქონებას დაუთმოდა, ჰადსონი კი, თავის მხრივ, შვილებში არ შეეცილებოდა.

ქეთი და ოლივერი ბავშვობიდანვე დაჰყვებოდნენ დედას გადასაღებ მოედნებზე. მათ სპეციალურად მიწვეული მასწავლებლები ამეცადინებდნენ, მთელ თავისუფალ დროს ბავშვები შოუბიზნესის სამყაროში ტრიალებდნენ. ქეთი სულ სამი წლის იყო, როცა დედამისი კურტ რასელს დაუახლოვდა. ჰოუნი მამის რასელთან ერთად ფილმში — „პარტნიორების ცვლა სენგის რიტმში“ მონაწილეობდა. მალე კურტმა და გოლდმა ერთად დაიწყეს ცხოვრება, თუმცა თავიანთი ურთიერთობა ოფიციალურად არ გაუფორმებიათ. გოლდის საოცრად ცუდი მოგონებები შემორჩა გაყრის სასამართლო პროცესებიდან, კურტი კი, საერთოდ, საკუთარი ცხოვრების წესით ნამდვილი ანარქისტია: ის თვლის, რომ მამაკაცები ბუნებით პოლიგამები არიან და ქორწინება ადამიანებს მხოლოდ ხასიათს უფუჭებს.

რაოდენ საოცრადაც არ უნდა მოეჩვენოს ვინმეს, გოლდი და კურტი დღემდე ერთად ცხოვრობენ და ოთხი ბავშვიც აღზარდეს: საერთო შვილი, ქეთი, ოლივერი და კურტის ვაჟი მისი პირველი ქორწინებიდან.

კურტი და გოლდი შვილებს, როგორც თანასწორებს, ისე ეპყრობოდნენ. აღზრდის მეთოდი საკმაოდ ლიბერალური იყო, მაგრამ ერთი პუნქტი ხელშეუხებელი გახლდათ: სრულწლოვანების მიღწევამდე ბავშვებს შოუბიზნესში მონაწილეობა ეკრძალებოდათ. კურტს 9 წლის ასაკიდან უხდებოდა ტელევიზიაში გადაღება და კარგად ახსოვდა, ამის წყალობით, როგორი რთული ბავშვობა გამოიარა.

5 წლის ასაკში ქეთმა გააცნობიერა, რომ მსახიობობა სურდა. 7 წლისა კი, გოგონა

საქაბელი გოგონა ქეთი ჰადსონი

სამსახიობო კარიერის წარმატების დაწყების დასტურად იმის თქმაც კმარა, რომ ცნობილმა რეჟისორმა რობერტ ოლტმენმა ქეთი თავის ფილმში — „ექიმი ტი და მისი ქალები“ გადაიღო. ქეთმა ამ ფილმში რიჩარდ გირის გმირის ქალიშვილი განასახიერა.

მართალია, სურათმა სათანადო აღიარება ვერ პოვა, მაგრამ ქეთი ჰადსონმა ამ როლის შემდეგ ნამდვილად მოიხვეჭა სახელი.

პირველ წარმატებასთან ერთად, პირველმა სკანდალმაც არ დააყოვნა: ქეთმა ტელეინტერვიუში განაცხადა, რომ მარისუანას ეწვევა და მსუბუქი ნარკოტიკების მოხმარებაში საშიშს ვერაფერს ხედავს.

22 წლის მსახიობი უპასუხისმგებლობაში დაადანაშაულებს — მან კი განაცხადა, რომ ეს ტყუილსა და ფარისევლობას ნამდვილად სჯობს. მას უთხრეს, რომ თავისი ქცევით ახალგაზრდობის გარყვნას უწყობს ხელს. მსახიობმა უპასუხა: ორმაგი მორალით ცხოვრება ბევრად უფრო გამრყენელია და როცა ჰკითხეს — რას ფიქრობენ მისი მშობლები და ქმარი, არც ამაჯერად დაუყოვნებია პასუხი: ჩემს აზრებს იზიარებენო.

ამ შემთხვევის შემდეგ ქეთმა „იმელის





საშინაო თეატრის პრიმადონად იქცა, სადაც რეჟისორი, მისი ძმა – ოლივერი იყო. 10 წლის ქეთიმა დამოუკიდებლად, მშობლების დახმარების გარეშე, სამსახიობო ოსტატობის გაკეთებებზე მეცადინეობა დაიწყო.

როცა ქეთი 16 წლის გახდა, გადაწყვიტა კურტიისთვის დაემტკიცებინა, რომ უკვე ნამდვილი მსახიობი იყო. მშობლებისგან უჩემრად ის ბოვიკის – „ლოს-ანჯელესიდან გაქცევა“ სინჯებზე წავიდა და აშშ-ის პრეზიდენტის ქალიშვილის როლი მიიღო. კურტიმა სათანადოდ შეაფასა გერის ნიჭი და მონაცემები, მაგრამ გადაღების ნება მაინც არ დართო – გოგონას ჯერ სკოლა უნდა დაეთავრებინა. რასელს გოლდიც დაეთანხმა.

ქეთი მცირე ხნით განაწყენდა, მაგრამ გავიდა ორიოდე წელიც, ის ზრდასრული და დამოუკიდებელი გახდა. როგორც კი 18 წელი შეუსრულდა, გოგონამ აქტიურად დაიწყო სინჯებზე სიარული და მცირე ბიუჯეტის ფილმებშიც ითამაშა რამდენიმე როლი: „უღაბნოს სევდა“ – 1998 წელი, „200 სივარული“ – 1998 წელი, „ჭორი“ – 1999 წელი და ბოლოს, 2000 წელს გამოჩნდა ფილმი – „თითქმის სახელგანთქმული“.

როცა ამ ფილმის რეჟისორი კემერონ ქროუ ქეთის შეხვდა, ყველა როლი უკვე განაწილებული იყო, მაგრამ ქეთი ისეთი ენთუზიანობით საუბრობდა სცენარის შესახებ, რომ რეჟისორმა მისი დავიწყება ვერ მოახერხა. შემდეგ, უცერად, ფილმის გმირის დის პატარა როლი შეთავაზა. გოგონა სიამოვნებით დათანხმდა, კონტრაქტს ხელი მოაწერა და სამუშაოსთვის მოემზადა.

გადაღებების დაწყებამდე ორი დღით ადრე მას რეჟისორმა დაურეკა.

„მივინდინე თითქოს ელვამ დამიარა, – იხსენებს ქეთი. – კემერონს ნაღვლიანი ხმა ჰქონდა და ვიფიქრე, ალბათ პროექტი

დასურეს-მეთქი. მან მაუწყა, რომ მთავარი როლის შემსრულებელი სარა პოლი გადაღებებში მონაწილეობას ვერ მიიღებდა. მე ველოდი, რომ მეტყვოდა: „მაპატიე, ფილმს ვეღარ გადავიღებ“. მან კი მითხრა: „შენ არ შეგიძლია, ის შეცვალო?“ თავიდან ვიფიქრე, რომ მომესმა. ვერ ვიჯერებდი, რომ მთავარი როლის შესრულება მომიწევდა, სანამ გადასაღებ მოედანზე არ აღმოვჩნდი“.

„მე ქეთიში მონათესავე სული აღმოვჩინე, – ამბობს კემერონ ქროუ. – მას შეუძლია ნამდვილი მუსიკის, ნამდვილი მეგობრობის და ნამდვილი კინოს დაფასება“.

სხვათა შორის, კემერონ ქროუ ახალგაზრდობაში როკ-გუნდადისტი იყო და „თითქმის სახელგანთქმული“ მან ავტობიოგრაფიულ ფილმად ჩაიფიქრა, ის მისი ახალგაზრდობის მოგონებებს ეყარება და 70-იან წლების ემპატიობაზე მოგვითხრობს, რომელიც ჟურნალ ROLLING STONES-ის კორესპონდენტი გახდა და ჯგუფს ქვეყნიდან ქვეყანაში საგასტროლო ტურნეში თან დაჰყვებოდა.

ჰადსონის მიერ განსახიერებულ გმირს პენი ლეინი ჰქვია, ის საყვარელ ჯგუფზე თავგადასვლით ფანატი გოგონაა და ისიც ჯგუფთან ერთად მოგზაურობს. ქეთისთვის ადვილი არ იყო მისგან სრულიად განსხვავებული სასათის მქონე გმირის გასახიერება, თუმცა ქეთის და პენი ლეინს ერთი დიდი რამ მაინც აქვთ საერთო – ორივეს ძალიან უყვარს მუსიკა. მუსიკის სიყვარული და როკის შესახებ შექმნილი ფილმი ქეთის პირად ცხოვრებაზეც აისახა: პრემიერიდან სულ მცირე დროში ის ჯგუფ BLACK CROWES-ის როკ-მუსიკოსის კრის რობინსონის ცოლი გახდა.

90-იანი წლების ბოლოს, ქეთი ბოლოქარი ცხოვრებით ცხოვრობდა: ღამეებს ახალგაზრდულ კლუბებში ატარებდა, ხვდებოდა მუსიკოსსა და მოძღვრალს ლენი კრავიტცს, სერიალ „მეგობრების“ მსახიობს მეტ ლებლანკს და შოუბიზნესის სამყაროს სხვა აქტიურ წარმომადგენლებს, მაგრამ 1999 წლის ბოლოს, ფილმის – „თითქმის სახელგანთქმული“ გადაღებების დაწყებამდე ცოტა ხნით ადრე, მან რობინსონი გაიცნო და ყველა დანარჩენი თავგანისმცემელი მამინე დაივიწყა. 2000 წლის შობაზე კი კრისი და ქეთი დაქორწინდნენ.

ქორწილის ცერემონია საზეიმო იყო და XIX საუკუნის დასაწყისის ტრადიციებისა და კოსტიუმების სრული დაცვით წარმართა.

ქორწილის გოტიკური სტილი ქეთიმ ბოჰემური პირადი ცხოვრებით შეცვალა.

ნიუ-იორკის ბინა, სადაც ქეთი და კრისი ცხოვრობენ, როკ-ვარსკვლავის ტიპური საცხოვრებელია. კედლები წითლად არის შეღებილი, გარეული ცხოველების ფიგურლებით და თავის ქალებით მორთული; იატაკზე უწყვეტი ფრია წივინები, კომპაქტდისკები და ვიდეოკასეტები. საძინებლის კარზე წარწერა: „აქ ეწვევიან!“ იგ-



ულისხმება – „ეწვევიან მარიხუანას“. ქეთი და კრისი იშვიათად ათევენ ღამეს სახლში – დროს ისინი, როგორც წესი, ახალგაზრდულ კლუბებში ატარებენ.

ნიუ-იორკში რამდენიმეკვირიანი უზრუნველი ცხოვრების შემდეგ, ქეთი სამუშაოდ ლოს-ანჯელესში მიემგზავრება. გადაღებების დროს, ცხოვრების მკაცრ სტილს ირჩევს: დასაძინებლად ადრე წევა, დილით ადრე დგება, მხოლოდ ჯანსაღ პროდუქტებს მიირთმევს, გადაღების შემდეგ კი დროს, აუზსა და სატრენაჟორო დარბაზში ატარებს.

„გაორებას ვგრძნობ, – ამბობს ქეთი. – თითქოს ჩემს სულში ორი ადამიანი ცხოვრობს... თუმცა ასეთი შიზოფრენია მომწონს!“

იმ მოღრუბლულ დილას ყველაფერი ერთბაშად აირია. მოსახლეობა პანიკაში იყო და ქალაქს ტოვებდა. ქუჩებში შიში დაძრწოდა. ჯერ კიდევ დაუცემელ სოხუმს იმ დღეს კარგა ხნის დაცემულად და ჩაბარებულად მიიჩნევდნენ. ქალაქის დაცვისათვის ჩაყენებული სამხედრო ნაწილების ჯარისკაცები ლამის მოქალაქეებს ასწრებდნენ გაქცევას.

ქაოსს მალე სროლების, აფეთქებების ხმა, შემდეგ კი ცეცხლი და ნგრევა მოჰყვა.

გიგია ამ სურათს ერთ-ერთი დანგრეული შენობის სხვენიდან უყურებდა. ქუჩები ელვის სისწრაფით დაიცალა. უცებ რამდენიმე ქართველი მებრძოლი გამოჩნდა, ისინი სწრაფად იხვედნენ უკან, შიგადაშიგ შებრუნდებოდნენ და დაღვენებულ აფხაზ ბოევიკებს ავტომატის ჯერს უშენდნენ. გიგიას ადგილსამყოფელს ჩაურბინეს. გიგიამ ერთ-ერთ მათგანში დათო მეზვრიშვილი ამოიცნო.

გიგიას უნდოდა ეყვირა, რომ უკან დახეულები გზიდან გადასულიყვნენ, რადგან ასე, პირდაპირ სამიზნეებად იყვნენ ქცეულნი, მაგრამ არემარეს მოავლო თვალი, ჩანაფიქრის უაზრობაში დარწმუნდა და ჩუმად ჯდომა ამჯობინა. უეცრად დათომ წაიფორთხილა, ავტომატი ხელიდან გაუვარდა, ფეხზე იტაცა ხელი და დაეცა. მის ამხანაგებს წაქცეული არ დაუნახავთ. დათო შუა გზაზე იწვა და ორივე ხელი სისხლიან ფეხზე ჰქონდა შემოჭვრილი.

– შე ტრიპერო, შენა! – გადააფურთხა გიგიამ და სახურავიდან დაეშვა. რამდენიმე ნახტომში მიწაზე აღმოჩნდა. ქუჩა გადაირბინა და დათოს შორიახლოს კედელთან ჩაიმუხლა.

– დათო! – შეუძახა.

დათომ თავი გიგიასკენ შეაბრუნა. მისი თვალები ტანჯვასა და სასოწარკვეთას გამოხატავდა.

– გამაგრდი! ნუ გეშინია! გზიდან გადადი! – აჩვენა, საითაც უნდა წასულიყო.

თვითონ გიგია ერთბაშად გამოვარდა შუა გზაზე და ავტომატის ჯერი მისკენ მომაკვლი ბოევიკებისაკენ მიუშვა. გულმოცემული დათო გიგიას უკან აღმოჩნდა და ქუჩის მეორე მხარეს გადაბობლდა.

გიგიამ სწრაფად მიიბრინა დათოსთან. წამოაყენა. მხარში შედგომა სცადა.

– გიგი, ნელა, მოიცა... ფეხი... – დათო ფეხს უძღურად მიათრევდა.



ნიკო აშპარელი

ბედისწერა

– გამაგრდი, გამაგრდი! – არ მიაქცია ყურადღება დათოს კვნესას გიგიამ და უახლოესი სახლის კედელამდე გადაათრია.

– დაგვეწვიან, გამიშვი, ვერ მოვდივარ... – აკვნესდა დათო.

– ვერ დაგვეწვიან. ნუ გეშინია. მომყევი, ჩვენ სხვა გზით წავალთ. დროზე! – ამხნევებდა გიგია დათოს.

კიდევ რამდენიმე ნახტავი ათრია. კედელს მოაფარა და დააწვინა.

– დათო, მისმინე, აი, აქედან აქამდე შენი სროლის სექტორია, – მიუთითა ხელით გიგიამ. – ამ სექტორს მიხედე, დანარჩენი მე ვიცი. თუ შეძლებ, აი, იმ სახლამდე მიხიხი. შენს სექტორში თუ ვინმე დაინახო – დასცხე... ჩვენებისაკენ არ გახიხი... გაიგე? ყველაფერი ღიად ჩანს და უეჭველად მიგასაკლავებენ. დანარჩენი მე ვიცი, გაიგე?

– გაიგე, გაიგე! – დათო სიმწრისგან ტუჩებს იკვნეტდა, მაგრამ იმის ხაზგასანმელად, რომ მოქმედებისთვის მზად იყო, მოხერხებულად წამოჯდა. ავტომატი სასროლად მოიმარჯვა და იმედიანად თქვა: – იქამდე მივხიხი.

– ყოჩაღ, – მოუწონა გიგიამ, – ახლა ათი-თხუთმეტი წუთი მარტო იქნები, ეცადე, არავინ შეგამჩნიოს, მე იქ მოვალ. ნუ გეშინია.

გიგია სამალავიდან გამოვარდა და მოახლოებული ბოევიკებისკენ მოკლე გადარბენებით გაემართა.

დათომ თვალი გააყოლა. გიგია ლაღ-

ად ეთამაშებოდა სიკვდილს. ახლა დათოს სიცოცხლე გიგიას სიცოცხლეზე იყო დამოკიდებული, გიგია კი ბეწვის ხილზე გადიოდა. დათომ შუბლიდან ოფლი მოიწმინდა და მითითებული ადგილისკენ გახიხდა.

ბოევიკები გიგიას გამოედევნენ. შეტევის ტალღა დათოს ასცდა. პირველმა საფრთხემ ჩაიარა. დათო მოწინააღმდეგის ზურგში აღმოჩნდა...

ბოლოს და ბოლოს, გიგიას მიერ მითითებულ სახლამდე მიხიხდა და საიმედო სამალავი დაიკავა. ფეხი საშინლად სტიკოდა, მაგრამ სხვა გზა არ იყო – უნდა მოეთმინა და ადვილმდებარეობის თვალთვალი განეგრძო.

უცებ ენიშნა, რომ სახლში, რომლის ახლოსაც დათოს სამალავ-სათვალთვალო პუნქტი ჰქონდა მოწყობილი, ვიდაც იყო. მალე დარწმუნდა კიდევ ამაში.

ორსართულიანი სახლის მეორე სართულის კარი ხმაურით გაიღო. ავტომატით შეიარაღებული სამი წვეროსანი ჩეჩენი თუ აფხაზი სახლიდან ქართველებს ერეკებოდა. ისინი ოთხნი იყვნენ – ორი ქალი და ბავშვები, გოგონა და ბიჭი. ბანზე გამოყრილმა ქალებმა წვივ-კივილი ატყენეს. ახალგაზრდა ქალი უკან, ოთახში შებრუნებას ცდილობდა, ხანში შესული კი ჯოხს უღერებდა ყაჩაღებს და მედგარ წინააღმდეგობას უწევდა. ათიოდე წლის გოგონა ტიროდა და დედას ეკვროდა. მასზე ოდნავ უფროსი ბიჭი კი თვალებგაფაც-

იცებული იყურებოდა აქეთ-იქით და არ იცოდა, რა მოემოქმედა.

ერთ-ერთმა ყაჩაღმა თმაში ჩაავლო ქალს ხელი და გამოთრევა სცადა.

უცებ ბიჭუნა ადვილს მოსწყდა და მოაჯირს მკვირცხლად გადაახტა. ერთ-ერთი აფხაზი ყვირილით გამოედევნა, მაგრამ ვეღარ დაიჭირა. ბიჭმა მეორე სართულიდან პირდაპირ ეზოში ისკუპა. ყაჩაღი მოაჯირს მიაღგა, ავტომატი შეაყენა და გაისროლა. ბიჭი მოწყვეტილ დაეცა მწვანე ბალახზე.

ქალებმა წაძიერად შეწყვიტეს კვიცილი. ბავშვის დედამ ყურებზე ხელი აიფარა და მოაჯირისკენ რამდენიმე ნაბიჯი გადადგა. მისმა საზარელმა კვიცილმა სივრცე გააპო, მკვეთრად შებრუნდა ყაჩაღებისკენ და ფრჩხილებით ჩააფრინდა სახეში ერთ-ერთს. ავტომატის ტყვიებით დაცხრილული მისი სხეული უსულოდ დაეცა ბანზე, მერე ჯერი გაავებულმა აფხაზმა დედაბერზეც მიუშვა.

ყაჩაღებმა ჯერ ახალგაზრდა ქალის გვამი ჩამოათრეეს კიბეზე და ეზოში დააგდეს, მერე მოხუცებულის. შემდეგ მეორე სართულზე ავიდნენ, თვალსა და ხელს შუა აორთქლებული გოგონა აღარც გახსენებიათ.

დათოს ფართოდ გახელილი თვალებიდან ცრემლი სდიოდა. აღარაფერი ესმოდა და საზარელი სიზმარივით უყურებდა ყოველივეს. ჩუმად, გაუნძრევლად იჯდა და ვეღარაფერზე ფიქრობდა. აღარც დამალვას ცდილობდა და აღარც რაიმე მოქმედება შეეძლო.

ეზოში, ხეს ამოფარებულ და აკანკალებულ გოგონას უცებ წელში მოხრილი ფიგურა მიუახლოვდა, ბავშვი თოჯინასავით აიტაცა, პირზე ხელი ააფარა და დათოს სამალავისკენ წავიდა.

დათომ მოახლოებული გიგია იცნო. დაღამებამდე ჩუმად ისხდნენ. გამარჯვებულთა სროლებისა და სიმღერის ხმამ ხელი შეუწყვით, სამშვიდობოს რომ გასულიყვნენ.

მთელი ღამის განმავლობაში ტკივილი ტანჯავდა დათოს — გამოთენისას ჩაეძინა. მალევე საკუთარმა კენესამ გააღვიძა. მის საწოლთან გიგია იჯდა, ავტომატს წმენდდა და დროდადრო ერთ ღამეში გაჭაღარავებულ დათოს დასცქეროდა.

— სად მომიყვანე, სადა ვარ, გიგი? — ჰკითხა დათომ.

— ერთი ჩემი ნაცნობის ოჯახში. ნუ გეშინია, — მშვიდად უპასუხა გიგიამ.

— აფხაზები არიან?

— ჰო, — თავი დაუქნია გიგიამ.

— თავი უკვე მკვდარი მეგონა, — შეეცადა გალიმებას დათო.

— შანსი ყოველთვის არის...

სიჩუმე ჩამოვარდა.

— არ გეწყინოს, — ენის ბორძიკით განაგრძო დათომ... — შენზე ამბობდნენ, საქართველოს უღალატაო... რატომ გადამარჩინე?

— მე არავისთვის მიღალატია, — მშვიდად უპასუხა გიგიამ.

— გიგი... ჩემი გულისთვის თავი საფრთხეში ჩაიგდე...

— დათო, მე ახლა უნდა წავიდე, — შეაწყვეტინა გიგიამ — შენ აქედან ჩრდილოეთისკენ, ადღერში გაგიყვანენ.

— ის გოგონა?

— იმ გოგონას ცისია ჰქვია, ამათთან დარჩება, იმდენ ხანს მიხედავენ, რამდენიც საჭირო იქნება, მერე კი ნათესავებთან, თბილისში გაამგზავრებენ.

— გიგი...

— ჰო, — უპასუხა გიგიამ და ყურადღებით შეხედა.

— მე შენთან დამნაშავე ვარ... თუმცა, მერე გეტყვი... თუ გადავრჩი...

— გადარჩები, ნუ გეშინია, — გიგიამ ხელი მხარზე დაადო, — მაგრად იყავი. ომში აღარ დაბრუნდე... ომს სწავლა უნდა... მე... მე კი ამ ომში, თვითონ ომს ვებრძვი... — სიჩუმე ჩამოწვა, გვერდით ოთახიდან აფხაზური საუბარი ისმოდა — აბა, შენ იცი...

გიგიამ და დათომ მაგრად ჩამოართვეს ხელი ერთმანეთს. გიგია ოთახიდან გავიდა. დათო საწოლიდან წამოდგა, გაჭირვებით მივიდა ფანჯარასთან, მაგრამ გიგიას თვალი ვეღარსად მოჰკრა.

დათოს წასაყვანად ოჯახის პატრონის ვაჟი შუადღისას მანქანით მივიდა. მძღოლს სამხედრო კომუნიკაციების ფორმა ეცვა. დათოს ოჯახის უფროსი და მისი ქალიშვილი მხარში ამოუდგნენ, ეზოში გამოიყვანეს და მანქანაში ჩასვეს.

სამხედროფორმიანმა აფხაზურად მიმართა მამას.

— ხვალამდე არ მელოდო, მამა, გავიყვან სტუმარს და ღამით იქ დავრჩები. დილით გამოვბრუნდები უკან.

— ხომ არ გამოგყოლოდი, შვილო? — ფრთხილად შეეკითხა აფხაზი.

— ნუ შეწუხდები. საშიში არაფერია, ისე გავიყვან, ეჭვს ვერავინ აიღებს.

— შენ იცი, შვილო, არ შევრცხვები!

დათოს აფხაზური საუბარი არ ესმოდა. მანქანის უკან სკამზე დაჯდა. დაჭრილი ფეხი გაისწორა და მოხუცებულ აფხაზს ქართულად მიმართა.

უფროსმა იცოდა ქართული, მისი შვილები კი აფხაზურად და რუსულად მეტყველებდნენ.

— ბოდიში, ბატონო, თქვენ საიდან იცნობთ... ჩემს მეგობარს?

— არ ვიცნობთ, შვილო, — უპასუხა ჩაფიქრებულმა აფხაზმა — სამი თვის წინ პირველად ვნახე, ბანდიტები რომ შემოვიდნენ სოფელში... მაშინ ჩვენი მებრძოლები ჯერ კიდევ არ იყვნენ აქ. მან ჩემი ოჯახი უეჭველ სიკვდილს და... — მოხუცმა თბილად შეხედა თავის ქალიშვილს, — სირცხვილს გადაარჩინა.

ქალიშვილი გაწითლდა და თავი დახარა.

— ის მათთან ერთად იყო? — იკითხა დათომ.

— მე მეგონი, არა. ამაზე ახლაც ვფიქრობ. — ყოყმანით თქვა კაცმა, — უფრო, არა. ის მერე საიდანაც გამოჩნდა. ზოგჯერ იმასაც ვფიქრობ, მანამდეც ხომ არ იყო ჩემს სახლში-მეთქი, როგორც მფარველი ანგელოზი. — მოხუცმა კიდევ ერთხელ შეხედა ქალიშვილს.

— ვინჩართო! — რუსულად ჩაერია საუბარში ახალგაზრდა აფხაზი, — ის ნამდვილი ვაჟკაცია. მეც მიომია და შემხვედრია ასეთი ბიჭები თქვენებიდან. ასეთები თქვენებშიც და ჩვენებშიც არიან.

— ჰო, — თავი დაუქნია დათომ.

— კარგი, წავიდე! — თქვა ახალგაზრდა აფხაზმა.

მანქანა ეზოდან გამოვიდა და ჩრდილოეთისაკენ აიღო გეზი.

— ის მაშინ ჩემს ოჯახს დაეხმარა. კიდევ სამი თუ ოთხი აფხაზური ოჯახი გამოიყვანა, პირდაპირ ჩვენს ბანაკამდე მოიყვანა, თვითონ კი არ გამოჩენილა. მე ახლა მას სულ მეორეჯერ ვხედავ. მისი არც სახელი ვიცი და არც გვარი, — დაიწყო საუბარი აფხაზმა.

— გიორგი ამირანაშვილია, — უთხრა დათომ.

— ჰო, — თავი დაუქნია აფხაზმა. — მისმინე, ძმაო. ჩვენ ახლა მთელი აფხაზეთი უნდა გავიართო, ადღერამდე. თუ ტკივილი შეგაწუხებს, მითხარი და ნემსს გავიკეთებ, მაგრამ არსად, არავისთან ერთი სიტყვაც არ უნდა წამოგცდეს, გამიგე? ასეა საჭირო!

ტყეში, აფხაზების სამხედრო ბანაკში აფეთქების ხმა გაისმა. ჯერ ერთი ჯავშნიანი მანქანა აფეთქდა, მერე — მეორე. აფეთქებამ მთელი ბანაკი შეაზანზარა. მანქანებს ცეცხლი ეკოდა. ბანაკი ერთბაშად აიშალა და ცეცხლის ფონზე

ჯარისკაცების ლანდებმა იწყეს სირბილი. კარვიდან, რომელშიც შტაბი იყო განლაგებული, რუსი ოფიცერი ლანდვაგინებით გამოვარდა.

— რა ჯანდაბაა, რა ხდება?. ასეთაურები — ჩემთან! ყარაულის უფროსი — სად არის?!

მასთან სირბილით მივარდა ორი აქოშინებული მეთაური.

— ამხანაგო მაიორო, ისევ ის იყო — ის შავი ქაჯი, ნიღბიანი, — მოახსენა ერთ-ერთმა რუსულად.

— ვინ ის? ვინ არის ეს „ის“? რა შავი ქაჯია, რა ჯანდაბაა?! — იყვირა მაიორმა. — სად არიან შენი გუშაგები?!

— აი, ერთი, ვინც დაინახა, როგორ გადარბოდა მანქანიდან მანქანამდე, დანარჩენები ჯერ არ ჩანან.

— რატომ არ ესროლა, თუ დაინახა?! რატომ არ ესროლა? — უყვირა მაიორმა იქვე მდგარ გუშაგს.

— ამხანაგო მაიორო!.. — თავი დაღუნა გუშაგმა, — ვერ მოვასწარი. დავინახე თუ არა, აფეთქების ხმა გაისმა.

— ოხ, შენი!.. აი თავხელი! — გადააფურთხა მაიორმა, — გუშაგების თვალწინ არ გინდა?! — ერთ წამს დაფიქრდა და თავი მოიქექა.

— რაო? მაშინვე იყო აფეთქება?! შორს არ არის, აქ არის, სადღაც ახლოს იქნება.

უცებ მაიორმა რაღაც მოიფიქრა. თითი მკერდზე მიაბჯინა მის წინ მდგომს და მკაცრად უბრძანა:

— კაპიტანო, ბანაკს მთელ პერიმეტრზე სასწრაფოდ შემოარტყით ალყა და გარედან შიგნით წამოდით, გაიგე?! — შეავიწროვებ წრე, გესმის? ადრე როგორ ვერ მივხვდი... ის ბანაკშია, სადღაც აქ არის... გარეთ რომ ვეძებდით და წრეს ვაფართოვდით, მაშინ გვესხლტებოდა. ლოგიკის საპირისპიროდ იქცევა, მიხვდით? სხვა მხარეს მოძრაობს... ახლა ველარ წავივია! გაიგე?! წინ!

— გავიგე, ამხანაგო მაიორო, — თავი დაუკრა კაპიტანმა. — კაი ეშმაკი ჩანს.

კაპიტანი შებრუნდა და სირბილით გაემშურა ბრძანების შესასრულებლად.

მაიორმა ღოინჯი შემოირტყა და თავისთვის ჩაილაპარაკა:

— ძაღლისშვილო, ახლა თუ ვერ დავიჭირებ, ერთ კვირაში ტექნიკის გარეშე დამტოვებ... აბა, ვნახთ.

მაიორი შტაბისკენ გაემართა. უცებ, უფრო გუმანით იგრძნო, ვიდრე შეამჩნია, რომ სიბნელეში, მისგან მარჯვნივ, რაღაც ჩრდილმა გადაიბრინა. პისტოლეტი იძრო და შესძახა:

— სდექ! ვინ არის?!

პასუხი ვერ მიიღო და ლანდს გამოედევნა. დიდხანს სდია. ტყეში საკმაოდ ღრმად შევიდა. შეჩერებისას ვეღარ ერკვეოდა, საით გარბოდა გაქცეული, ხმაური ხან წინიდან ესმოდა და ხანაც უკნიდან. მიხვდა, რომ მდგომარეობა მის საწინააღმდეგოდ შეცვლილიყო და ვიღაც ახლა მასზე ნადირობდა. შებრუნდა და უკან, ბანაკისკენ თავქუდმოგლეჯილი გაიქცა. აქოშინებულმა ძლივს მიაღწია ბანაკამდე, ტყის განაპირას შეჩერდა, ბანაკში მოგიზგიზე ცეცხლმა მისი სახე გაანათა და მდევარმა იცნო: რუსი მაიორი, მისი დიდი ხნის უნახავი მეგობარი — იგორ სედოვი იყო.

გიგიამ ავტომატის ლულა დაუშვა. მარცხენა ხელით ნიღაბი მოიხსნა და ჩაიხურჩულა:

— იგორ?..

სიხარულმა სიფრთხილე დააკარგვინა, ხის ტოტი გასწია და იგორისკენ წავიდა.

ტოტების ხმაურზე იგორი სწრაფად შეტრიალდა. პისტოლეტიანი ხელი აღმართა და ჩახმახს გამოჰკრა.

— ი... გო... ო... ო...რ!

გიგიას ხმა და ტყვიის ზუზუნე ერთმანეთს შეერწყა. გიგიამ მკერდზე იტაცა ხელი და დაეცა.

იგორი შეცბა.

— გიგი? გიგი!!!

იგორი გიგიასკენ გაიქცა, გზად პისტოლეტი დააგდო, გიგიასთან ჩაიჩოქა და გადმოაბრუნა.

— გიგი! გიგი! ძმაო, ეს რა ჰქენი?! ბიჭო, რას შერეხ, „გენაცვალე“, რას შერეხი, „კაცო“, „ბიჩო“, გიგი!!! — მთელი ხმით ბლაოდა იგორი.

გიგიამ ძლივს გაახილა თვალი.

— ნელა... იგორ... მტკივა.

იგორმა მკერდზე დიღები შეუხსნა:

— ახლავე, ახლავე... ახლავე!

მათ გარშემო მეზობლები შეიკრიბნენ.

— ჰა, რა ჰქენი, კომანდირ?! — ახლოს მივიდა ერთ-ერთი და ავტომატი წაჰკრა გიგიას. — მოკალი ეგ ძაღლისშვილი?!

გახევებულმა იგორმა ხელი აუკრა ავტომატზე.

— გაეთრიეთ აქედან, ნადირალებო, გაეთრიეთ ყველა, მოშორდით!!! გიგი, მაპატიე, მეგობარო, ძმაო! ახლავე, გიგი, ახლავე!..

იგორი გამწარებული ბორგავდა.

— ბიჭებო, პრომიდოლი ან მორფი, დროზე! — შესძახა სასოწარკვეთილმა

იგორმა უკანდახეულ და გაცივებულ მეზობლებს.

ერთ-ერთმა ხელში შეაჩეჩა ერთჯერადი შპრიცი.

— ახლავე, გიგი, ახლავე, აღარ გეტყინება, გამაგრდი „ბიჩო“!

ნემსი მკლავეში გაუქკეთა. გიგიამ თვალები გაახილა.

— იგორ, არ დამტოვო!

— რას ამბობ, რას ჰქვია, დაგტოვო?! ძლივს გიპოვე, ბიჭო! ახლა ექიმს დავუძახებ. ნუ გემინია, ბიჭებო, — შესძახა იგორმა, — ექიმი!

— გვიანია, იგორ!.. მორჩა... აღარაფერი შემეველება... დამელაპარაკე...

— რა გინდა, რა გითხრა, ძმაო?

— შენზე... ბიჭებზე... ნადიაზე... მომიყვი... რამე...

იგორმა გიგიას თავი კალთაში ჩაიღო. სიგარეტს მოუკიდა და ღრმა ნაფაზი დაარტყა.

— ბიჭები... მეც დიდი ხანია აღარ მინახავს. ვალოდია... ჯარიდან წავიდა... ვალოდია, ხომ იცი, როგორც ხდება ხოლმე... ბიჭო... გიგი!

— ჰო, — უღონოდ უპასუხა გიგიამ და მიღულული თვალები გაახილა.

— მისმენ, ხომ?! — იგორმა თმაზე გადაუსვა ხელი გიგიას. — ანატოლი უკრაინის ჯარშია. მგონი, პოდპოლკოვნიკი უნდა იყოს. კიდევ ვისზე გითხრა?

— შენზე... ნადიაზე...

— ჩვენ რა ვეიშავს, ქალ-ვაჟი გვყავს... შენ, ბიჭო, შენ როგორა ხარ?

— მალე... მამა გავხდები... ნინო ჩემი ცოლია... — ძლივს სუნთქავდა გიგია. — იგორ... მე უკვე...

— გიგი! გიგი! რას აკეთებ, ბიჭო, მე რას მიპირებ?! ღმერთო, ეს რა მიქენი?!

— შენი ბრალი... არ არის, იგორ...

ბედისწერა... ბედი მქონია ასეთი...

გიგიას თავი გადაუვარდა. ის აღარ სუნთქავდა.

იგორი მკერდზე დაემხო მეგობარს.

— გიგი! გიგი! ეს რა ჰქენი, გიგი!!! შენ მოგეკალი ნეტავი!!!

ჯგუფს წვერებიანი აფხაზი მეთაური შეუერთდა. შეგროვილ ხალხში გზა გაიკაფა და იგორს დაადგა თავზე.

— რას დაჰპლავიხარ ამ ღორს?

იგორმა ნელ-ნელა ასწია თავი.

— ვისზე ამბობ შენ მაგას?!

პასუხის გაცემა ვერაფერს გაბედა.

იგორი წამოდგა. გიგია ხელში აიყვანა. ბანაკს ზურგი შეაქცია და წავიდა.

დილით ქართველების ბლოკპოსტზე ჩოჩქოლი ატყდა. მეთვალთვალემ ხიდის თავში უიარაღო სამხედრო შენიშნა. მას ხელით კაცის გვამი მოჰქონდა. ოფიცერმა მძიმე ნაბიჯით შუა ხიდს მიაღწია, გვამი დაასვენა და იქვე დაღა.

ხიდის მეორე მხარეს ქართველი მებრძოლები ინტერესით შეჰყურებდნენ მის ქმედებას.

ბლოკპოსტს ოთხი შეიარაღებული ქართველი გამოეყო და რუს ოფიცერთან შესახვედრად დაიძრა.

იგორი არ განძრეულა. ქართველებმა ის საგულდაგულოდ გაჩხრიკეს.

ერთ-ერთმა მებრძოლმა გიგიას ცხედარს დახედა.

— ჩვენი მკვდარია, ტო! გასძახე, საკაცე წამოიღონ.

საკაცე იგორსაც მიჰქონდა. ბლოკპოსტზე მათ ქართველი ოფიცერი შეეგება.

— ვინ ხართ? — ჰკითხა მან რუსულად იგორს.

— მე რუსეთის არმიის ოფიცერი ვარ — უპასუხა იგორმა.

— მერე?

— აქ ვმსახურობდი, მეგონა, ბანდიტებს ვებრძოდი...

ვიდაცამ გიგია იცნო და შეაწყვეტინა.

— ე, ე, ბატონო მაიორო, ეს ის არის, ჩვენ რომ გვიღალატა... ნაღდად ის არი...

— კიდევ ერთხელ დახედა ცხედარს.

— გამოიტანეთ ზეწარი და გადააფარეთ! — ბრძანა ქართველმა მეთაურმა.

მაიორი იგორს მიუბრუნდა.

— იცნობ?

— ჩემი მეგობარია. ერთად ვიბრძოდით ავღანეთში.

— როგორ დაიღუპა, ვინ მოკლა?


— შემთხვევით, მე მოვკალი. ის ტექნიკას და საწყობებს გვიფეთქებდა, მარტო „მუშაობდა“.

— თქვენ ვიფეთქებდით? თქვენ ვებრძოდით? — გაიოცა ქართველმა.

— ლანდივით დაგვედგა. გუმბან ღამით შევეჩხეთ ერთმანეთს.

— ვაა... — თავი მოიქექა ქართველმა მაიორმა, — რას არ გაიგებს კაცი!...

— რა ვუყოთ? — იკითხა ერთ-ერთმა მებრძოლმა.



— გიგია ნამდვილი ვაჟკაცი იყო, — მიუხედა იგორი, — მას უყვარდა თავისი ქვეყანა... ის ქართველებმა უნდა დაიჭირონ... ამ სურათზე გიგიას მისამართი წერია, — გაუწოდა ავღანეთში გადაღებული სურათი — მალე მამა უნდა გამხდარიყო...

მათ ტელეფურნალისტი გოგონა ოპერატორთან ერთად მიუახლოვდა.

— ბატონო კახა, შეიძლება გადავიცლო? — იკითხა მან.

— რა ვიცა, გადაიღეთ, — თითქოს ყოყმანობსო, ისე თქვა ქართველმა მაიორმა.

ტელეფურნალისტი იგორს მიუახლოვდა.

— ბატონო მაიორო, თქვენ, რუსეთის არმიის ოფიცერი, ახლახან გადმოხვედით იქითა მხრიდან...

— მე არავითარი მხარე არა ვარ ახლა, — უკმაყოფილოდ უპასუხა იგორმა.

— რა შეგიძლიათ თქვათ ამ კონფლიქტში რუსეთის არმიის როლის შესახებ ზოგადად და თქვენი როლის შესახებ, კერძოდ?

— მე მოვკალი ჩემი მეგობარი. აი, მთელი ჩემი როლი... — იგორის ხმაში სასოწარკვეთა ისმოდა.

— უფრო ზუსტად, თუ შეიძლება? — ჩაეძიაა ფურნალისტი.

— ამაზე ზუსტად რაღა ვითხრა, გოგ-

ონა?! ჩვენ ერთად ვიბრძოდით ავღანეთში, ერთმანეთს ვიცავდით და ვეფარებოდით. ახლა სხვადასხვა მხარეს აღმოვჩნდით... მან პირველმა დამიბიხნა, მაგრამ არ მესროლა... მე კი, ჩახმახს გამოვკარი...

— რას თხოულობს თქვენი მხარე დაღუპულის ნაცვლად?

— ვიმეორებ, მე ახლა არანაირი მხარე არა ვარ და არაფერს არ ვითხოვ. მე მხოლოდ გიგიას სახლამდე მიყვანა მინდა. მის ახლობლებთან და ჩემს ახლობლებთან... — იგორს ხმა გაეზარა.

შემოდგომა იდგა. ქარი ხეებიდან ჩამოცვივნილ ფოთლებს სოფლის სასაფლაოს ქვებს შორის ათამაშებდა. ნინოს ხუთიოდე წლის ბავშვი მკერდში ჰყავდა ჩაკრული და მასთან ერთად პირდაპირ მიწაზე, საფლავთან იჯდა.

ბავშვმა დედას ლოყაზე აკოცა და ჰკითხა:

— დედა, მამასაც გიგია ელქვა?

— კი, შველო, შენს მამიკოს, შენსავით გიგია ერქვა, — უპასუხა და თავზე გადაუსვა ხელი.

— ნახე, ვინ მოდის?! — წამოიძახა პატარამ.

ნინომ მათკენ კოჭლობით მიმავალი დათო და მისი მეუღლე დაინახა, რომლებსაც ზურგს უკან შეღერებული ქალიშვილი მოჰყვებოდათ, პატარა ბავშვით ხელში.

გიგია მათ შესახვედრად გაიქცა.


— ამ ქარში პატარა რატომღა წამოიყვანეთ? — უსაყვედურა მისულებს ნინომ.

— ჩვენი შვილები, გიგიას დაბადების დღეს ყოველთვის უნდა ამოვიდნენ მის საფლავზე, — უპასუხა დათომ და შვილობილი, პატარა შვილთან ერთად გვერდით დაიყენა.

— ცისია, მეც ამიყვანე ხელში ლაა? — შესცინა ქალიშვილს პატარა გიგამ.

ცისიამ ისიც აიტაცა ხელში.

ნინომ ახლავდა შენიშნა, რომ ქარს ღრუბელი გაეფანტა და ციდან დაშვებული მზის სხივები გიგიას საფლავსა და ორი ბავშვით ხელდამშვენებულ ცისიას ეცემოდა.



დაისვენეთ, გაეჩითეთ, იპაჩიეთ!

ეს თამაში ერუდიციაზე, ინტუიციასა და აზარტზეა აგებული. თუ ეს ყველაფერი გახასიათებთ, აუცილებლად გამოსცადეთ თავი და გონების გავარჯიშების შემდეგ, წარმატების მიღწევა არც ერთ სხვა თამაშში არ გაგიჭირდებათ!

თითოეულ უთხვავზე მოცემული ოთხი პასუხიდან, თქვენი აზრით სწორი მონიშნეთ. თავის შემონიშნების საშუალება ერთ უვირაში მოგეცემათ: სწორი პასუხები „გზის“ მომდევნო ნომერში გამოქვეყნდება.

1) რა ეწოდება შუა აზიაში ადგილს, სადაც ჩაის დასალევეად იყრიან თავს?

- ა) ბაზარჩაი; ბ) ხანჩაი;
- გ) ჩაიხანა; დ) ცივჩაი.

2) ვის ეკუთვნის სიტყვები: „სახელმწიფო — ეს მე ვარ!“

- ა) ნაპოლეონ ბონაპარტეს;
- ბ) ლუდოვიკო XIV-ს;
- გ) იოსებ სტალინს;
- დ) ფიდელ კასტროს.

3) რამდენი მუსიკოსია კვინტეტში?

- ა) 5; ბ) 4;
- გ) 7; დ) 6.

4) რის გამო გააგდეს ნაცარქექია ძმებმა სახლიდან?

- ა) უსაქმურობის; ბ) უცოდინარობის;
- გ) უზრდელობის; დ) უცურადღებობის.

5) ჩვეულებრივ, რა ფერთა ღებავენ კომპასის ისრის სამხრეთის მხარის მაჩვენებელ ნაწილს?

- ა) შავით; ბ) წითლით;
- გ) ლურჯით; დ) მწვანეთი.

6) ფრანგული ფრანკის შემადგენელი ფულადი ნიშნის სახელია:

- ა) ცენტი; ბ) ლირა;
- გ) პესეტი; დ) სანტიმი.

7) რომელია კეტრუბის სამშობლო?

- ა) ბულგარეთი; ბ) იტალია;
- გ) აშშ; დ) მექსიკა.

8) რომელი ქვეყნის ნაწილია ტასმანია?

- ა) ბრაზილი; ბ) ახალი ზელანდი;
- გ) ინდონეზიის; დ) ავსტრალიის.

9) სად ჩატარდება 2002 წლის მსოფლიო ჩემპიონატი ფეხბურთში?

- ა) აფრიკაში; ბ) სამხ. ამერიკაში;
- გ) ევროპაში; დ) აზიაში.

10) შაჰ-აბასის მარჯვენა ხელი იყო:

- ა) ალავერდი-ხან უნდილაძე;
- ბ) იმამ-ყული-ხან უნდილაძე;
- გ) დაუდ-ხან უნდილაძე;
- დ) გიორგი სააკაძე.

11) იაპონიის იმპერატორის სასახლეს ჰქვია:

- ა) შულკანი; ბ) ნიძიუბასი;
- გ) ობი; დ) სიუნმაო.

12) ვინ შემოიღო პირველად მცნება ოქროს კვეთა?

- ა) ჯოტომ; ბ) ლონარდო და ვინჩი;
- გ) არქიმედემ; დ) კალიკრატემ.

13) ჩამოთვლილთაგან რომელი სასწავლებელი აქვს დამთავრებული კონ-

სტანტინე გამსახურდიას?

- ა) ქუთაისის ქართული გიმნაზია;
- ბ) ზუგდიდის ვაჟთა სემინარია;
- გ) თბილისის ვაჟთა გიმნაზია;
- დ) გორის სასულიერო სემინარია.

14) რომელმა მოგზაურმა გამოიგონა აკვალანგი?

- ა) მარკო პოლომ;
- ბ) ტურ ჰეიერდალმა;
- გ) ტიმ სევერინმა;
- დ) ფაკ ივ კუსტომ.

15) რომელი არ შედის ალბურ მცენარეებში?

- ა) ედელვაისი; ბ) ღეკა;
- გ) ოქროყვავილა; დ) შროშანა.

16) 1681 წელს იმერეთის ტახტზე ასულმა გიორგი გურიელმა ცოლად შეირთო:


- ა) ბიძაშვილი; ბ) ცოლისდა;
- გ) რძალი; დ) სიდედრი.

17) რა ჩინით გარდაიცვალა იური გაგარინი?

- ა) გენერალ-ლეიტენანტის;
- ბ) მაიორის;
- გ) პოლპოლკოვნიკის;
- დ) პოლკოვნიკის.

წარმატებას გისურვებთ!

საბჭოთა კავშირის კულტურის სამინისტროდან საქართველოში სტუმრები ჩამოსულან. მასპინძლობას გოგი ცაბაძე უწევდა. როცა მათთვის მცხეთის ჩვენება გადაწყვიტა, მეგობარს — პეტრე ბაგრატიონ-გრუზინსკის სთხოვა მეგზურობა. გოგი ცაბაძეს ფეხი სტიკოდა და მანქანაში დარჩა, რუსი სტუმრები ბატონ პეტრეს შეუყვანია სვეტიცხოველში — ეს მამაჩემის საფლავია, ეს პაპის... აი, ეს ჩემი დიდი პაპის — ერეკლე მეორის საფლავი გახლავთ, — უხსნიდა ქართველი ბაგრატიოვანი თვალეზგაფართოებულ უცხო ტომის შვილებს. ისინი კარგა ხანს ვერ ხვდებოდნენ, ხუმრობდა თუ არა მათი ქართველი თანმხლები...



დღეს ბაგრატიონს აღაჩნია შიშველი შიშველი პირბასნი ხმალი

ლელა ჩიყაშვილი

პეტრე ბაგრატიონი არ ხუმრობდა... დღეს მისი საფლავიც სვეტიცხოველშია — მამის, პაპის და დიდი წინაპრების გვერდით. ის ხომ საქართველოს სამეფო ტახტის პირდაპირი მემკვიდრე იყო.

1920 წლის 28 მარტს დაიბადა. მამამისი — პეტრე ალექსანდრეს ძე ბაგრატიონი ძალიან მომხიბლავი და პოპულარული იყო იმდროინდელ საქართველოში. ილია ჭავჭავაძის მეგობარი, სათავედაზნაურო ბანკის ერთ-ერთი დამფუძნებელი, მევენახეობის ბანკის დამფუძნებელი იყო. ამბობენ, მას გარე ბიძაშვილი შეუყვარდა ჭაბუკობაში. ეს ქართველი კაცისათვის, მართლმადიდებლისათვის მიუღებელი იყო. ამიტომ დედისთვის ფიცის მიუცია: არასოდეს ცოლს არ შევირთავო. ასრულებდა კიდევ ამ სიტყვას. 56-57 წლის წარმოსადგევი კაცი იყო, როცა 17 წლის გოგონას — თამარ ლეკანოზიშვილს შეუყვარდა თავდავიწყებით. იმდენად, რომ სიყვარულით წონასწორობადაკარგულმა გოგონამ, თვითმკვლელობის მიზნით, გაისროლა კიდევ. ეს რომ უნახავს პეტრე ბაგრატიონს, თავი ვალდებულად ჩაუთვლია, თამარი ცოლად მოეყვანა, წოდებრივი სხვაობის გამო, მათ ჯვრისწერაზე უარი უთხრეს. თუმცა, ფარულად მაინც დაიწერეს ჯვარი. ბაგრატიოვანთა სახლის ისტორიის მკვლევარმა სოსო ბიჭიკაშვილმა იპოვა ის ეკლესია, სადაც



ბაგრატიონთა გერბი

ეს საიდუმლო ჯვრისწერა ჩატარდა: ის ნავთლუდის მიმართულებით, სამხედრო ჰოსპიტალთან მდებარეობს თურმე.

პეტრე ალექსანდრეს ძე ბაგრატიონი რუსეთის მეფის კარზე იყო კამერგერი. ეს უმაღლესი წოდება იყო მეფის რუსეთში. სიმბოლურად, კამერგერს ჰქონდა მეფის საძილე ოთახის ოქროს გასაღები, მეფესთან შესვლა დაუკაკუნებლად შეეძლო. მას შავი ფრაკი უნდა სცმოდა წითელი ატლასის სარჩულით, ცისფერი ბაფთა უნდა ჰქვებოდა და პლატინის ვარსკვლავი. რუსეთს სულ 12 კამერგერი ახსოვს. პეტრე ბაგრატიონს ფრაკი არასოდეს ჩაუცვამს, მისთვის შეურაცხყოფა იყო, ათასწლოვანი ბაგრატიოვანთა დინასტიის წარმომადგენელი, სამასწლოვანი რომანოვების კამერგერი ყოფილიყო. როცა მას

პეტერბურგში იწვევდნენ, არ მიდიოდა... ასეთ შემთხვევაში მეუღლე — თამარი მიემგზავრებოდა. მას ცალკე ვაგონი ჰქონდა მატარებელში. პეტერბურგში მიემგზავრებოდა ოლინკა სვანიშვილიც — ჭიათურელი მაგნატის მეუღლე. ისიც საკუთარი ვაგონით მგზავრობდა. მოსუცებულობაში ქალბატონი თამარი ისწებდა, როგორ გამოეწყოლოდა ხოლმე საუზმისთვის განსაკუთრებით და როგორ მიდიოდა ოლინკას ვაგონში. ერთად ისაუზმებდნენ. სადილად ოლინკა გამოიცვლიდა კაბას და თამარის ვაგონში მივიდოდა სტუმრად... საღამოს ისევ თამარი ეწვეოდა... ამის მსმენელი პეტრე პეტრეს ძე ბაგრატიონი — მისი ვაჟი ეხუმრებოდა: უნდა მომხდარიყო რევოლუცია, აბა, არ უნდა მომხდარიყო?!

პეტრე ბაგრატიონსა და თამარ ლეკანოზიშვილს ორი ვაჟი შეეძინათ — კონსტანტინე და თეიმურაზი... როცა უმცროსი 2 წლისა იყო, მამა გარდაიცვალა და მას, მშობლის ხსოვნის პატივსაცემად, პეტრე დაარქვეს, თუმცა შინაურები ბოლომდე თეზიკოს ეძახდნენ. სწორედ ეს გახლავთ ჩვენთვის საყვარელი პოეტი — პეტრე ბაგრატიონ-გრუზინსკი. ჯერ კიდევ პატარა ბიჭი იყო, როცა ბორის პასტერნაკი ახსენებდა ნიტა ტაბიძისადმი მოწერილ წერილში: „Большой привет передай Тамарочке и моему младшему коллеге Тезику“.

უბედურება შორს არ იყო: 16-17 წლისა იქნებოდა, დედამისი რომ გადაასახლეს და თვითონ, ფაქტობრივად, მარტო დარჩა, ბედის ანაბარად. სკოლის შემდეგ სწავლა უნივერსიტეტის დასავლურ ევროპის ენათა ფაკულტეტზე განაგრძო.


უნივერსიტეტში სტუდენტური თეატრი არსებობდა. ერთი პერიოდი, მას პიერ კობახიძე ხელმძღვანელობდა. მან მიიწვია პეტრე ბაგრატიონი, რომელმაც დადგა სტუდენტური სპექტაკლი — „დემონი“. ერთ-ერთ როლსაც თავად ასრულებდა ბატონი პეტრე. სპექტაკლს იმხელა გამოხმაურება მოჰყვა, რომ მოსკოვის კინემატოგრაფიის სახელმწიფო ინსტიტუტში ავზავნიდნენ და პირდაპირ მეორე კურსზე სვამდნენ... რატომღაც არ წავიდა... შემდეგ, მარჯანიშვილის თეატრში იყო, რეჟისორ ვასო ყუშიტაშვილის თანაშემწედ.

პეტრე ბაგრატიონის ბიოგრაფიის თითქმის უცნობი ფურცელია, რომ ის ერთი წლის განმავლობაში ხაშურის სახელმწიფო თეატრის მთავარ რეჟისორად მუშაობდა.

ინფორმაციული-შეხვედრითი კონკრეტი

ეონა დვალის უბის ნიგნაკიდან:

1. ბარკაროლა ვენეციელი გონდოლიერობის სიმღერაა.
2. ამალითა, პლანეტა იუპიტერის უახლოესი თანამგზავრია.
3. სასმელ სპირტს ქიმიკოსები ეთანოლს ეძახიან.
4. წარმოდგენის დაწყების წინ ცირკის მსახიობების ერთობლივ გამოსვლას მაყურებლის წინაშე პარად-ალე ჰქვია.
5. მოსკოვის კრემლის ხუთივე კოშკს ლალის ხუთქიმიანი ვარსკვლავი ამშვენებს.
6. მონადირის ჩანთას, რომელშიც ნანადირევს აწყობენ იაგლტაში ჰქვია.
7. ფამისტური საკონცენტრაციო ბანაკების უფროსი, ადოლფ ეინშანი, თავის საქმეს დიდი პასუხისმგებლობით ეკიდებოდა: მას შემდეგ რაც მოკავშირეებმა უნგრეთში რკინიგზა დაბომბეს და საკონცენტრაციო ბანაკებში პატიმრების ეშელონებით გამგზავნა შეუძლებელი გახდა, მან 50 000 ებრაელი ფენიტი გაგზავნა ავსტრიაში.
8. „ქალები სახელმან მამაკაცის სიყვარულს ადვილად დაჰყვებიან ზოლმე და, როდესაც საშუალება მიეცემათ, ამ კავშირით ტრაბახობენ კიდევ — რა თქმა უნდა, მისაღებ ფორმებში.“ — ამ სიტყვებს „დათა თუთაშხიას“ პერსონაჟი თიკო ორბელიანი ამბობს. P.S. ბეჩუნი პერტიას მწვანე კიტრებით მოჰქონდა თავი, დათა თუთაშხიას საყვარელი რომ იყო.



9. შოპენჰაუერი მონოგამიას (ერთკოლიანობას) უარყოფდა და ტეტრაგამიას (ოთხკოლიანობის) მომხრედ გამოდიოდა, თუმცა სასტიკი წინააღმდეგი იყო ოთხი სიდედრი ჰყვოლოდა.

10. ქართულ საბჭოთა ენციკლოპედიაში სიტყვა „ცენზურის“ განმარტების შემდეგ, უსინდისოდ წერია: „სოციალისტურ ქვეყნებში ცენზურა, როგორც ასეთი, არ არსებობს. სახელმწიფო კონტროლი დაწესებულია იმ მიზნით, რომ არ დაუშვან პრესაში სახელმწიფო საიდუმლოების შემცველი ინფორმაციისა და ისეთი ცნობების გამოქვეყნება, რომელთაც შეუძლიათ ზიანი მიაყენონ მშრომელთა ინტერესებს.“


11. საბჭოთა მსახიობი, რეჟისორი და დრამატურგი გომბოჟაპ ცილინჟაბის ძე ცილინჟაპოვი ეროვნებით ბურიატი იყო.

მისი შემოქმედებითი ცხოვრება უეცრად დამუხრუჭდა. 1945 წელს ბატონი პეტრე და მისი მეგობრები დააპატიმრეს ჟურნალ „ანათემას“ გამოცემის გამო. ომის წლებში პოლიტიკურ პატიმრებს ერთადერთ სასჯელს — დახვერტას უსჯიდნენ. მან კარგად იცოდა, რაც მოელოდა. სასოწარკვეთილს ნერვებმა უმტყუნა — საკანში ვენები გადაიჭრა. სრულიად შემთხვევით გადაურჩა სიკვდილს: ჩამოიარა ციხის უფროსმა — იაშა ტესტოვმა, შეამჩნია სისხლით მოსვრილი ტუსადი და განგაში ატეხა. პეტრე გრუზინსკი ჯერ ლაზარეთში გადაიყვანეს, შემდეგ ფსიქიატრიულ საავადმყოფოში. მძიმე მდგომარეობიდან გამოსული პეტრე ბაგრატიონი იძულებული იყო, კარგა ხანს დაავადებული კაცი განესახიერებინა. 7 თვის განმავლობაში უარს ამბობდა საკვების მიღებაზე და ზონდით კვებავდნენ...

ბატონი პეტრე არასოდეს ჰყვებოდა იმ წლების შესახებ. მხოლოდ ძალიან იშვიათად წამოსცდებოდა რამე. საავადმყოფოდან გაწერეს საბუთით, რომლის მიხედვითაც პეტრე ბაგრატიონი ახლობლების მეურვეობის ქვეშ უნდა ყოფილიყო, მუშაობის უფლება და წერაც კი აღკვეთილი ჰქონდა. ამის გამო, 1954 წლამდე მეუღლის სახელითა და გვარით აქვეყნებდა ლექსებს.

ერთხელ, პეტრე ბაგრატიონის მეუღლემ „თავისი“ ლექსები მიიტანა დასაბეჭდად. სთხოვეს, ერთი კუპლეტი შეასწორეთო. არ უნდოდა მეუღლის ლექსს შეხებოდა: შინ წავიღებ და გასწორებულს მოვიტანო... არა, ქალბატონო ლიკა, აქვე შეასწორეთო. იძულებული გახადეს, ერთი კუპლეტი შეესწორებინა...

ცხოვრებისგან ისედაც პოლიტიკურ მარწუხებში მოქცეულს, შემოქმედებაში უხეში ჩარევითაც უმღვრევდნენ გონებას. რეზო ლალიძის სიმღერა — „გვიხმობს პარტია“ ყველასთვის ცნობილია. ტექსტი პეტრე გრუზინსკის ეკუთვნის... ვაი, რომ ასე არ დაუწერია და პარტიის ხოტბა ძალით მიაწერეს: ლექსი მხოლოდ სამშობლოზე იყო. დაიბარეს კულტურის სამინისტროში — აუცილებლად პარტია უნდა ჩაისვასო... არ შეეცვლიო — უთქვამს პოეტს. თქვენ თუ არა — ჩვენ შეეცვლითო, უთქვამთ კატეგორიულად და



შეცვალეს კიდევც...

გულაცრუებულს, არსად უმუშავია, არც ერთი კავშირის წვერი არ ყოფილა. ცნობილ რუსულ ფესტივალზე გოგი ცაბაძის სიმღერამ გრუზინსკის ტექსტზე I ადგილი აიღო. მოსკოვში უნდა წასულიყვნენ. მაშინ მივლინების ფურცლის გაფორმება იყო საჭირო. ქალბატონი ლია — პეტრე გრუზინსკის მეუღლე მივიდა მწერალთა კავშირში და გრიგოლ აბაშიძეს სთხოვა სამივლინებო ფურცელი. „მე კი ვაუკეთებ, ქალბატონო ლია, მაგრამ ჩვენი კავშირის წვერი არ არის... მომიტანეთ ცნობა თეატრალური კავშირიდან“, — „იცი, არც თეატრალური კავშირის წვერი გახლავთ“. — „მაშინ კინოკავშირიდან“. — „არც იმის წვერია...“ — „აბა, რაღაცის წვერი ზომ არის?“ — „დაახ, მონაკავშირის წვერია“, — უპასუხა ქალბატონმა ლიამ. მართლაც, მხოლოდ მონადირეთა კავშირის წვერი იყო ბოლომდე.

სამოციან წლებში ფილმი არ გადაღებულა, რომელშიც მის ლექსზე დაწერილი სიმღერა არ ჟღერდა. ბევრმა არ იცის, რომ ყველა დროის ქართველი კრიმინალების საყვარელი სიმღერის — „აბა, ყვავებს ვინ დაიჭერს, კარგო, გალიაში ბუღბუღები ზიან“, — ტექსტის ავტორი პეტრე გრუზინსკია, მელოდიისა კი — ბიძინა კვერნაძე. ეს სიმღერა ფილმში გამოიყენეს. ერთხელ, ბატონმა პეტრემ ორი ამანათი მიიღო. გახსნა. უნდა გენახათ, რა იყო შიგნით — პატიმრების გაკეთებული ნივთები: ჯვრები, კრიალოსნები, პურისაგან გაკეთებული სუვენირები... ამით გამოხატეს ტუსაღებმა მადლიერება და პატივისცემა მათთვის საყვარელი ლექსის ავტორისადმი.

ძალიან მგრძობიარე ადამიანი იყო ბატონი პეტრე. მისი ვაჟი, რეჟისორი ნუგზარ ბაგრატიონი იხსენებს: „ყოველთვის ჩემი უფროსი მეგობარი იყო. ცხოვრებაში ერთადერთხელ წამომარტყა თავში.

შინ გვექნდა ნაპოლეონის პატარა ბიუსტი, რომელიც მამას მეგობარმა აჩუქა — მეგობარმა, რომელმაც თავი ჩამოიხრჩო ციხეში. ამიტომ ეს ბიუსტი მამაჩემისთვის არაჩვეულებრივი რელიკვია იყო. 11-12 წლის ვიქნებოდი, შემთხვევით გამიტყდა. მოვიდა მამა. ვუთხარი მომხდარის შესახებ. გამრა. მაშინ წამომარტყა თავში. ეს ისეთი მოულოდნელი იყო ჩემთვის, რომ მეორე ოთახში ტირილით გავვარდი... იმ საღამოს მთვრალი მოვიდა მამა. ხელი გადამხვია — წავიდეთ ახლა მალაზიაშიო. ველოსიპედი მიყიდა. ეს ჩემი ოცნება იყო... ვეზუმრე კიდევ: კიდევ წამომარტყი, რა, „სამაკატაკც“ მინდა-მეთქი...“

მცხეთაში, პეტრე ბაგრატიონს ყოველთვის ჰყავდა ცხოველები. მათ შორის ერთი ზღარბი — შორჟიკა „ლოთი“ იყო — ბატონი პეტრე დაშაქრულ ღვინოს ასმევდა და „გალოთებულა“... იქვე ცხოვრობდა კაჭკაკი მათიკო — „ქურდი“, რომელმაც ლაპარაკი ვერ ისწავლა. უზარმაზარი მამალიც ჰყავდა, რომელიც მტრულზე იყო შეყვარებული. უნდა გენახათ, როგორ უხაროდა და ეამყებოდა ბატონ პეტრეს, როცა მტრედის სიმყურდოვის სადარაჯოზე მდგარი დეზებანი მიჯნური ახლოს არ აკარებდა დედლებს საჭმელს, ვიდრე მისი სატრფო არ დანაყრდებოდა...

ძალიან ჰყვარებია პეტრე ბაგრატიონს მცხეთაში ყოფნა. უაღრესად საინტერესოა ამ აგარაკის შექმნის ამბავი: მის ვაჟს — ნუგზარს მასზე 15 წლით უფროსი მეგობარი — იური ნინოშვილი ჰყავდა. როცა მან ცოლი მოიყვანა, მეჯვარეობა ნუგზარს სთხოვა, რომელიც მაშინ მხოლოდ 14 წლის იყო. ქორწილში მამაც გაჰყვა. საპატარძლოს მშობლებს ნუგზარ ბაგრატიონი ადრეც იცნობდა: დეიდა თამარსა და ძია იაშას — გადამდგარ პოლკოვნიკს. როცა ქორწილში მშობლების სადღეგრძელო შესვეს, ბატონმა პეტრემ უცებ, ფერი დაკარგა... მოგვიანებით უთხრა შვილს: პატარძლის მამა ჩემი ციხის უფროსი, იაშა ტესტოვი იყო... გავიდა ცოტა ხანი და იაშამ ბატონ პეტრეს დაურეკა: ნაკვეთი მაქვს მცხეთაში, ვერ ვუვლი, მოდი, სიმბოლურ ფასში ნახევარს მოგიყიდიო... ერთად ვიქნებით, იურა და ნუგზარი უკვე ნათესავები არიანო. ბატონ პეტრეს უარი უთქვამს: გამადლობთ, პატივისცემისთვის, მაგრამ ჩემთვის რთული იქნება, ვერ დაგთანხმდებითო. გავიდა დრო. ისევ დაურეკა იაშა ტესტოვი — ეტყობა, რაღაც არ ასვენებდა...

მთლიანად მოგყიდითო, უთხრა. პეტრე ბაგრატიონმა მადლობა გადაუხადა... ვერასოდეს წარმოიდგენდა პეტრე გრუზინსკი, რომ მისი ციხის უფროსისგან ოდესმე მიწის ნაკვეთს შეიძენდა...

მიწაზე მუშაობა ჰყვარებია ბატონ პეტრეს. ბატონმა ნუგზარმა მითხრა: „ეს ისეთი უჩვეულო ჩანდა კაცისგან, რომელიც ძალიან აფორიაქებული ცხოვრების მოყვარული იყო: სულ ქეიფობდა, სულ ნადირობდა, სულ შეყვარებული იყო... მისთვის არ არსებობდა დილა, საღამო... მაგრამ მიწის არანორმალური სიყვარული ჰქონდა. წავიდოდა სადღაც ჭობორტში, ჩამოიტანდა ჩითილებს, დარგავდა, აკრავდა ვენახს... სულ კითხულობდა — რა როგორ უნდა გაეკეთებინა... დამეცნობა ვერ ისწავლა და წუხდა: „კაცო, ეს ვერ ვისწავლე, მაგრამ ამბობენ, დამეცნობას ხელი უნდაო... მე, ეტყობა, ხელი არ მივარგა“...

პეტრე ბაგრატიონი ძალიან უყვარდა ყველას, ვისაც ურთიერთობა ჰქონდა მასთან. როცა ის აღარ იყო, ერთი წერილი მიიღო ბატონმა ნუგზარმა, მამის გარდაცვალებიდან რამდენიმე წლის შემდეგ: „ნუგზარ ბაგრატიონ-გრუზინსკის. გწერთ გრიშა, რომელიც თქვენს სახლში მეუზოვედ მუშაობდა. მოკითხვას გითვლით მთელ თქვენს ოჯახს და ვიზიარებ სინარულს გადაწყვეტილებისა ბატონ პეტრეს საღამოს მოწყობისა, რომელიც ყველას გვატობდა თავისი ლამაზი სულით. მე არ ვიცი, რა რეჟისორული ჩანაფიქრით დაიწყება ეს საღამო, რომელიც 15 ივნისისათვის არის დანიშნული. ალბათ გადავლახავ ყოველგვარ ეკონომიურს და ამ საღამოს არ გააცდენ. და მაინც მოგცეთ ერთი რჩევები...“ (სტილი დაცულია). თვითონ რჩევები ამ შემთხვევაში, ნაკლებად საინტერესოა. მთავარია ფაქტი. ბატონი ნუგზარი ამბობს: „მასსოვს, ეს გრიშა და მამაჩემი ეზოში ჩამოსხდებოდნენ და მთელი სერიოზულობით, დიდხანს საუბრობდნენ ხოლმე... არაჩვეულებრივი კაცია გრიშა...“ პეტრე ბაგრატიონი მთელი გულითა და სულით გრძნობდა საინტერესო ადამიანებს, გრძნობდა და უყვარდა ისინი — განურჩევლად ეროვნებისა თუ ჩინ-წოდებისა...

1984 წლის 13 აგვისტოს გარდაიცვალა. მინდა წერილი მისი ერთი ლექსის სტრიქონებით დავამთავრო:

დღეს ბაგრატიონს აღარ მარტყია მეფე ერეკლეს პირბასრი ხმალი, ნაირმალივით გულზე მატყვია შენი პატარა ფეხების კვალი.

ინფორმაციული-შეფასებითი კოლაჟი

ეორა დვალის უბის წიგნაკედან:



12. მარინა ცვეტაევამ სამამულო ომის მსვლელობისას, ევაკუაციის დროს მოიკლა თავი.

13. ციცქა, ალიგოტე, ჩინური, ცოლიკაური, გორული მწვანე, რქაწითელი, ძველშავი — ეს ის ყურძნის ჯიშებია, რომელთაგანაც ცქრიალა ღვინოებს ამზადებენ.

14. ცისარტყელაში ზემოდან ქვემოთ თანდათანობით გადასვლით ერთმანეთს ენაცვლება სპექტრის წითელი, ნარინჯისფერი, ყვითელი, მწვანე, ცისფერი, ლურჯი და იისფერი ზოლები. P.S. ცისარტყელას დანახვა მთვარის მოქუჩეც შეიძლება.

15. ძვირფასი ქვების მასა კარატებით გამოისახება, მარგალიტის კი — გრანებით. 1 გრანი 0,25 კარატის ტოლია.

16. II მსოფლიო ომში გერმანელები ტანკების საწვავად ბენზინს ხმარობდნენ. მათგან განსხვავებით ფრანგული ტანკები საავიაციო ნავთზე მუშაობდა. იმ დროს საავიაციო ნავთის დეფიციტი იყო, მაშინ, როდესაც ბენზინის შოვნა ჩვეულებრივ ბენზინგასამართ სადგურებზეც კი შეიძლებოდა. საწვავის დეფიციტის გამო იყო შემთხვევები, როდესაც ფრანგული ტანკები ბრძოლის ველამდეც ვერ აღწევდა, ანდა შუა ბრძოლის დროს უთავდებოდათ საწვავი და ტანკისებებს თავიანთი საბრძოლო მანქანის გამართვა მოწინააღმდეგის გააფთრებული ცეცხლის ქვეშ უწევდათ.

17. შხარა საქართველოს ტერიტორიაზე მდებარე ყველაზე მაღალი მწვერვალია. მისი სიმაღლე 5068 მეტრია.

18. შუმერები ახლანდელი ერაყის ტერიტორიაზე სახლობდნენ. მათ დელაქლაქსური ერქვა. ბიბლიის მიხედვით, სწორედ ამ ქალაქიდან გამოიყვანა ღმერთმა აბრაამი და მისი ოჯახი და პირობა დაუდო, რომ დიდ ხალხად აქცევდა. P.S. ებრაელთა ერთ-ერთი სახელწოდება, ურია, სწორედ ამ ქალაქის სახელიდან მომდინარეობს.

19. ტყვე შამილს რუსებმა ნება დართეს, მექაში გამგზავრებულიყო. იგი 1871 წელს არაბეთში, ქალაქ მედინაში გარდაიცვალა.

25. გურქუბი, ნებალედი მთიელები, ოდით-განვე მსახურობდნენ ინგლისის არმიამ. P.S. მეორე მსოფლიო ომის დროს მათი ერთ-ერთი კორპუსი მთლიანად ჩაუვარდა ტყვედ იაპონელებს და, ინგლისელებისათვის მიცემული ფიცი რომ არ გატეხათ, გურქუბმა ხმლებით დააჭრეს თავები ერთმანეთს.



ანდრე მეწახე, მაგნატი, სიტროენი მოთაბაშე

ანდრე სიტროენი პირველი ფრანგი იყო, რომელმაც საავტომობილო დიდების დარბაზში დაიმკვიდრა ადგილი, თუმცა მისი მრავალმხრივი ნიჭიერება ავტომწარმოებლობით როდი შემოიფარგლებოდა. თავის სამშობლოში მან ხალხს არა მარტო მანქანებით, არამედ თამაშისადმი ტკოლვით, რისიკიანობით, საზოგადოებაზე შთაბეჭდილების მოხდენის წადილითაც დაამახსოვრა თავი. მთავარი ეი ის არის, რომ სიტროენი გასული საუკუნის ერთ-ერთი ყველაზე წარმატებული ბიზნესმენი იყო. ამდენად, სამეწარმეო დიდების დარბაზი რომ ყოფილიყო, სიტროენი ერთ-ერთი პირველი ამ დარბაზშიც დაიმკვიდრებდა ღირსეულ ადგილს.

ანდრე გიუსტავ სიტროენი 1878 წლის 5 თებერვალს, მდიდარი პოლანდიელი ოქრომჭედლის ოჯახში დაიბადა. განათლება პარიზის ყველაზე პრესტიჟულ ტექნიკურ უმაღლეს სასწავლებელში – პოლიტექნიკურ სკოლაში მიიღო და უკვე 1905 წელს თავისი პირველი საწარმოც შექმნა. ლევენდის თანახმად, სადაც პოლონეთში (დედამისი წარმოშობით სწორედ იქიდან იყო) ანდრემ საფრანგეთისათვის ჯერ კიდევ უცნობი კბილანა აღმოაჩინა, რომელსაც ე.წ. შევრონის ტიპის V-ფორმის კბილანები ჰქონდა. სამშობლოში დაბრუნებისთანავე სიტროენმა ეს სიახ-

ლე დააპატენტა, ორმაგი შევრონი კი, შემდგომ, ემბლემად გამოიყენა. მაგრამ ეს მხოლოდ დასაწყისი იყო. 1908 წელს 29 წლის სიტროენი ძმები მორსების საავტომობილო ქარხანას ჩაუდგა სათავეში. აქ მას სამეწარმეო ნიჭის სრული გამოვლენის საშუალება მიეცა. რამდენიმე წელიწადში მანქანების წარმოება თითქმის ათმაჯად გაიზარდა, ამასთან, ანდრემ ქარხნის სრული მოდერნიზებაც მოახერხა: შეიძინა ახალი დაზგა-დანადგარები, ხელი მიჰყო მოდელების სტანდარტიზაციას და სერიულ წარმოებას მიუახლოვდა. 1912 წელს სიტროენი ამერიკაში

გაემგზავრა, სადაც ჰენრი ფორდის ქარხნებში საფუძვლიანად შეისწავლა კონვეიერული წარმოება. სიტროენმა საფრანგეთში კონვეიერის დანერგვა დაიწყო, მაგრამ ამ საქმის დამთავრებაში მას პირველმა მსოფლიო ომმა შეუშალა ხელი. ხუთი თვის მანძილზე ლეიტენანტი ანდრე სიტროენი საარტილერიო შენაერთში მსახურობდა, მაგრამ ომი ნამდვილად არ წარმოადგენდა მის მოწოდებას და უკვე 1915 წლის იანვარში მან მოლაპარაკება დაიწყო სამხედრო სამინისტროსთან საბრძოლო მასალების ახალი ქარხნის აშენების თაობაზე. სიტროენი ხელისუფლებას ჰპირდებოდა, რომ სამთვეში დაიწყებდა პროდუქციის წარმოებას და ყოველდღიურად 5-დან 10 ათასამდე ჭურვს გამოუშვებდა. ეს დაპირებები სრულიად უტოპიურად გამოიყურებოდა, მაგრამ პოლიტექნიკური სკოლის კურსდამთავრებულებმა, რომლებიც სამხედრო სამინისტროში მუშაობდნენ, და სიტროენის დაუცხრომელმა ენერგიამ შედეგი გამოიღო: სამინისტრომ მას სესხი მისცა, შემდეგ ანდრემ დამატებითი სახსრებიც გამოიხა და ქარხნის მშენებლობაც დაიწყო. ბუნებრივია, საწარმო სამთვეში ვერ ამოქმედდა, სამაგიეროდ, მალე ჭურვების ყოველდღიურმა წარმოებამ 50



ათასამდე მიაღწია!

სისწრაფე და შეუპოვრობა, რომელსაც სიტროენი იჩენდა, ლეგენდის ნაწილად იქცა, მაგრამ ამაზე უფრო ენერგიული ის ომის შემდგომ გახდა. მის განკარგულებაში თანამედროვე ქარხნები იყო, რომლებიც მას იმის საშუალებას აძლევდა, რომ თავისი ოცნება განეხორციელებინა: ეს ოცნება, თანამედროვე და ხელმისაწვდომი ავტომობილების გამოშვება იყო. ამ საქმეს სიტროენი წარმოების უახლესი მეთოდების გამოყენებით აწარმოებდა და ამასთან, არც სოციალურ სფეროს ივიწყებდა: სიტროენის ქარხნებთან გახსნილი იყო ბაგა-ბაღი, ის კომპანიის სახსრებიდან ფარავდა მუშების დაზღვევის თანხას, შემდგომ კი მათ პენსიასაც უზღოდა. ის პირველი იყო, ვინც პრაქტიკულად ყველა ევროპულ ქვეყანაში შექმნა თავისი სადილო ქსელი, დაიწყო თავისი ავტომობილების გარანტიების გაცემა და გამოუშვა ერთიანი ინსტრუქცია სერვისცენტრებისთვის. ბუნებრივია, არც ერთი მისი მოდელი სიახლის გარეშე არ გამოსულა. ამ სიახლეებს განეკუთვნებოდა: ლითონის ერთიანი, მთლიანი ძარა, პიდროამპირავიანი მუხრუჭები, ე.წ. ტორსიული საკიდარი, დაბოლოს, წინა ამძრავი, რომელმაც ავტომობილის სამომავლო 70 წლიანი განვითარება განაპირობა.

ანდრე სიტროენის ცხოვრების განუყოფელ ნაწილს ხელგაშლილი, ეფექტური ფესტები წარმოადგენდა: ის ხშირად აწყობდა ავტორბოლებსა და რალი-რეიდებს, მათ შორის იყო ისტორიაში შესული ბეირუთი-პეკინის გადარბენა (საპარის უდაბნოს გავლით). სიტროენი უზარმაზარ თანხებს ხარჯავდა რეკლამაში: ეიფელის კოშკის გასანათებლად 250 ათასი ნათურა და 60 კილომეტრიანი სადენები დაამონტაჟა, რომლის მეშვეობით 1926-დან 1934 წლამდე მისი სახელი კიაფობდა ეიფელზე და კიდევ ერთი რამ: ანდრე სიტროენი აზარტული მოთამაშე იყო – ერთ საღამოში მას დიდძალი თანხაც წაუგია, მოგების შემთხვევაში კი, კრუპისთვის ავტომანქანაც უჩუქებია. ამ ხელგაშლილობას დასავლეთში ეკონომიკის დიდი დეპრესია დაერთო და 1934 წელს მეწარმემ დაკარგა კონტროლი თავის საწარმოზე, 1935 წელს კი ისე მოკვდა, რომ ერთი სანტიმიც არ შერჩენია...



ავტომობილი-ამფიბია

ეს მანქანა ინგლისში შექმნეს. ის არა მარტო ხმელეთზე ივლის, არამედ წყალშიც იძობრავებს. თანაც, როგორც მისი შემქმნელები აცხადებენ, ამფიბია ახლა ორივე პარამეტრის გამოცდას გადის და შესაძლოა, მალე მისი გაყიდვაც დაიწყოს. „ახლა ვატარებთ გამოკვლევას, რომელიც ჩვენი სიახლის ფასის დადგენაში დაგვეხმარება, – განაცხადა კომპანია GIPPS TECHNOLOGIES-ის წარმომადგენელმა. – ჩვენ ძალზედ სერიოზული სამუშაო ჩავატარებთ და დავრწმუნდით, რომ ავტომობილი სრულიად უსაფრთხოა წყალშიც და ხმელეთზეც. ამფიბია 160 კმ/სთ-მდე სიჩქარეს განავი-

თარებს ხმელეთზე და 64 კმ/სთ-მდე – წყალში. მანქანის საბოლოო ფასი ჯერ დადგენილი არ არის, მაგრამ, როგორც ექსპერტები ვარაუდობენ, ის დაახლოებით 21.500 დოლარი ეღირება.

საინტერესოა, რომ მსოფლიოში უკვე არაერთგზის უცდიათ ისეთი ავტომობილის შექმნა, რომლითაც გაცურვაც შესაძლებელი იქნებოდა. მაგალითად, ამფიბია TRIUMPH-მა, რომელიც კომპანია AMPLICAR-მა დაამზადა, გამოცდისას, 1968 წელს ჩაიძირა. ასეთივე ბედი ეწია FORD FIESTA-ს ბაზაზე შექმნილ ამფიბიას, რომელიც ფირმა DUTTON COMMANDER-ში შეიმუშავეს.

ახალი Porsche 2004 წელს გამოჩნდება




ეს მანქანა ლეგენდარული PORSCHE 928-ის შემცვლელი იქნება. ახალი „პორშე“ კონკურენციას გაუწევს ისეთ ავტომობილებს, როგორებიცაა: ASTON MARTIN VANQUISH, FERRARI 550 MARANELLO, MERCEDES CL. მანქანის შესაქმნელად საჭირო ხარჯების შესამცირებლად, ყველგანმავალი CAYENNE-ის ძრავას, ტრანსმისიას, უკანა ღერძისა და პნევმატური საკიდრის ელემენტებს გამოიყენებენ. ორი ტურბოდაბერვით აღ-

ჭურვილი V8 ძრავის სიმძლავრე 450 ცხ. ძალას მიაღწევს. ჯერ ზუსტად არ არის ცნობილი, რომელ მხარეს ჩაიდგება იგი, თუმცა, ვარაუდობენ, რომ უფრო – წინა ნაწილში, რადგან ეს ვარიანტი „პორშეს“ ხელმძღვანელს ვენდელინ ვიდეკინგს უფრო მოსწონს.

კომპანიის მესვეურთა თქმით, განიხილება აგრეთვე, ახალი კუპეს ბაზაზე ოთხკარიანი ძარის მქონე პეჩუკის შექმნა.

სად დავისვენოთ?



ზღვის კლიმატი

ზღვის კლიმატს დღე-ღამისა და წლის სხვადასხვა დროის განმავლობაში ძირითადად ჰაერის ტემპერატურის მცირე ცვალებადობა, მაღალი ბარომეტრული წნევა და მაღალი ტენიანობა ახასიათებს. მისთვის დამახასიათებელია აგრეთვე იოდის, ბრომის, ქლორ-ნატრიუმის არსებობა, მზის მნიშვნელოვანი რაღაცა და ოზონის სიუხვე, ჰაერის სისუფთავე და ზღვის სანაპირო ქარები.

ზღვის კლიმატი ორგანიზმზე, ნერვულ სისტემაზე დამამშვიდებელ-სედატიურ გავლენას ახდენს. ზღვის ჰავა მთის ჰავასთან შედარებით რბილია, ნერვულ სისტემას კი არ აღიზიანებს, არამედ ამშვიდებს. ზღვის ჰავის პირობებში სისხლის წნევა კლებულობს, ჰემოგლობინი და სისხლის წითელი ბურთულების რაოდენობა იზრდება, სუნთქვა იშვიათდება და ღრმავდება, პულსი ნელდება, უმჯობესდება გულის მოქმედება, ძლიერდება სასუნთქო გზების ლორწოვან გარსთა სეკრეცია, ნაწველის გამოყოფა მატულობს და სხვა.

ჩვენებანი ზღვის კლიმატით მკურნალობისათვის: გულ-სისხლძარღვთა სისტემის დაავადებები დეკომპენსაციის I-II სტადიაში, ნერვული სისტემის ფუნქციური დაავადებები

ბანი, ძვლების, სახსრების, ლიმფური ჯირკვლების, სასუნთქო ორგანოების ტუბერკულოზი, ქრონიკული ლარინგიტი (სასის ანთება), ფარინგიტი (ხახის ანთება), რაქიტი, მთორადი სისხლნაკლებობა და სხვ.

უკუჩვენებანი: ცენტრალური ნერვული სისტემის ორგანული დაავადებები, გულ-სისხლძარღვთა სისტემის დაავადებები დეკომპენსაციის III სტადიაში, ნეფრიტები (თირკმლის ანთება) და ნეფროზები (თირკმლის გადაგვარება), ფილტვების ტუბერკულოზი დეკომპენსაციის სტადიაში და სხვა დაავადებები, რომელიც საერთოდ უკუნაჩვენებია კურორტებზე მკურნალობისათვის.

ქობულეთი ბათუმიდან 30 კილომეტრის დაშორებით მდებარეობს. აჭარის კურორტებიდან იგი შედარებით ნაკლები ტენიანობით, მეტი მზიანი დღით, კურორტის ტერიტორიის კარგი ვენტილაციით განსხვავდება, რაც მისი ადგილმდებარეობის გაშლილობასთან დაკავშირებით მუდმივი ბრიზის (ზღვის სანაპირო ქარის) მოქმედებით აიხსნება. სწორედ ამ მუდმივი, სასიამოვნო ნიავეთ აიხსნება ქობულეთის უპირატესობა საქართველოს სხვა სანაპირო კურორტებთან შედარებით.

მახინჯაური ბათუმიდან ექვსი კილომეტრითაა დაშორებული. თბილი და ტენიანი ზღვის სანაპირო კლიმატის გარდა, მახინჯაურში სუსტი მინერალიზაციის გორღოვანი წყაროებია, რომელთა გამოყენებაც აბაზანების სახით სასარგებლოა სახსრების, პერიფერიული ნერვული სისტემისა და გინეკოლოგიურ დაავადებათა კომპლექსური მკურნალობის დროს.

მწვანე კონცი ზღვის დონიდან 70-80 მეტრის სიმაღლეზეა. აქვე არის საკმაოდ მრავალფეროვანი ბოტანიკური კაბი. **ციხისბირი** – ბათუმიდან 19 კმ-ზეა.

ჩაქვი – ბათუმიდან 12 კმ-ზეა. **ბათუმი** ქალაქი-კურორტია, რომელიც თავისი კლიმატური მახვენებლებითა და ბუნებრივი სილამაზით ამ ჯგუფის სხვა კურორტებს არ ჩამოუვარდება.



ჩვენი პატარა

რაქიტი

რაქიტი მზარდი ორგანიზმის დაავადებაა, რომელიც ძირითადად, კალციუმისა და ფოსფორის ცვლის დარღვევის შედეგად ვითარდება. კლინიკურად, უმთავრესად, ჩონჩხის ცვლილებებით ვლინდება.

რაქიტის ძირითადი, მაგრამ არა ერთადერთი მიზეზი, D ვიტამინის ნაკლებობაა. ამ ვიტამინის დეფიციტი გამოწვეულია მისი არასაკმარისი მიწოდებით ან ულტრაიისფერი სხივების სიმცირის გამო, ბავშვის კანში D ვიტამინის წარმოქმნის უკმარისობით და ბოლოს, მიუხედავად D ვიტამინის საკმარისი მიწოდებისა, ნაწლავებში მისი შეწოვის დარღვევით. სუფთა ჰაერით და მზის სხივებით ნაკლები სარგებლობა, საკვებში ცილისა და ცხიმის ნაკლებობა და ნახშირწყლების სიჭარბე რაქიტის განვითარების ხელშემწყობი ფაქტორებია. საყურადღებოა, რომ ხელოვნურ კვებაზე მყოფ ბავშვებში რაქიტი უფრო ადვილად ვითარდება და გაცილებით მძიმედაც მიმდინარეობს.

რაქიტის საწყისი ნიშნები 4-5 კვირის, მეტწილად 2-3 თვის ასაკში ვლინდება: ბავშვი, რომელიც მანამდე მშვიდი იყო, ხდება მოუსვენარი, ჭირვეული, ცუდად სძინავს, ძილში კრთება. უძლიერ-



დება ოფლიანობა სახისა და განსაკუთრებით კეფის არეში. კეებისა და ძილის დროს კეფის თმიანი ნაწილის ოფლიანობის გამო, ბავშვი თავს განუწყვეტლივ ბალიშს უხახუნებს, რის გამოც, თუ მკურნალობა არ ჩაუტარდა, კეფა უმელოტდება. შემდგომ ვითარდება ჩონჩხის მხრივ მკაფიო ცვლილებები, ისეთი, როგორიცაა კეფის დარბილება და გაბრტყელება, დიდი და მცირე ყიფილბანდის კიდების დარბილება, თავის ასიმეტრია. ამას მოჰყვება ძვლოვანი ქსოვილის ჭარბად განვითარება: მკაფიოდ იკვეთება შუბლისა და თხემის ბორცვები, თავი კვადრატულ ფორმას იღებს. ბავშვის თავი შედარებით დიდი ზომისაა და კანქვეშა ვენები გამოხატულია. გვიანდება კბილების ამოჭრა. გულმკერდი დეფორმაციას განიცდის, ნეკნებზე ირიბად შემსხვილებებია, ქვედა კიდურების დეფორმაცია ვლინდება მას შემდეგ, რაც ბავშვი სიარულს იწყებს. ისინი გარეთ გაზნექილია ან მუხლის არეში შივ შედრეკილი და ურთიერთმიხასლოებული. დეფორმაციას განიცდის მენჯი და ტერფები. ბავშვი გვიან იწყებს ჯდომას, ცოცვას, დგომას, სიარულს – ყურადღებას იპყრობს კუნთების ტონუსის მნიშვნელოვანი დაქვეითება.

რაქიტი მთელი ორგანიზმის დაავადებაა, რაც გამოიხატება თითქმის ყველა სისტემის (ნერვული, კუნთოვანი, გულ-სისხლძარღვოვანი, სასუნთქი, სისხლის წარმოქმნელი, საჭმლის მომწელებელი) ფუნქციის აშლილობითა და ნივთიერებათა ცვლის მნიშვნელოვანი დარღვევით.

მწვავე პერიოდის ჩათაგების შემდეგ რაქიტისათვის დამახასიათებელი ცვლილებები თანდათან უკუგანვითარებას განიცდის – ზოგი რამ გამოსწორდება, ზოგი (ღვიძლისა და ელენთის გადიდება, ანემია) შედარებით სტაბილურ ხასიათს იღებს, ან (ძვლების დეფორმაცია) მთელი სიცოცხლის მანძილზე რჩება. ამიტომ, მოზრდილ ბავშვსაც კი შეამჩნევთ რაქიტის ნარჩენ მოვლენებს.

რაქიტი სიცოცხლისათვის საშიშროებას არ წარმოადგენს, მაგრამ მის ფონზე განსაკუთრებით ხშირია კრუნჩხვები, ანემიის მძიმე ფორმები და, საერთოდ, ნებისმიერი დაავადება მძიმედ და არაკეთილსაიმედოდ მიმდინარეობს.

იმისათვის, რომ ბავშვს რაქიტი ააცილოთ, მის წინააღმდეგ ბრძოლა მუცლადყოფნის პერიოდიდანვე უნდა დაიწყოთ – ორსული ქალისათვის 7-8 თვიდან, ხოლო დაბადების შემდეგ, ბავშვისათვის D ვიტამინის მიწოდებით. რაქიტის ნიშნების გამოვლინებისას ინიშნება D ვიტამინის სამკურნალო დოზა. რაქიტის პროფილაქტიკაც და მკურნალობაც მხოლოდ ექიმის მეთვალყურეობით უნდა მოხდეს. ბავშვის ხელოვნური კვებისას უნდა მოხდეს ნახშირწყლების (ტკბილის) რამდენადმე შეზღუდვა, ცხიმე-

ბისა და განსაკუთრებით, ცილების ოპტიმალური რაოდენობით მიცემა. რაქიტის მკურნალობაში არანაკლებ ეფექტურია თევზის ქონი (დაიწვეთ 2-3 წვეთიდან და თანდათანობით ახვალთ 1 ჩაის კოვზამდე, რომელსაც მისცემთ დღეში 2-3-ჯერ). მიზანშეწონილია კვების წინ 3-ჯერ დღეში ლიმონის წვენი (დაიწვეთ წვეთებიდან და ახვალთ 1/2-1 ჩაის კოვზამდე), B ჯგუფის ვიტამინები, კალციუმის ქლორიდი, რკინის დანიშვნა.

D ვიტამინი ღებამ ექიმისგან დამოუკიდებლად არ უნდა დანიშნოს, რადგან მისი ჭარბი რაოდენობით მიღებისას შეიძლება განვითარდეს D ჰიპერვიტამინოზი.

ახლა კი, დასკვნის სახით, დავტყუთ საყურადღებოდ. დააკვირდით პატარას, აქვს თუ არა შემდეგი ნიშნები:

- 1) მოემატა ოფლიანობა, განსაკუთრებით კეფის არეში. ოფლს აქვს მუკვე სუნი. ზოგჯერ ბავშვის ზეწარი და საცვლები მთლიანად სველია.
 - 2) ბავშვი 9 თვისაა, მას კი კბილების ამოჭრის ნიშნები ჯერ არ ეტყობა.
 - 3) დიდი ყოფილიანდი ძალიან დიდი ზომისაა და არ მცირდება.
 - 4) ბავშვს აქვს მკრთალი ფერი, მოუსვენარია, ცუდად სძინავს.
 - 5) მაღალი სიცხის დროს ემართება კრუნჩხვა.
- აჩვენეთ ბავშვი პედიატრს, რათა დროულად დაისვას დიაგნოზი და დაინიშნოს მკურნალობა.

სამკურნალო მცენარეები

კატაბალახა

კატაბალახა მრავალწლიანი, 1-1,5 მ სიმაღლის ბალახოვანი მცენარეა. საყვავილე ღეროებზე ფოთლები განლაგებულია ერთმანეთის პირისპირ. მათ უბეჭბში ჩნდება ულამაზო, წვრილი ვარდისფერი ყვავილები. მცენარეს მიწისქვეშა სისტემა კარგად აქვს განვითარებული – ფესურები დიდია, მათგან გამოდის თასმისმაგვარი გრძელი ფესვები. კატაბალახა ყვავის ივნის-აგვისტოში. ფესურები და ფესვები უნდა დაამზადოთ ადრე შემოდგომაზე, ვიდრე მიწისზედა ნაწილი გახშება. წინააღმდეგ შემთხვევაში მცენარეს ვეღარ მიაგნებთ. ახალამოთხრილი ნედლეული ღია ფერისაა, თითქმის უსუნო, გაშრობის შემდეგ კი მუქდება და დამახასიათებელ მძაფრ სუნს იძენს. ამოთხრისთანავე დაბერტყეთ, გარეცხეთ მიწის მოსაცილებლად, მსხვილი ნაწილები დაჭერით და გაშალეთ. შრობა შესაძლებელია 35-40 გრადუსზე, მაგრამ უმჯობესია ნელა – ჰაერზე. ასე უფრო ხარისხიან ნედლეულს მიიღებთ. შეინახეთ სამი წლის ვადით მშრალ ადგილას.

კატაბალახას ფარმაკოლოგიური მოქმედება დაკავშირებულია მის ფესვებში ბიოლოგიურად აქტიურ ნივთიერებათა კომპლექსის შემცველობასთან. მცენარეს აქვს საძილე, ცენტრალური ნერვული სისტემის დამამშვიდებელი მოქმედება, არეგულირებს გულის მუშაობას, აქვს

სპაზმების მომხსნელი და ნაღვლმდენი თვისებები, აძლიერებს კუჭ-ნაწლავის ტრაქტის სეკრეტორულ ფუნქციას.

კატაბალახას პრეპარატები აქვეითებს რეფლექსურ აგზნებადობას ნერვული სისტემის ცენტრალურ ნაწილებში, აძლიერებს შეკავების პროცესებს ნეირონებში (ნერვულ უჯრედებში), ახდენს დაღებით ნეირორეგულაციურ მოქმედებას გულის კუნთის მუშაობაზე და უშუალოდ გულის ავტომატიზმის მექანიზმებზე. გარდა ამისა, მას აქვს კორონარების გამაფართოებელი და წნევის დამწვევი თვისებები.

კატაბალახა სამკურნალო პრაქტიკაში ფართოდ გამოიყენება, როგორც ცალკე პრეპარატი, ისე მრავალკომპონენტური ნაყენებში.

კატაბალახას იყენებენ ნერვული აგზნებადობის, უძილობის, ნევრასთენიის, ფსიქასთენიის, ისტერიის, კლიმაქსური მოშლილობების, ვეგეტონევროზების, გულის ნევროზის დროს. საკმაოდ ეფექტურია ეს პრეპარატები სტენოკარდიის, ჰიპერტონიული დაავადების ადრეულ სტადიაზე, ღვიძლისა და სახალვლე გზების ზოგიერთი დაავადების დროს, რომლებსაც თან ახლავს კუჭისა და ნაწლავების სპაზმი და ჯირკვლოვანი სეკრეციის დარღვევა.



კატაბალახას დამამშვიდებელი ეფექტი ვლინდება თანდათანობით, მაგრამ საკმაოდ სტაბილურად. ავადმყოფს უჭრება დამაბულობა, უშუალოდ მის მიღებას მიიღობ. ამ ბალახის სამკურნალო მოქმედება ჩნდება ხანგრძლივი მიღების შემდეგ. ამიტომ საჭიროა, ჩატარდეს მკურნალობის სრული კურსი.

კატაბალახას გვერდითი მოქმედებები არ აღენიშნება და კარგად იტანენ ავადმყოფები.


ნაყენის მომზადება: 2 1/2 სუფრის კოვზი ნედლეული ჩაყარეთ მომინანქრებულ ჭურჭელში, დაასხით 200 მლ მლუდარე წყალი, დაახურეთ თავსახური და მოთავსეთ მღუღარე წყლის ორთქლზე 15 წთ. შემდეგ გადმოღეთ, შეაგრილეთ, გაწურეთ, შეავსეთ 200 მლ-მდე ადუღებული წყლით.

მიღება: 2-3 სუფრის კოვზი ჭამიდან 30 წთ-ის შემდეგ. უფროსი ასაკის ბავშვებს – 2 ჩაის კოვზი, ხოლო ადრეული ასაკის ბავშვებს – 1 ჩ.კ. 3-4-ჯერ დღეში.

კატაბალახის სპირტიანი ნაყენი, რომლის შექმნაც შეეძლება აფთიაქებში, უნდა მიიღოთ 20-30 წვ. 3-4-ჯერ დღეში, ხოლო ბავშვს დააღვინეთ იმდენი წვეთი, რამდენი წლისაც არის.

მოამზალა
თამარ მამასაშვილი

ცოფი



ამ რამდენიმე ხნის წინ მრავალი ადამიანი შეაძრწუნა ცოფიანი ძაღლის მიერ დაკბენილი პატარა ბიჭის დაღუპვის ცნობამ. დამაფიქრებელია ის ფაქტი, რომ ბავშვს ჩაუტარდა ცოფის სანინალმდეგო აცრები ექიმის მიერ მითითებული სქემით, მაგრამ, როგორც აღმოჩნდა, ექიმი შეცდა.

ცოფი ადამიანისა და თბილისხლიან ცხოველთა ნერვული სისტემის მწვავე ინფექციური დაავადებაა, ახასიათებს მძიმე ენცეფალიტი და დაავადებულის სიკვდილით მთავრდება. ცოფს იწვევს ვირუსი. ინფექციის რეზერვუარს შეადგენენ გარეული მტაცებლები: მგელი, ტურა, მელა, ღამურა, აგრეთვე შინაური ცხოველები: ძაღლი, კატა, თითქმის ყველა ხორცისმჭამელი და სასოფლო-სამეურნეო პირუტყვი.

ცოფის ვირუსი კონცენტრირებულია ცხოველის ნერვულში. ადამიანი სნებოვნდება ცოფიანი ცხოველის კბენის, უფრო იშვიათად – დაღორბულის შედეგად. ამ გზით ვირუსი ნერვულთან ერთად შეიჭრება ჭრილობაში. ადამიანიდან ადამიანს ცოფის ვირუსი არ გადაეცემა. ცოფიანი ცხოველის მიერ დაკბენილი ადამიანი ყოველთვის ავად არ ხდება. დაავადების განვითარებისათვის დიდი მნიშვნელობა აქვს ნაკბენის ლოკალიზაციას, ტრავმის სიღრმეს და სიღრმეს, ნერვების სიუხვეს და სხვა. სახეზე კბენისას დაავადება ვითარდება 90%-ში, ქვედა კიდურებზე კბენისას კი – 20%-ში. ინფექციის შეჭრის კარიდან ცოფის გა-

მომწვევი მიემართება ცენტრალური ნერვული სისტემისკენ და აზიანებს თავისა და ზურგის ტვინს. ნერვების ბირთვების დაზიანების გამო, ვითარდება საყლაპავი და სასუნთქი კუნთების კრუნჩხვები. ნერვული სისტემიდან ვირუსი აღწევს სანერვო ჯირკვლებამდე და გადადის ნერვულში.

ცოფის ფარული (ინკუბაციური) პერიოდი 12 დღიდან 1 წლამდეა. რაც უფრო მოკლეა მანძილი ნაკბენიდან თავის ტვინამდე, მით უფრო ხანმოკლეა ფარული პერიოდი.

ცოფის მიმდინარეობაში გამოარჩევენ სამ სტადიას: 1. პროდრომულს, 2. აგზნების და 3. პარალიზურს. პირველ სტადიაზე ავადმყოფს თავს შეასვენებს უკვე დანაწილებული ნაკბენი, იგრძნობს ამ არეში წვას, ტკივილს, ქავილს. სხეულის ტემპერატურა 37-38 გრადუსამდე აღწევს. ავადმყოფს ეწყება უძილობა, იპყრობს სიკვდილის შიში, ეცვლება ხასიათი და ქცევა, სტკივა თავი, ყურებში ესმის ხმაური, ხდება ღებრესიული, მელანქოლიური, განცალკევების სურვილი აქვს, უარს ამბობს საჭმელზე; პროდრომული პერიოდი გრძელდება 1-3 დღე. შემდეგ იწყება ძლიერი მოუსვენრობის ანუ აგზნების პერიოდი. ვლინდება ცოფის დამახასიათებელი ნიშნები: წყლის, ჰაერისა და ხმაურის შიში, გაძლიერებული ნერვულება. წყლის ხსენებაზეც კი ავადმყოფს უვითარდება ხორხისა და საყლაპავის კუნთების სპაზმი, სუნთქვა ეკვრის, ეწყება ქოშინი, სახეზე მოლურჯო ელფერი გადაჰკრავს. ამიტომ ეწოდება ცოფს წყლის შიში. მსგავსი რეაქცია შეიძლება განვითარდეს ოთახში მკვეთრი მოძრაობის დროს: კარის გაღების ან დახურვისას, საბნის დაფარვისას და სხვა. ეს არის ე.წ. აეროფობია ანუ ჰაერის შიში. შეტევის დროს ავადმყოფი უცრად კრთება, ხელები უკანკალებს, თავს უკან გადახრის, სუნთქვა უჭირს, განსაკუთრებით – ჩასუნთქვა. ასეთი შეტევების გახშირების შედეგად, ავადმყოფი ძლიერ იფიტება, იღლება. შეტევის განშირებასთან ერთად მას ეწყება ფსიქიკური მოშლილობა, მტანჯველი კრუნჩხვები, ჰალუცინაციები, ხდება აგრესიული, ავლენს არაადამიანურ ძალას, ამტვრევს ნივთებს, იხვეს ტანსაცმელს, გარბის, ყვარის, უხვად სდის წებოვანი ოფლი; ნერვული

იმდენად დიდი რაოდენობით გამოიყოფა, რომ ავადმყოფს არ ძალუძს მისი გადაყლაპვა და განუწყვეტილად აფურთხებს ირგვლივ. ტემპერატურა 40-42 გრადუსს აღწევს. აგზნების პერიოდის მე-3-4 დღეს, ერთ-ერთი შეტევის დროს ავადმყოფი იღუპება გულის ან სუნთქვის გაჩერებით, ან ვითარდება მესამე დამბლის სტადია, რომლის ხანგრძლივობა 15-20 საათია.

ცოფის სპეციფიკური მკურნალობა დღემდე არ არსებობს, მაგრამ არსებობს ამ შემზარავი დაავადების პროფილაქტიკური ღონისძიება – ვაქცინაცია, რომლის არსი იმაში მდგომარეობს, რომ ინაქტივირებული ვირუსების ორგანიზმში შეყვანის გზით, ადამიანს ცოფის საწინააღმდეგო იმუნოტეტი უფრო მოკლე დროში უვითარდება, ვიდრე ცოფის ვირუსი ცენტრალურ ნერვულ სისტემას მიღწევდეს და დაავადება დაიწყებოდეს. ამიტომ დაზარალებულმა დაუყოვნებლივ უნდა მიმართოს პოლიკლინიკის ქირურგიულ განყოფილებას, სადაც ამჟამად ტარდება ანტირაბიული აცრები.

ჭრილობა უნდა დამუშავდეს სარეცხისაპანიანი წყლით და იოდით. თუ ნაკბენი თავზეა, ან ხელის და ფეხის თითებზე, მაშინ უნდა დაიწყოს აცრები დაუყოვნებლივ. პარალელურად წესდება მეთვალყურეობა იმ ცხოველზე, რომელმაც პაციენტი დაკბინა. თუ 10 დღის განმავლობაში ცხოველი არ დაიღუპა, მაშინ იმუნოზაცია წყდება. თუ ცხოველზე მეთვალყურეობა შეუძლებელია (ძაღლი მაწანწალა იყო), მაშინ უნდა ჩატარდეს აცრების სრული კურსი, რომელიც მოიცავს ანტირაბიული ვაქცინის 6 კანქვეშა ინექციას გარკვეული გრაფიკით. თუ ნაკბენი ტანზეა და ცხოველზე მეთვალყურეობა შესაძლებელია, დასაშვებია, რომ არ დაიწყოს იმუნოზაცია 10 დღის განმავლობაში და მხოლოდ ცხოველის დაღუპვის შემთხვევაში ჩატარდეს ვაქცინაცია.

ვირჩევთ, საეჭვო შემთხვევაში, ნუ გარისკავთ საკუთარი სიცოცხლის ფასად. იმუნოზაცია უვნებელია თქვენი ჯანმრთელობისათვის.

გთავაზობთ სამკურნალო-პროფილაქტიკური ვაქცინაციის სქემას – ზუსტი ინფორმაციის ქონა თავიდან აგაცილებთ სავალალო შეცდომებს.

ლაზიანების კატეგორია	კონტაქტის ხასიათი	ცხოველის მდგომარეობა		რეკომენდებული მკურნალობა
		კენის მომენტში	10 დღის დაკვირვების შემდეგ	
1	დაუზიანებელი კანის დაღორბლვა ნებისმიერ ადგილას	ჯანმრთელი, ცოფიანი		არ საჭიროებს
2	შინაური ცხოველის მიერ დაზიანებული კანის საფარველის დაღორბლვა, ერთეული ზედაპირული ნაკბენები ან ნაფხაჭნები ზურგზე, ზელა და ქველა კიდურებზე (თავის, სახის, კისრის, მტკვნების, ხელისა და ფეხის თითების, შორისის, სასქესო ორგანოების გარდა).	ა) ჯანმრთელი ბ) ჯანმრთელი გ) საეჭვოა, რომ აქვს ცოფი დ) ცოფიანია, გაიქცა, მოკლეს, დიაგნოზი უცნობია	ჯანმრთელი ავად გახდა დაილუბა დაიკარგა ჯანმრთელი	არ ინიშნება ცხოველის დაავადების ან დაკარგვისთანავე დაიწყოს მკურნალობა. ვაქცინის 1 მლ კეთდება შემდეგ დღეებში: 0, მე-3, მე-7, მე-14, 30-ე და 90-ე. დაუყოვნებლივ იწყება მკურნალობა ვაქცინის 1 მლ-ით შემდეგ დღეებში 0, 3, 7, 14, 30 და 90. თუ 10 დღის შემდეგ ცხოველი ჯანმრთელი დარჩა, მკურნალობა წყდება. დაუყოვნებლივ იწყება მკურნალობა: 1 მლ ვაქცინა 0, 3, 7, 14, 30 და 90-ე დღეებში (ტარდება სრული კურსი).
3	შინაური ცხოველის მიერ ლორწოვანი გარსის ან დაზიანებული კანის დაღორბლვა, ნაჩხაპნი, დაზიანებები, ნაკბენები თავის, სახის, კისრის, მტკვნების, ხელის და ფეხის თითების, შორისის, სასქესო ორგანოების არეში, მრავლობითი ნაკბენები და ნებისმიერი ლოკალიზაციის ფართო დაზიანებები, ერთეული ღრმა ნაკბენები და ნაჩხაპნები.	ა) ჯანმრთელი ან საეჭვოა, რომ აქვს ცოფი ბ) ჯანმრთელი ან საეჭვოა, რომ აქვს ცოფი გ) ცოფიანია, გაიქცა, მოკლეს, დიაგნოზი უცნობია	ჯანმრთელი დაავადდა, დაილუბა დაიკარგა	დაუყოვნებლივ იწყება კომბინირებული მკურნალობა ანტირაბული იმუნოგლობულინით 0 დღეს (ე.ი. იმავე დღეს) + 1 მლ ვაქცინა 0 დღეს (იმავე დღეს), მე-3, მე-7, მე-14, 30-ე და 90-ე დღეს. თუ ცხოველი 10 დღის შემდეგ ჯანმრთელი დარჩა, მკურნალობა წყდება. დაუყოვნებლივ იწყება კომბინირებული მკურნალობა იმუნოგლობულინი + 1 მლ ვაქცინა 0, 3, 7, 14, 30, 90 დღეებში (ტარდება სრული კურსი) იგივე, რაც ბ-ში.
	ლაპურების და მღრღნელების მიერ მიყენებული ნებისმიერი დაზიანება: ნაჩხაპნი, ნაკბენი, დაღორბლვა დაზიანებულ კანზე			იმუნოგლობულინი + 1 მლ ვაქცინა 0, 3, 7, 14, 30 და 90 დღეს

კითხვა
პასუხი



კითხვა: როგორია თქვენი აზრი წამლების სატელევიზიო რეკლამების შესახებ?

პასუხი: რეკლამა ჩვენი დღევანდელი ყოფის განუყოფელ ნაწილად იქცა. მას შეუძლია სარგებლობის მოტანაც, თუ იქნებოდა ზუსტი და მეცნიერულად დასაბუთებული. მაგრამ სამწუხაროდ, იგი ყოველთვის არ არის კარგად გათვლილი და მოფიქრებული. განა

გონივრულია, რომ „ტელეაფთიაქარი“ თქვენს სიცხიან პატარას გაუსინჯავად უნიშნავს პანადოლს. საქმე ის კი არ არის, კარგია ეს პრეპარატი თუ ცუდი, არამედ ის, რომ ნებისმიერი სიმპტომის მიღმა შეიძლება საკ-

მაოდ სერიოზული დაავადება იმალებოდეს.

სხვადასხვა პრეპარატი შეიცავს კომბინირებულს, რომელთა შესახებ მოკლე რეკლამაში, როგორც წესი, არაფერს ამბობენ და რომელთა მოხვედრამ თქვენს ორგანიზმში შესაძლოა, არასასურველი გართულებები გამოიწვიოს.

როგორც ექიმის პროფესია სრულიად განსხვავდება სხვა პროფესიებისაგან თავისი პასუხისმგებლობით, ასევე წამალი – სამკურნალო საშუალება, არ შეიძლება გაიგივდეს წარმოების სხვა პროდუქციასთან, დაუშვებელია წამლის რეალიზაციის მიზნით ისეთივე მეთოდების გამოყენება, როგორც, მაგალითად, საღებავი რეზინის, ფეხსაცმლის ან სუნამოს რეალიზაციის მიზნით გამოიყენება. უნდა გვახსოვდეს, რომ ამგვარად ჩვენ ადამიანის ჯანმრთელობას და მის სიცოცხლეს ვეთამაშებით.

ამიტომ, საჭიროდ მიგვაჩნია შეგახსენოთ, რომ ერთი შეხედვით თუნდაც სრულად უცნებელ პრეპარატსაც კი ნუ მიიღებთ უკონტროლოდ და ხანგრძლივად.

მოამზადა თამარ მამასაშვილი

ამ რამდენიმე ხნის წინ, საფრანგეთში პოპულარული თოქ-შოუს ერთი მონაწილე ემოციურად ეუბნებოდა მეორეს: „მე თქვენ გიხდით, როცა წიგნს ვყიდულობ; გიხდით, როცა კინოში შევდივარ; როცა მუსიკას ვუსმენ, ან მობილური ტელეფონით ვრეკავ; იმისთვისაც კი, რომ საპირფარეშო ჩაგრეცხო, თქვენ უნდა გადაგინადოთ ფული“ მოქალაქე, ვარდისფერლოცებიან, მოსულ მამაკაცს მიმართავდა, რომელიც ამ დროს მშვიდად უღიმოდა. ამ კაცს ჟან-მარი მესიე ჰქვია.



უნივერსალური მუსიმი მუსიმი

პატივმოყვარეობისგან თავისუფალი ხაცი

„პოლიტიკური ინსტიტუტი რომ დავამთავრე, ვერა და ვერ გადამეწვევითა, რისთვის მომეკიდა ხელი. ჩემი რეზიუმე (ანკეტა) კომპანია TOTAL-ში გავაგზავნე, მაგრამ არ მიმიღეს. დავრეკე, რათა უარის მიზეზი გამეგო. TOTAL-ის ხელწერის სპეციალისტმა შეხვედრა დამინიშნა და ამიხსნა რომ საშინელება მჭირდა: მანერა, რომლითაც ასობეს – I, G და J-ს ვწერდი, მოწმობდა, რომ სრულიად მოკლებული ვიყავი პატივმოყვარეობას, „ეს თვისება კი აუცილებელია კერძო ბიზნესში“, – დასძინა მან. ეს ამბავი ადასტურებს, რომ მათემატიკისა და ფინანსურ გამოთვლათა ფარგლებს მიღმა გასვლისთანავე, ჩვენი ყოველგვარი შეხედულება ინტუიციას ეფუძნება. ამრიგად, გრაფოლოგიაზე დაყრდნობით თუ ვიმსჯელებთ – ყოველგვარ პატივმოყვარეობას მოკლებული ვყოფილვარ!“

ეს გახლავთ ნაწვევები კომპანია VIVENDI UNIVERSAL-ის პრეზიდენტის ჟან-მარი მესიეს ინტერვიუდან, რომელიც მისი ავტობიოგრაფიული წიგნის გამოსვლასთან დაკავშირებით გამოქვეყნდა. ამ წიგნის სახელწოდებაა "J6M.COM. რატომ არ უნდა გვეშინოდეს ახალი ეკონომიკის?“ წიგნი შარშან შემოდგომაზე გამოვიდა – ე.ი. მაშინ, როცა საფრანგეთში ბევრი ეჭვობდა, რომ მესიეს კომპანია, რომელიც ახალი ეკონომიკის მორევში გადაეშვა, შეიძლება ჩაძირულიყო. მესიემ გადაწყვიტა, რომ ეს სწორედ ის დრო იყო,

როცა ღირდა ყველასთვის მოეთხრო, თუ სახელდობრ ვინ არის იგი და როგორ წარმოუდგენია თანამედროვე ბიზნესის განვითარება. შედეგმა ყოველგვარ მოლოდინს გადააჭარბა: მას შემდეგ არა მარტო კომპანია გახდა პოპულარული, არამედ მისი შეფიც – სწორედ ის კაცი, რომელსაც „გრაფოლოგიურად“ არ გააჩნია პატივმოყვარეობა და რომელიც წამდაუწუმ ჩნდება ტელეეკრანებსა და პერიოდიკის ფურცლებზე – თანაც, არა ეკონომიკისა და ფინანსების მოსაწყენ გვერდებზე, არამედ ცარცის ქალაქიანი „პარი მატჩის“ გარეკანზე...

მესიემ სამი უნაკლო სარეკლამო სვლა გააკეთა. ის პირველი იყო, ვინც თავისი შემოსავლები გამოაქვეყნა: 21 მლნ ფრანკი (2,7 მლნ დოლარი) წელიწადში (რომელიც, გადასახადების დაფარვის შემდეგ, 1 მლნ დოლარად იქცა) პლუს VIVENDI-ს აქციების 0,33 %. მეორე – გადაიღო „პარი მატჩისთვის“ ფოტოსურათი, რომელზეც შინ დივანზე წამოწოლილ მესიეს გამოხეული წინდა უჩანს. დაბოლოს: მას არათუ არ მოუთხოვია პოპულარული ტელეგადაცემა „თოჯინებიდან“ თავისი პერსონაჟის ამოღება (ის VIVENDI-ს კონტროლის ქვეშ მოქმედ CANAL+-ზე გადის), არამედ მის შემქმ-

ნელებს თავისი წიგნის სათაურსაც დაესესხა: საქმე ის გახლავთ, რომ კოლეგები მესიეს სახელს ჰკვეცენ და მას მოკლედ, J2M-ის ეძახიან; „თოჯინებში“ მას კიდევ რამდენიმე M-ი დაუმატეს (MOI-MEME MAITRE DU MONDE), რაც ნიშნავს „მსოფლიოს მბრძანებელს, საკუთარი პერსონით“. ასე გამოვიდა J6M. „ვიცი, რომ ადამიანები განდობის მანიაში დამდებდნენ ბრალს, – ამბობს მესიე, – მაგრამ ეს დასახელება ზომ, იმავე დროს, ირონიულიც არის. ასე გამოვხატე ის, რომ არ შეიძლება, საკუთარ თავზე მეტისმეტად სერიოზულად ფიქრობდე“.

PR (PROMOTION – პოპულარიზაციის) მასირებული კამპანიის შედეგად, პუბლიკამ ახლა უკვე ყველაფერი იცის მის შესახებ. მაგალითად, ის, რომ მისი ცოლი ფიზიკოსია და მათ ხუთი შვილი ჰყავთ. რომ მას „მაკინტოშის“ კომპანიის კომპიუტერი ურჩევნია. რომ ის ეკოლოგიურად სუფთა ელექტრომობილით დადის, რომლის სალონშიც ბოლო დრომდე საბავშვო სკამი იყო ჩადგმული. ისიც, რომ თუ დრო გამონახა, შეუძლია პატარა შვილები თავად დაბანოს, უფროსებს კი, გაკვეთილების მომზადებაში მიეხმაროს. რომ ძალიან უყვარს ურთიერთობა ჯულია რობერტსსა და სოფი მარსოსთან, მაგრამ ვერავინ იტყვის, რომ ოდესმე ცოლისთვის ეღალატოს. თავის მთავარ ნაკლად მოუთმენლობას თვლის, მიუტყვევებელ სისუსტედ კი – ღორმუცლობას. დაბოლოს – რომ უყვარს კლასიკური მუსიკა და „ბითლზი“ და ხშირად იმეორებს პოეტ რენე შარის სიტყვებს: „ცხოვრება მეტისმეტად ხანმოკლეა იმისათვის, რომ გულზელდაკრეფილი იჯდე და უცქირო, როგორ მიედინება“.



ამერიკული UNIVERSAL STUDIOS-ი დიდ ასპარეზს აძლევს მომიჯნავე დარგებს: საფრანგეთში, ფასიანი გელეარხი მის ფილმებს აგრიალებს, იაპონიაში ამ ცოცხა ხნის წინ გახსნილი „იურიული პერიოდის პარკი“ უამრავ გურისგს იზიდავს



პოლიტიკური კავშირების წყალობით, მობილური ტელეფონების ქსელი SFR შექმნის დიდძალე ლიდერად იქცა საფრანგეთში

ინტერნეტში, კინოსა და მასმედიაში, და სულ უფრო ნაკლები – ტრადიციულ წყალსადენში, ტრანსპორტსა და ნავის გატანაში. ეს არც არის გასაკვირი: მათი 44 წლის შეფი, ჩანს, სერიოზულად აპირებს გახდეს, თუ არა მსოფლიოს – ახალი ეკონომიკის მბრძანებელი მაინც.

კარიერის დასაწყისი

ჟან-მარის მამა მთავარი ბუღალტერი იყო და საშუალო კლასს განეკუთვნებოდა. შეიღის პროფესიის არჩევანში არც ერთი მშობელი არ ჩარეულა, მაგრამ პრესტიჟულ სასწავლებლებზე ძალზედ შორეული წარმოდგენა ჰქონდათ, ამდენად, მისი არჩევანი – ჯერ პოლიტექნიკური

წყალსადენიდან ჰოლივუდამდე

ბოლო ხუთი წლის მანძილზე კომპანია VIVENDI 25 შერწყმისა და გაერთიანების მონაწილე იყო. ახლა ის ევროპაში უმსხვილესი წყალმომარაგებელიც არის და ჰოლივუდური კომპანია UNIVERSAL-ის მფლობელიც. VIVENDI UNIVERSAL-ის ეკუთვნის აგრეთვე ფასიანი ტელეარხი, გამოცემლობა, მუსიკალური საიტი, მობილური ტელეფონების ქსელი, საქალაქო ტრანსპორტი და, წარმოიდგინეთ, საყოფაცხოვრებო ნავის კომპანიაც.

ჯგუფის წლიური ბრუნვა 65 მლრდ ევროს აღწევს. მედიაბიზნესში VIVENDI-მ უკვე გაუსწრო რუპერტ მერდოკის ავსტრალიურ NEWS CORP-სა და გერმანულ ფირმა BERTELSMANN-ს და ახლა მსოფლიოში მეორე ადგილზეა, ამერიკული კონგლომერატის – AMERICA ONLINE და TIME WARNER-ის შემდეგ. ყოველი მეოთხე დოლარი, რომელსაც ამერიკელები მუსიკალურ პროდუქციაზე ხარჯავენ, VIVENDI-ს ყულაბაში მიდის. ბოლო წლის მანძილზე კომპანიის აქციები 5%-ით გაძვირდა, ამ დროს, სპეციალისტები ამტკიცებენ, რომ მათი შეფასება დაახლოებით 20%-ით არის დაკნინებული. დაქირავებული მუშაკებიც არ ემდურებიან VIVENDI-ს: ის საფრანგეთში ყველაზე დიდი კერძო კომპანია-დაქირავებელია – მიუღ მსოფლიოში გაბნეულ მის თანამშრომელთა საერთო რაოდენობა 290 ათას კაცს აღწევს. ამასთან, ის გაშუღმებით ატარებს სოციალურ დიალოგს და მუშაკთა წახალისებისა და სწავლების პროგრამებს ახორციელებს. ყოველდღიურად, სულ უფრო მეტი ადამიანი ებმება

ინსტიტუტი, შემდეგ – მმართველობის უმაღლესი სკოლა (ENA) – ორივესთვის მოულოდნელი აღმოჩნდა.

ENA პრეზიდენტმა დე გოლმა იმიტოვის შექმნა, რომ იქ საფრანგეთის უმაღლესი მოხელეები და სახელმწიფო მოღვაწეები აღეზარდათ, ამიტომ მის კურსდამთავრებულებს შრომითი მოწყობის პრობლემა არასოდეს ჰქონიათ. ჟან-მარი მესიე ფინანსთა სამინისტროში მოხვდა. სწორედ იქ გაიცნო ჯერ ედუარდ ბალადიურის ნათესავი, მოგვიანებით კი – მისი უახლოესი მეგობარი. ცოტა ხანში ბალადიური ფინანსთა მინისტრი, შემდეგ – პრემიერ-მინისტრი გახდა. 1986 წელს კი მესიე იმ ქვედანაყოფის ხელმძღვანელად დანიშნა, რომელიც პრივატიზაციის საკითხებს განაგებდა.

მაშინ ჟან-მარი 30 წლისაც არ იყო, ასე რომ, შეეძლო ეამაფა, რომ ამ რანგის ყველაზე ახალგაზრდა მოხელე გახდა. ის უდავოდ ნიჭიერი ახალგაზრდა იყო, საკუთარი ძალების რწმენით, სიმშვიდითა და თავის სიმართლეში სხვათა დარწმუნების უნარით გამოირჩეოდა. ენთუზიაზმით მუშაობდა სახელმწიფო საწარ-

პარიზში განთავსებული მოკრძალებული ოფისი VIVENDI-ს პაგრონს აღარ იმიდავს, ამიგომ შემოდგომიდან ის ნიუ-იორკში გადაბარგებას აპირებს

მოთა პრივატიზაციის საკითხებზე, რაც ესოდენ მნიშვნელოვანი იყო მართვის საღავეებთან მეპარჯვენეთა მოსვლის შემდეგ. უფროსებსა და უფროსი თაობის მოხელეებს არ შეეძლოთ დადებითად არ შეეფასებინათ ახალგაზრდა კაცის შრომისმოყვარეობაც და, განსაკუთრებით მოკრძალება, რომელიც სწრაფი კარიერის მიუხედავად, ქედმაღლობით არ შეცვლილა. ისინი გრძობდნენ, რომ კორუფციის მამხილებელი სკანდალების მოწმენიც გახდებოდნენ და ფსონი „კუნდერკინდზე“ დაღეს. ის მეტისმეტად ახალგაზრდა იყო საიმისოდ, რომ თავისი რეპუტაციის შეზღაღვაზე წასულიყო...

მაგრამ 1988 წელს მეპარჯვენეები ხელისუფლებიდან წავიდნენ და მესიემ სამინისტრო დატოვა. ბევრს ეგონა, რომ ის პოლიტიკას მოჰკიდებდა ხელს: მისი კარიერა ძალიან ჰგავდა საფრანგეთის მომავალი პრეზიდენტის – ვალერი ჟისკარდესტენისას, მაგრამ მესიემ ბიზნესი ამჯობნა.

თავდაპირველად, ის დიდ კერძო ბანკში მუშაობდა, საღაც რიგით მეორე პოსტი ეკავა. მისმა საქმიანმა თვისებებმა აქაც იჩინა თავი, მაგრამ უამრავი მოშურნე ჰყავდა – როგორც ბანკში, ისე მის გარეთ. გარდა ამისა, ბანკის ხელმძღვანელობა მეშვიდრეობით, მისი მმართველის ნათესავს ერგებოდა, ჟან-მარის კი უკვე ლიდერობის წყურვილი კლავდა. 1994 წელს ის COMPAGNIE GENERALE DES EAUX-ში გადავიდა. „ის მეტისმეტად სწრაფად მიიწვეს წინ, – ამბობენ ფრანგული ბურჟუაზიის წეს-ჩვეულებათა მცოდნე ადამიანები. – ის მეტისმეტად ახალგაზრდაა, მეტისმეტად დიდი მადა აქვს და მეტისმეტად ბევრი მტერი ჰყავს. ერთ მშვენიერ დღეს ისინი ყველაფერს აზღვევინებენ“.

შვიდი წელიწადი, რომელმაც საფრანგეთი შეძრა

მომავალი VIVENDI-ს ისტორია ძალზე



აქტიურად დაიწყო. ახალგაზრდა კაცმა, რომელსაც ერგო დიდ და ცნობილ კომპანიაში გენერალური დირექტორის პოსტზე მიწვევის პატივი, ამ წინადადების მიღების პირობად, ხელფასი წამოაყენა: მისი მოთხოვნით, ის კომპანიის მხცოვანი პრეზიდენტის გი დეჟუანის გასამრჯელოს ტოლი უნდა ყოფილიყო – სწორედ იმ კაცის, რომელმაც მესიე მიწვევა. ყოველთვის ხელფასმა ნაღდ 1 მლნ ფრანკს მიაღწია, მაგრამ წამოყენებული პირობა შესრულდა. ორი წლის შემდეგ 74 წლის დეჟუანი, რომელიც 20 წლის მანძილზე მართავდა კომპანიას, გადადგა და ეს პოსტი მესიეს გადასცა. ახალ პრეზიდენტს მან სთხოვა, კიდევ ერთი წლის მუშაობის საშუალება მიეცა. მესიემ თავაზიანი და მტკიცე უარი განუცხადა. ის ხშირად ამბობს ხოლმე: ძალაუფლების მიღება შეუძლებელია – ის კაცმა თავად უნდა აიღოს...

ახალ პრეზიდენტსა და გენდირექტორს ნამდვილი ავგაის თავლა ერგო და ისიც გადაუდებლად შეუდგა მის გასუფთავებას. COMPAGNIE GENERALE DES EAUX (CGE) ჯერ კიდევ 1853 წელს, ნაპოლეონ მეცამის დროს შეიქმნა – მას წყლით უნდა უზრუნველყო პარიზი, ლიონი, ვენეცია და კონსტანტინოპოლი. იმ დროისთვის, როცა კომპანია მესიეს ხელში აღმოჩნდა, კონგლომერატში 2740 ცალკეული საწარმო შედიოდა, რომელიც პრაქტიკულად, ყველა სფეროში მუშაობდა. მიუხედავად 164 მლრდ ფრანკის წლიური ბრუნვისა, კომპანია ღრმა კრიზისს განიცდიდა – არა მარტო ვალებისა და მმართველობაში არსებული პრობლემების გამო, არამედ გაუთავებელი სკანდალების, სასამართლო სარჩელებისა და კორუფციაში მხილებათა მიზეზით. მესიემ გადაწყვიტა, რომ ასეთი მემკვიდრე-

ბა არაფერში გამოადგებოდა და გორდიას კვანძი გაჩნდა: 1997 წელს კომპანიას VIV-ENDI დაერქვა – სახელი, რომელზეც არავის შეეძლო ცუდი სიტყვის თქმა. ამრიგად, სკანდალების შლიეფი CGE-ს დარჩა, რაც შეეხება ვალებს, – მესიემ მთელი ტრადიციული ბიზნესი ცალკე ფირმას VIVENDI ENVIRONNEMENT-ს გადაულოცა და ვალებიც მას „აჰკიდა“, თავად კი „ახალი ეკონომიკის“ განვითარებას მიჰყო ხელი.

პირველი ნაბიჯი ამ მიმართულებით ძალზედ ეფექტური, მესიეს პოლიტიკური კავშირების წყალობით აღმოჩნდა: მის მიერ შექმნილი ტელეკავშირების კომპანია CEGETEL-ი და მობილური სატელეფონო კავშირის ოპერატორი SFR-ი საფრანგეთში ლიდერებად იქცნენ და VIV-ENDI-ს ახალი სახის როლი შეასრულეს. ამას მედიამაგნატის კლასიკური ჯენტლმენური ნაკრები მოჰყვა: ტელეარნი (CANAL+), ჟურნალი (L'EXPRESS), გამომცემლობა (HAVAS) და ინტერნეტპორტალის პროექტი. ეს ყველაფერი სულ რაღაც 5 წელიწადში მოხდა. მაგრამ მთავარი გარღვევა, რომელმაც ყველა VIV-ENDI-ზე ალაბარაკა, – კანადურ SEAGRAM-თან გრანდიოზული შერწყმა გახდა, რომლის შედეგად მესიეს კომპანიას „ამაყი“ დაბოლოება გაუჩნდა: VIVENDI UNIVERSAL.

SEAGRAM-ი რამდენიმე მიზეზით იზიდავდა მესიეს. მას სურდა გაეფართოებინა კინობიზნესი, რათა საკუთარი ფილმები ეჩვენებინა საკუთარი ფასიანი ტელეარხით, SEAGRAM-ი კი, პოლიუდური კინოსტუდიების – UNIVERSAL STUDIOS მეპატრონეა. მესიეს სურდა, ინტერნეტის საშუალებით გაეგრძელებინა მუსიკა, SEAGRAMS-ს კი ხმის ჩამწერი სტუდია UNIVERSAL MUSIC და ამ სტუდიაში დაცული მუსიკალური ნაწარმოებთა ვებგვერდული კოლექცია აქვს. დაბოლოს, მესიე ოცნებობდა, თავისი ბიზნესი ამერიკაზეც განეგრძო, ცნობილი ამერიკული მარკების მფლობელ კანადურ კომპანიასთან შერწყმა კი სწორედ ამ პერსპექტივას შლიდა მის წინაშე. 2000 წლის ივნისში გამოცხადდა, რომ VIVENDI 34 მლრდ დოლარად ყიდულობს SEAGRAM-ს. მესიე მსოფლიოში მეორე მედიამაგნატის მფლობელი გახდა.

ყველაფერი წინ არის

მესიე აცხადებს, რომ მისი კომპანია

კანადურმა SEAGRAM-მა მესიე, მისთვის გრადიციული სპირტიანი სასმელებით კი არა, არამედ კინო და მუსიკალური სტუდიებით მიიზიდა


მპანიის მიზანია ლიდერობა ხუთ სფეროში, ესენია: კინო, მუსიკა, განათლება, სპორტი და თამაშები. მისი ბოლო შენაძენი, რომლითაც შეუძლია იამაყოს, ბიზნესგამოცემათა აქტიური განხილვის ობიექტია: VIVENDI-მ იყიდა ინტერნეტ-კომპანია MP3 COM. (327 მლნ დოლარად) და ამერიკული გამომცემლობა HOUGHTON MIFFLIN-ი (2,2 მლრდ დოლარად). მესიე ადრეც იყენებდა თავისი პროდუქციის კროს-მარკეტინგის ხერხს: მაგალითად, ბაზარზე „იურიული პერიოდის პარკის“ თემაზე გამოსული ინტერაქტიური თამაშის გამოჩენა ამ ფილმის ეკრანზე გამოვლას დაამთხვია. ახლა მას ახალი შესაძლებლობები გაუჩნდა: UNIVERSAL MUSIC-ის პროდუქცია მსმენელთან ინტერნეტ-პორტალის მეშვეობით ხვდება (ცხადია, შესაბამისი საფასურით), საიტზე EDUCATION.COM კი, არა მარტო საკუთარი კომპიუტერული თამაშების, არამედ ამერიკული გამომცემლობის მიერ გამოშვებულ სახელმძღვანელოთა მოხსენიება შეიძლება. „ცოტა ხანში, ამბობს მესიე, – ჩვენ საშუალება გვექნება, შემოგთავაზოთ UNIVERSAL MUSIC-ის მთელი კოლექცია, რომელშიც ჩანაწერებთან ერთად, სიმღერების ტექსტები, კონცერტების ბილეთები, ფოტოსურათები და უამრავი სხვა ინტერნეტ-საამოყენება შევა“. ამ მიზნით უახლოეს პერიოდში ამოქმედდება პროექტი, რომელსაც VIVENDI SONY CORP-თან ერთად განახორციელებს (მას DUET, საბოლოოდ კი, PRESSPLAY ერქმევა) და რომლის შედეგად მუსიკალური პროდუქცია ხელმძღვრებისთვის კომპიუტერებიდან და მობილური ტელეფონებიდან მიეწოდებათ. მესიე უკვე შეუთანხმდა YAHOO!-საც იმაზე, რომ მუსიკალური სერვისი ამ პორტალზეც იქნება ხელმისაწვდომი. საბოლოოდ, პროექტი კონკურენციას გაუწევს MUSICNET-ს, რომელსაც AOL TIME WARNER-ი, EMI და BERTELSMANN-ი ქმნიან.

გამჭვირვალობის მომხრე მესიემ ცოტა ხნის წინ საზოგადოებას აუწყა, რომ კომპანიამ ნიუ-იორკში, პარკ-ავენიუზე მისთვის 17,5 მლნ დოლარად შეიძინა ბინა და ცოტა ხანში იქ ოჯახსაც გადაიყვანს, რადგან ამერიკიდან მისი სამუშაო დროის ნახევარს ამერიკაში გაატარებს. ეს იმითაც არის გამოწვეული, რომ ნიუ-იორკის ბირჟის ხელმძღვანელობამ ის ადმინისტრაციულ საბჭოში შეიყვანა. ეს პირველი შემთხვევაა, როცა ფრანგ მთავარი ამერიკული ბირჟის ხელმძღვანელობაში იწვევენ. ასე რომ, მესიეს აქვს საფუძველი – იამაყოს. ის ჭკუას კარგავს ამგვარი რადაცებისთვის: ძალიან უყვარს პირველობა. ■



კვირის (6-12 აგვისტო) ასტროლოგიური პროგნოზი

ღობო - 23/VII-23/VIII



ვარსკვლავები ერთდროულად ბევრ ამიანთან ურთიერთობას გაბრუნებენ. არ შემინდეთ - ეს ალბათ თქვენს დაბადების დღეზე მოსული სტუმრები იქნებიან. ასეც რომ არ იყოს, ამ კვირაში ბევრ წვეულებაში მონაწილეობა მოგიწევთ და აქედან გამოძინარე, გინდათ თუ არა, აქტიური კონტაქტები გექნებათ.

ქალწული - 24/VIII-23/IX



ისეთი პრობლემა ამოგიტივტივდებათ, რომელიც დიდი ხნის გადაჭრილი გვეონათ. სასოწარკვეთას ნუ მიეცემით, შეეცადეთ, გაერკვეთ - რა შეცდომა დაუშვით და ხელახლა სცადეთ საკითხის გადაწყვეტა. შეეძლიათ აგრეთვე დასახმარებლად, ძველბრებსაც მოუხმეთ, განსაკუთრებით კი (ნუ გაგიკვირდებათ) - თქვენზე ასაღვაზრდებს.

სასწორი - 24/IX-23/X



იმის საშუალება მოგეცემათ, რომ სამყაროს ცქერით შემოიფარგლოთ და სხვათა ფუსფუსს მიაღწიოთ თვალი. ოღონდ, ეცადეთ მეტიმეტად არ მოდუნდეთ, თორემ შეიძლება საფულეც დაკარგოთ: ეს კვირა თქვენთვის „ზარმაცა“ იქნება, ამასთან, მცირე ფინანსური დანაკლისიც გაქვთ ნაწინასწარმეტყველები.

ღრიანკალი - 24/X-22/XI



ემოციებითა და ვნებებით იმდენად დატვირთული კვირა გელით, რომ უნებლიეთ შექსპირი გაგახსენდებათ. თუმცა, იმის ნუ შეგეშინდებათ, რომ ვინმე ყურში შხამს ჩაგაწვეთებთ - ეს თქვენ არ გემუქრებათ. სამაგიეროდ, მღელვარე სასიყვარულო თავგადასავალი და ღრმა განცდები გარანტირებული გაქვთ.

მშვილდოსანი - 23/XI-21/XII



თქვენთვის ორი სიახლე გვაქვს - ცუდი და კარგი. კარგი იმაში მდგომარეობს, რომ ყურადღების ცენტრში მოექცევით, რაც ყოველთვის სასიამოვნოა, ცუდი კი - იმაში, რომ ეს ყურადღება მუდამ სასიკეთო არ იქნება: მაგალითად, თუ თქვენ ბიზნესმენი ბრძანდებით, შესაძლოა, სწორედ ამ კვირაში გესტუმრთოთ საგადასახადო სამსახური...

თხის რქა - 22/XII-20/I



აუცილებლად შეიძინეთ რაიმე თქვენთვის, თუნდაც წვრილმანი: უბრალოდ, შენატენი განსაკუთრებულ სიამოვნებას მოგვგვრით და, რაც მთავარია, ცხოვრებას გაგიხალისებთ. გაითვალისწინეთ, რომ ამ კვირაში ნაკლებად სასიამოვნო სიახლაც არის შესაძლებელი: მეტი ყურადღება მიაპყრით კოლეგებს - ზოგიერთ მათგანს თქვენდამი პრეტენზიები დაუგროვდა.

მკრეწული - 21/I-19/II



თავს გარეშე თვალით შეხედეთ და დარწმუნდებით, რომ მშვენიერ ფორმაში ბრძანდებით. ამიტომ, წუწუნს თავი უნდა დაანებოთ, თუნდაც უკმაყოფილო იყოთ ამა თუ იმ წვრილმანით. გაითვალისწინეთ ისიც, რომ დროა ინიციატივა გამოიჩინოთ. მცირედით დაიწყეთ - მაგალითად, უახლოეს დღეებში საყვარელი ადამიანი თეატრში დააბატოთ.

თაყვანისმცემი - 20/II-20/III



გადადით წყლის პროცედურებზე - ე.ი. თქვენს სტიქიაზე! ინტენსიური მუშაობისა და საშინაო საქმეების მოგვარების პერიოდი დახურულად გამოაცხადეთ და რომ იტყვიან, პირდაპირ წყალში გადაეშვით: ახლა თქვენთვის აუცილებელია ბუნებაში გასვლა და ლაღი, მხიარული დასვენება.

მშვილდოსანი - 21/III-20/IV



ეცადეთ, ზედმეტი არ მოგივიდეთ: როცა საქმე კარგად მიდის, ცლუნებაც ღიღია, რომ ყველაფრის გადაკეთებაც მოინდობთ. მაგრამ ამგვარად, შეიძლება გადაიტვირთოთ კიდევ. ძალზედ ნაყოფიერი და წარმატებული კვირა გელით, მაგრამ შესაძლო უსიამოვნებათა ასაცილებლად თქვენთვის ხელსაყრელი იყოს ეგოიზმი გამოიჩინოთ, ამიტომ სხვისი პრობლემების გადაჭრას ნუ ეცდებით.

მშვილდოსანი - 21/IV-21/V



ყველაზე მეტად ახლა ის მოგიხდებათ, რომ ვინმე ჭკვიანმა და ძლიერმა ადამიანმა აგიხსნათ, როდის რა უნდა აკეთოთ, უფრო უკეთესი კი ის იქნება, თუ თავად გააკეთებთ ყველაფერს თქვენ მაგივრად. ვერაფრით გაგახარებთ: სინამდვილეში სწორედ თქვენ მოგიწევთ იყოთ ჭკვიანიცა და ძლიერიც, რჩევებიც მისცეთ სხვას და საქმესაც უხელმძღვანელოთ...

მარცხი - 22/V-21/VI



ყველაზე მეტად ამ კვირაში თქვენთვის ორი რამ იქნება უმნიშვნელოვანესი: პირველი - კულინარია, გურმანის ცხოვრების ყველა სიამოვნების გამოცდას მოინდობთ... მეორე - ჭრა-კერვის ხელობა და თქვენი საცხოვრებლის გალამაზებისთვის ზრუნვა იქნება, რაც თქვენში ყოველგვარ სოციალურ აქტივობას დაჩრდილავს.

მარცხი - 22/VI-22/VII



თუმცა ბუნებით შინჯლობა უფრო გიყვართ, ამ კვირაში გამგზავრების დიდი შანსი მოგეცემათ. შეეწინააღმდეგებით ამას თუ არა - ეს თქვენ საქმეა. ხანმოკლე მოგზაურობა არ მოგიტანთ არც განსაკუთრებულ სიხარულს და არც რაიმე უსიამოვნებას.

როგორი მეგობარი ხარ?

ყველას უნდა ჰყავდეს მეგობარი, რომელსაც ენდობა და საჭიროების დროს დაეყრდნობა, მაგრამ ცოტა ვინმე თუ ფიქრობს საქმის მეორე მხარეზე — თავად რამდენად პასუხობს იმ მოთხოვნებს, რასაც სხვებს უყენებს. აღნიშნული ტესტის საშუალებით შეძლებთ გაერკვეთ, რამდენად კარგი მეგობარი ხართ. ეცადეთ, რაც შეიძლება ზუსტად უპასუხოთ შეკითხვებს:

1) თუ თქვენი რომელიმე ახლობლის შესახებ იცით ბევრი სახალისო ამბავი:

- ა) მოუყვებით სხვებს - 1;
- ბ) მოყვებით, ოღონდ ამ ამბის მონაწილეებს სახელს შეუცვლით - 2;
- გ) არავის მოუყვებით - 3.

2) მეგობარი ხშირად თხოვლობს თქვენგან სხვადასხვა ნივთს, მაგრამ არასოდეს გიბრუნებთ. ახლა ისევე რაღაცის სათხოვნელად მოგადგათ:

- ა) მისცემთ იმათ, რასაც გთხოვთ - 2;
- ბ) ეტყვიან, რომ მისთვის საჭირო ნივთი არ გაქვთ - 1;
- გ) უარს ეტყვიან და ამის მიზეზსაც აუხსნიან - 3.

3) თუ მეგობარმა შემთხვევით გაგიტყუათ საათი, როგორ მოიქცევით?

- ა) ეტყვიან, რომ მაინც ახალი საათის ყიდვას აპირებდით - 3;
- ბ) მოსთხოვთ, გადაგიხალოთ საათის საფასური - 2;
- გ) წაეჩხუბებით და შემდეგ აპატიებთ - 1.

4) თუ თქვენი მეგობარი ისეთ ადამიანთან მეგობრობს, რომელიც არ გიყვართ, თქვენ:

- ა) მეგობარს აღარ შეხვდებით - 2;
- ბ) არაფერს ეტყვიან და მასთან მეგობრობას ჩვეულებრივად განაგრძობთ - 3;
- გ) ეტყვიან მეგობარს, რომ გააკეთოს არჩევანი თქვენსა და მეორე მეგობარს

შორის - 1.

5) თუ გრძნობთ, რომ თქვენი მეგობარი შეიძლება მალე სერიოზულ უსიამოვნებაში გაეხვევს:

- ა) შეწყვეტთ მასთან მეგობრობას, თავდაც რომ არ დაზარალდეთ - 1;
- ბ) გულახდილად დაელოდებით - 3;
- გ) მასთან ურთიერთობას ძველებურად განაგრძობთ - 2.

6) თვლით, რომ ნამდვილი მეგობარი ვალდებულია:

- ა) ყველაფერი გაგიმზილოთ - 1;
- ბ) მარტო ის მოგიყვებოდ, რასაც თავად ჩათვლის საჭიროდ - 3;
- გ) თავისი ფიქრები და პრობლემები თავისთვის შეინახოს - 2.

7) თუ შეიტყვეთ, რომ თქვენს მეგობარს ფული სჭირდება, თქვენ კი გაქვთ საშუალება, ასესხოთ, მეგობარს ეტყვიან:

- ა) „აიღე ფული, ამით მხოლოდ სიამოვნებას მომანიჭებ“ - 2;
- ბ) „მასსოვს, რამდენჯერ დამხმარებიხარ, ამიტომ ვალდებული ვარ, თავადაც ასე მოვიქცე“ - 3;
- გ) „ფულს ვერ მოგცემ, უფრო ეკონომიურად უნდა გეცხოვრა“ - 1.

8) რას მოიმოქმედებთ, თუ მეგობრისგან ფულის ვალად აღება გასურთ?

- ა) მიანიშნებთ - 1;
- ბ) პირდაპირ სთხოვთ - 2;



- გ) არაფერს ეტყვიან - 3.
- 9) თუ მეგობარმა ისეთი ტანსაცმელი შეიძინა, რომელიც, თქვენი აზრით, არ უხდება, თქვენ:**
 - ა) ეტყვიან, რომ ძალიან უხდება - 2;
 - ბ) ეტყვიან, რომ არ უხდება და აუხსნიან რატომ - 1;
 - გ) არაფერს ეტყვიან - 3.
- 10) თვლით, რომ თქვენი მეგობარი:**
 - ა) თქვენზე უფრო ჭკვიანია - 2;
 - ბ) ნაკლებად ჭკვიანია - 1;
 - გ) დაახლოებით ერთნაირი გონიბრივი მონაცემები გაქვთ - 3.

დააჯანაგეთ მიღებული ქულები

21-30 ქულა: ნამდვილად კარგი მეგობარი ხართ. მეგობრები გენდობიან და აღფრთოვანებულნი არიან თქვენით. შეგიძლიათ დარწმუნებული იყოთ, რომ საჭიროების შემთხვევაში მათი უმეტესობა გვერდში დაგიდგებათ.

15-20 ქულა: ბევრი მეგობარი გყავთ, მაგრამ ისევე, როგორც ადამიანების უმეტესობა, თქვენც ხანდახან მათთან ურთიერთობაში ატყობთ, რომ ისე ვერ გიგებენ, როგორც გასურთ. როცა არ იცით, როგორ

მოიქცეთ, შეეცადეთ, თქვენი თავი სხვა ადამიანის ადგილას წარმოიდგინოთ.

10-14 ქულა: საკუთარ თავს ზოგჯერ მეტი ყურადღებით ექცევით, ვიდრე გარშემომყოფებს. სწორედ ეს არის წინააღმდეგობა, რომელიც ჭკუმიარაობის გზაზე გეღობებათ. იმისათვის, რომ კარგი მეგობარი გახდეთ, შეეცადეთ სხვათა ინტერესებსა და პრობლემებს ოდნავ მეტი ყურადღებით მოეკიდლოთ.



ცოლის ღდატი მხოლოდ დამაზებთან შეიძლება

იტალიელმა ფსიქოლოგებმა ქალის ფსიქოლოგიის საინტერესო თავისებურება დაადგინეს: ქალი თურმე გაცილებით ადვილად პატიობს მამაკაცს ღალატს, თუ მეტოქე გარეგნულად მიმზიდველია. თუ დავუჯერებთ გამოკვლევას, რომელიც პაციენტთა დაკვირვებებს ეყრდნობა, აღნიშნული პარადოქსი ქალთა 20%-ს ეხება, თუმცა ოჯახის შესანარჩუნებლად ფსიქოლოგები გვირჩევენ, პატიოსნად გამოვუტყდეთ ზოლმე მეუღლეებს ჩადენილ ღალატში და საერთოდ, ოჯახში სრული ნდობის ატმოსფეროს დამკვიდრებას მივაღწიოთ.

ავტომოყვანილი მაიმუნები

თურქულის ეპიდემიის გამო, ცნობილი ინგლისური ნაკრძალი ლონგლიტ საფარი დამთვალეირებელთათვის დროებით დახურეს. ჩვეულებრივ, იქ ტურისტები თავისუფლად დადიოდნენ პარკში და ამით მაიმუნებსაც უსხალისებდნენ ცხოვრებას. პარკში 80-მდე რეზუსის ჯიშის მაიმუნი ბინადრობს, რომლებსაც განსაკუთრებით უყვართ ავტომანქანებზე ძროძილი, სიგნალის მიცემა, საჭის ტრიალი... ბუნებრივია, დახურვის შემდეგ რეზუსებმა ძალიან მოიწყინეს. ამის შემხედვარე, პარკის თანამშრომლები დაფიქრდნენ, რით გამოეცოცხლებინათ მაიმუნები დაბოლოს, მოიფიქრეს: ავტომოყვარულ მაიმუნებს რამდენიმე ძველი მანქანა მოუყვანეს და სრულ განკარგულებაში გადასცეს. რეზუსები მყისვე გამოეცოცხლდნენ და პარკი კვლავ გაივსო მათი ალტაცებული ხმებით.



ვინ ვის ჰბაძავს?

პრესაში არაერთხელ დაწერილა, რომ მგალობელი ჩიტები ძალზედ აქტიურად ჰბაძვენ მობილური ტელეფონების ზარებს, მაგრამ თურმე საპირისპირო პროცესიც შეინიშნება: როგორც სააგენტო „როიტერი“ იუწყება, ფინეთში განსაკუთრებული პოპულარობით სარგებლობს იმ ზარების მელოდები, რომელიც ამა თუ იმ ფრინველის ჭიკჭიკის მიხედვით ჩაიწერა. ამ ხმების ციფრულ რეჟიმში გადაყვანასა და გაყიდვას ხელი მოჰკიდა ფრინველთა ფინურმა საზოგადოებამ. პროექტის ამოქმედებიდან პირველ ერთ თვეში ასეთი ზარები თავიანთი მობილური ტელეფონებისთვის 200 ათასამდე აღამიანმა შეიძინა. მომსახურება 5 მარკა ღირს.

ქურნალი „გზა“ ახსნაღებს კონკურსს „ორიგინალური რუბრიკა“

ნავისიერი ჟურნალისტს (არაჟურნალისტსაც) შუაქლია წარმოადგინოს ჟურნალის გვირდის ან რუბრიკის ორიგინალური ვარიანტი. კონკურსში გაბარჯივებული უზრუნველყოფილი იქნებიან სტაბილური სასახურით (შესაძლებელია ერთჯერადი ანაზღაურებაც). რუბრიკის იღავა და შინაარსი გთხოვთ წარმოადგინოთ წერილობით, რაღაშტიაში, ან გამოგზავნოთ „კვირის პალიტრის“ („სიტყვა და საჰმის“) საფოსტო მუთავის საშუალებით.

ინფორმაციისთვის დარეკეთ: 33-50-32

ფანტაზია • ფანტაზია • ფანტაზია • ფანტაზია

ჩვენი ჟურნალის წინა ნომერში შემოთავაზებული რუბრიკის – „ფანტაზიის“ პასუხად მკითხველთა მიერ გამოგზავნილი ქვითრების მიხედვით, გაიმარჯვა ქალბატონმა ელენე თევდორაძემ.

ვულოცავთ ქალბატონ ელენეს და ვუსურვებთ წარმატებებს!

შელახული ავტორიტეტი

(მკითხველის გვარი, სახელი)

(ცნობილი პიროვნებები)

ამ რუბრიკით თქვენი წარმოსახვის გაგარჯიშებას გთავაზობთ. გაითვალისწინეთ ჩვენი კომენტარი და ფოტოზე აღბეჭდილ სახეს ის ცნობილი პიროვნება მოარგეთ, რომელიც ყველაზე მეტად მოუხდება. ჟურნალის შემდეგ ნომერში ფოტო იმ პიროვნების სახით გამოქვეყნდება, რომელიც ყველაზე მეტ ხმას დააგროვებს.

გთხოვთ, შეავსოთ ქვითარი და პასუხები გამოგვიგზავნოთ, თბილისში განთავსებული „კვირის პალიტრის“ საფოსტო ყუთების საშუალებით. ქვითარი ჩააგდეთ სამშაბათის (7 აგვისტოს) 13 საათამდე.



**„ფანტაზია“
უელახული
ავტორიტეტი**




**ფანტაზიორებს
კითხვალი“**

**უელახური
და ვიხოდა**

**ესი მოგზაური გოგონა
საქართველოში ჯავახეთიდან
შემოვიდა:**

6 102 / 27



**— იმ ღამეს სოფელს მივადექით...
მანამდე, მთელი კვირა ადამიანი
არსად გვინახავს...**